

778

THEOLOGIA.


~~N. 1166~~



311269

I St. Druki

XI VII 181



In libro hoc ostenditur, non fas esse,
contra magistratum arma capere.

(liber valde rarus)

4.
AD IACOBI PALAEOLOGI LIBRUM,

Cui titulus est,

DEFENSIO VERÆ SENTENTIÆ
DE MAGISTRATU POLITICO
&c.

Pro Racoviensibus

R E S P O N S I O

A FAUSTO SOCINO SENENSE
conscripta:

Antehac suppresso auctoris nomine edita.

Paulus 2. ad Corinth: 5.

Vetera transierunt. & ecce sunt

facta omnia nova.

*In robore DEI Sion hinc salus. Nest. J. ante merid.
Kalendas Aprilis. 1627. [g. 1. 1. 1. 1.]*

R A C O V I Æ,

Typis Sebastiani Sternacii

Anno Christi 1627.

344269

I St. Dr.



Faint, illegible text, possibly bleed-through from the reverse side of the page.

3
IN RESPONSIONEM PRO RA-
COVIENSIBUS Auctoris Prefatio ad ipsum
Palæologum.

NON dubitabam, Iacobe Palæologe, cum hanc tibi pro Raco*v*iensibus respondendi provinciam susciperem, quin tibi id non modo nōdum accideret, sed etiam temerarium videretur, meq; vehementer accusares, qui abs te ne verbo quidem lacessitus tecum contendere, & in alienam messem (quod aiunt) falcem immittere ausus essem. Id quod mihi ipsi, ut verum fatear, mirum quodammodo videtur, praesertim cum considero quis nam ego sim, qui cum Palæologo tanto viro, tantaq; eruditione, atq; eloquentia polleente disputando congre-
di, & manum conserere non dubitem. Nec sanè hoc meum factum probare ipse possem, nisi religionis negotium non privati, sed publici cuiusdam iuris esset. ut civil. bes aduersus eos, qui veram pietatem, vitæq; innocentiam, quibus uniuersa religio continetur, aut conuellere, aut labefactare quoquo modo tentant, diuinis armis pugnare, ipsisq; fortiter resistere semper licuerit. maxime vero, si per speciem pietatis, sive prudentes, sive imprudentes, tam impium facinus aggrediantur. Quod te libro tuo aduersus Raco*v*enses nuper edito facere, mihi quidē persuasissimum est, idemq; omnibus piis, qui modò responsionem hanc meam perlegere gratari non fuerint, persuasum iri planè confido. Huc accedit, quod Raco*v*enses isti, sive Raco*v*iensis cætus, quem tu petis, atq; oppugnas, vel non amplius extat, vel ita hodie mutatus est, & in aliam quodammodo formam versus, ut agnosci nō queat, atq; ob eam ipsam causam tu quidem cum lar*v*is (ut dicitur) luctatus fuisse videre, ego verò nullo modo aliena, sed, qua innocentium hominum prorsus communita iam sint facta, curasse, nec quod aliorum proprii muneri erat, in me irastulisse, sed desertam pane causam

a a

P R Æ F A T I O .

*Jam defendendam suscepisse, iurè dici possim. Etsi enim
 scis adhuc Gregorius Paulus auctor scripti illius con-
 tra sententiam tuam RACODIENSIS nomine conscripti,
 tamen is, ut arbitror, non se, sed cætum illum eius scripti
 auctorem agnoscit. Sult. ac præterea, ut audio, ita præ ege-
 state, & familiaris cura necessario onere a litterarum
 studiis iam pridem alienus est factus, tamq; non bona
 senectute utitur, & (quod huc maxime pertinet) tanto
 præsertim oculorum perpetuo vitio laborat, ut desperan-
 dum omnino videatur, illum, ut tibi respondeat, calamum
 unquam in manus esse sumpturum. Atqui tu bene cor-
 datum virum, & doctum hominem, quiq; in Dei ecclesia
 nec parum, nec segniter laboravit, responsione tua ad
 scriptum illius ita condicis, & maledictis incosis, atq;
 proscindis (nam, ut cætera multa omittam, & sanum e-
 um & indoctissimum scriptorem nominas, & desidem
 atq; otiosum ventrem appellas) ut maxime pium mihi vi-
 sum fuerit non solum ea, qua ab ipso verè, & piè sunt scri-
 pta, sed eadem operâ eius quoq; famam, & existimatio-
 nem a tuis sophismatis, & calumniis, quantum in me e-
 rit, asserere, ac vindicare. Nam quod ego, qui, tibi colla-
 tus, homuncio dici rectè possum, tecum dimicaturus in
 hanc arenam descendere sim ausus, nulli mirum vide-
 ri debet, qui, quanta iustitia, & veritatis vis esse soleat,
 animadvertit. præsertim verò, cum de pietate, ac reli-
 gione agitur, ubi iustitiâ, & veritate, propria & summa
 præpotentis Dei gloria continetur, quem causam suam
 defenditurum, minimè credendum est. Tritum est exem-
 plum pueri Davidis, qui gigantem Goliathum Dei ope, ac
 presidio fretus, quamvis nudus propemodum, & inermis
 esset, ille verò armis undiq; septus, & mirificè instru-
 ctus, non modò est aggressus, verum etiam facile vicit,
 atq; prostravit. Qui naberis fortasse, quod meum nomen te
 celare soluerim, sed iniuriâ id a te fiet. Quid enim tibi
 nominis mei vel ignoratio in hoc certamine nostro obesse
 potest, vel notitia prodesse? Non enim utrius nostrum pu-
 gna*

1 Sam: 17.

gna cum homine ipso esse debet, sed cum illius sententia. Nec
 minus tibi tua defendere, & mea impugnare licebit ignoran-
 ti, quam scienti nomen meum. Nec vero ego, quod mihi sit no-
 tum nomen tuum, eò paratior ad te oppugnandum ero, nisi ex
 ipso Paleologi nomine aliqua scommata in te iaciendi mihi
 facultatem suppeditatum iri dicamus. ut (exempli causa)
 quod verè ΠΑΛΑΙΟΛΟΓΙΚΕΣ liber tuus, cum nihil in religi-
 one nisi vetusta & antiquata quadam cogites (ut sic dixerim)
 atq; loquatur. Sed me & ab hoc, & ab aliis omnib; tempera-
 turum spero, ne ullo pacto impari conditione mecum pugna-
 turus esse videare. Ego quidem nomen tuum, id est auctorem
 libri illius, contra quem scripturus sum, ignorasse malle-
 atq; in ea sum sententia, in litterariis disceptationibus, mul-
 to autem magis in iis, quæ ad religionem pertinent, nomina
 disceptantium cum aliis omnibus, tum alterius alteri ignota
 indicem esse præstare, quàm cognita. Sic enim mutuis contu-
 meliis, probris, irrisionibus extra causam, immo contra i-
 psam causam indulgendi minor datur occasio, nec alicuius
 existimationem ladendi periculum subitur. Quid, quod sapi-
 us contingit, alterutrius partis sententiam eiusmodi esse, quæ
 vel ipsa per se omnino, vel præcè intellecta, vel ab adversario
 aut verbis leviter deformata, aut argumentis (rectè ne, an se-
 cus) invidiosa reddita, possit auctorem infortunarum, & ca-
 pitis discrimen adducere? Qualis certè est ea de gerendo in
 Ecclesia magistratu sententia, quam tu impugnas, immo ex
 cuius impugnatione, seu contraria sententia defensione, quã-
 vis alia de re, hoc est de bello, tibi cum Racoënsibus præci-
 pua controversia esset, titulum tuo libro quasisti. Quare, si te
 hominem christianum præstare voluisses, non debueras sal-
 tem in ipso libro edendo nomen alicuius adversarii appone-
 re. quin potiùs, ne ullo modo apponeretur, quàm diligentissi-
 mè curandum tibi fuerat. Non enim ignoras, quàm necesse
 sit, ut ipsi reges, in quorum manu vita, necuq; nostræ imperi-
 um Deus posuisse dici potest, illi sententiæ sint insensi. Neq;
 verò minus scriptum illud adversus id, quod tu prior ea de re
 scripserat, exaratum diligenter excutere, & refellere tua re-

PRÆFATIO.

sponse potuisses, si *Racodienſium*, & *Gregorii Pauli* no-
 minibus pepercisses. nec minus ei cauſa, quam optimam ef-
 ſe arbitraris, opitulatus eſſes, ſi ne loci quidem, aut regionis,
 ubi ea quaſtio agitata fuiſſet, ullam mentionē feciſſes. Quod
 cum aliter factum a te fuiſſe uideamus, haud ſanè iniuriā
 complures bonos viros in eam ſententiam ueniſſe intelligo,
 ut tu non tam ueritatis defendendæ, diuinaq; gloria, atq; ho-
 minum ſalutis propagandæ ſtudio ad eam ſcriptionem im-
 pulſus, quam inuidiam tuis aduerſariis conciliandi, tibiq;
 illorum incommodo, & ruina commodum aliquod, & ſtabi-
 litatem quamdam comparandi ſpe haud leuiſſima adductus
 fueris. Qua tamen ego in re nihil affirmo, cum fieri poſſit, ut
 præ incogitantia in eum errorem nomina aduerſariorum pu-
 blicandi incideris. In eo profectò, ſi id, quod iſti putant, tibi
 propoſitum fuit, incogitans fuiſſi, aut potiùs uehementer de-
 ceptus es, quod ſententiam tuam de bello a chriſtianis homi-
 nibus gerendo iis, qui dominantur, planè acceptam eſſe de-
 bere exiſtimasti. cum tamen, ſi prudentes fuerint, eam non
 admodum (hoc præſertim tempore) ſint probaturi. Qua de re
 aliquid fortaſſe apertius in ipſa reſponſione a nobis dicetur.
 non ita tamen explicatè, ut res ipſa poſtularet, ne, dum nihil
 aliud curo, quàm ut aduerſariorum ſententiam diuiniſ
 oraculis conſentaneam eſſe, tuam uerò ab iis mirum in modum
 diſſentire, oſtendam, illos uiris principibus caros, te autem
 iuſdem inuſum reddere ſoluſſe uidear, atq; in eo ipſo pec-
 caſſe, quod tibi non iniuriā aſcriptum fuiſſe, merito ſuſpicari
 licet. Id de te certò ſtatuerè quilibet omnino poſteſt, te aduer-
 ſariis tuis, ſi de eorum ſcripto non pauca aſſingere, quemad-
 modum ſuis locis planum faciemus, aliterq; ac deceat, non
 raro eorum mentem interpretari, & plerumq; quibus ratio-
 nibus tuam ſententiam oppugnent, ſuamq; defendant, non
 rectè percipere. Quod ſi ipſi uel in ipſis rationibus concluden-
 dis, uel in ſacris teſtimoniis interpretandis alicubi forſè ſunt
 lapſi, a teq; merito reprehendi, id ſanè mirum uideri non de-
 bet. Nam tu ipſe in utroq; iſtorum adeò frequenter laboris, ut
 nimis operoſum futurum ſit, omnia errata tua uel indicare.

Quod

Quod certè nec fieri necesse est. multa enim sunt, quæ ad rem
 non faciunt. Non pauca tamen, Deo Volente, retegimus, ut
 hac ratione possint rudes lectores agnoscere, quæ fides Verbi
 tuis sit adhibenda, & tu ipse de tuis quibusdam quasi placis
 & decretis, si modò id fieri potest, aliquando tandem du-
 bitare incipias, doctrinamq; tuam, & stilum non ad Christi
 regnum (quantum in te est) demoliendum, ut facis, sed con-
 firmandum, & amplificandum convertas. Id quod te præca-
 sim multò libentius, quàm publicè monuissem (ne me hic
 contra christiana præcepta peccasse dicas) si per tui libri edi-
 tionem licuisset. Verum, cum tu, libro isto edendo, publicè ad-
 versus homines pios, & Christo fidentes, adeoq; ipsum Christum
 arma sumpsisse videaris, & metuendum sit, ne causa, quam
 etiamsi tui libri inscriptio aliud præ se ferat, potissimum de-
 fendis, & pro qua tam acriter pugnas, ut quæ alioqui sacra-
 bilis admodum videatur, & propterea quia humanis commo-
 dis mirum in modum sædet, vulgò etiam Vehementer probe-
 tur, tantum patronum nacta, iis etiam probari incipiat, quæ
 ei merito hæcenus adversantur, huic malo publicè obdian-
 dum fuit, & ius in errore perniciosissimo confirmando
 hæc error, sive astus palàm traducendus. Misto, quòd exigua
 admodum spes est, hominem, qui ita a se severanter, ac confi-
 denter loquatur, ut tu facis, & alios, qui aliter, & ipse senti-
 unt, scripto edito tanta cum severitate docere, & obiurgare
 instituat, quantum vis placidè atq; amicè monitum, suarum
 opinionum falsitatem umquam agniturum, & quæ iam di-
 xerit, aut scripserit, damnaturum. Tecum tamen in hac ad-
 librum tuum responsione mea perpetuò loqui libet, cum, ut
 me animo in te inimico non esse, quæ ratione possum, omni-
 bus declarem, tum verò, ut consilium meum facilius sequar.
 quod est te nullis prorsus conviciis, aut maledictis appetere,
 sed reprehensionibus tantum redarguere, & ratione, atq;
 auctoritate convincere. Quòd sicubi nihilominus te gravius
 pupugero, indicabit, spero, æquus ac prudens lector, sic locum
 ipsum omnino requirere, idq; non aliquà animi mei impo-
 tentiâ, sed summa rei, cuius causa te reprehendero, indigni-

P R Æ F A T I O .

itate fieri. Te quidē contumelia afficere, ut mihi ipsi, & causae, quam aeternus sum, valde inutile foret, sic a consilio meo, ut dixi, atq; proposito Vehemēter abhōrret. Decevi enim, quem admodum in ipsa causa a te quā maximē disideo, sic hac in re mi quā dissimillimus esse, qui non Gregorium modō Paulum, ut dictum est, contumeliis oneras, sed in Racōdienses illos omnes idētidem acerbissimē invehis, & tantum non debaccharis. Non est hoc Palaologe (mihi crede) dignum gravitate tua, non eruditione, non rerū usu, non deniq; christiani nominis professione. Nec porrō quidquam est, quod, non dicam ipsos adversarios tuos, sed alios quosvis non planē stupidos homines a sententia tua amplectenda, etiamsi verissima esset, aequē revocare possit, atq; indignissimi modi, quibus adversarios accipis, teq; adversus illos tueris. Qua re nihil magis proposito tuo (si modō eius, quam veritatem divinam esse contendis, propagatio tibi cordi est) contrarium esse potest. Sed de hoc ipse videris. Nos ad id, quod nobis propositum est, accedamus, & quem ordinem, tibi pro Racōdiensibus respondendo, servaturi simus, ante omnia breviter exponamus.

Primum igitur, quidquid in expositione sententiae tuae de bello reprehendenda recte a Racōdiensib; dictum fuerit, quod ad rem, de qua inter vos agitur, maximē pertineat, a responsionibus tuis vindicabimus, nec non, ubi opus fuerit, confirmabimus. Deinde praecipua ferē, quae tu non recte in illorum scriptio reprehenderis, explicabuntur. Tum verō reliqua, si non omnia, saltem potiora, quae a te pro confirmanda sententia tua, & adversariorum refutanda ubiq; congesta, & allata fuerint, excutiemus, ac refellemus. Postremo insigniora quadam errata tua, quae antea attingere commodum non fuerit, siue in priore tuo scripto sint, siue in posteriore hoc, quo adversus Racōdienses prius illud iutaris, colligemus, & patefaciemus. Quo facto, finis huic nostrae responsioni imponetur. Itaq; in quatuor partes tota disputatio dividetur. In quibus singulis exequendis nullum ferē alium ordinem sequemur praeter eum, quem ipsa tua, tuorumq; adversariorum scripta nobis suppeditabunt, ut statim apparere incipiet, Iamq; ad rem ipsam aggrediamur.

RESPONSIONIS

AD IACOBUM PALAEOLOGUM

Pro Racoviensibus

PARS PRIMA.

Dixerant Racovienses, ut in initio eorum CAPVT
I.
scripti unà cum scriptis tuis editi Pag. videlicet totius voluminis 56. aperte constat, sibi non probari scriptum tuum de bello. Primum quidem, quòd fictum Christum introducere videretur, Deinde verò, quòd aliena instituta contraria veris a Christo ipso traditis induceret. Tu & haec duo in unum conjungis, & ais, Racovienses ad hunc modum adversus sententiam tuam argumentari. Qui aliter interpretatur dicta Christi & Apostolorum quam ipse Christus & Apostoli senserint, is fictum Christum concionatur & introducit in Ecclesiam Christianorum, & aliena instituta à Christi doctrina & Apostolorum edit. Sed vos (hoc est, scriptum meum) aliter &c. Sic enim ad verbum legitur in posteriore scripto tuo pag. 84. Hic primum vides, te adversariis tuis argumentum istud affingere. quod etiam repetis pag. 88. addens praeterea in propositione explicanda verba illa, Per incuriam, hoc pacto. Qui Christi verba per incuriam malè interpretatur &c. Quare cum umbra tua pugnas, cum falsam Palaeologi
error.

propositionem istam esse, probare contendit. Deinde, etiamsi ad eum modum argumentati Racovienses fuissent, non tamen falsa eorum propositio esset, si modò rectè explicetur. Videlicet, ut dictorum Christi, & apostolorum nomine non quidem quælibet ipsorum dicta intelligantur, sed ea, quæ ad vitæ nostræ institutionem pertinent, de quibus sine dubio in universa questione agitur. Iis enim malè interpretatis, sive per incuriam, sive quomodocumque id fiat, fictus Christus omnino inducitur. Quandoquidem is verum Christum non habet, qui ejus, & ipsius Apostolorum præcepta, quæ Dei præcepta sunt, non tenet. In Christo enim Iesu (inquit Paulus) nec circumcisio aliquid valet, nec præputium, sed fides, quæ per dilectionem operatur. quæ postrema verba alibi sic effert, sed observatio mandatorum Dei. Et Iohannes ait de Christo, In hoc scimus, quoniam cognovimus eum, si mandata ejus observamus. Qui dicit, se nosse eum, & mandata ejus non custodit, mendax est, & veritas in eo non est. Verùm quomodo Christi mandata conservabit is, qui ea ignorat, & Christi, atque apostolorum verba in iis tradendis malè interpretatur? Iam Paulus alibi sic scribit. Vos autem non ita didicistis Christum, si tamen illum audistis, & in ipso edocti estis, sicut est veritas in Iesu, deponere vos secundum pristinam conversationem veterem hominem, &c. Ex quibus verbis, quemadmodum ex aliis multis ejusdem apostoli

Gal. 3. 6.

2 Cor. 7.

19.

1 Ioh. 2. 3.

2 p. 4.

20.

postoli

postoli, & aliorum, quorum scripta extant, perspicuum est, Christum tunc sciri, cum ejus praecepta tenentur, ob eamque rem fictum Christum induci, quotiescumque ejus, aut apostolorum dicta, quae ad vitae nostrae institutionem pertineant, aliter atque ipsi senserint, accipiuntur, & explanantur. Quamobrem insigni culpa non vacas, cum, iis enumerandis, quibus Christi cognitio continetur, praeceptorum ejus nullam facis mentionem, in quibus cognoscendis potissimum ea consistit, & interim multa commemoras, quae ad Christum quidem aliquo modo pertinent, sed tamen ad eam, qua opus est, Christi cognitionem parum omnino, aut nihil attinent. qualia sunt, Vbi, quando, ex quibus natus sit Iesus, quibuscum convixerit. Quae omnia, & his similia Christi cognitionem secundum carnem respiciunt, cujus rei inquisitio propria carnalium Iudeorum, & eorum, qui eis similes sunt, censenda est. Namque ii, qui spirituales sunt facti, ut de se, & sui similibus, hoc est de iis, qui veram Christi cognitionem habent, testatur Paulus, non amplius Christum secundum carnem noverunt. Nam quid (obsecro) necesse est, eum, qui Iesum Dei filium esse, & ejus dexteram evectum in caelis vivere, dominum, & Christum, id est regem ab ipso factum, & vivorum, ac mortuorum judicem constitutum cognoverit, hunc (inquam) nosse, eundem Iesum Bethleema in Iudaea natum fuisse, cum imperio Romano, C. Caesar Octavianus, qui primus Augustus dictus est, praeset, ex quo Davidis stirpe genus secundum carnem

Palaeologi
peccati.

1 Cor: 9a
16a.

mem

nem duxisse, cumq; Galileis hominibus, inter quos etiam educatus fuerat, plurimum convixisse, & alia ejusmodi? Numquid idcirco hæc novisse necesse est, quia de Christo prædicta fuissent, neque is Christus, sive ut significantius dicamus, ὁ Χριστός esse possit, in quo ea nõ fuerint? atqui, primùm non omnia hæc ita prædicta fuerunt, ut de iis dubitare nemo possit. Deinde iste, quem diximus, jam ea de Iesu novit, quæ τῷ Χριστῷ tantùm conveniunt, & ex quibus verè sit, ut Iesus sit Christus Dei, id est rex ille æternus, quem DEUS olim se daturum populo suo promiserat. Cætera, quæ modò recensuimus, in eo etiam, qui Christus Dei non esset, accidisse poterant, tantum abest, ut ea Christum efficiant, & proinde ad veram Christi cognitionem pertineant. Quòd si eorum tamen in Iesu Christi historia fit mentio, ad majorem rei confirmationem id fit, ut scilicet, eum omnes notas habuisse constet, quæ venturo Christo a divinis vaticiniis, & ipso Deo attributæ fuerant. Inter quas & istæ, saltem ex parte, satis expressæ erant, non quia per se ipse ad Christum constituendum alicujus momenti essent, sed ut haberent homines carnales, sive animales venturi Christi inde ab ejus ortu indicia quædam carnalia, & ipsorum sensui consentanea, quibus ad ipsum verè postmodum cognoscendum, & amplectendum quasi manu ducerentur. Sed ad propositum revertamur. Non est igitur falsa, ut tibi videatur, prior propositio ejus argumenti, quod tu adversariis ascribis, quia is fictum Christum non inducat, qui ea

qui ea illi tribuit, quæ tu enumerasti. Nisi enim ejus mandatorum vera cognitio, quam tu omittis, & quæ in ea propositione continetur, retineatur, id est nisi Christo ea ipsa præcepta tribuantur, & tamquam ab ipso data agnoscantur, quæ verè ipse dedit, numquam verus Christus habebitur. Assumptio etiam, si-ve altera propositio ejus a te, ut diximus, conficti, & adversariis ascripti, sed rectè tamen alioqui (nisi quòd, ut mox apparebit, ipsam assumptionem non rectè explicas) conclusi argumenti verissima est. Nèpe te aliter Christi dicta interpretari, quàm ipse Christus, & apostoli senserint. Nam quod ais, ea dicta non ad publicas, sed ad privatas personas pertinere, id nihil ad eam propositionem falsitatis convincendam pertinet. Quamvis enim ea dicta ad privatas tantùm personas spectare concederemus, ex iis tamen satis apertè probaretur, non licere Christianis bella gerere, & alia facere, quæ tu cuilibet privato concedis, si-ve id deinde jubente, aut interveniente magistratu intelligas, si-ve minùs. Præterea, nisi extrarem locutus fuisse videri velles, necesse esset, ut adversarii ideo potissimùm assererent, te Christi dicta perversè interpretari, quòd ea, quæ ille indefinitè de omnibus dixisset, tu ad privatas tantùm personas referenda esse affirmares. Quare hoc idem nunc dicere non quidem adversariorum assumptionem falsi convincere velle, sed illud ipsum simpliciter negare esset, quod in te reprehenderent, & propter quod maximè assumptionem illam veram esse con-

esse contenderent. Itaque in eum errorem incideres, quem illis objicis, quod scilicet ea, quae dicunt, probare non curent. Sed jam video, cur ita locutus fueris. Nimirum illud agis, ut ostendas, te, cum bellum gerere Christianis non permittis modò, sed etiam mandas, & alia ejusmodi facis, non propterea contraria instituta institutis Christi, & Apostolorum edere. cum ea Christi, & apostolorum dicta, quae ab adversariis citantur, non ad publicas, sed ad privatas personas respiciant. Atqui, quòd tu, & qui tecum sentiunt, contraria instituta institutis Christi, & apostolorum edatis, id, quamvis a te in ejus argumenti assumptione explicatum, assumptionis illius tamen pars nullo modo esse debet, aut potest, cum pars ejus sit, quod concludendum est. atq; ob eam rem, si in assumptione illa, sive minore argumenti propositione ponatur, sit ea propositio non solum unum ex duobus extremis, & medium (ut vocant) terminum, quemadmodum par est, contentura, sed partem etiam alterius extremi, quod ineptissimum est, & contra omnes dialecticas praeceptiones. Quod etiamsi ab adversariis ipsis, non autem a te factum fuisse contenderes, non ideo tamen a culpa liberareris, qui tam scòdum in argumentatione neccènda ipsorum errorem vel non animadvertisses, vel silentio prorsus prateriisses. Mitto, quòd ne hac quidem ratione adversariorum assumptionem falsam esse probasses, cum, ut dictum est, concedi tibi possit, ea, quae ipsi ex sacris litteris ad eam probandam testimonia citant,

ad pri-

Palzologi
lapsus.

ad privatas, non autem ad publicas personas referri debere, nec tamen sequatur, in illis bella gerere, & alia id genus, de quibus inter vos controversia est, hominibus christianis interdicta non fuisse. quemadmodum ex iis, quae infra dicentur, apertius constabit.

Sed jam, argumento isto, quod tu Racoviensibus **CAPVT**
falso ascripsisti, omisso, ad ea, quae adversus scri- **II.**
ptum tuum verè ab ipsis allata fuerunt, adq̄ tuas res-
sponses veniamus. Nam ipse ad te quodammodo
rediens, cur te fictum Christum inducere affirmant
(quod, ut diximus, ad aliena dictorum Christi, &
apostolorum interpretatione distinctè, & separatim
tibi objiciunt) tandem exponis, & refellere conaris.
Dixeras enim in expositione sententiae tuae de bello,
Christum ante mortem quidem agnum fuisse, post
mortem autem leonem. Hoc ajunt ipsi nihil aliud
esse, quàm duplicem fictumq̄ Christum inducere, si-
biq̄ contrarium. Hic tu exclamas, non te, sed sacra
Biblia nusquam non expressis verbis ea dicere, unde
ista sententia colligitur. Atq̄ ad id probandum &
hic, & alibi, permulta congeris. in eoq̄ es totus, ut de-
monstres, alium fuisse Iesum Christum a mortuis ex-
citatum, quàm fuerit ante mortem, in eo praesertim,
quod antea quidem humilis, & injuriarum patiens
fuit, nec inimicos suos ulciscabatur, postea verò fe-
rox & terribilis factus, de hostibus suis graves ac di-
gnas poenas sumpsit. nec propterea duplicem esse Chri-
stum, aut sibi contrarium, sed duplicem ejus conditi-
onem esse, & unum atque eundem Christum diversis
tempo-

temporibus contraria tulisse, vituperia, & honores. Verum animadvertere debueras, adversarios tuos existimasse, te in argumentatione, seu ratiocinatione tua, quæ pro exceptione ad ipsorum argumenta esse possit, ea voluisse dicere, quæ ad propositam questionem facerent. Nisi enim ita mutatam Christi conditionem post mortem fuisse dicere velis, ut, quæ antea præcepta Christus de injuriis patienter ferendis cum verbis, tum sui ipsius exemplo dedisset, immutata fuerint adeò, ut, quod ante fieri vetuerat, postea, ut fiat, permiserit, aut etiam iusserit, nihil agis. Atqui, si id significant verba tua, cum ais, Christum ante mortem agnum, post verò leonem fuisse, quis non videt, meritò ea a tuis adversariis reprehensa fuisse, teq; duplicem Christum, & sibi contrarium, ideoque fictum inducere, qui modò unum, modò aliud præcipiat, & celestem disciplinam illam suam, quam, dum in terris versaretur, hominibus proposuit, postquam in calis est, in aliam quandam terrestrem mutaverit? Huc autem potissimum adversarios tuos respexisse, indicant ea verba, quæ concludentes dicunt pag. 59. Cum ergo iste Christus novus aliter doceat nunc suos hostes vincere, quam ille verus cum suis A postulis docuit &c. Quamquam ratiocinationis, &c. etiamsi ita accipienda esset, ut ad propositum non faceret, rationem tamen habuisse videntur, dum ostendere conantur, Christum etiam post mortem mitrem & placidum fuisse, suosq; inimicos in gratiam re-

am recepisse. Sic enim breviter respondent. Primum negant, Christum post mortem ex agno leonem factum fuisse. Deinde, etiamsi factus esset, hoc nihil ad immutanda ejus præcepta pertinere affirmant. Posterius hoc sic elegantissimè probant. Nam si exemplo suo Christus, qui post resurrectionem ex agno leo fit factus, docet nos bellum gerere, & inimicos nostros ulcisci, expectandum utique est, ut & ipsi resurgamus. Interim autem, sicut ille, antequam resurgeret, agnus fuit, & se mactari permisit, ita & nos agnoscimus, & nos mactari sinamus potius, quàm ut nos ipsos ulla ratione ulciscamur. Atq; ad hoc tu nihil prorsus respondes, quippe qui, quod respondeas, nihil invenire potueris. Prius autem illud adversus probationes tuas non malè, ut arbitror, tuentur, atque confirmant. Nam, quòd ex Apocalypsi probare niteris, Christum, qui prius agnus fuerat, postquam resurrexit, leonem esse factum, Primum ajunt, te non intelligere, quo sensu Christus in narratione illa Leo nominetur. Non enim, quia ex agno leo factus carnalem aliquem gladium sumpserit, & hostes suos trucidaverit, sed quia Satanam, & mortem devicit, post resurrectionem leo est dictus. Id quod ex ipsis verbis patet. Vicit Leo de tribu Iuda, radix David aperire librum, & solvere septem signacula ejus. Nam eadem sententia paulo inferius repetitur, & explicatur his verbis, Dignus es accipere librum, & aperire signacula ejus, quoniam occisus es, & redemisti nos Deo in sanguine.

Heb: 2. 14.

sanguine tuo ex omni tribu, & lingua, & populo, & natione, & fecisti nos Deo nostro reges, & sacerdotes, & regnabimus super terram. Ex quibus apparet, non de alia leonis illius Davidici victoria supra sermonem fuisse, quam de ea, quam sanguine suo adeptus est, in qua scilicet Saranam, & mortem devicit. Namque, ut scriptum est, per mortem abolevit eum, qui mortis habebat imperium, hoc est Diabolum. Atque non absimili ratione etiam ante mortem leo dici poterat, eò quòd in Dei forma existens divinas vires exeruerit in demonum expulsionem, mortuorum resurrectionem, & omnium morborum depulsionem, tum imperio, cui cedere oportuit inanimata ferociaq; elementa, ut ventos, & aquas. Sic enim ipsorum verba habent prædicta pag: 59. quæ tu, ut alibi dicemus, prorsus non intelligis. Deinde affirmant, in Apoca. Christum jam regnantem agnum victorem vocari, & gloriam Deo, agnoque tribui, & thronum. quæ omnia ex his locis manifestè probantur. cap: 5. v. 13. cap. 17. v. 14. & cap. 22. v. 1. & 3. Et sanè mirum est, cum Christus in ea vaticinatione tricies plus minus agnus nominetur, semel autem tantum leo, te ex Leonis appellatione argumentum ejus severitatis duxisse potius, quam ex Agni, mansuetudinis, & eum ex agno leonem esse factum, ibidem probari, tam confidenter affirmasse. Quid quòd mansuetudinis, aut severitatis rationem in appellationibus illis habitam non fuisse, id satis ostendit, quòd Agno ira tribuitur, ut patet ex cap. 6.

v. 16? Quid quòd ne id quidem verum est, quod tu asseris, unde constare putas, eum, qui agnus antea fuisset, leonem postea factum esse, Christum videlicet ibi prius agnum, deinde leonem vocari, ut in fine pagina 16, & initio 17. disertè scribis? Nam manifestè leo prius vocatur. nempe cap. 5. v. 5. cum agnus nusquam antea, sed sequente versu primùm nominetur. Neque verò opus est ad ea respondere, quæ in responsione tua pro explanatione complurium locorum Apoc. in quibus Christus agnus etiamnum vocatur, quasi paraphrasem agendo, scribis. Satis est enim ostendisse, Christum alia ratione, quàm tu putas, inibi semel leonem appellatū fuisse. Ex quo quidquid in explanatione illa tua adversus ea quæ modo a me dicta sunt, continetur, prorsus corrui, atq; dissolvitur. Addunt præterea adversarii tui, Christum naturā non mutasse, etiamsi commutata habeat probra in gloriam. Quod profectò satis esse potest pro responsione ad ea omnia, quæ tu latissimè persequeris, ut Christi conditionem adeò mutatam fuisse doceas, ut leo ex agno factus fuisse dici possit. Non enim post resurrectionem minus naturā mitis minusve placidus Christus factus est, quàm ante fuisset, nedum ut servus & ferox ex pacifico & mansueto evaserit, quem admodum agni, & leonis translationes istæ præ se ferre videntur, etiamsi non modò summum imperium, quod antea non habuerat, postea sit adeptus verum etiam hostes suos, quod antea non fecerat, postea sit ultus. Nam, cum adhuc in terris ageret, non-

Palzologi
lapis.

dum ejus inimicorum scelera eò pervenerant, quòd postea pervenerunt, ut omnino punienda, ac vindicanda essent. Quandoquidem scelus illud omnium maximum, quodq̄, alia gravissima multa vel arguebat, vel in se continebat, ipsum Christum rejiciendi, utq̄, super se regnaret, recusandi, non ante perfectū, & consummatum fuit, quàm post Christi resurrectionem ipsum ab ejus apostolis sibi prædicatum, & ipsorum dominum, ac regem, Deo mirandis id operibus in ejus nomine factis attestante, declaratum, nihilominus repudiarunt, ac rejecerunt. Quod vel ex eo patet, quòd ipsorum punitio, hoc est, excidium Hierosolymitanum, eorumq̄, qui ex tanta clade superfuerunt, per orbem terrarum dispersio, non antea extitit, quàm planè ipsos Christi jugum post apostolorum prædicationem abjecisse, seu ferre noluisse, constaret.

Ad hæc, quæ hæctenus a nobis adversus dictum illud tuum, quòd Christus, qui ante mortem agnus erat, leopostea factus fuerit, de Racoviensium mente, & ipso scripto relata, & explicata fuerunt, nihil similiter a te respondetur. Nam quæ de loco illo, Qui, cum in forma Dei esset &c. & de Satana a Christo superato scribis, pro responsione haberi non possunt, cum inde appareat, te adversariorum nec mentem percepisse, nec verba curasse, ut in secunda hujus laboris nostri parte planum faciemus. Eam tantummodo hæc in re eorum responsionis partem attingis, in qua, exemplis in medium prolati, Christum etiam post resurrectionem, & acceptam potestatem in hostes suos

Phil:2.6.

stes suos clementem ac mitem fuisse, demonstrare conantur, & quidquid hinc ab illis dicitur, hoc enthymemate contineri autumas, Christus multos suos hostes respiscentes recepit in gratiam, Ergo Christus non est ultus suos hostes. Quod argumentum magnæ inscitie damnas, atq; ad hunc modum refellere instituis pagina 92. Hostes Christi pœnitendo ex palea parata incendio, fiebant frumentum, quod in horreum Dei erat reponendum. Sed hoc quid impedit ne reliquam paleam, postquam cribro bene discussisset frumentum conjiceret, is qui ventilabrum tenebat, in ignem inextinguibilem?

Verum, Palæologe, adversariorum argumenti vis non in eo est, quòd Christus respiscentes hostes suos in gratiam receperit. ut tu in enthymemate isto ex eorum verbis formando existimasse videris, Sed in eo, quòd homicidis suis, etiam post resurrectionem, veniam ultro obtulerit, & potestatem in gratiam secum redeundi fecerit. Quamvis enim receptionis in gratiam tantummodo meminerint, id sine dubio brevitati consulentes fecerunt, ut eodem tempore non fictam illam veniæ oblationem fuisse, sed ex animo factam, & non oblatam modo, sed etiam re ipsa præstitam veniam significarent. Quod etiã satis perspicuum est ex illis ipsorum verbis, quæ statim sequuntur pagina 58. Et eandem gratiam omnibus ubiq; ludæis & gentibus in nomine suo prædicari iussit. Legantur verba Petri Christi apostoli, &

Act. 3. 13. *propterea ejus nomine ipsius homicidas ad pœnitentiam agendam invitanti. Ait enim, Deus Abraham, & Deus Isaac, & Deus Jacob, Deus patrũ nostrorum glorificavit filium suum Iesum, quẽ vos tradidistis, & negastis ante faciem Pilati, judicante illo dimitti. Vos autem sanctum & justum negastis, & petistis virum homicidam donari vobis autorem verò vitæ interfecistis, quem Deus suscitavit a mortuis, cujus nos testes sumus. Et in fide nominis ejus hunc, quem vos videtis, & nostis, confirmavit nomen ejus, & fides, quæ per eum est, dedit integram sanitatem istam in conspectu omnium vestrũ. Et nunc fratres scio, quia per ignorantiam fecistis, sicut & principes vestri. Deus autem, quẽ prænunciavit per os omnium prophetarũ patri Christum suum, implevit sic. Pœnitimini igitur, & convertimini, ut deleantur peccata vestra, &c. Potuitne unà cum decente quadam gravitate mitiũs loqui, aut efficacius eos ad pœnitentiam invitare, quantaq; erga ipsos esset Christi clementia, simul ostendere? Nam, quanta potestate Iesus ille, quem ipsi interemissent, jam præditus Dei voluntate esset, recente etiam testimonio ejus divine potentie docuit, & confirmavit, eorum peccatum in ipso occidendo quale, quantumq; fuisset, simul ostendit, ipsisq; ob oculos posuit. Deinde verò, ne de venia desperarent, quidquid ad illud ex parte aliqua excusandum offerri poterat, attulit. Ac postremò spem certam ve-*

nic.

nie, & receptionis in gratiam proposuit. Equidem
 videre non queo, quomodo se mitiorem, aut clemen-
 tiorē suis hostibus præbere potuerit Christus, quàm
 præbuit, qui cum ipsis intersectoribus suis tam placi-
 dè, tamq̃ benignè egerit. quorum etiam resipiscenti-
 am quadraginta perpetuis annis expectaverit. Tos
 enim, annos atq̃ eo ampliùs, ab ejus morte ad Hieroso-
 lymæ excidium numerari, nemo est, qui nesciat. Quòd
 si nec illis, nec aliis impœnitentibus, ut ais, post resur-
 rectionem umquam pepercit, ne ante resurrectionem
 quidem, quamvis tu aliter sentias, id fecisse, vel scri-
 bitur, vel verisimile est. Certè cum, antequam more-
 retur, patrem rogaret, ut intersectoribus suis igno-
 sceret, causam addidit, quia, inquit, nesciunt quid Luc: 23. 34.
 faciunt, eandem scilicet causam, ob quam per Pe-
 trum apostolum eisdem post mortem spem veniæ fecit, Act 3. 13.
 & propter quam, ut omnem clementiam in se Chri-
 stus ostenderet, sui misertum fuisse, ait Paulus. ut sa- 1 Tim: 1. 16.
 cilè intelligas, eadem prorsus ratione ignoscendi ho-
 stibus suis usum fuisse Christum post mortem, qua an-
 te usus fuerat, nec impœnitentibus magis ante, quàm
 post mortem, ab ipso ignotum fuisse. Itaq̃, vides, ger-
 manam adversariorum enthymematis assumptionē,
 quæ esse debuerat, Christus, posteaquam a mor-
 tuis resurrexit, ipsis intersectoribus suis veni-
 am obtulit, & verisimam esse, & rectissimè ex ea
 concludi, quod ipsi volunt, nempe Christum post mor-
 tem ex agno leonem non esse factum, id est mansue-
 tudinem, & clementiam erga suos hostes non depo-
 sisse,

Palaeologi
sechna.

fuisse, quam ante illis ostenderat, atq; earum loco iram, ferociamq; sumpsisse, ut tu affirmas. non autem simpliciter, Christum non esse ultum suos hostes, quemadmodum tu, sicut rudi lectori faciens eos loquentes inducis. quasi illi simpliciter negent, Christum post mortem de hostibus suis justas poenas sumpsisse. quod aliquando tandem factum fuisse, ipsa luce est clarius. Etsi enim pag: 58. negare videntur, a Christo etiam post resurrectionem aliquas ultiones (ut ipsi loquuntur) factas fuisse, tamen id ita accipiendum est, ut ad eas ultiones referatur, quas multa mansuetudo, atq; patientia una cum aperta & constante veniae promissione conjuncta non antecesserit, quemadmodum ex ipsorum verbis perspicuum est. Quare jam satis constare potest, id verum esse, quod ab initio diximus, te adversarius tuis multa affingere, eorumq; mentem sepe aliter, ac deceat, interpretari, ea minime percipientem, quae ab ipsis vel pro se, vel contra te in medium asseruntur. Sed haec ex iis, quae infra dicentur, adhuc apertius constabunt.

Iam verò abunde patere arbitror, rectè a Raco-
viensib; in priore tuo scripto reprehensum fuisse, quod affirmaveras, Christum post mortem leonem ex agno factum fuisse, nec te eorum objectiones tuis responsionibus attigisse, nedum, ut debueras, diluisset. Quamquam quid est, cur tantopere, ut falsitatem tui illius dicti coarguamus, laborandum sit nobis? Quid quæso (quod ad propositam questionem pertinere possit) tibi vis, cum ais, Christum post mortem ex agno leonem esse

esse factum? Numquid, eum præcepta humilitatis, & patientiæ, quæ ante mortem dederat, mutasse? Atqui istud nec probabis umquam, nec ullo modo verisimile est, cū, ut dictum fuit, & duplicem, & sibi contrarium Christum inducat. Numquid, non posse nos ex Christi dum hic viveret, humilitate, atq; patientia documenta sumere injurias nobis illatas patienter serendi, & omnem spiritus elationem vitandi, cum nunc in cælis vivens ille non ampliùs humilis & mansuetus, sed ferox & injuriarum impatiens sit? Sed neq; hoc, ut ostendimus, verum est, nec, si esset, quidquam ad rem faceret, cum alia sit conditio Christi in cælo regnantis, & nostrum in terris adhuc sub cruce ejus voluntate gementium, Christumq; & ejus facta imitari debeamus, non, cum longè alius factus est, atq; nos simus, sed, cum talis fuit, quales nos hodie sumus. illud scientes, nos, nisi, quemadmodum olim & in hoc statu nostro injuriis omnes patientissimè tulit, sic adversus eos, qui nos quantalibet injuria affecerint, mites & humiles simus, ad eum statum, in quo ipse nunc est, minimè perventuros. quinetiam eò perveniendæ viam potissimam hanc esse, ut & injuriis afficiamur, & affligamur, & persecutionem patiamur, quemadmodum hæc sacra testimonia nos docent. Rom: 8. 17. Act: 14. 21. & 2. Tim: 3. 12. præter innumerabilia alia, ex quibus eadem sententia elicitur. quorum omnium loco esse potest id, quod ipse Christus dixit, Non est discipulus supra magistrū. Non est servus major domino suo. Si me persecuti sunt, & vos

Mat: 110.

24.

Iohan: 190.

100.

B s

perse;

persequentur. Etsi enim hæc dicens, Apostolos alloquitur, tamen rationes, quas sui dicti affert, aperte demonstrant, non ad ipsos apostolos tantum, ut etiam pleraq; alia, sed ad omnes Christianos illud pertinere, cum nemo Christianus non sit Christi discipulus, nemo non sit Christi servus. Verum id sine dubio tibi vis (Nam sic ipse pag. 151. & deinceps te explicas) non esse a Christi persona, dum hic ageret, exemplum pro magistratibus sumendum, cum is tunc privatus esset, sed postquam in celum ascendit, & magistratus est factus. Itaq; quemadmodum ipse magistratus factus gladium exercet, & sceleratos homines, sibiq; rebelles perdit, ac severe ulciscitur, sic ejus exemplo magistratibus licere fontes interficere, atq; hostes suos graviter ulcisci.

At vide, quam graviter erres, presertim si (ut non dubium est, quin velis) hujus rationis vi privatis hominibus ex magistratus auctoritate bella gerere, & injurias suas vindicare licere, concludendum esse vis. nam de hoc potissimum inter te, & Racovienses controversatur, ut ex ipso priore scripto tuo, in quo primum istam agni Christi in leonem mutationem excogitasti, manifestum est. Primum enim non ejusdem conditionis sunt ii, quos Christus perdit, atq; ulciscitur, & ii, quos hodie a magistratibus interfici, & in quos vindicari Christi exemplo ab ipsis posse contendis. Illi enim perditæ spei homines sunt, animiq; deplorati hi vero plerumq; vel commissa scelera detestantes, ac resipiscentes, aut certe ita præseferentes,

rentes, vel de quibus adhuc spes haberi potest, ut ex hostibus amici fiant. Huc accedit, quod novit quidem Christus hominum corda, & idcirco qui pro desperatis habendi sint, facile intelligit. at magistratus, quomodo aliquem pro desperato habendum esse, statuere poterit, cum vix suum ipsius cor rectè noverit? Deinde considerandum est, Christum in gladio exerendo errare non posse, quippe in quem nulla nec ignorantio, nec malitia cadere possit, & cui nemo, nisi summa cum injuria hostis, aut contumax esse queat. At verò civilis magistratus vel ob ignorantiam, vel ob malitiam injurià aliquem gladio ferire potest, & injustè bella aut suscipere, aut defendere, cum fieri possit, ut quis jure optimo illi hostis, aut contumax sit. Alioqui cum (exempli gratia) duo reges bellum invicem gererent, neuter ipsorum errare posset, & modo alter alterius hostis esset, utriq; alterum tamquam hostem suum Christi exemplo ulcisci, ac perdere liceret. quo nihil absurdius excogitari potest, cum necesse omnino sit, alterutrum saltem peccare, eum scilicet, qui injustam causam habeat. nam ut uterq; justam habeat causam, id nempe fieri nullo modo potest. Plura in hanc eandem sententiam dici possent. sed hæc pauca satis erunt, non quidem ut civili magistratui (ne hic quisquam calumnietur) gladium exerere non licere, sed ut Christi in celo regnantis exemplum ad nostros magistratus ea ratione, qua a te fit, minimè accommodari posse, appareat. Quare jam ulterius progrediamur.

Fac enim, civili magistratui idcirco & fontes
 interficere, & cum hostibus bella gerere licere, quod
 Christus scilicet, postquam magistratus factus est, &
 peccatores perdat, atq; e medio tollat, & cum inimi-
 cis suis bella gerat, quid hoc (rogo) ad privatos Chri-
 stianos, quibus interdictum est nō modò, ne occidant,
 sed etiam ne contumelia quemquam afficiant, qui-
 busq; mandatum fuit, ut bene faciant inimicis suis?
 Num illis concedetur, jubente magistratu, Deo non
 obedire, & homines interficere, aut magistratus au-
 ctoritate, & potestate contra Christi præceptum ad
 ulciscendas proprias injurias abuti? Inveniet sine du-
 bio magistratus alios præter veros Christianos, qui
 belligerare non dubitabunt, & satis habebit, si ipse
 vel ex officio, vel alio quopiam accusante, in eos, qui
 injuriis alios afficiunt, animadvertere jure possit,
 quamvis interim ii, qui injuria sunt affecti (ita Chri-
 sto jubente) taceant, & damnum potiùs patiantur,
 quàm alteri ulla ratione malum, aut periculum cre-
 ent. Imitabitur magistratus Christum, si Christi ex-
 emplo bella gerere, & ulcisci hostes voluerit. Is enim
 bellum Judæis juratis hostibus suis, quiq; se intersece-
 rant, illaturus, in eosq; vindicaturus, non Christianos
 delegit, sed Idololatrias, Vespasianum, & Titum. in
 quorum exercitu universo ne unus quidem Christia-
 nus fuisse legitur. Quod certè multò aliter fuisset, si
 Christus post mortem exemplo suo justum bellum (a
 Christianis videlicet militibus gerendum) approbare
 voluisset, ut tu pag. 18. scribis. Quos enim magis dece-
 re vide-

re videbatur Christi injurias ulcisci, quàm ipsos Christianos, aut quod bellum magis vel justum, vel etiam pius excogitari potest, quàm id, quod pro domini ac regis sui, atq; adeò summi benefactoris, qui pro se vitam ipsam profuderit, honore, & gloria adversus terribilissimos & immanissimos hostes suscipiatur, qui per summum scelus eum innocentissimum supplicio, ac morte omnium maximè detestabili affecerint, & vitæ datorem spreverint, atq; rejecerint? Quid quod Christus, æternus noster ac cælestis dominus, & rex est, cujus honore, & gloria ipsius Dei gloria continetur? Cum igitur in omnium ipsis Christianis convenientissima & justissima belligerandi causa, non Christianorum, sed idololatrarum opera uti Christus voluerit, concludendum est, nullum esse tam justum bellum, quod Christianum populum deceat, & debere civilem magistratum, si hac in re Christum imitari velit, non ex veris Christianis, sed ex aliis hominibus sibi exercitum comparare, tantum abest, ut Christi exemplo Christianos homines ad bellum gerendum adigere aut possit, aut debeat.

Iamq; tandem, ut arbitror, intelligi potest, ex illis duobus, quæ Racovienses tuo scripto objecerant (quidquid tu contra responderis) verissimum esse prius illud, videlicet duplicem, & fictum quendam Christum ibi describi, si modò, quæ dicis, cum vis, eum post mortem ex agno leonem esse factum, ad propositam inibi quæstionem de bello a Christianis gerendo aliqua ratione pertinent. Nunc ad alterum devenia-

mus,

mus, & quod scriptum tuum aliena instituta ab iis, que Christus ipse tradidit, inducat, adversus responsiones tuas tueamur, & rectissime ab illis dictum fuisse, demonstramus.

CAPVT
III.

QUONIAM igitur Racovienses, ut ostenderent, idcirco tuum scriptum aliena instituta iis, que Christus ipse tradidit, introducere, quia Christus suos pacificos, & humiles esse jubeat, nec malum malo rependere, aut vim vi repellere, aded ut ne per magistratum quidem suas injurias eos ulcisci permittat, cum scriptum tuum e contrario, Christianos bella quidem gerere posse, ac debere velit, in ipsisq; homines interficere, apud magistratum verò jus suum secundum leges quantumvis cum adversarii malo persequi, Quoniam, inquam, ut hoc Racovienses ostenderent, ea ipsius Christi dicta, atq; præcepta potissimum protulere, que habentur Matth: cap. 5. videndum est, quomodo tu prædicta testimonia diluere tentes. Duplici igitur ad id via uteris. Primum negas, ea omnia præcepta ad omnes Christianos pertinere, sed apostolis tantum, & verbi ministris data fuisse ais. Deinde longè aliam eorum sententiam esse, quàm adversarii putent, nec ejusmodi, que scripto tuo refragetur, demonstrare aggredieris, idq; rursus duplici ratione. Nam & generatim omnia sic interpretanda esse vis, ut tue sententiæ non officiant, & singulatim unumquodq; examinans, vel ex verbis ipsis, vel ex aliis conjecturis nullum ex illis tuo scripto adversari, planum facere conaris. Itaq; primum videamus, quibus rationibus,

nibus, aut iudiciis, siue argumentis probes, ea precepta solis apostolis, & verbi ministris data a Christo fuisse.

In initio igitur explanationis illius tue in quintum, sextum, & septimum capita Matthæi, pag: videlicet 100, & 101. hoc primum iudicium affers, quod apud ipsum Matthæum, sed paullo clariùs (ut tibi quidem videtur) apud Lucam scriptum est, Christum ad discipulos suos sermonem suum couertisse. ut intelligeretur (inquis) orationem ad Apostolos, ministros scilicet verbi Dei dirigere.

Hic, antequam aliud dicamus, monendus est lector, te pro concessio id sumere, de quo vehementer dubitatur, immo, quod falsum esse, pluribus modis evinci potest, Lucam videlicet cap: 6. eandem eodem tempore habitam Christi concionem narrare, quam Matthæus cap: 5. exponere incipit. cum tamen diversas has duas conciones fuisse, planè diverse utrobique circumstantie apertè doceant, & que a Luca narratur, multò post fuisse habitam, totius historie apud utrumque Evangelistam series ostendat. Ex quo illud necessariò consequitur, cum Christus eam concionem habuit, quam Matthæus exponit, & de qua nominatim nobis agendum est, Apostolos nondum ab ipso constitutos fuisse, tantum abest, ut ad solos Apostolos orationem suam dirigere potuerit. Verumtamen, ut exceptionis tue vanitas evidentiùs appareat, dabimus tibi, utrumque evangelistam eundem prorsus Iesu Christi sermonem exponere voluisse. Id quod etiam
(quando

Palæologi
error.

(quando fortassis vulgò opinio ista recepta est) in reliqua universa disputatione tacitè semper ponemus. Atq; jam aliis rationibus ea, quæ hoc loco dicis, resellere aggredior.

Itaq; primùm, iudicio meo, in eo falleris, quòd in ipso narrationis quasi vestibulo Lucæ verba tibi magis favere credis, quàm Matthæi, cum immo contrarium censeris debeat. Matthæus enim dicit aperte, Christum discipulos, qui ad ipsum accesserant, docuisse. Lucas verò tantummodo ait, ipsum, elevatis oculis in discipulos, dixisse, Beati pauperes, &c. Matthæus scribit, Iesum, cum vidisset turbas, ascendisse in montem. Lucas verò narrat, universam turbam quæfuisse, ut eum tangeret. Quis igitur non videt, ex verbis Lucæ Christi sermonis recitationem antecedentibus multò magis dubitari posse, ne Christus, licet discipulos intueretur, ad turbas tamen quoq; verba sua dirigere voluerit, quàm ex Matthæi, præsertim cum in initio cap: sequentis dicat Lucas ea verba, Cum autem impleffet omnia verba sua in aures populi? quod deinde satis ostendit, quamvis, Mattheo attestante, Christus discipulos suos docere instituisset, voluisse tamen, contra quàm tu sentias, ut reliquus etiam populus, qui circumstans omnia ejus verba audiebat, ex illis doctrinam sibi salutarem haurire posset, quippe quæ ad omnes, qui ipsum sequi velent, ex aquo pertineret. Cur enim alioqui populi omnia audientis Lucas mentionem fecisset? An non tu ipse pag: 119. aperte ais, Christum turbis, ut audirent,

tene, doctrinam suam proposuisse? Quod idem pag:
 118. innueras in illis verbis, Audistis, inquit, vos
 duodecim discipuli mei atq; adeo vos omnes,
 &c. Sed quid dico? Nonne ipse *Mattheus* deinde a-
 pertissime scribit, Christum in ea concione ipsas tur-
 bas docuisse? Christi enim universo sermone exposito,
 illico adjungit, Et factum est, cum consummas-
 set Iesus verba hæc, admirabantur turbæ su-
 per doctrina ejus. Erat enim docens eos, sicut
 potestatem habens, & non sicut Scribæ. Nam
 pronomem Eos, quod *αὐτοὺς* in græco est, turbas re-
 ferre, cæci ipsi videre possunt. præsertim cum in græ-
 co Turbæ non feminini, ut in latino, sed masculini
 sint generis, numeroq; plurali, ne ulla tergiversatio
 tibi relinquatur, enunciata fuerint, & dictum *ὅς*
ὄχλοι. Et tamen tu (nescio qua fronte, nullo certè ju-
 dicio) ut pronomem illud discipulos referre possit, ea-
 dem *Matthæi* verba recitans pag: 118. post vocem hæc
 ipsis de tuo addis, atq; interseris verba illa, docens,
 scilicet discipulos suos. Itane verò simplici ac ru-
 di lectori imponere studes, & sacri scriptoris verba,
 quæ disertè, turbas eo sermone a Christo doctas fuis-
 se, ajunt, ita additamentis tuis corrumpere, ut solos
 discipulos suos Christum docuisse, dicere videantur,
 nihil planè erubescis? Et hæc volo esse pro prima re-
 sponzione ad primum istud indicium tuum.

Secundò respondeo, te non leviter labi, qui disci-
 pulorum nomine eo in loco apostolos tantùm, & ver-
 bi Dei ministros intelligi putes. Plurimi erant disci-

C

puli

Palæologi
 judicium
 desidera-
 tur.

Palæologi
 audax im-
 postura.

Palæologi
 lapsus.

Luc: 6. 17.

puli Christi præter Apostolos. nam ex discipulis Apostolos Christus selegerat, ut patet Luc: 6. 13. necdum alii, præter duodecim illos, fuerant ab ipso verbi ministri designati. Nam septuaginta illos postea creatos fuisse, testis est idem Lucas in initio cap: 10. Atq; idem pariter testatur, cum Christus eum sermonem habuit, non illos duodecim modò, sed turbam Christi discipulorum, hoc est ingentem eorum numerum adfuisse, seu mavis reliquos discipulos, quibus, quia præ illis duodecim vulgares discipuli dici poterant, ὄχλος, seu Turba nomen accommodet. Cum igitur uterq; Evangelista discipulorum simpliciter mentionem faciat, non sunt illi duodecim dumtaxat intelligendi, qui soli, ut dictum est, apostoli, & verbi ministri erant. Alioqui, contra manifestam veritatem, nullos alios discipulos præter illos duodecim Christum habuisse, vel certè ibi præsentem fuisse, sequeretur. Quòd si verò, Discipulorum nomine κατ' ἐφοχὸν solos Apostolos significari, respondeo, vel id nusquam factum fuisse, nisi, ubi ex præcedentibus de ipsis solis sermonem esse constabat, vel, si alicubi præterea factum fuit, nihil esse, cur hic quoq; idem factum fuisse statuamus, nisi pleriq; aliis in locis, immo serè ubiq; id fiat. præsertim quòd, si ullo in loco parum verisimile est, id factum fuisse, certè hic est, ubi id narratur, quod præsentibus aliis discipulis tunc fieri contigit, cum vix duodecim illi ab aliis selecti essent, immò cum a Mattheo ejus selectionis nondum mentio aliqua facta fuisset.

isrl. Qui *Matthæus* tamen, etiam postquam ejus rei
 apertam mentionem fecit, cum de apostolis illis lo-
 quitur, simplici Discipulorum nomine non est con-
 tentus. sed addit *Duodecim*, sive *Vndecim*, ut cap: 10.
 v. 1. c. 20. v. 17. c. 26. v. 20. & c. 28. v. 16. atq; id ipsum a-
 licubi facit, ubi minimè erat opus, & ex ante dictis
 constabat, de duodecim illis esse sermonem, ut cap: 11.
 v. 1. Patet igitur, ex eo, quòd *Christus* solos discipulos
 allocutus sit, non sequi, cum solis apostolis, & verbis
 Dei ministris ipsum fuisse locutum. Discipuli *Christi*
 ab evangelistis, ut nominis ipsius notatio postulat, in
 omnes appellantur, qui ejus discipline adhibebant,
 præsertim si id palàm præ se ferrent, adeò ut etiam
 ab ipso, id est, ab iis, qui jam ejus discipuli erant, ba-
 ptizarentur, ut colligi potest ex *Ioh: c. 4. v. 1.* quamvis
 verbo DEI annunciando destinati ab ipso non fuis-
 sent. Nam & *Iosephus* ab *Arimathæa*, qui non tan-
 tum verbo Dei annunciando ab ipso destinatus non
 erat, sed neq; etiam palàm ejus discipline adhibere-
 bat, discipulus *Christi* appellatur. Hinc cæcus ille na-
 tus, cui visum *Christus* restituerat, ait *Iudæis* de
Christo, Numquid & vos vultis ejus discipuli Ioh: 9. 27.
 fieri? Quod certè nihil aliud est, quàm Numquid &
 vos ejus doctrinam amplecti vultis? Propterea re-
 spondent ipsi, Tu illius discipulus sis, nos autem
Moyse discipuli sumus. Vereor, ne in re apertissi-
 ma pluribus confirmanda ineptus esse videar. Quare
 jam huic secundæ responsioni finem imponam.

Tertio respondeo, etiamsi tibi concederetur,

Christum ad solos apostolos, & verbi Dei ministros orationem direxisse, nec, ut ceteri tunc vel audirēt, vel intelligerent, curasse, non tamen continuo sequi, id, quod tunc eos docebat, ad alios pertinere noluisse. Quin immo, cum perspicuum sit, non pauca ex iis, quæ in perpetuo eo sermone dixit Christus, ad vitæ, & morum institutionem, & correctionem attinere, non quidem apostolorum, sed aliorum, ut ea præsertim magna ex parte sunt, quæ cap. 7. continentur, ubi tu in explanatione tua pag: 187. apertè sateris, verba illa, Hypocrita ejice primùm, &c. ad Apostolos quidem dici, sed ad Scribas, & Phariseos torqueri, nullo modo dubitandum videtur, quin, si solis Apostolis eum locutum fuisse velimus, ipsos ea docuerit, quæ illi deinde ceteros docere, non autem, quæ ipsi tantùm præstare deberent. Nec sanè verisimile est, etiamsi omnia, quæ in concione illa Christus dixit, ipsis Apostolis, quos solos allocutus esset, accommodari possent, tam longo sermone, iquè publicè, & in tanta frequentia, ad ipsos dumtaxat instituendos eum usum fuisse. & non potiùs summam quandam totius doctrine evangelicæ eis proposuisse, ac tradidisse, quæ ad omnes audientes pertineret, quibus, & eorum similibus ipsi aliquando munus suum exequentes, eam vel annunciare, vel in memoriam redigere possent. Nam, ut cetera multa omittam, & de iis tantùm dicam, quæ 5. cap: scripta sunt, in quo ea omnia leguntur, quæ ad institutam disput: attinent, quis tam hebes est, quin videat, præceptũ illud de divortii, quam-

vix et ipsi quoque apostoli tenerentur, non propter ipsos
 precipue, qui, cum huc illuc vagaturi essent, & per u-
 niversum orbem terrarum ituri, vix de uxore ha-
 benda cogitare poterant, datum fuisse, sed propter
 ceteros, qui domi manentes uxoribus ducendis, &
 liberis procreandis operam darent, quos ipsi ad eam
 normam Christi nomine instituerent? nisi fortasse
 velimus, eo precepto Christum Apostolos privatim
 monere voluisse, ne ad evangelium predicandum pro-
 fecturi, cum uxoribus, quas jam tum, cum ipso loque-
 retur, haberent, ut se illis liberarent, divortium fa-
 cerent, quod & nimis incommodum esset eas secum
 ducere, & grave solas domi relinquere, neve eam sa-
 tis justam causam esse putarent, cur illas dimittere,
 ac repudiare possent. Que mentis Christi interpreta-
 tio quam coacta sit, nemo non videt. ideoque a nobis
 cuilibet legenti per se refutanda relinquetur. Quid
 vero illud eodem capite? Si ergo offers munus
 tuum ad altare, &c. Quid item illud, quod sequi-
 tur? Esto consentiens adversario tuo, &c. (si
 modo proprie, ut tu ferè facis, non autem metapho-
 ricè ea verba accipienda sunt) quid, inquam? nonne
 ad eos, qui domi degunt, & negotiis secularibus im-
 plicantur, omnino pertinent, ad ipsos vero apostolos,
 qui & peregrinantur, & a mundanis commerciis a-
 lienissimi sunt, vix, aut ne vix quidem? Sed præstat
 tui ipsius testimoniis te convincere. Sunt enim hæc
 verba tua in initio pag: 116. necesse est ut non ad
 vitæ mores sermo Christi dirigatur, quod est

Paleolo-
 g' sibi ad-
 versaturq

privatorum, sed ad doctrinæ institutionem, quæ est doctorum & ministrorum. Et pag: 109. modum explicans, quo Christus hic suam doctrinam proponit, ait, Et turbis quidem ut audiant, discipulis autem ut alios instituant. Si igitur sermo Christi non ad vitæ mores dirigitur, sed ad doctrinæ institutionem, si suam doctrinam Christus discipulis proponit, ut ipsi alios instituant, profectò ea, quæ in sermone hoc dedit, præcepta, etiamsi ipsos solos Apostolos alloquutus esset, non ad reformandos ipsorum mores, sed ad doctrinam illis dādā, quam alii proponerent, omnino pertinerent. Certum igitur esse debet, indicium, sive argumentum istud tuum primum, quo uteris ad ostendendum, solos Apostolos omnibus illis Christi præceptis, quæ prædicto cap: 5. Matthæi extant, aliosq; Dei verbi ministros teneri, quòd scilicet cum solis discipulis locutus tunc Christus fuisse legatur, vel planè commenticium esse, vel non ejusmodi, ut aliquid momenti habere possit. Sed jam ad alia ejus rei argumenta, & rationes tuas veniamus.

Secundo loco rationem affers ex ipsis primis Christi verbis desumptam. Beati pauperes spiritu, &c. Trimùm enim dictum istud de pecuniarum, seu fortune bonorum (ut ipse loqueris) paupertate accipis pag: 101. Deinde pag: 102. sic argumentaris (cum prius & populum, & pastores agnos nominasses) Si agni, hoc est, pastores, & agni, hoc est, populus moneretur pauper fieri, cui juberetur ut agnos, hoc est, suos pastores aleret? Cum enim
nullus

nullus militet suis stipendiis, si populus teneatur milites alere, necesse est populum propria possidere. Paupertas igitur hæc ministrorum est verbi, &c.

In hac tua mirum quàm acuta argumentatione tripliciter peccare videris. Primum, quòd de qua, sensus cujus generis paupertate Christus loquatur, non intelligis. Deinde, quòd monitionem, id est præceptionem credis esse eam, quæ non est. Postremo, quòd, si tamen monitio est, qualis ea sit, non percipis. De quibus singulis dispendium erit.

Putas igitur, ut de primò peccato videamus, Christum de fortuna bonorum paupertate loqui. Sed nonne in ejus verbis apertè legis, quam paupertatem intelligat? Neq; enim Pauperes simpliciter dixit, sed Pauperes spiritu, id est, Qui non sunt inflati, aut ventrosi, quiq; spiritum (nam ne latini quidem ab hac vocis spiritus significatione abhorrent) humilè atq; exilem habent, hoc est animo non sunt elati, sed seipsos demittunt, & ceteris inferiores sibi esse videntur, aut certe pro talibus se gerunt. At enim tu verbum Spiritu non ad paupertatis genus refers, nec cum verbo Pauperes construis, aut omnino cõjungis, sed paupertatem simpliciter, & ob eam rem propriè, & secundum verbi frequētissimam significationem intelligis, id est, ut dictum fuit, fortuna bonorum. paupertatem tamen, quæ spiritu contingat, id est voluntariè. Hæc enim verba tua sunt prædicta pag. 101. Dicuntur autem pauperes, seu pauperes spiritu, destitu-

Cæs. de
bel: civili
comm: 3.
His rebus
tantum fi-
ducia, ac
spiritus
Pompeia-
nis acces-
sit, ut non
de ratione
belli cogi-
tarent, sed
vicissè iis
sibi viderentur,

et fortunæ bonis sed voluntariè, sive ut ita sis
 firmus ne abneges, quam nosti veritatem Dei,
 quod est pauperem esse spiritu. Sicut apud Ia-
 cobum cap. 2. & Heb. cap. 10. legitur: sive ut
 aliis, &c. In quibus verbis sanè videris tuam istam
 interpretationem duobus illis divinis testimoniis con-
 firmare velle. Atqui in posteriore testimonio, nempe
 ejus cap. v. 34. quem locum sine dubio intelligis, nec
 Pauperis, nec Spiritus nomen est scriptum. In priore
 verò extat quidem Pauperis nomen, sed non Spiri-
 tus. Verùm suspicor, quid, iis testimoniis citandis, ti-
 bi volueris. Nimirum, de eo genere pauperum, quod
 tu hic intelligis, ibi mentionem fieri. Sed aliter om-
 nino loquendum tibi fuerat, quemadmodum omnes
 animadversuros spero. Adde, quòd in posteriore qui-
 dem loco istorum pauperum fit mentio (siquidem tu-
 um illud voluntariè non Planè sua sponte, sive Quia
 sic ipsi per se omnino velint, interpretor, sed Equo
 animo, & libenter, aut etiam, cum gaudio) At in
 priore quis idem affirmare audeat, ubi ad Iacobi sco-
 pum id necessarium non est, sed satis est, eos, de qui-
 bus loquitur, pauperes & contemptos esse, sive id i-
 psi equo animo ferant, sive non? Cur autem nomen
 Pauperes apud Matthæum simpliciter, quod ad i-
 psam paupertatem attinet, & propriè acceperis, in
 causa, ut apparet, fuit, quòd apud Lucam Pauperes
 simpliciter legitur. nam te id probè animadvertisse,
 ostendunt ea tua verba, pauperes, seu pauperes
 spiritu. Sed interim fortasse non satis animadver-
 sisti,

Palzolog⁹
 non id di-
 cit, quod
 vult.

risti, apud eundem Lucam, eodem loco beatos dici,
 qui esuriunt, simpliciter, ut de cibi inopia, & pro-
 pria esurie sermo esse videatur, cum tamen apud
 Matthæum de alio esurie, seu famis genere Chri-
 stum locutum fuisse constet. Beati (inquit) qui esu-
 riunt, & sitiunt justitiam. Quamobrem, sicut illis
 apud Lucam verbis, Beati, qui esuriunt, adden-
 dum ex Matthæo est justitiam, ut non de panis, seu
 cibi, sed de justitiæ fame verba fieri intelligamus, ita
 & illis, Beati pauperes addendum est, spiritu. ut
 non de fortune bonorum, sed de spiritus, id est ani-
 mi elationis paupertate Christum locutum fuisse sci-
 amus. Nec verò huic nostræ rationi obstat, quòd a-
 pud Lucam deinde in antithesibus illis dicitur, Væ
 vobis divitibus, quia habetis (seu recipitis)
 consolationem vestram, unde perspicuum esse
 possit, sicut de veris & propriis divitiis, sic de vera
 & propria paupertate Christum agere. Nam in iis-
 dem antithesibus dicitur etiam, Væ vobis, qui sa-
 turati estis, quia esurietis. ubi de vera & propria
 saturitate Christus loqui videtur, cum tamen, ut ex
 Matthæo planum fecimus, non de vera & propria
 fame loquatur. Quamquam non secus, atq; satura-
 tos eos Christus appellare potuit, qui sat sibi justitiæ
 habere videntur, eamq; non appetunt, cujus fame
 deinde conficientur, divites quoq; potuit illos voca-
 re, qui adeò elati sunt animo, ut se alios omnes infe-
 riores ducant, & propterea felicissimi sibi esse vide-
 antur. præter quam consolationem, id est animi ju-

tunditatem, non est, quòd aliam sperare possint. Vt scilicet inter Lucam, & Mattheum nulla sit prorsus discrepantia, sed omnia planè convenient. Non dissimulabo tamen, antequam ad alia transeamus, me interpretationem, quam sequor, eorum verborum, pauperes spiritu, quæ græcè habent, οἱ πτωχοὶ τῷ πνεύματι, aliquantò alacriùs (ut ita dicam) secuturum, si scriptum esset οἱ πτωχοὶ πνεύματι, non adjuncto videlicet articulo nomini πνεύματι. Quamquam fieri potest, ut vox πτωχοὶ, seu Pauperes idem hic significet, quòd Humiles. Hebræi enim & Pauperem, & Humilem vel planè eodem, vel certè paululum immutato nomine appellant. Quod si esset, rectè omnino articulus nomini πνεύματι adjunctus fuisset, ut Psal. 33. in græca versione v. 19. καὶ τὸς ταπεινὸς τῷ πνεύματι σώσει. Ex quo loco præterea intelligi potest (id quòd etiam ex quibusdam aliis constat) Spiritus nomen eo sensu, in quem nos hoc loco ipsum accipimus, in sacris litteris usurpari. Sed jam alterum argumentationis tuæ peccatum explicemus.

Dicebam, te in ea argumentatione pro præcepto id accipere, quòd non est. Non enim, ut ex verbis ipsis patet, dum ait Christus, Beati pauperes spiritu, alicui præcipit, ut pauper spiritu sit, sed tantummodo, qui talis fuerit, eum beatum esse prædicat. Quemadmodum, cum deinde ait, Beati, qui lugent, nemini præcipit, ut lugeat, sed tantummodo, si

do, si quis lugeat, (ea nimirum de causa, quam facile erat intelligere) hunc beatum esse pronuntiat. Nemini igitur ibi mandat Christus, ut pecuniam suam omnem ultero abjiciat, & sua sponte pauper fiat. Sed si contigerit, ut quis propter Evangelium pecuniam priveatur, bono eum animo esse jubet. Si modò (ut tu quidem in tua argumentatione sumi) non solum te paupertate loquitur bonorum, & pecunie, sed etiam ipsammet paupertatem, non autem alacritatem tantum ad paupertatem, si opus fuerit, sustinendam intelligit. qua de re mox videbimus. Atqui, nisi ii, quibus Christus loquitur, in illis verbis, Beati pauperes spiritu, jubeantur re ipsa pauperes esse, dissolvitur penitus argumentatio tua, nec ulla causa est, quamobrem ad solos apostolos, & verbi Dei ministros eum idcirco verba direxisse velis, quòd si non ipsi pastores tantum, sed populus quoque pauper esset, non haberet populus, unde pastores aleret. quòd tamen, ut tibi videtur, fieri omnino necesse est.

Postremum in argumentatione tua peccatum erat, quòd si tamen in Christi verbis monitio erat, seu præceptio, qualis ea esset, non rectè in ipsa explicabatur. Id autem verum esse dicimus, etiamsi de pecunie paupertate Christus omnino loqueretur. Non enim moneret, aut præciperet Christus, ut re ipsa pauperes essent ii, quos alloquebatur, & propterea, si qua bona haberent, ea protinus abjicerent, quemadmodum in tua argumentatione sumitur, sed tantummodo, ut omnia potius relinquere parati essent.

quàm

Palaeolo-
gus testi-
monia ad.
versus se-
ipsum pro-
fert.

quàm a sancto accepto instituto umquam descere. Cujus rei nullum locupletius, aut firmitus testimoni-um, vel argumentum volo, quàm tua ipsius verba supra citata. In quibus duos locos ex sacris litteris proferens, ubi eorum mentio fiat, qui pauperes spiritu sint, alterum ex iis facis cap. 10. ad Heb. Ibi enim nulli commemorantur, qui ultro bona sua abiecerant, sed tantùm qui direptionem bonorum suorum cum gaudio accepissent, quod profectò ab aliis rapta fuisse bona, non autem ab ipsis ultro abjecta, declarat. Atq; ob hanc causam supra dicebam, adverbium Voluntariè in explicatione tua verborum Christi nihil aliud, meo iudicio, significare, quàm Aequo animo, & libenter, aut etiam, cum gaudio, non autem Planè sua sponte. Nam alioqui nihil ad rem faceret locus ille. Et certè, nisi Pauperem spiritu eo modo, quo nos fecimus, interpretemur, & pecuniæ paupertatem ea appellatione omnino significari velimus, nulla convenientior interpretatio excogitari potest, quàm, si Pauperem spiritu eum esse dicamus, qui, etiamsi multam pecuniam habeat, si tamen ejus spiritum spectes, quæ ea pars est in nobis, qua consultò eligimus, & de rebus ad vitæ nostræ institutum pertinentibus deliberamus, pauper censeretur, id est, eam pecuniam non habere. quippe qui eam non amet, nec tanti faciat, quin eam relinquere, si opus fuerit, semper sit paratus, neq; ad vitæ suæ institutum eam pertinere statuat. Et sicut iste, quamvis bonis affluens, pauper tamen spiritu dici potest, ita, qui diviti-

as non habens, eas appetit, spiritu pauper dici non debet. Sed hæc hæctenus. Nam etsi multò plura tuæ illi argumentationi objici potuissent, tamen nimis multa ea, quæ ad illam convellendam attulimus, cupiam fortassis videri poterunt. præsertim cum unico verbo id præstari potuisset. Quandoquidem, quicquid hoc loco Christum de fortunæ bonorum paupertate præcepisse contendas, id omnibus, qui ejus discipuli esse velint, ab ipso præceptum fuisse, fatearis necesse est, cum Luc. cap. 14. ad finem idem Christus, turbas alloquens, dixerit, neminem ex ipsis suum discipulum esse posse, nisi omnibus, quæ possideret, renunciaasset.

Tertio loco argumentum profers his verbis (ea sunt ad finem pag. 106. & in initio 107.) Mutatio etiam personæ ex tertia, ipsorum est regnum cælorum, in secundam, Beati estis, declarat, sermonem hunc totum ad Apostolos præsentes pertinere, sed quem ad alios qui successuri essent muneri Apostolico deduci & transferri necesse esset.

Hoc tuum argumentum jam satis dilutum est in responsione ad primum. Vbi ostendimus, non modò præter Apostolos, alios discipulos, & turbam ipsam præsentem, & Christi verba audientem fuisse, verùm etiam Christi sermonem ad omnes discipulos directum fuisse. Ut quidquid Christus in ea concione dixit, omnino ad eos omnes pertineat, qui ejus disciplinam amplecti velint. Siquidem, ut ostendimus, di-

scipulus

scipulus Christi est, ut nomen ipsum declarat, qui
 qui Christi disciplinam amplectitur.

Quartò ex eo argumentari videris, quod ait
 Christus, Vos estis lux mundi, &c. quasi hinc ma-
 nifestè appareat, ad eos solos verba fieri, qui doctri-
 na Evangelii cæteris præluere debebant. Sed memi-
 nisse debueras, alibi eos etiam, qui ministri verbi
 non sunt, si sanctè, & innocenter vivant, luminaria
 quedam mundi appellari. Paulus enim ad Philipp:
 scribens sic eos monet, Omnia facite sine mur-
 murationibus, & disceptationibus, ut sitis irre-
 prehensi & sinceri, filii Dei inculpati in medio
 nationis pravae & perversæ, inter quos lucete,
 ut luminaria in mundo. Annon ipse Christus, cur
 eos, quos alloquebatur, lucem mundi appellasset, a-
 pertè indicat, cum postmodum ait, Sic luceat lux
 vestra coram hominibus, ut videant opera ve-
 stra bona, & glorificent patrem vestrum, qui
 in cælis est. Cui consentiens Petrus ait, Conver-
 sationem vestram inter gentes habentes bo-
 nam, ut in eo, quòd detractant de vobis, tam-
 quam de malefactoribus, ex bonis operibus
 vos considerantes, glorificent Deum in die
 vilitationis. Non igitur de luce doctrinae potissi-
 mum hoc loco, sed de luce bonorum operum loquitur
 Christus, quam tu quoq; agnoscis. propter quam, ut
 ex Paulo ostendimus, mundi luminaria homines ea
 præditi appellantur, & ex qua sola, ut ex Petro li-
 quet, in finis consequitur, propter quem monet Chri-
 stus eos,

sus eos, quibus loquitur, ut, postquam lucendo desti-
 nati fuerunt, unde lux mundi vocantur, lucere eti-
 am coram hominibus velint. qui finis illustratio, &
 amplificatio est divine glorie. Quare nihil cogebar,
 hoc loco lucem doctrinae, id est alios viam salutis ver-
 bo docendi cum luce bonorum operum, id est Scientie
 eius via, & per eam incessus conjungere, ut tu facis.
 qui pag. iii. ita scribis, Sicut autem bona vita mi-
 nistri sine doctrina regni cælorum caret luce:
 &c. Quod multò aliter se habet. Nam bona vita sive
 ministri, sive unius de populo per se, & ab Evangelii
 predicatione separata, luce nō caret. Immo, ut Pau-
 li, & Christi verba nos docent, ipsa est, quæ maximè
 lucet, præsertim verò in iis hominibus, qui ceteris præ-
 sunt, & tamquam in editiore quodam & magis con-
 spicuo loco sunt positi, cujusmodi certè sunt verbi mi-
 nistri. Et tu ipse in fine pag. antecedentis ais, ministros
 verbi debere bonâ vitâ lucere, ut lucent bonâ doctri-
 nâ. Et pag. 112. sic Christum loquentem inducis, Ob
 hanc causam volo, ut una cum bona doctri-
 na luceat lux bonorū operum vestrorum. Atq;
 etiam in priore scripto pag. 9. hæc tua verba leguntur.
 Ministrorum enim erat præluce populò, lu-
 ce observationis legis divinæ. Quòd si, cum ais,
 bonam ministrorum vitam sine doctrina regni celo-
 rum, luce carere, ea verba, sine doctrina regni
 cælorum, (ut quidem videtur) pro eo, quod est Cum
 doctrina mala & regno cælorum contraria, vel non
 consentanea, dixisti (quamquam sic unum diceres,
 aliud

Palzolo-
 g^o aut se-
 ipsum re-
 fellit, aut
 ineptè lo-
 quitur.

aliud ageres, id enim scilicet persuadere curas, bonam vitam in iis, qui non docent, lucem non esse, seu luce carere, ut ad eos verba Christi non pertinere probes) primum dico, vix, ac ne vix quidem inveniri posse, qui bene vivat, & malè doceat, quamvis multi in veniantur, qui bene docent, & malè vivunt. Nam quomodo poterit is bene vivere, qui artem bene vivendi non teneat, aut, si tenet, aliis eam invidet? Nonne, ut viam salutis docere præstantissimum factum est, & inter bona opera Deoq; grata numerandum, sic eam dedocere turpissimum, atq; inter pessima opera Deoq; maximè invisa recensendum? Non igitur bene vivere potest quis, & simul malà doctrinā alios imbuere. Deinde, etiamsi aliqua ratione fieri posset, ut idem malè doceret, qui bene viveret, dico tamen, eam bonam vitam luce non carituram. Non minùs enim moventur homines exemplo, quàm doctrinā bonā ad viam salutis capeſſendam. Quod etsi tunc demum videtur esse verum, cum utrumq; simul conjunctum est, tamen, cum ea mala doctrina, quæ ab homine verè probo tradetur, nunquam in Dei, Christiq; mandatis, quibus veram probitatem docemur, pervertendis versatura sit (alioqui probus non esset) tunc etiam sine dubio ad veram probitatem, & porro ad viam salutis ingrediendam bonum illius hominis exemplum populum permovebit. Sed quid ampliùs laboro, ut ostendam, bonam vitam per se, & ab Evangelii prædicatione separatam in ipsis ministris lucere, sive efficere, ut lux
illorum

illorum luceat, cum tu ipse præter supra recitata verba tua sic pag. 117. scribas? Cum ad Apostolos verò Ministros regni cælorum dirigatur tota oratio, qui non solum facere Dei legem debent, ut luceat lux illorum coram hominibus, visis illorum bonis operibus: sed etiam alios docere, &c. Hic profectò, cum dicas, sed etiam alios docere, manifestum est, te in ipsis verbi Dei ministris lucem bonorum operum, de qua ante locutus fueras, a doctrinæ luce, quam tamen hoc loco lucem non appellas, separatam considerare. Quin etiam tu ipse tibi parum constans alibi, id est pag. 201. in tua Christi verborum paraphrasi lucem eorum, ad quos Christus loquebatur, bona opera interpretaris, nulla prorsus bonæ doctrinæ facta mentione. Patet igitur, ut ad rem redeamus, non ad solos verbi ministros Christum verba sua convertisse, cum ait, Vos estis lux mundi, sed ad eos omnes, qui scientiâ divinæ volûtatis instructi ceteris exemplo suo ad æternæ salutis viam prælucere poterant. Idem autem dictum volo de verbis illis, Vos estis sal terræ, &c. quæ non verbi ministris tantùm, sed omnibus Christi discipulis convenire affirmo, quod verum esse intelliget, quisquis finem cap. 14. Lucæ tantummodo semel legerit, quidquid tu in explanatione tua dicas, ut ea apostolis, quatenus apostoli sunt, accommodes.

Quinçto loco, Christi universum sermonem ad solos ministros regni cælorum pertinere, ex illis verbis probari existimas. Qui autem fecerit, & docuerit,

D

cuerit,

Palæologi
incōstantia.

cuerit, &c. Pergens enim in explanatione tua sic
 scribis in fine pag. 112. & seq. initio, Fecerit & do-
 cuerit: quia ministris regni cælorum leges da-
 bat, id ita loquitur. Nam privatis loqueretur
 si tantum diceret qui solverit, qui fecerit. Itaq;
 putas, ex eo, quòd iis verbis usus est Christus, quibus
 id continetur, quod simul totum ad solos verbi mini-
 stros pertinet, ipsis etiam solis eum locutum fuisse,
 aperte constare. Nam alioqui, si privatis loquutus
 esset, eam partem tantum dixisset, quæ ad eos per-
 tineret. Hancq; tuam argumentationem adhuc cla-
 rius explicas paullo post his verbis, Tantum, in-
 quam, diceret: fecerit & solverit, si privatis
 daturus esset mandata. Deinde, iis adjectis, quæ in
 responsione ad superius argumentum recitavimus,
 cum ad Apostolos &c. ita concludis, proin con-
 cludendum est, ad eos qui a Deo mittuntur
 ministri ut doceant & colant Ecclesiam, totum
 hunc sermonem (cùm dicit: fecerit & docue-
 rit) pertinere.

Equidem, Paleologe, in hac tota argumentati-
 one tua acumen tuum desidero, præcipue verò cum
 ais, Si Christus privatis daturus esset mandata, di-
 cturum tantum Fecerit, & solverit, nec additurum
 scilicet Docuerit, & aliter docuerit. Quasi verò vel
 nos contendamus, Christum solis privatis mandata
 dedisse, vel necesse sit, si privatis dedit, cæteris non
 dedisse. Quid enim vetat, quominus utrique & pri-
 vatis, & ministris simul præcepta dare potuerit, at-
 que duo

quæ duo dixerit, quibus utroq³ complexus fuerit, quamvis ad alteros utrumq³, ad alteros verò unum eorum tantùm pertineat? aut quid opus est ad hoc, ut demonstretur, eum privatis dedisse mandata (hoc enim a nobis queritur) ipsis solis dedisse, seu ministria non dedisse, ostendere?

At enim inquires, vim argumentationis tuæ in eo esse, quòd, cum Christus duo simul conjunxerit, simulq³ conjuncta requisierit, Facere, & Docere, itemq³ Solvere, & Aliter docere, id quod in privatis haberi nequit, satis intelligi potest, Christi sermonem ad privatos directum non fuisse, nec ad ipsos ulla ratione pertinere.

Respondeo primùm, te non ita explicitè loqui, & universam vim argumenti tui in eo videri statuisse, quòd si privatis daturus fuisset Christus mandata, unius tantùm ex illis duobus, ejusq³ contrarii mentionem fecisset. Quod a te minùs rectè conclusum esse, jam demonstratum est. Deinde, te in eo falsum esse affirmo, quòd putas, quia Christus conjunctiva particula Et usus fuerit, duo illa simul conjuncta ab ipso requisita fuisse. Quandoquidem haud rarè ea particula non verba, inter que ponitur, sed sententias conjungit. nimirum quia aliquid, quod in antecedente sententia, vel sententiæ parte expressum est, tacitè repetit. exempla q³ passim sunt obvia. Unde factum est, ut vulgò traditum fuerit, particulam Et interdum pro Aut usurpari. Et sanè hoc loco id factum fuisse apertissimum est. Namquæ ait Christus,

Qui ergo solverit unum de mandatis istis minimis, & docuerit sic homines, minimus vocabitur in regno cælorum. Iam enim ex verbo fecerit, quod in subsequente antithesi verbo solverit sine dubio opponit, atq; ex ipsa explanatione tua apparet, ac constendum tibi est, Solvere a Christo pro Non facere usurpatum fuisse. Quod si verum est, ut profectò est, certissimum esse debet, particulam Et hoc loco non illa duo verba, inter quæ posita est, in unam sententiam conjungendi, sed duas sententias copulandi, & sub uno verbo comprehendendi vim habere, repetito videlicet tacitè pronomine Qui, hoc pacto, Qui solverit, & qui docuerit sic homines, atq; perinde esse, ac si dictum fuisset, Qui solverit, aut docuerit sic homines. Alioquin sequeretur, nisi quis simul & non faciat, & non facere doceat unum ex illis minimis mandatis, non fuisse Christi verbis comprehensum. cum tamen res ipsa nos moneat, nihil aliud dicere Christum voluisse, quàm, sive quis non fecerit, sive non facere docuerit unum ex minimis Dei mandatis, futurum istum minimum in regno cælorum. quòd te ipsum vix negaturum crediderim. Nam etsi Regnum cælorum Evangelii prædicationem interpretaris, tamen certum est, te ipso, ut vidimus, teste, in iis, qui Evangelium prædicant, & bonam vitam, & sanam doctrinam a Christo simul requiri, & Deum, ut ipse in principio pag. iii. affirmas, eos ministros execrari, qui bona vita carent, quamvis bonam doctrinam habeant, & vè dici illis, qui alteru-

tro sunt

tro sunt privati. Quapropter merito, quod alterutro istorum careat, minimus in Evangelio predicando dici potest. Neque enim verbum *Minimus* hoc loco in sua propria significatione accipiendum est, sed idem censendum, ac si *Parvus* dictum fuisset, quemadmodum ex opposito in antithesi verbo *Magnus* perspicuum est. *Minimum* autem, non *Parvum* dixit Christus, alludens ad id, quod dixerat, unum de istis minimis mandatis. Quæ tu quidem quodammodo animadvertis, sed, dum *Minimum* pro *Parvo* dictum fuisse, docere debueras, contra facis, & *Magnum* pro *Maximo* dictum esse scribis. Quod si is, qui vel bona vita, vel sana doctrina caret, minimus, hoc est, ut docuimus, parvus in predicando Evangelio dici potest, certè, nisi tu nos fallis, quicumque unum ex illis mandatis non fecerit, parvus erit in Evangelii predicatione. Vis enim eum, qui talis est, bona vita carere. Sic enim pag. 117. pronuncias, Qui minima legis, quæ facilia sunt observatu, deserit, magnorum etiam desertor esse convinci potest. Sed quid dicemus de eo, qui sana doctrina careat? Num parum liquet, istum, etiamsi bonam vitam eum habere posse velimus, tamen Evangelio ministrando planè ineptum esse, & propterea non parvum modo ea in re, sed *minimum* etiam rectè vocari posse? Atqui nequaquam sanam doctrinam, id est salutarem, is habere dicetur, qui vel unum ex minimis Dei mandatis, docendo, pervertat, illudque ne faciat, populum moneat. Nam, ut ait Iacobus, Qui in uno pec-

Palæologi
error.

1ac:2.10.

cat, factus est omnium reus. Itaque, ut ad propositum revertamur, satis apparet, Christum voluisse dicere & eum, qui solvat unum de minimis Dei mandatis, & eum, qui sic doceat homines, minimum, id est, parvum, vocatum iri in regno celorum, etiamsi regnum celorum id esset, quod tu putas. nisi forte dicamus, hæc quidem vera esse, sed hoc loco a Christo dicta non fuisse. Quod quàm sit verisimile, judicabunt omnes. præsertim cum, si ita res se haberet, non solum ea, quæ & verissima erant, & ejus proposito maxime consentanea, reticisset, verum etiam, ea reticendo, falsa esse indicasset. Nam, si tantum dixisset, eum parvum vocatum iri in regno celorum, qui & non fecisset, & simul alios, ne facerent, docuisset, certe non malè concludi potuisset, eum, qui in alterutro dumtaxat istorum peccasset, in regno celorum minime parvum futurum.

Sed dices fortasse, quæ diserui de verbis illis, Qui ergo solverit, & docuerit sic homines, admitteri posse, nisi sequerentur in antithesi verba illa, Qui autem fecerit, & docuerit, quibus interpretatio mea particule Et accommodari non potest. Si enim Christus dixisset, Qui fecerit, & qui docuerit, magnus vocabitur in regno celorum, falsum dixisset. Nam sine dubio non satis est docuisse, ni quoque feceris, nec rursus, si verbi Dei minister es, satis est fecisse, ni simul docueris.

Respondeo, Christum sermonis brevitati, & concinnitati pariter studuisse, utq; antithesis hæc elegantes

ganter superiori thesi responderet, curasse. Cumq̄
 duo hominum genera, qui sui discipuli aut jam es-
 sent, aut futuri essent, alloqueretur, unum eorum,
 quibus faciendi onus tantummodo incumbebat, at-
 terum eorum, qui & facere, & docere debebant, cum,
 si plene loqui voluisset, dicendum fuisset. Qui autem
 si docendi munus habeat, fecerit, & docuerit. sin mi-
 nus, fecerit, ut hanc verborum prolixitatem quan-
 dam vitaret, dixit concise quidem, sed venuste, Qui
 autem fecerit, & docuerit, atq̄ eodem tempore
 verbis antecedentis thesis, Qui ergo solverit, &
 docuerit sic homines, ut in antithesibus fieri con-
 venit, ad unguem respondit, auditori ea addenda
 relinquens, quæ ob prædictas causas, tamquam in-
 dubitata, ipse omiserat. Quis enim ex auditoribus
 cum manifestum sit, ministros verbi Dei non tantum
 docere, sed facere etiam, quantumvis minima, Dei
 mandata debere, populum autem facere dumtaxat,
 non Christi verba, ut nos antea fecimus, per se ipso
 supplere potuit?

Sed vereor, ne jam longiores, quam par sit, vi-
 deamur in interpretatione nostra verborum Christi
 confirmanda. præsertim cum unico verbo ad argu-
 mentum tuum respondere possimus, negantes, cum
 Christus ita locutus est, rationem auditorum habu-
 isse, quippe qui obiter ista dixerit, calumniam de-
 pellere curans, quam sibi propter multa, quæ mox di-
 cturus erat, impendere videbat. nempe quod legem
 solvere, & abrogare vellet. Ait igitur, tantum abes-

se, ut ipse id facturum venerit, ut quisquis seu factum, seu dictum id unquam, vel minima quidem ex parte, tentaverit, suam sententiam nullius pretii futurus sit in regno Dei. qui autem contra fecerit, magni estimandus sit in eo regno. Unde apparet, frustra queri, ad quosnam eorum, qui ibi presentes essent, Christi verba illa pertinerent, cum pars instituti sermonis non sint, & potius ad se purgandum, quam ad auditores docendos a Christo dicta, & accommodata fuerint.

Sexto & ultimo loco sub finem pag: 196. eam Iesu Christi similitudinem, seu comparationem explanans, qua in extrema sua concione, quid de iis omnino censendum esset, qui, ipsius preceptis auditis, ea exequerentur, demonstrare voluit, ad ea verba, Et descendit pluvia, &c. sic annotas. Hinc patet eum totum sermonem directum esse ad Apostolos. Nam descensus pluviae irruptio fluminum, flatus ventorum, commotio turbinum, tribulationes significat quas fert minister, &c. Si hujus tuae argumentationis errores, turpesque fallacias ostendere velim, nimis profecto sum longus. Quare satis erit eam tui ipsius verbis manifeste refellere. Addis enim illico, & una cum ministro populus, doctrinam ministri complectens. Si igitur, te ipso teste, non minister tantum, sed populus quoque, ministri doctrinam complectens istis tribulationibus est obnoxius, quomodo ex ipsis tribulationibus totum sermonem ad Apostolos directum esse, & sic ad ministros tantum pertinere, argumentari audeas?

Palzologus
seipsum
refellit.

Haecenus ea exponere, ac refutare libuit, quae a te in medium allata, vel etiam indicata fuerunt, ex quibus probari credas, sermonem a Christo, ut Matthaeus narrat, in monte habitum non ad alios pertinere, quam ad apostolos, & verbi Dei ministros. In quibus explicandis sicubi morosiores visi fuerimus, non aegre seret, spero, benignus lector. Maximi enim momenti in tota ipsa quaestione, ac disputatione est rectè cognoscere, ad quos is Christi universus sermo pertineat. Quandoquidem adversarii tui, ut dictum est, (nec quidem immeritò) ex eo sermone potiora sua sententiae argumenta eliciunt. Quod tu animadvertens, totis viribus multò aliter, atq; ipsi faciunt, accipiendum, & interpretandum esse, docere conaris. Et idcirco locorum, quos illi potissimum sibi favore arbitrantur, examinatione non contentus, orationem illam universam, in qua pleraq; sunt, quae nihil ad rem faciunt, explanare voluisti, idq; duplici modo magna ex parte. Nam partem illam, in qua aliquid difficultatis esse putasti, non cōmentario tantum, ut reliqua omnia, sed paraphrasi quoque illustrare voluisti. Quamquam, modo id evinceret, de quo hucusq; actum est, ad solos videlicet verbi ministros Christi verba referenda esse, uno ictu adversariorum sententiae validiora fundamenta convellisses. Quamobrem nobis non mediocriter laborandum fuit, ut, argumenta, & rationes, quibus id demonstrari posse existimas, nihil momenti ad eam rem habere planum faceremus.

Quinetiam, antequam aliud agamus, monitos
 Lectores volumus, in rota illa Christi concione que-
 dam pauca esse, quæ magis apostolis, quàm ceteris
 Christi discipulis convenire videantur. Quale est il-
 lud cap. 5. v. 12. Sic enim persecuti sunt pro-
 phetas, qui fuerunt ante vos. Hic enim omnino
 videtur cum Apostolis tantùm loqui, qui prophetis in
 Dei verbo ministrando successuri erant. Verùm, ut
 diximus, hoc quidem sic videtur, sed non est. Nam,
 ut supra ostendimus, indubitatum est, Christum non
 Apostolos tantùm, sed discipulos suos omnes allocu-
 tum fuisse. ad quos prophetarum exempla, qui perse-
 cutionem a populo sustinuerunt, aptissimè accommo-
 dantur. Sicut enim illi, sic isti, ut Deo magis obedi-
 rent, quàm hominibus, a populo suo, a sua ipsorum
 gente affligi æquo animo ferre debebant, idq; eò ma-
 gis, quòd illis plerique istorum comparandi non e-
 rant. Si enim Dei vates ipsi nobilissimi a vilissima
 plebe, ut Deo obediant, persecutionem pati, & tur-
 piter contemni, ac rejici non recusant, quantò magis
 id facere debent ii, qui nullo singulari munere sibi a
 Deo injuncto ab hominum vulgo sunt separati? Fue-
 runt igitur hi post illos, non quidem quia illis in mu-
 nere divine voluntatis annunciandæ successerint,
 sed quia non solùm tempore (quo pacto simpliciter
 fortasse quispiam verba illa, ante vos, interpretaretur,
 nam & apud Lucam scriptum est. Hæc enim
 faciebant prophetis patres eorum) illi postero-
 res fuerunt, verùm etiam eos, tanquam duces, &
 præmon-

Luci 6. 29.

premonstratores quosdam, in hominum injuriis patienter ferendis habuerunt, sibiq; ea in re precedenti imitari debent. Nam eadem hac ratione eos etiam, qui verbi Dei ministri non erant, ad patientiam adhortandi utitur auctor epistola ad Hebræos ad finem cap. 11. exemplum videlicet asserens antiquorum prophetarum, qui variis modis a populo, ejusq; principibus delusi, vexati, casti, atq; interfecti fuerunt, variisq; calamitatibus acti, nusquam, ubi confisterent, habuerunt. De antiquis enim prophetis ibi locutum fuisse auctorem illum, & vetus sacra historia nos admonere potest, & tu ipse confiteris, seu potius contendis in priore tuo scripto pag. 6. in fine. Accedit eò, quòd, cum Christus exemplum asserre vellet eorum, qui ante eos, quos alloquebatur, id est sub Lege, persecutionem a suis propter justitiam in populo Dei passi essent, necesse habuit prophetarum exemplum adducere. Namq; istis solis, nec præterea aliis, id contigisse, aut verisimile erat, aut certè in sacra legebatur historia.

Ad solos præterea apostolos ea Christi concionis verba pertinere videntur, quæ leguntur cap. 7. v. 6. Ne date sanctum canibus, &c. Non predicandū enim Evangelium esse indignis, & in veritatem divinam contumacibus, omnino dicere videtur Christus. Atqui Evangelii prædicatio propria est apostolorum, & eorum, qui illis successerunt. Verùm animadvertendum est, duplicem esse Evangelii prædicationem, publicam, & privatam. Publica apostolorum, & eorum,

& eorum, qui illis successerunt, est propria. Privata
 verò est communis omnium Christianorum. De utraque
 autem locutum fuisse Christum, rationes, quae
 sui præcepti affert, quæ in utraque locum habent, sat
 demonstrant, aut certè, cur ad publicam ejus verba
 restringi debeant, nullam causam esse, apertè do-
 cent. Hisce duobus in Christi concione locis nobis oc-
 currendum putavimus. Si qui sunt reliqui, eos nihil
 sententiæ nostræ repugnare, facile per se quisque intel-
 liget. Tametsi non necesse est in hac disputatione, nos
 ea testimonia diluere, quæ, ut solis Apostolis locutum
 fuisse Christum, ostendatur, proferri possent. Siqui-
 dem, ut supra disseruimus, etiamsi omnino Christus
 Apostolis tantum esset locutus, tamen satis habemus,
 universum ejus sermonem ad eam disciplinam perti-
 nere, qua ceteros ipsi instituere debebant, non autè
 privatim ad mores ipsorum Apostolorum instituendos.
 Quod aded verum est, ut ipse ei rei testimonium
 dare identidem coactus fueris. Ut metuendum sit, ne
 hæc nostra legens, tibi, quod contra sentias, falso
 ascribi clamites, te nihil aliud sensisse affirmans,
 quam Christum ad Apostolos tantum verba direxisse,
 non autem ad alios quoque præcepta illa non perti-
 nere, atque, ut id probes, ipsa verba tua non pauca in
 medium afferas. Sed tota de re facile omnes judica-
 bunt. Nobis quidem, te id & asserere, & contendere,
 quod nos refellere studuimus, non minus persuasum
 est, quam te ipsum veritatis vi compulsam parum tibi
 hac in re constantem (ut etiam in aliis non paucis) i-
 dem

dem, quod nos asserimus, & contendimus, pluribus in locis confirmasse.

SEQUITUR, ut de alia ratione agamus, qua testimonia illa adversariorum apud Matthæum diluere tentas. Queris enim docere, ea omnia ita interpretanda esse, ne sententia tue refragentur, idq̄, ut diximus, duplici via. quarum una est, ut id generatim ostendas, altera, ut singulatim. Ac primùm de priore agamus.

CAPVT
IV.

Vnico igitur argumento, quamquam a te nunquam (quod animadvertim) apertè explicato, probare conaris, ea cuncta, quæ Christus apud Matthæum præcepta dat, tue sententiæ adversari non posse. quæ est, Licere homini christiano magistratus auctoritate bella gerere, & ejus opem secundum leges adversus quemcumq̄, ad vindicandas quascumq̄. injurias suas implorare. Argumentum tale est. Christus in ea concione legi divinæ per Mosem lata in iis, quæ ad mores, & vitia pertinent, nihil addidit, multò minùs aliquid ex ea detraxit, aut immutavit. Sed lex divina per Mosem lata nec bella gerere auctoritate magistratus, nec ejus opem secundum leges, ad privatas etiam injurias ulciscendas, cuiquam adversum quemquam implorare interdicebat. Ergo Christus in ea concione nihil dixit, unde, magistratus auctoritate licet interveniente, nec bella gerere, nec privatas injurias omnes ex legum præscripto cuilibet adversus quemlibet vindicare, non licere appareat. Assumptio, seu minor hujus argumentationis propositio nulla pro-

la probatione indigere videtur, cum ex sacris historiis constet, ante Christum, utrumq; ex predictis Dei populo facere licuisse. Quamquam, si quis totum Mo-
sem percurrat (quæ vera hujus rei probatio est) nihil inveniet, ex quo contrarium suaderi queat. Propo-
sitionem verò, seu majorem propositionem, in qua tota
vis argumentationis esse videtur multis modis con-
firmare conaris. quos hîc eo ordine, quo in responso-
ne tua explicati, vel indicati sunt, aliam meliorem
methodum, seu certam viam & rationem hac in par-
te negligentes, exponemus, & sigillatim rationes &
argumenta tua, Deo bene favente, refutabimus.

Primò igitur, ut probes, Christi mentem in ea
concione non fuisse Moſis legem ulla ex parte supple-
re, vel emendare, ea verba, quæ ante data præcepta
Christus dixit, consideranda proponis, Nisi abunda-
verit justitia vestra plus, quàm Scribarum,
& Phariseorum, non intrabitis in regnum cæ-
lorum. Nam, cum satis tibi demonstraſſe videreris,
ad solos Apostolos universum Christi sermonem di-
rectum, sic deinde pag: 115. ex predictis verbis, ut rem
paucis perstringamus, breviter inferſ. Christus requi-
rit in Apostolis majorem justitiam, quàm in Scribis,
& Phariseis. ergo de quadam justitia loquitur, quæ
utrorumq; communis erat. Quadruplex autem justi-
tia hoc loco considerari potest, Speciosa, Legis, Fidei,
& Recitationis Legis. Speciosam non potest Christus
majorem in Apostolis requirere, quàm in Scribis, &
Phariseis. nam eam alibi damnat. Legis, aut fidei in
Scribis,

Scribis, & Phariseis nulla erat. Relinquitur igitur, ut de recitationis Legis justitia loquatur, quam velie majorem in Apostolis esse, quàm in Scribis, & Phariseis. Vnde perspicuum est, Christum in iis, qua postea dixit, non supplendam, sive emendam sibi legem suscepisse, sed tantummodò eam a corruptelis, falsisq; commentis Scribarum & Phariseorum, dum eam populo recitarent, vindicare, & perpurigare voluisse.

Hac universa argumentatio tua vel ex eo solo planè convellitur, quòd, ut supra demonstratum fuit, non ad Apostolos tantum, sed ad omnes discipulos suos, id est ad eos omnes, qui eum pro veritatis magistro agnoscebant, ejusq; discipline sese addicebant, sua verba direxit Christus, eosq; docere insituit. In quibus omnibus cum ista tua recitationis Legis justitia minimè futura esset, sequitur, de ea Christum locutum non fuisse. At inquires, De qua ergo justitia locutus est, cum ex ceteris tribus, quas enumeravimus, una a Christo in suis requiri non potuerit, reliquæ verò due in Scribis, & Phariseis nulla ex parte essent? Respondeo primùm, non meum esse explicare, de qua justitia locutus fuerit Christus, sed docere, ut equidem feci, non de ea locutum fuisse, de qua tu assereras. Deinde nego, in Scribis, & Phariseis nullam partem justitiæ legalis fuisse. Neq; enim, quia pravi, & perversi essent, & progenies viperarum ab ipso Christo appellarentur, quiq; cum mali essent, bona loqui non possent, ut ex locis a te in margine citatis apparet (nam Paulus non de Scribis, & Phariseis, ut tibi

Palæologus
lapsus.

videtur.

Rom:9. 31. videtur, loquitur, sed universè de Iudeis. hos autem alicubi, quantumvis peccassent, tamen iustitiam Legis sectatos fuisse scribit) Non enim, inquam, quia tales Scribæ, & Pharisei, Christo ipso teste, essent, idcirco nihil prorsus eorum faciebant, quæ Lex iubebat. Immo multa eos, quæ Lex iuberet, præstitisse, indicat parabola Pharisei, & publicani a Christo exposita. Luc:18. in qua sine dubio Phariseorum superbiam notare voluit, qui, quòd multa facerent in Legge præscripta, propterea sese iactabant, & iusti omnino sibi esse videbantur. Vt enim eiusmodi homines sibi confidentes ipsorum erroris admoneret, atq; redargueret, eam parabolam Christum dixisse, docent Evangelistæ verba antecedentia. Nec porrò in eam parabolam Pharisei personam Christus induxisset, aut illi, quæ tribuit, tribuisset, nisi ex Phariseis multi eiusmodi inventi fuissent. Atq; de legali iustitia, id est Legis mandatorum conservatione, quæ etiam in Scribis, & Phariseis aliqua ex parte esset, Christum fuisse locutum, ipse tibi contrarius confiteris, dum postea in Paraphrasi ad hunc modum Christi verba explicas pag: 202. Hoc enim vobis dico, nisi iustitia quæ à vobis præstanda est, in observatione legis & prophetarum, excesserit iustitiam quam præstant Scribæ & Pharisei, qui, quæ maximopere laudantur à lege & prophetis præcepta, non attingunt, minimorum sunt observantissimi, & venditant se veluti legis & prophetarum observatores, non estis in cœleste regnum

Palzolo-
g^o sibi cō-
trarius.

regnum ingressuri. Et in priore scripto in fine pag: 11. & seq. initio ais, ex istis Christi verbis apparere, Apostolos non fuisse ab ipso ad ministerium vocatos, ut ab observatione divinarum legum soluti essent, qui nisi justitiâ Scribas, & Phariseos superassent, nō essent ingressuri in regnum celorum. Et pag: præterea 165, & 166. alia tua verba leguntur, ex quib: constat, te justitiam istam Scribarum, & Phariseorum ad Legis justitiam referre. Idem colligitur ex quibusdam verbis tuis pag: 174. 178. & 260. Et deniq; pag: 261. ipse contendis, a Christo asseri, in Scribis inveniri justitiam, amando amicos, non mœchando corpore, non peierando, & alia similia faciendo, aut non faciendo. Verum, quod tu imprudens, vi veritatis impulsus, adversus teipsum tam sæpe, tam apertè scripsisti, ita omnino se habere, & Christum, ut dictū est, in iis verbis de Legis justitia egisse, intelliget quisquis animadverterit, ea ab ipso verba non propter sibi dicenda (quo evictō, concidit universa argumentatio tua) sed propter jam dicta prolata fuisse. Nam (quamquam in vulgatis latinis codicibus aliter legitur) nectit ea verba Christus cum precedentibus per dictionem γὰρ, sive Enim, quæ non modò ad superiora relationem haberi, sed eorum rationem quamdam reddi, planè arguit. Dixerat autem Christo, eū, qui solvisset unum ex minimis Legis mandatis & sic homines docuisset, futurum minimum in regno celorum, qui autē fecisset, & docuisset, magnum in eo regno futurum. In quibus verbis perspicuum est agi de

E

confero

conservatione, & non tantum de doctrina, seu recitatione, ut tu eam vocas, mandatorum Legis. Quoniam vero quispiam objicere Christo potuisset, ac dicere, Quid ais? Annon ipsi Scribae, & Pharisei nonnulla Legis mandata non conservant? Respondet Christus, Longè falleris amice, si exemplum Scribarum, & Phariseorum sequendum putas. Majorem enim justitiam, quam in Scribis, & Phariseis reperitur, in eo esse oportet, qui in regnum caelorum ingressurus sit. Quae omnia eorum verborum occasione dixit, quibus sibi viam ad ea, quae postea sequuntur, praecepta danda praemuniverat. Nempe eorum, Nolite putare, quoniam veni solvere legem, &c. Namque, ut satis constat, his verbis iis voluit occurrere, quae sibi Mosis legi mox quaedam addituro objici potuissent, atque auditorum de ipsius doctrina dubitationem praeveniendo, dociles simul eos, atque attentos reddere. Itaque praedicat, & antea monet, se non venire ad solvendam, seu potius destruendam, & evertendam (in graeco enim est, καταλύσαι) id est abrogandam Legem, quemadmodum fortasse quispiam alioqui dicturus fuisset. Non enim eam abrogaturus, sed impleturus, hoc est perfecturus venerat. Quod & verissimum est. Quid enim in lege (morali videlicet) per Mosem lata damnavit Christus, aut abrogavit, quamvis illi non pauca addiderit? Numquid, cum Lex (exempli causa) dixisset, Ne occidito, ipse praeceptum hoc sustulit, & occidi posse dixit? Tantum abest, ut hoc fecerit, ut immo, ne irasci

quidem

quidem temere quemquam fratri suo posse, voluerit, eive convicium facere. atq; ita legem pleniorē (ut ita dicam) reddidit, eamq; absolvit. Sed hæc obiter hoc loco. Nam inferius hac de re latius disserendi sese offeret commodior occasio. Hæc eò tantum dicta sunt, quò cognoscatur, verba illa, Nisi abūdaverit, &c non ad ea, quæ mox dicenda erant, sed ad ante dicta respicere. unde fit, ut id, quòd queris, neq; tu argumentatione tua ex ipsis ullo modo probare poteris, neq; alius quispiam probaturus sit. Etenim, ni fallor, aliquantò melius, quàm tu feceris, pro sententia tua de Christi præceptis illis ex prædictis verbis argumentari quoniam posset, si ea non propter antecedentia, sed propter subsequētia dicta fuissent, ut tibi videtur. Id quòd & inculcas, & apertius explicas pag. 220. atq; ex eo sententiam tuam de mente Christi in iis, quæ sequuntur, præceptis dandis confirmare conaris. quòd etiam in priore scripto feceras, pag. 35. & alibi quoq; idem facis. Cætera, quæ ut argumentationis tuæ vitia retegerentur, dici potuisse, quilibet ingeniosus lector facile animadvertet, alicui brevitati consulentes, omittenda duximus.

Secundo loco, ut confirmes, non id egisse Christum in præceptis illis dandis, ut legi Moysi aliquid adderet, sed ut ei asuta Scribarum, & Phariseorum commenta rejiceret, omnia præcepta, antequam ea diligentius examines, singulatim percurrente (id quòd pag. 119. facere instituis) quæ præter nuda Legis verba Christus adjungit, an esse rejectionem com-

mentororum illorum. Qua tamen de re nihil prorsus constat, nec tu aliquid ad id probandum in medium offers. Quinimmo id planè falsum esse, declarant verba illa. Christi ubiq; repetita, Ego autem dico vobis. que illico, postquam ipsa Legis verba recitavit, ab ipso adjuncta planissimum faciunt, Christum præcepta sua non quidem Scribarum, & Pharisæorum commentis, sed ipsi Legi opponere. de quo infra suo loco. Et tamen non solùm præcepta Christi de non irascendo fratri, eive conviciando præcepto Legis de non occidendo manifestè addita, rejectionem interpretationis Scribarum, & Pharisæorum esse ais, sed, cum de præcepto illo Legis, Non mœchaberis, verba facis, audes affirmare, ex Christi verbis patère, absutum fuisse illi commentum a Scribis, & Pharisæis hujusmodi, Quod si quis cum aliqua rē non habuerit, mœchus non est dicendus. Verùm ex quibusnam Christi verbis id patet? Quid amplius hoc loco dixit Christus, quod alibi non dixerit? Itanè Paleologe in re tam aperta vel ipse hallucinaris, vel aliis imponere auctoritate tua & curas, & speras? Sed quid dicam de eo, quod de præcepto non pejerandi scribis, non quidem loco prædicto, sed pag. 228? ubi sic ais. Addiderant autem Scribæ & Pharisæi, huic legi partem illam: Sed persolves Domino ea quæ juraveris, propter juramenta quæ fiebant de futuro super aurum templi, super dona altaris, super victimas oblatas, lucello proprio consulentes ut diximus. Et in margine adscriptum

Paleol: a-
ut fallitur
aut fallere
conatur.

adscriptum est, Scribarum corruptela legis de juramento. Equidem satis mirari non queo, quod tam immemor, aut incuriosus fueris, ne quid gravius dicam, ut ista scripseris. Non igitur vel legisti, vel meministi verba illa cap. 30. Num. in ipso serè initio? que ex hebreo verbum de verbo sic verti possunt, Vir, si votum voverit Iehovæ, aut juraverit juramentum ad ligandum ligamento animam suam, non polluet verbum suum. Secundum omne, quod exivit ex ore suo, faciet. Quid autem num tibi videtur, cum Christus inquit. Iterum audistis, quia dictum est antiquis, Non perjurabis. reddes autem Domino juramenta tua, partem illam, reddes autem, &c. esse additamentum Scribarum, & Phariseorum ad legem Dei de perjurio, vel ipsorum corruptelam legis de juramento, cum in ipsa Moysi lege ea pars extet, copiosius etiam, & efficacius ab ipso expressa, quam a Christo relata? Certè auctoritati tue, dum nimium fidis, parum consulis, teq; non levis saltem indiligentie crinine in sacris questionibus, & testimoniis tractandis apud ipsum Deum obstringis. Quid quod ipse tibi plane contrarius pag. 120. id est hoc ipso loco, de quo agimus, totum hoc, Non perjurabis. reddes autem Domino juramenta tua, verbum Legis esse, discretè confiteris?

Palæologi
lapsus.

Palæologi
bi contrae-
rius.

Sed jam de aliis præceptis videamus, propter que, aliquam errandi causam tibi datam fuisse, dici potest. Et in præcepto quidem Christi de non dimit-

*zenda uxore, si ipsius verba perpendantur, non Mo-
 sis legem reformasse, sed Scribarum, & Pharisaeo-
 rum commenta respuisse videtur. Inquit enim, Di-
 ctum est autem, Quicumque dimiserit uxore
 rem suam, det ei libellum repudii. Ego autem,
 &c. Neq; enim erant haec ipsa omnino verba legis,
 ut Deut. 24. patet. ubi non ita simpliciter loquitur
 Moses, sed requirere simul videtur, ut uxorem di-
 missurus in ea fœditatem aliquam invenerit, aut
 certè aliquid ejusmodi in ea deprehenderit, propter
 quod sibi merito minùs grata sit. Quare concludi
 fortasse potest, a Scribis, & Phariseis ita simpliciter
 Legis verba exposita fuisse, ut scilicet inde sequere-
 tur, propter quamcumq; causam licere uxorem di-
 mittere. Haec autem non quidem a te, sed a me di-
 cta sunt, ut, quidquid magis hac in re tuam causam
 juvare potest, in medium afferatur, & diligenter
 examinetur. Nam hic tu imprudens concesseras,
 Christum ipsa Legis verba recitasse. Sic enim in ipso
 pag. 120. initio tua verba habent, Quicumque di-
 miserit uxorem suam det ei libellum repudii,
 verbum Legis. Huic addebant Scribae & Pha-
 risei: proprias ergo uxores licet dimittere qua-
 cumque ex causa, modo id fiat dato libello re-
 pudii. Vides, te affirmare, verbum Legis esse illud,
 cui Christus statim subjungit, Ego autem dico vo-
 bis, &c. Ex quo, ut ante attigimus, sequeretur, i-
 psum non absuta commenta Scribarum, & Pharisae-
 orum respuere, sed ipsa Legis verba reformare.*

Palaeologi
 impruden-
 tia.

Quid

Quid ergo, tua, quæ locum non habet, & tibi ipsi adversatur, animadversione omiſſa, ad ea, quæ a nobis animadverſa ſunt, reſpondebimus? Dico, quamvis verum ſit, Legiſ verba non ea planè eſſe, quæ Chriſtus recitat, ex iis tamen, quæ addit, perſpicuum eſſe, ipſum hoc loco non modò id reſpuere, quod ex ejuſmodi verbis colligi potuiſſet, ſed illud etiam, quod ex ipſis Legiſ verbis colligebatur. ex quibus manifeſtum eſt, Moſem permiſiſſe, ut propter aliquam fœditatem in ea inventam, uxorem quæ repudiari poſſet, nec aliud præterea requiſiviſſe, niſi, ut id fieret, ſcripto, eiq; in manus dato libello repudiij. quod reformans Chriſtus, non ob aliquam fœditatem in uxore inventam, ſed ob ſtuprum tantùm eam dimittere poſſe, concedit. Nam Fœditatis nomine apud Moſem aliud etiam præter ipſum ſtuprum, aut ſtupri indicia ſignificari, contrà quàm tu putas, infra demonſtrabitur.

Sequitur, ut de præcepto illo agamus, Oculum pro oculo, &c. Nam hic quoq; Chriſtus non ipſam Legem reformare, ſed alienas interpretationes rejicere videtur. Lex enim, ut Exodi 21. cap. v. 24. Levit. cap. 24. v. 20. & Deut. cap. 19. v. 21. apparet, ea quidem verba habet, Oculum pro oculo, dentem pro dente, non tamen hæc licere privatiſ ait, ut Chriſtus prædicta verba interpretari videtur, cum, iis recitatis, illico addat, Ego autem dico vobis, non reſiſtere malo, & quæ ſequuntur. ex quibus conſtat ipſum privatiſ præcepta dare. Quocirca

statuendum videtur, Christum, etsi ipsa tantum Legis verba recitat, simul tamen cum eis interpretationes magistrorum populi intelligere, quibus, non autem ipsi Legi, sua precepta opponat. quae interpretationes hoc loco ejusmodi essent, ut, quod Lex de magistratu dixisset, cui mandat, ut curet, oculum pro oculo, dentem pro dente dari, ad privatos traheretur adeo, ut cuilibet privato per se id exequi liceret.

Respondeo, ut paullo ante feci, Christi verba non istas interpretationes tantum, sed sententiam ipsius Legis reformare. Si quidem ex verbis legis apparet, licuisse privatis, oculum pro oculo, dentem pro dente sibi dari, a magistratu petere. quod non concedit Christus, quemadmodum infra suo loco adversus opinionem hac de re tuam disputabimus.

Restat preceptum illud, Diliges proximum tuum, &c. In quo major, quam in ceteris, difficultas esse videtur, cum in ipsa Lege ea pars nusquam legatur, Et odio habebis inimicum tuum. Quinimmo Levit. cap. 19. ubi preceptum diligendi proximum datur, mandetur simul, ne quis injuriarum memor sit, easve ulciscatur, & alibi praecipitur, ut si quis bovem, aut asinum inimici sui errantem invenerit, omnino illi reducat, & si viderit asinum ejus, qui se odio habet, succumbentem sub onere, eum non deserat, sed ipsi auxilietur. Quamobrem plane dicendum videtur, hic Christum non de verbis ipsius Legis, sed de additamentis Scribarum, & Phariseorum, seu populi magistrorum agere.

Exo: 23. 4.

Verum

Verùm animadvertendum primò est, fieri posse, ut verba illa, Odio habebis inimicum tuum, scripta in Lege olim extarent, quamvis hodie non legantur, quemadmodum neq; illud de Christo, Nazareus vocabitur, scriptum apud prophetas hodie extat, cum tamen testetur Matthæus, id a prophetis dictum fuisse. Quòd si dixeris, ut nonnulli contendunt, etiamsi verba illa, aut similia apud prophetas non leguntur, tamen sententiam omnino legi, ego quoq; dicam, etiamsi non legitur in ipsa lege, Odio habebis inimicum tuum, tamen horum verborum sententiam omnino legi, si in quem sensum potissimum nomen Inimici hoc loco accipiendum sit, rectè intelligatur. Neque enim in his verbis, Diliges proximum tuum, & odio habebis inimicum tuum, vox Inimicus eum simpliciter significat, qui odio habeat, seu quemlibet inimicum, sed, ut ex verbis ipsis apparet, eum, qui opponitur proximo. Proximus autem hic, ut in tota Lege, is intelligitur, qui ex eodem est populo, id est Israelita, ut ex ipso capite 19. Levit. apparet. Vbi, quem prius appellaverat Filium populi tui, vocat postea Proximum tuum. Unde intelligitur, præcepta illa de asino, & bove inimici reducendis, & non deserendis ad propositum non facere, cum ibi Inimicus eum significet, qui odio habet, quamvis ex populo Israelitico sit, hic verò eum, qui sit alienus ab Israelis republica, quem odio habere Israelitis licuisse, postea docebimus. Deinde idem hic dico, quod in superioribus duobus præceptis

dixi. Verba enim Christi, quæ statim subjungit, ejusmodi sunt, ut planè multum addant legi Mosaicæ. In qua nusquam mandatum populo fuerat, ut orarent pro lædentibus, & insectantibus se, ut bene precarentur maledicentibus sibi. atque, ut uno verbo dicam, jussi non fuerant diligere inimicos suos, id est hostes, & ab Israelis republica alienos. Quibus de rebus omnibus infra uberiùs disputabitur.

Est autem, antequam ulterius progrediamur, animadvertendum, etiamsi in quovis ex tribus proximè examinatis dictis, quæ non secus, atq; tria illa priùs excussa, in populo, tamquam Dei præcepta, personabant, Christus nequaquam id agere voluisset, ut Mosaicam legem ulla ex parte reformaret, sed ea dicta, quippe quæ legis divinæ falsæ interpretationes essent, rejiceret, non tamen continuò idem de reliquis tribus dici posse, nec ex eo sequi, Christum in universo eo sermone nihil prorsus legi Mosaicæ addidisse, sed tantummodo Scribarum, & Phariseorum astuta illi commenta sustulisse. Namq; diligenter considerandum est, discrimen hoc inter utraq; hæc dicta esse, quòd in illis purum ac simplex integrumq; legis verbum refertur, in hiis verò vel aliquid ex eo, quod in lege scriptum est, omittitur, quod omittendum non erat, ut in dicto de dando libello repudii, causa in Lege ascripta dimittende uxoris, vel aliquid verbis legis additur, ut in hoc postremo ea pars, Et odio habebis inimicum tuum, quæ non minimi est momenti, vel deniq; quamvis nuda legis verba

verba recitentur, tota lex tamen non recitatur, ex quo fit, ut aliam sententiam ea verba habere videantur, quàm verè in ipsa lege habeant. ut in eo dicto evenire videmus, Oculum pro oculo, dentem pro dente. Quæ verba quidem ipsius legis sunt, sed non tamen tota lex. quæ si tota recitaretur, apparet, dictum ipsum, quod per se prolatum cuilibet injurias suas pari ratione vindicandi libertatem concedere videtur, & eum, qui injuria affecit, suo jure (ut loquuntur) retaliandi, in ipsa lege ad magistratum referri debere, cujus est talionis pœnam ei, qui alterum mutilaverit, vel alia ratione ejus corpus læserit, infligere, atq; irrogare. Hoc autem inter hæc, & illa dicta discrimen evidenter suis verbis notasse videtur ipse dominus Iesus, qui in illis semper prius dixerit, Dictum est antiquis, in his verò semper, Dictum est, simpliciter præfatus fuerit. Nimirum fortassis ut intelligeretur, in illis de ipsa lege divina veteribus lata diseri, in his verò de eo quidem similiter agi, quod tamquam Dei præceptum in medio populi auditum aliquando fuerat, cæterùm veteribus illis non fuerat dictum, nec verum & germanum anti-que Dei legis præceptum erat.

Tertio loco pro argumento, quod Christus non Mosis legem ulla ex parte mutare, sed interpretationes Scribarum, & Phariseorum in eo sermone damnare voluerit, ea verba ipsius Christi perpendis, quæ in præcepto de libello repudii tractando alibi dixit, ad duriciam cordis vestri. itemq; illa, quæ statim
sequuntur

Mac: 19. 3. sequuntur, permittit vobis. Et de prioribus quidem sic scribis ad finem pag: 133. Quartum est, quid sit ad duritiam cordis vestri. Nam Patrum vestrorum dici debuisset, sicut sæpe facit. Patribus enim loquutus est Moses, non ipsis. *Cur verò ita scripseris, id docet, quod de posterioribus scribis pag: 125. hoc modo,* Et illud, quod dicit vobis indulgit, interpretibus scilicet Scribis & Phariseis, cū leges tulerit Moses non illis quib⁹ cum loquebatur Iesus Christus, sed eorum majoribus. *Vis igitur, cum ibi Christus idem re ipsa doceat, quod hic docuit, quia dixerit, cordis Vestri, non Patrum vestrorum, & permittit vobis, non autem Majoribus vestris, satis constare, Christum non de ipsa lege Mosis, quæ non illis ipsis, quibuscum loquebatur, sed patribus, & majoribus ipsorum data fuerat, verba facere, verùm de interpretatione Scribarum, & Phariseorum loqui.*

**Palzologi
dapsus.**

Fieri non potest, *Palzologe, ut hæc seriò, aut, quid diceres, cogitans scripseris. Quid enim homine non planè rudi indignius, quàm nescire, si contigerit, cum populo, natione, genteve aliqua verba fieri, Vos, & Vestra sæpius dici, non illos ipsos, qui presentes sunt, significando, sed vel patres, & majores eorum, vel ipsorum genus? quemadmodum & Nos, & Nostra facile dicent ipsi, non quidem se ipsos qui loquuntur, sed vel patres suos, & majores, vel suum genus intelligentes. Populus enim, natio, gens, tamquam unus quispiam, considerantur, qui toto illo tempore, ex quo*
 esse

esse cœperunt, vixerit, unde & ortus, & adolescen-
 tia, & senectus, & interitus illis apud bonos auctores,
 immo in ipso vulgari quotidianoq; sermone passim
 tribuuntur. Numquid ejus rei præter frequentissimū
 loquendi usum exempla queri? Lege modò probatos
 scriptores in quavis lingua, vel potius eorum, quæ le-
 gisti, recordare, & exempla tibi ubiq; præsto erunt.
 Sed quid multis moror? Lege ipsa sacra Biblia, ipsius
 novi Testamenti scripta, Christi ipsius verba recor-
 dare de hac ipsa re, id est de lege populo Israelitico a
 Mose tradita, & sine dubio pudebit te ista dixisse. I-
 dem enim Christus alibi Judæis, qui tunc erant, atq;
 aderant, dixit, Nonne Moyses dedit vobis Le-
 gem, & nemo ex vobis facit Legem? Et paullo
 post, Propterea Moyses dedit vobis circumcisi-
 onem. Verùm cur longiùs ab eo? cum in hoc ipso loco
 legatur apud Marcum, Christum paullo ante dixis-
 se, Quid vobis præcepit Moyses? Stephanus quo-
 q; cum de Mose Judæis verba faceret, ait, Hic est,
 qui fuit in Ecclesia in solitudine cum angelo,
 qui loquebatur ei in monte Sina, & cum patri-
 bus nostris, qui accepit verba vitæ dare nobis.
 Neq; hic loquendi modus tunc solùm usurpatus inve-
 nitur, cum id, quod datum fuit majoribus, ad posteros
 quoq; eorum præsentis pertinet, ipsisq; datum pari-
 ter censetur, ut in Lege Mosis contingere videmus,
 sed tunc etiam, cum majoribus tantùm id datum fu-
 it. Propterea idem Christus, cum Judæi dixissent, su-
 os patres manducasse manna in deserto, sicut scriptū
 erat.

Ioh: 7. 19.

22.

Mar: 10. 3.

Act: 7. 38.

Ioh: 6. 32.

erat, Panem dedit eis de cælo manducare, ait illis, Amen amen dico vobis, non Moyses dedit vobis panem de cælo. Vobis dixit, cum tamen patres dumtaxat ipsorum intelligeret. Quomodo verò dicere potuisti, cum Christus dixit Iudæis de Moyses, permisit vobis dimittere, &c. id intelligendum esse, interpretibus scilicet Scribis, & Phariseis, cum ipse velis, ea verba accipienda esse, ac si dictum fuisset, Etiam si permisisset vobis dimittere, &c. Sic enim paulo ante, in extrema videlicet pag: 134. scripseras, Ad hunc autem modum ordino textum: Moyses etiam si ob duritiam cordis vestri permisisset vobis repudiare uxores vestras, quamvis ob causam, attamen ab initio non ita erat cuius etiam tue explanationis inter alias hanc causam affers, quod Christus dixerit Vobis, interpretibus scilicet Scribis, & Phariseis, cum Moyses non illis, quibuscum loquebatur, sed eorum majoribus leges tulisset. Atqui hæc duo nulla ratione coherent, aut simul stare queunt, tantum abest, ut unum alterius causa esse possit. Nam si Christi verba ita explananda sunt, ac si dixisset, Etiam si Moyses vobis permisisset, &c. profectò nomen Moyses ipsum Mosem simpliciter significat, pronomen autem Vobis ad patres, seu majores, vel ad universam, postquam legem Moyses tulit, gentem refertur, atq; ea de re est sermo, que verè facta non fuerit. At verò si intelligendum est, Mosem, interpretibus Scribis, & Phariseis, permisisset, &c. illis ipsis dumtaxat, quibuscum Christus loquebatur,

quebatur, certè Mosis nomine non ipse Moses per se intelligitur, sed quatenus illius verba Scribæ, & Pharisei interpretabantur. pronomen autem Vobis non ad patres, seu majores pertinet, nec ad gentem universam post Mosis legem latam, sed ad eos ipsos tantummodo, quos alloquebatur Christus. atq; ea de re verba fiunt, quæ verè facta fuerit. Præterea quomodo verba hæc vera esse possunt, Moses, interpretibus scilicet Scribis, & Phariseis, vobis ad duritiam cordis vestri permisit dimittere uxores? Numquid ipsi Scribæ, & Pharisei vel propter duritiam cordis illorum ita Mosem interpretabantur, vel ob eandem duritiam ab ipso Mose istam, quam ipsi populo obtrudebant, legem latam fuisse affirmabant? Postremò, an non animadvertisti, Christum ea verba ipsis Phariseis dixisse, qui eum, an liceret uxorem dimittere, tentando, interrogaverant, ut *Matthæus, & Marcus* apertè testantur? Animadvertisti omnino, ut ipsa verba tua pag: 131. demonstrant. quæ sic habent. Hac de re disputasse legimus Phariseos cum Christo Iesu, &c. Sed fesellit te nimirum ingens memoria tua. Nam, si id deinde recordatus fuisses, numquam ea verba, Moses permisit vobis, interpretibus scilicet Scribis, & Phariseis, intelligenda dixisses, quasi Christus cum populo, non autem cum ipsis tantum Phariseis locutus esset. Non igitur de Scribarum, & Phariseorum interpretatione in illis verbis egit Christus, sed de ipsa Mosis lege. Qua de re nemo unquam dubitare poterit, qui apud utrumq; Evangelii.

Mat: 19. 9
Mar: 10. 20

Palæologi
Iapfus.

vangelistam locum ipsum vel oscitanter legerit. Cum manifestum ex eorum verbis sit, a Christo interrogatos fuisse Phariseos, quid in ipsa lege Mosis scriptum esset, idq; eos dixisse, & simul ex ipsis verbis Legis adversus Christi de dimittenda uxore sententiam argumentari voluisse, Christum autem non negasse, id Legem dicere, quod ipsi putabant, sed tamen sue sententiae id non obesse docuisse. quippe quod, ut ex antiquissimo Dei instituto intelligi poterat, permissio quaedam ad tempus, non autem rata ac perpetua Dei voluntas fuisset. Sed jam de his satis hoc loco. alibi enim de tota ea lege accuratiùs videndum erit. Nunc nihil aliud querebamus, nisi, ut ostenderemus, in ea Christi cum Phariseis disputatione nihil esse, cur in præcepto isto de non dimittenda uxore Christum non ipsam Mosis legem reformare, sed Scribarum, & Phariseorum interpretamenta rejicere voluisse dicamus.

CAPVT
V.

Hucusque de priorè parte alterius tue rationis actum est, qua testimonia ex cap: 5. Matthæi ab adversariis allata, ut probarent, te instituta contraria Christi institutis proponere, diluere conaris, & nisi vehementer fallimur, abunde a nobis demonstratum, nihil esse eorum, quæ protulisti, quod vim aliquam habeat suadendi, Christum in toto eo sermone nulla ex parte Mosis legem immutare voluisse, sed Scribarum, & Phariseorum tantum commenta rejicere. Nunc de altera ejusdem rationis tue parte agendum est, seu de altero modo, quo scilicet, ipsorum præceptorum

peorum vim singulatim perpendendo, evincere vis, præcepta illa nihil adversus sententiam tuam, quòd bellum a christiano populo, jubente præsertim magistratu, geri rectè possit, quodq; cuilibet homini christiano injurias sibi illatas per magistratum vindicare liceat, nihil inquam, adversus hanc sententiam ea mandata Christi in se continere. Cumq; sententia ista duplex sit, seu duas assertions complectatur, separatim de utraq; videndum est. Priùs igitur de privatis injuriis per magistratū vindicandis disseramus.

Itaq; adversus assertionem tuam, quòd cuivis christiano homini magistratus opem ad suas injurias ulciscendas implorare liceat, attulerant adversarii tui ea, quæ Christus dicit, cum de Legi verbis illis agit, Oculum pro oculo, dentem pro dente, dixerantq; ex illis manifestum esse, Christum sui præcepisse, ut a malis hominibus, & corporis plagas, at perpeffiones, & bonorum jacturam, & servitatem, seu labores omnes ferrent æquo animo potiùs, quàm ut malum pro malo redderent, sive id per se, sive per judices facerent. Et quidem in eo, quòd maxillam dexteram percutienti alteram quoq; præbendam esse ait, carnis ipsius perpeffiones non vindicandas, significasse. dum autem præcipit, ut tunicam tollere volenti dimittatur & pallium, bonorum jacturam non recusandam, si alioqui fieri non possit, ut ab ultione abfincamus, declarasse. cum verò postremò jubet, ut, si quis ad milliare unū conficiendum ab aliquo adigatur, eat cum illo & alia duo, labores omnes, & one-

ra sibi imposta potius perferenda, quam cum rixa, & jurgio detrectanda, docuisse. Atq; in his omnibus, ne ad magistratum quidem, si prædicta incommoda sequi debeant, confugiendum esse, Christum satù aperte dixisse, cum præceptiones suas verbis illis Legi, Oculum pro oculo, &c. opposuerit, quæ non privatam vindictam, sed per judices permittebant, & similiter cum ea verba dixerit, Ei, qui velit tecum judicio contendere, &c. Hæc, inquam, omnia a tuis adversariis dicta sunt, eaq; leguntur pag. 62, & 63. Iam verò considerandum est, quid tu ad hæc contrà scripseris, & quo pacto tam manifesta Jesu Christi mandata obscurare, vel potius inquinare, ac pervertere tentaveris.

Et primùm quidem (quamquam hoc ad singulorum præceptorum examinationem minimè pertinere videtur) non uno in loco, dum ea singulatim examinas, admones, Christi hæc præcepta non magistratui, sed privatis data fuisse.

Atqui istud valere potest ad ostendendum, magistratus civiles, & gladium gestantes in republica christiana Christi præceptis non tolli, non autem ad evitandum, ne privatis magistratum suas injurias vindicandi causa adire interdicator. Nam tu ad utrumq; istam tuam exceptionem valere vis, & sæpius hæc duo, quæ omnino distinguenda sunt, confundis, & de uno agens, alterum misces. Esto igitur. Privatis tantùm dederit Christus mandata hæc sua. Quid tum?

tum? Iam hic de privatis agimus, & quid illis facere liceat, quærimus, an magistratum scilicet pro se ulciscendis adire possint. de ipsius interim magistratus officio, (quod, etiam parte ipsa non accusante, exerceri potest) num scilicet, si quis accusaverit, jus reddere debeat, nec ne, ne verbum quidem facientes. Itaque facebat hoc loco exceptio ista tua.

Sed ait deinde, cum perspicuum sit, Mosem legem illam, Oculum pro oculo, dentem pro dente, eo sensu magistratui tulisse, ut ipse eam exequeretur, neque aut sevire vellet in reum, aut impunita relinquere mala, sed secundum peccati magnitudinem modum pœnæ exercere, Christus autem legem hanc privatos exequi vetet, certè non, ne privati magistratum adeant, & oculum pro oculo, dentem pro dente repetant, sed ne ipsi privato arbitrio injurias suas retalient, & sibi, quod magistratui injunctum fuerat, permissum esse existiment, Christum precipere voluisse. Ad hunc enim modum, ut ex iis, quæ pag. 144. scripsisti, colligere potui, nihil ad rem Christi verba facere, ostendere conaris.

Sed animadvertendum tibi erat, cum Christus ipsa legi verba recitet, seseq; illis opponat, dicens, Ego autem dico vobis, &c, etiamsi tibi concedatur, privatis tantum dedisse illum præcepta sua, de eo tamen eum egisse oportere, quod vi legi, quantumvis ipsi magistratui lata, privatis licebat. Nulli autem dubium esse potest, quin legi illius vi privatis licuerit oculum pro oculo, dentem pro dente, magi-

stratum adeundo, repetere. Semper enim in legibus, quibus magistratui injuriarum pœna præscribitur, tacitè ipso jure continetur, ut injuriam accipienti eam pœnam magistratus ope persequi liceat. Quare, hoc ipsum suos facere, Christum vetuisse, quicquid lex illa concederet, indubitatum esse debet. Neque enim, ut tu arbitraris, legem illam magistratui latam ad privatos trahendam non esse, potissimum docere voluit, sed ut dictum est, quemadmodum ipsius verba demonstrant, id præcipuè egit, ut dicta sua ipsis legis verbis opponeret. quæ legis verba, ut antea dixi, non planè negaverim, ex Christi loquendi modo colligi posse, perperam in populo explicata, & accepta fuisse, ut scilicet privato cuiq; injurias suas per seipsum vindicare liceret. Verumtamen ejusmodi sunt, quæ subjungit Christus, præcepta, ut, quemadmodum in legis verbis recitandis & ipsam legem, & pravam illius interpretationem completi voluit, sic in præceptis suis & hujus rejectionem, & illius, quod ad privatorum jus attinet, moderationem comprehendere eum voluisse, apertè constet. Quandoquidem universè ne malo resistatur jubet, & summam injuriarum tolerantiam, omni prorsus semota vindicta, sive ultione, præscribit, & deniq; disertè, ne per judices id fieri curetur, monet.

Sed operæ pretium est videre, quomodo tu Christi verba in singulis, quæ modò recensuimus, interpretaris. Cum igitur Christus ait Non resistere malo (ut multa verba tua, quæ pag. 144. ad finem, & deinceps

deinceps leguntur, paucissimis complectamur) breviter ea ita accipienda esse dicū, ut sive magistratus ipse sit, qui te injuria afficiat, sive privatus, magistratu aut consentiente, aut te non vindicante, id patienter feras, neq; retaliare injuriam velis.

Ergo primum, si tibi credendum est, Scribarum, & Phariseorum interpretationes, quibus, non autem ipsi Legi Christum dicta sua opponere contendū, id ferebant scilicet, ut quilibet privatus magistratū resistere jure posset injuria se afficienti, & illi vicissim injuriam facere, seq; ulcisci. Sed unde id habes aut quomodo istud ullo pacto verisimile videri potest, cum verba illius legis manifeste de injuriis privatorum privato arbitrio illatis a magistratu vindicandi loquantur, non autem ullo prorsus modo de iis injuriis, quas magistratus in munere suo exequendo privatis infert, ab ipsis privatis suo proprio jure ultiscendis in ea lege agatur? Nam quid potuissent Scribae, & Pharisei tanta in lege illa interpretanda licentia, seu potius impudentia sua pretextere? Quamquam satis est, ut innuimus, te id numquam probaturum esse, quod in ista tua explanatione sumis, nec opus est, ut a nobis contrarium probetur. Sed quid dicemus, cum iam a nobis ostensum fuerit, Christum non quidem Scribarum, & Phariseorum interpretationes resellere, sed ipsam Mosis legem reformatur? Cum enim Lex magistratui mandet, ut oculum pro oculo, dentem pro dente reddendum curet, quid ad hujus mandati reformationem pertinet jubere,

ne ipsi magistratui injuriam inferenti quis resistere audeat, & pari injuria illum afficere? quid porro hoc ad docendum, non licere homini privato, etiam si secundum Legem alioqui id facturus esset, suas injurias proprio quodam jure retaliare, ad quam sententiam sortasse, ut diximus, in populo Legis verba trahebantur, idque perperam fieri, monere voluit Christus? Certè hæc pars in Christi verbis indecisa relinquitur, si explanationem tuam sequi velimus. quæ id tantum a Christo decisum esse docet, quod ad *rec ne,* magistratui resistendum pertinet, cum vel ipse est, qui injuria afficit, vel privato injuria afficienti consentit. Quid enim, si neutrum sit, neq; is, qui injuria afficitur in eo sit loco, ubi ad magistratum decurrere possit? Quid si non leges modò, sed magistratum quoque sibi favere pro certo sciat, & si se privato arbitrio ulcisci negligat, atq; cunctetur, non modò, quàm jam accepit, injuriam numquam resarcire queat, verum etiam novas sit accepturus? Non dubium est autem, ut ex pluribus tuorum scriptorum locis intelligi potest, præsertim verò ex verbis, quæ leguntur in priore scripto pag. 34, quin tu in ejusmodi difficultatibus constituto injurias suas per se vindicare permittas. Quod tamen cum Christi verbis manifestè pugnat, qui, ut visum est, simpliciter, ne malo resistatur, præcipit. Nam, quòd nomen Malo ad magistratum malum dumtaxat, sive ad malum hominem, qui, malo magistratu assente, injurius est, reservari vis, quis hoc (is præsertim perpensis, quæ paullo ante
 re dis

re diximus) tibi umquam concedet? Quenam tanta est auctoritas tua, ut verba indefinite prolata pro arbitrato tuo ad ea tantum accommodes, quæ placitis tuis non adversentur?

At enim ai (ut video) Christi verba omnino restringi debere, nec ita universe, ut sonant, accipienda esse. alioquin sequeretur, neq; ulli malo, neq; ullæ ratione resistendum esse. cum tamen & Diabolo, quæ profecto & malus est, & omnium, qui mali sunt, caput, resistere omnino jubeamur, & malis hominibus non una ratione resistere possimus. Atq; huc adde, quæ in priore tuo scripto pag. 57. leguntur, ubi multa recensens, quibus malo resistimus, nec tamen ea facere prohiberi videmur. de quibus explicatiùs alio loco agemus.

Hæc tua ratio nullius momenti censeretur debet, cum apertissimum sit, de quo malo Christus loquatur, & quid Resistendi verbo significare voluerit. Ex eo enim, quod de verbis illis Legis agit, Oculum pro oculo, dentem pro dente, de malo homine cum loqui, Resistendi verbo illatas ab ipso injurias ulcisci, aut vi, quæ re ipsa injuriam retaliare possit, adhibita, repellere, significare voluisse, nemo est, qui non videat. atq; in hunc sensum ejus verba indefinite, ob eamq; rem universe, ut sonant, accipienda esse dicimus, non autem, ut tu facis, sine ulla necessitate restringenda. Quare similiter sine ulla vel necessitate, vel etiam levi causa tot verba fundis, ut, quid hic Malus, quidve Resistere significet, intelligatur.

zur. nec modestè satis (fortassis quia non, ut tu, graeci nati sunt) quasi adversariis insultans, eis ignorantiam sensus istorum verborum objicis, & ais, Apostolos græcè scripsisse, non latine. Sed (est Deo gratia) non desunt inter eos, qui cum illis sentiunt, qui & quid sit Græcis ἡ ἀποστολὴ, & quid inde ἐστὶ τὸ ἰσχυρὸν significet, optimè norunt.

Verùm denuo restrictionem istam tuam planè & rueri, & probare tibi fortasse videris ea ratione, quia, cum Christus apostolis, & verbi Dei ministris præcepta det, qui & magistratibus, & privatis indivisi futuri erant, necesse est, ut odium & magistratus, & privatorum adversus eum sit, cui, ne malo resistat, hoc loco præcipitur. Sic enim ex verbis tuis pag. 149. colligere quis posset. Nam tu non ita rem explicas. & si tua verba spectentur, ad eos solos, qui concionantur, hoc est ad ipsos tantùm apostolos, & verbi Dei ministros argumentatio tua pertinet. Quòd sanè ineptum videri debet. quasi quaereretur, quando in istis tantùm Christi præcepto locus esset, non autem (quod tamen planè sit) in quem sensum, etiamsi adversus opinionem tuam ad omnes privatos id præceptum pertineret, Christi verba accipienda essent.

Ceterùm tota ista sive tua, sive pro te mea argumentatio vel ex eo dissolvitur, quòd a te probatùm non fuit, Christum solis Apostolis, & verbi Dei ministris præcepta dare. immo quòd ejus rei contrarium a me supra, dum tua argumenta resello, satis, ut arbitror,

ditror, ostensum fuit. Ex quo id præterea intelligi debet, nihil esse, quod aũ, hæc, quæ Christus præcipit, fieri debere propter iustitiam regni, hoc est, cum iustitia regni, nisi ita fiat, videatur a nostra impotentia violari. Sic enim habent verba tua ead: pag: 149. in fine. Nã si non solis Apostolis, & verbi ministris Christus mandata dedit, sed omnibus discipulis, & sectatoribus suis, non est, cur Iustitiam regni ita interpreteris, ut ad Apostolos tantum, & verbi ministros referri possit, atq̃, ut alibi facis, ad solam Evangelii prædicationem id restringas, quod sine dubio, quidquid ad jus cælestis regni pertinet, complectitur. quod jus certe impotentia suã violat, quicumq̃, Christi nomẽ professus, Christum non imitatur, & in eo potissimum non imitatur, cujus exemplar is nobis propositus est, ne malum malo ulla ratione, nec publica, nec privata rependamus. Quamquam nusquam scriptum extat, ea, quæ hic mandat Christus, tunc demum fieri debere, cum iustitia regni, nisi ita fiat, videatur ab impotentia nostra violari. Adde, quod ne in ipsis quidem Apostolis, aliisq̃, verbi ministris id perpetuum est, ut & magistratus, & privatorum odium erga illos causæ, quam (ut tu loqueris) concionantur, conjunctum sit. Siquidem fieri potest, & sæpe factum est, ut ejusmodi homines vel magistratum, vel populum sibi saventẽ, aut certe non repugnantem habeant, vel etiam utrumq̃, interim tamen Evangelii causã, quod prædicant, a privatis quibusdam pessimè habeantur, & omni injuriarum genere afficiantur. Quid (rogo) illis

tunc faciendum ex Christi præscripto erit? Certè, si rationem illam tuam attendimus, vel hunc casum verbis suis Christus non comprehendit, vel potius tacite exclusit, atq; Apostolis ipsis, & verbi Dei ministris, si quid tale eis accideret, præsertim, si ad magistratum confugiendi facultas eo tempore, aut spatium non daretur, seipsos, si possent, privatim ulcisci permisit. Atq; ita eos ex ovibus, quas inter lupos mittebat, lupos & ipsos, aut saltem canes, ubi opus fuisset, fieri voluit. Quòd si ne Apostolis quidem ipsis, verbiq; ministris interpretatio, & restrictio ista tua accommodari potest, non est, cur exemplo aliorum verborum Christi allato, quæ de non resistendo malo hic præcipit, ad Evangelii tantùm causam referri debere contendas. Exemplum porrò est, cum Christus præcipit, ut, si quis velit ipsum sequi, tollat crucem suam. Tametsi hoc quoq; solis Apostolis dictum fuisse videris. Atqui non animadvertis, exemplum simile loco nostro non esse. Ibi enim manifestè de iis agitur, qui Christum sequi velint, & idcirco merito Crucis suæ nomine, (quod nomen alioquin etiam, & per se, mala, tamquam pœnas, sibi illata ex vi translationis significat) afflictiones tantùm, quæ propter Evangelii causam sustinentur, intelligi possunt. Hic verò nihil tale apparet, sed universè, malo non resistendum esse, præcipitur.

Sequitur, ut de præcepto illo agamus, Si quis te percusserit in dexteram maxillam, præbe illi & alteram. Non potuit Christus evidentiùs, aut significan-

gnificantius omnem prorsus vindictam, sive ultionem interdiceret, quam jubendo, ut malam cadenti, alteram prebeamus. Hoc enim omni ultionis generi planè contrarium esse, nemo est, quin videat.

Hic tu multus es, ut probes, Christi verba nequaquam simpliciter, ut sonant, accipienda esse. Alioquin errasset Paulus, qui, in os verberatus, non prebuit & tergus. Errasset ipse Christus, & suam ipsius legem Act: 23. 9. planè violasset, qui, percussus unam in malam, alte- Ioh: 18. 22. ram non obtulit pulsandam. Hæc scribuntur a te pag: 155. & repetuntur pag: 230. & 231. & pag: 321. & 322. & in priore quoq; scripto eadem dixeras pag: 36. Atq; in hiis omnibus locis vel tacite, vel aperte adversaria obijcis, quod Christi verba hæc mordicus retineant, sententiam negligant, ex ipsius Christi, & Apostolorum factis eliciendam, quæ interpretamenta sunt verborum Christi.

Atqui non opus erat, ut hac in re tantopere laborares, atq; ea ratione adversarios tuos in invidiam vocare curares, quasi illi ista negent, velintq; Christi verba omnino, ut sonant, intelligenda esse, neq; quid vel ipse Christus, vel Apostoli ea in re fecerint, animadvertant, aut etiam curent. Fatentur adversarii tui, idq; sua sponte, Christi verba paullo aliter accipienda esse, ac prima fronte sese legenti offerant, & ob eam rem potissimum fatentur, quia & Pauli, & Christi ipsius factum optimè noverunt, eaq; ut decet, observarunt, etiamsi eorum, utpote quæ in hac quaestione & notissima, & (ut ita loquar) de-

cantas

*cantatissima essent, nullam mentionem fecerint. Re-
 lege, quæ ipsi in sua ad te responsione pag: 62, & 63.
 hac de re scripserunt, & me verissima loqui conste-
 berit. Sunt enim hæc ipsorum verba in extrema pag:
 62. ubi de Christo est sermo. Et omnino non vin-
 dicandum esse suos docet, non oculum pro o-
 culo, vel malum pro malo reddendum, sed po-
 tius quam hoc fiat, & alia injuria patienda,
 quod sub nomine alterius maxillæ obverten-
 dæ intelligit, &c. Vides, adversarios tuos sic Chri-
 sti verba interpretari, non ut malam percutienti o-
 mnino altera præbenda sit, quemadmodum verba i-
 psa præ se ferunt, sed ut potius alia injuria accipia-
 tur, quam ut ea, quæ jam accepta est, vindicetur. In
 quo igitur (dicet aliquis) dissentiunt in Christi ver-
 bis interpretandis Racovienses a Paleologo? Nempe
 in eo, quod illi, tropica ista locutione admissa, (si ta-
 men tropica locutio appellanda est, nam, quæ addi
 debent, ex præcedentibus, exq; subjecta materia o-
 mnino proficiuntur) simpliciter cæteroquin, & uni-
 versè Christi verba accipiunt, & omnem prorsus vin-
 dictam, sive ultionem in illis damnari volunt. Pale-
 logus verò de privata tantum vindicta Christum lo-
 qui contendit. Sed animadvertite, Paleologe, quam
 tuæ interpretationi illorum interpretatio præstet.
 Primum tu Christi verba restringis, quæ indefinite
 prolata sunt, illi verò indefinite prolata indefinite
 quoq; accipiunt. Deinde, quod tu facis, non modò sine
 illa necessitate facis (non debent autem proferentia
 verba*

Verba aliter intelligi, ac sonant, nisi evidens necessitas id postulet, sed adversus omnem rationem, ut mox docebimus. Quod verò illi faciunt, necessario quodammodo faciunt. Nam, cum Christus verbis Mosai-
ca legis, Oculum pro oculo, dentem pro dente, in quibus de publica vindicta manifestè agitur, sua dicta opponat, inquit, Ego autem dico vobis, Non resistere malo. Sed, si quis te percusserit, &c. certè indubitatum esse debet, ejus verba similiter de publica vindicta agere qua prohibita, consequens planè est, ut privata quoq; prohibita censeatur. Non autem ullo modo est verisimile, ut de privata ipsa vindicta agant, publica nullam mentionem faciant, Vnde Christus unum proposuisse, aliud conclusisse, seu de uno in propositione, de alio in conclusione ineptè, ac ridiculè locutus fuisse appareat. Nam, que tu ad interpretationem istam tuam confirmandam, adq; probandum, Christum privatis privatam, non publicam vindictam, interdixisse, in medium asfers, nihili aestimanda sunt, quemadmodum alibi infra a nobis demonstrabitur.

Nunc unum examinandum est, quod adversariorum interpretationi objecisti, vel potiùs, quo ex ipsa adversariorum interpretatione eorum de presente questione sententiam, atq; ad eò ipsam interpretationem everti posse, existimasti. Sunt enim, que statim subjiciam, verba tua pag: 231. Quod si Christus non obvertendo malam, nec Paulus non vertendo tergus, non peccavit, & tantam vim habet le-

bet legis: Obverte & alteram, quantam: ne deferas ad magistratum tuas injurias ut vindicentur, quod nusquam scribitur, sequitur ut qui defert suas injurias ad magistratū, ut illa vindicet, non peccat, postquam non peccat is qui ut non recipiat novam injuriam non obvertit alteram malam.

Acute sanè. Atqui hac eadem ratione interpretatio tua evertetur, & privatos privatam vindictā exercere posse, contra tuam ipsius sententiam concludetur. Nam, si præbe ei & alteram, tantam vim habet legis, quantam Ne tibi illatam injuriam privato arbitrio vindices, sed magistratum adi, sequitur, ut, quoniam Christus, non præbendo alteram malam, non peccavit, is similiter non peccet, qui injuriam sibi illatam, privato arbitrio vindicat, nec magistratum adit. Nonne vides, ista argumentatione tua adversus quamcumq; illorum Christi verborum interpretationem similiter disputari posse, atq; ipsius vi Christum vel, dum præcipit, nihil dicentem, vel factis suis præcepta sua mutantem, & abrogantem fieri? An non agnoscis, te in argumentando terminos (quos vocant) mutare, & in equivoco, ut loquuntur, versari, a verbis ad rem transeuntem. Cum enim ais, tantam vim habet legis: Obverte & alteram, quantam, &c, tunc ipsa illa verba, Obverte & alteram, intelligi. Cum verò ais, postquam non peccat is qui, &c, non obvertit alteram, tunc rem ipsam intelligi, qua verbis illis proprie significari

Patrologi
lapis.

uari solet, ipsumq; factum alteram malam obvertendi cum verbis de altera mala obvertenda confundis. Nec enim dicunt adversarii tui, idem esse factum obvertendi alteram malam, & non deferendi ad magistratum injurias, ut vindicentur. sed dicunt, verba illa Christi de altera mala obvertenda ita accipi debere, ut in eis interdictum censeatur Christi discipulis, non tantum privato arbitrio, sed ne ad magistratum quidem deferendo, suas injurias vindicare. Spero, te jam argumentationis tue fallaciam, ineptitudinem, atq; inutilitatem probe agnovisse. que profecto in te tanto disputatore vix ulla venia dignae sunt. Quare nihil addam amplius, sed ad ea verba exutienda me convertam, que praedictae tuae argumentationi statim adjungis.

Namq; in iis adhuc adversariis aliquid objicis in explanatione illorum Christi verborum. Ais enim, Desipit autem scriptor hic cum putat nomine maxillae intelligi cruces & mortes, cum verba Christi persistant in rebus civilibus. In criminibus enim, &c. Nolim adversus id, quod debeo, & ab initio pollicitus sum, te aliquo maledicto incescere, neq; hoc praesertim loco, ubi de injuriis minime retaliandis diseritur, quam isti scriptori convicio tuo facis, injuriam alio simili in te convicio vindicare. Sed certe, uter vestrum desipiat, judicabit cordatus lector. Primum tu illum ea dicentem facis, quae non dicit. Quandoquidem haec sunt illius verba pag. 63. Na passiones seu cruces in carne sub nomine ma-

ne maxillæ cadendæ intelligit. Vides illum de mortibus nihil dicere, sed de perpeffionibus, & plagis corporis tantum loqui, quas ipse passiones, seu cruceſ in carne nominat. Quod non minimi eſt momenti propter ea, quæ deinde addis. de quibus poſtea videbimus. Vides item, illum non nomine maxillæ ſimpli- citer, quod ineptè dictum fuiſet, ſed ſub nomine maxillæ cadendæ eas perpeffiones, & plagas a Chriſto intelligi, dixiſſe. Quod tamen nihil moror, cum tu inde adverſarium carpendi occaſionem non arripas. Deinde eundem ſcriptorem non modò contra omne jus, ſed contra teipſum, & tua ipſius dicta reprehendis. Quid enim? An non rectiſſimè dictum eſt, ſub maxillæ cadendæ nomine perpeffiones, & plagas corporis intelligi? Nonne malam qui cedit, iſ corpus ipſum ferit, atq; affligit? Qui igitur ſine ſumma injuria eum deſipere dicat, qui hæc ſcripſerit? Contra verò quis riſum continere queat audiens dicentem, ſub maxillæ cadendæ nomine res civiles, non autem crimina intelligenda eſſe, cum ipſum malam cedere vel crimen ſit, ut certè eſt, cum id injuriâ, & contra leges ſit, vel ad res civiles nullo pacto pertineat? Prætereâ nonne perſpicuum eſt, Chriſtum hic de criminibus, non autem de civilibus cauſis loqui, cum propter verba illa legis, Oculum pro oculo, dentem pro dente, hæc dixerit? Quæ legis verba nemo tam bebes eſt, quin videat de criminibus, non autem de civilibus cauſis agere. Ac poſt ipſa ſtatim intulit Chriſtus, Ego autem dico vobis, Non reſiſtere

malis

malo. *Quæ verba quis negare audeat ad crimina pertinere? His verò hæc de quibus disputamus, Si quis te percusserit, &c. planè adherent, atq; ab iis pendent. Et tamen audes tu affirmare, verba Christi persistere in rebus civilibus, de quibus hoc loco nihil omnino dixerat. Et hæc quidem, quod attinet ad id, quod dicebamus, te contra omne jus scriptorem istum reprehendere.*

Palæologi
audacia.

Quòd autem contra te ipsum, tuaq; ipsius dicta id facias, animadvertet quisquis meminerit, te universum Christi sermonem ad Apostolos, & verbi Dei ministros pertinere velle, idq; hoc loco potissimum ut scilicet evincas, non de magistratu nõ adeundo hæc verba fieri, sed de iis non vindicandis, quæ propter Evangelii prædicatione, aut certè publicã professionem quis ab ipso magistratu, vel a privatis, magistratu annuente, aut non repugnante, perpetitur. Id enim, explanans superiora verba, Non resistere malo (ad quæ hæc, de quib; nunc agimus omnino referri, id sanè demonstrat, quòd per adversativam particulam Sed cū illis nectuntur) apertè scribis. præsertim verò pag. 149. in illis verbis, In omnibus enim his concionibus Iesu Christi intelligere oportet, odium esse & magistratus & privatorum erga te causæ, quam concionaris & quam complexus es gratiam. Vbi illud obiter notandum est, quod deinde addis hoc pacto. Causa enim ipsa est quæ odium concitat hominum: Cujus gratia vult Iesus Christus nos omnia, quæ boni & probi viri

G

solent,

solent, ferre. Ergo nihil amplius Evangelii causa perferendum esse Christus docuit, quam boni & probi viri ferre solent? Quid? An fortasse dubium aliquod ea de re futurum erat? Numquid in mentem alicui venire poterat, eos, qui virtutem, & probitatem eximiam aut ipsi profiterentur, aut etiam alios docerent, quales sine dubio ii sunt, qui Evangelii causa affliguntur, improbos & malos esse posse, id est nihil referre, utrum ii boni & probi, an verò improbi & mali essent, quos ceteris omnibus virtute, ac probitate antecellere debere constat? Cur igitur tot verba Christus, ipsis docendis, fecit, si tantum id eos monere voluit, ut bonos & probos viros imitarentur? En quale Christi evangelium nobis fingis, quod ab ipsa philosophorum disciplina in homine instituendo superetur? In philosophorum enim ferè omnium præceptis multa sunt eximia, & communem hominum virtutem, ac probitatem superantia, quæ etiamsi quis non fecerit, non tamen improbus, aut malus dicitur. In Christi autem evangelio ea tantum præcipi vis, quæ boni & probi viri facere solent, idque tunc etiam, cum de ipsa Evangelii causa asserenda agitur, & propaganda. Etsi enim in verbis tuis non est dictio Tantum, aut alia similis, hoc tamen te sentire, cum ex verborum ipsorum, quæ recitavimus, perspicua propter usum loquendi sententia, tum ex iis, quæ mox subjicis, apparet. An enim, Legantur omnia scripta quæ extant Apostolorum, qui sunt fidissimi interpretes verborum & voluntatis

tatis Iesu Christi, omnia eo tendere cognoscuntur, ne nos occasionem demus hostibus veritatis, avertendi se à causa & causæ amore seu cognitione veritatis propter proterviam & animi nostri impotentiam. Itaq³, si tibi credimus, modò apostoli, & verbi Dei ministri protervi & animi impotentes non essent, satis habebat Christus. Idq³ non per se, ac perpetuò ab illis requirebat, sed propter suæ disciplinæ propagationem, & tunc demum, cum de hominibus ad veritatis cognitionem perducendis, sive in ea confirmandis ageretur. Nam certè hæc tuorum verborum sententia esse videtur. Sed jam ad propositum revertamur.

Per spicuum est igitur, te in eo tibi adversari, tanquæ ipsius dicta refellere, dum vis Christum in illis verbis sub malæ cadendæ nomine non crimina, sed civiles res intelligere, cum id maximopere contendas, eum de iis injuriis, quæ Evangelii causa a malo sive magistratu, sive privato, cui magistratus non repugnet, verbi Dei ministris inferuntur, sermonem instituisse. quæ profectò crimina sunt, non autem res civiles. Quid, quòd cum alibi ubiq³ fateris, Christum hoc præcepto privatam injuriarum vindictam prohibuisse, tum verò (eadem scilicet pag. 231.) hæc verba paulo ante scripseras? Si quis unam malam, inquit, cæciderit, obverte illi ut cædat & alteram, quis non videt collationem insinuatam esse sententiæ? Hanc scilicet, potius quam privatam injuriam vindices vi privata, feras

Palæologus scriptis refellit.

novam injuriam tu qui tulisti priorem, nec velis malam illi cædere qui malam tibi cæcidit. Hic est omnino sensus. *Hucusq; sunt verba tua. Ergo ipse confiteris, sensum verborum Christi omnino esse, ne vi privata injuriæ vindicentur. Num igitur, teipso judice, Christi verba in causis civilibus persistunt? Numquid injuriæ crimina, seu delicta non sunt?*

Palæologus
adversus
teipsum
sententiã
fert.

Sed videamus, quomodo probes, Christum hîc de criminibus non agere. Addis enim ad finem prædictæ pag. 221. hæc verba. In criminibus enim ipse dixit: Omnes qui acceperint gladium & aliquem occiderint (privati cum sint gladio) a magistratu peribunt. Non est autem, quod hæc tua verba hic diligentius examinemus, & tua ad Christi verba additamenta, sive interpretationes partim suis notis distinctas, partim non distinctas, sed ipsius Christi verba esse præ se ferentes excutiamus. Concedamus sanè hoc loco, Christum ea dixisse, quæ tu illi adscribis. Quid hoc ad illud, quod quæris? Christus a libi dixit eum, qui, privatus cum sit gladio, aliquem occiderit, a magistratu occisum iri, seu mavis etiam occidi debere. Esto. Quid tum postea? Num propterea hic dicere non potuit, ac iubere, ut corporis plagas, & perpeffiones ab improbis hominibus patienter seramus, ut scriptor noster ait, & de criminibus loqui? Primum enim nec de ipsa morte hic agi, ut dictum est, in his scriptoris verbis affirmatur, nec sub Accipiendi gladium verbo, cui tu verbum Occidendi, hoc ipsum

ipsum sentiens, addidisti, omnia crimina intelligere potuit Christus, ut verba illa demonstrant, gladio, sive, ut tu interpretaris, a magistratu peribit. Non perit enim a magistratu, quicumq; crimen aliquod, seu delictum commiserit, sed is demum, qui capitale facinus perpetraverit. Deinde fac, vel scriptorem istum mortem quoq; passionibus, & crucibus in carne nominandis, intellexisse, vel Christum Accipiendi gladium verbo omnia crimina, seu delicta significasse, numquid repugnant hæc inter se, Delicta aliorum in se patienter ferre, & Ei, qui deliquit, gladio per-eundum esse? An non magistratus ipse nihilominus deliquentem plectere poterit? Iam (ut video) per te, disciplinamq; tuam, quam Christi discipline loco nobis obtrudere speras, non licebit mitem atq; clementem esse, injuriarumq; patientem, & nedum ut peccet is, qui per magistratum injurias suas ulciscitur, is peccabit, qui non ulciscitur, & injuriâ læsus ultro magistratum non adit, atq; in se delinquentem non desert, eumq; gladio puniri non curat. Certè hujusmodi placita vix crediderim in ulla barbarorum religione reperiri. In multis sanè locis, in quibus Christi quidem nomen personat, ceterum omnis Christiana religio extincta esse videtur, hoc tamen etiamnum obtinet, ut, quamvis injurias sibi illatas privato arbitrio non vindicare turpe, ac dedecoris plenum esse ducant, multò tamen turpiùs, & dedecoris magis plenum censeant, atq; adeò flagitiosum esse statuunt, magistratus opem ad eas vindicandas implo-

rare. Quod non idcirco fit, ut asuescant homines privato arbitrio suas injurias ulcisci. id enim, si verum fateri velint, sentiunt & ii quoq̄, quorum interest publicè, non autem privatim injurias vindicari. Sed docet hoc nimirum ipsa ratio, Aut omnino condonandas esse injurias, aut, si vindicandæ sunt, id per seipsum, non autem per alium fieri debere. Vilissimi enim ac turpissimi animi est, impotentis scilicet simul atque ignavi neutrum istorum facere aut velle, aut posse. Sed hæc hæctenus.

Nunc de Christi præcepto illo agendum est, Ei, qui vult tecum in judicio contendere, & tunicam tuam tollere, dimitte ei & pallium. In quo disertè judicia quoq̄, suis fugienda esse docet Christ⁹, potiùs scilicet (huc enim omnia referuntur) quàm, ut malum malo rependatur. Quod ne ullo modo fiat, id quoq̄, cavendum est, ne alicui etiam injustè nos injuria afficiendi occasionem præbeamus, ut postea latius explicabimus. Meminisse enim oportet, Christi verba hæc, & quæ sequuntur, usque ad alia verba Legis, Diliges proximum tuum, &c. ad ea Legis verba addita fuisse, aut certè aliquo modo pertinere, Oculum pro oculo, dentem pro dente, in quibus de iniuriis retaliandis agitur. Sed tu appendices esse ais interpretationis legis de vindicta, sive coniuncta quædam legi de talione, idq̄, scribis pag. 144. & pag. 156. Verùm benè habet, quòd dum de vindicta, seu talionis lege ampliùs Christum loqui negas, ut scilicet miris quibusdam tuis ejus verborum explanationibus ipsius præcepta eludas, interim a-

pertè fateris, in superioribus de ea lege actum fuisse. Quòd si verum est, quomodo superiora illa verba, Si quis te percusserit, &c. ad civiles causas, non autem ad crimina pertinere contendis? Numquid lex talionis, seu vindictæ non ad crimina, sed ad civiles causas pertinet? Iam verò si ejus legis, sive interpretationis ipsius, quam Christus attulerat, hoc, quod examinandum est nobis præceptum, unà cum duobus sequentibus appendix est, & coniunctum quiddam, videndum est, qua ratione tu hæc cum illa nectas, atque coniungas. Propterea iam, quo pacto ea expla-
nes, consideremus.

Tria igitur dicit esse hæc legi de talione coniuncta. Vnum de iudiciis, Alterum de vi, Tertium de mutuo. Et de iudiciis quidem ais esse hoc primum, Eius, qui vult tecum in iudicio contendere, &c. Cuius dicti sententiam hac ratione inquiris. Ais, in duobus sequentibus nullam mentionem iudicii fieri, quod planè indicare putas, in hoc aliquid subesse, quod in illis non sit. Id autem, ut verbum ipsum Contendendi in iudicio declarat, nihil aliud esse potest, nisi, quod in sequentibus de re agatur, quæ ex voluntate pendeat eius, abs quo petitur, in hoc verò de ea, quæ pendeat ex aliqua obligatione. Sic enim colligitur ex iis, quæ scribis pag. 158. Vt autem, quid hoc sit, explicare possis, in quem sensum In iudicio contendendi verbum hic accipiendum sit, indagas, & pergens ais, Christum supra iudicii, & iudicis fecisse mentionem in iis peccatis, in quibus humana iudicia

Palæolog⁹
sibi cōtra-
rius,

locum non habent, sed ad ipsius Dei iudicium causa defertur. De hoc igitur iudicio eum hinc similiter loqui vis. Quod si verum est, de obligatione etiam eum loqui necesse est, quæ sit non secundum homines, sed secundum Deum. Quæ verò erit ista? Nempe ea, cum quis, duas tunicas habens, divino iure obligatus est alteram non habenti dare. Itaque Christi verba, Ei, qui vult tecum in iudicio contendere, & tunicam tuam tollere, ad hunc modum ex sensu tuo explananda sunt. Pauperi, seu tunicam non habenti, cum tu duas habeas, qui te ad Dei iudicium, atque tribunal sistere potest, teque ea ratione cogere, ut sibi alteram ex duabus tunicis concedas, dimitte & pallium, id est potius pallium unam cum tunica des, quam tunicam deneges. Hocque Christi preceptum unam cum duobus sequentibus, quas tu modo sententias, modo sententiolas appellas, ad eleemosynam pertinere ais, de qua mox dicturus erat.

Perpendamus (quæso te) paullo diligentius mirabilem hanc tuam explicationem, & primum id, quod postremo loco dictum est, consideremus. Nam, si ad eleemosynam, ut inquis, hæc Christi precepta pertinent, quomodo ea ad legem vindictæ, seu talionis accommodari queunt, etiamsi, ut tibi placet, appendices tantum, & conjuncta quedam essent? Quid commune habet eleemosyna, ea præsertim, quam dare divino jure cogimur, cum injuriis privato arbitrio (ut ipse interpretaris) non vindicandis, aut retaliandis? Cui enim injuria facta fuit, is nemini quidquam debet,

debet, immo ipsi ab eo, qui injuriam fecit, multam debetur. quem verò Deus jubet eleemosynam dare, ei non solum nihil ab aliquo debetur, sed ipse, quod Deus dare jubet, indigenti debere dici potest. Quòd si de eleemosyna quadã, seu liberalitate tantum sermo esset, quam dare quis nullo jure cogeretur, id ad preceptum de injuriis non vindicandis aliqua ratione accommodari sortè posset, seu cum illo conjungi. Hoc nimirum pacto. Quemadmodum juri nostro in injuriis non vindicandis est renunciandum, & alteri de eo quod nostrum est, cedendum, sic danda est eleemosyna iis etiam, quibus ut detur, nihil cogit, aut jubet, & ita de jure nostro quodammodo cedendum, & alteri, quod nostrum est, concedendum. Sed aliud eleemosynæ genus illud, ut dixi, non video, quomodo huc pertinere possit. Simul enim atq; obligatio aliqua dandi ad fuerit, evanescet omnis ad injurias non vindicandas relatio, & omnis pariter hæc jungendi ratio. Atqui, ut vidimus, certum est, de isto eleemosynæ genere in primo hoc precepto agi, si explanationem tuam sequi velimus. Nihil autem dico, quòd satis ipse fateris, de eleemosyna in primo hoc precepto non agi, cum dictum quoddam esse velis de judiciis. Quid enim eleemosynæ cum judiciis? Deinde, quo exemplo confirmas, verbum Volo pro Possum interpretari licere, nedum id fieri hoc loco debere? Etenim in explanatione tua verba illa, Ei, qui vult, ita omnino accipiuntur, ac si dictum fuisset, Ei, qui potest. Quamquam hoc non satis est, nisi verbum vult & Vult, &

Potest simul significet. Ex loco enim ipso perspicuum est, ea de re hic perpetuò agi, quomodo scilicet alterius in nos voluntati, aut factò, quod nobis detrimentosum appareat, respondere debeamus. & tu alibi, quamvis hìc id requirere non videaris, de petitione illius, qui tunicam non habet, mentionem facis, pag: videlicet 207, & 234, atq; etiam pag: 233. Verum numquid is tecum iudicio contendere velle dici potest, qui nihil aliud agat, nisi id a te petat, quo tu abundas, ipse caret? Deus bone, qualem, Palaologe, nobis Christum facis, qui non quidem doceat, sed ænigmata quodammodo solvenda proponat! Sphingem sane aliquam, te verò Oedipum, qui solus ea solvere possis.

Nam quid de interpretatione tua dicemus ejus verbi, in iudicio contendere, quod in græco est $\kappa\rho\iota\sigma\tau\acute{\iota}\nu\alpha\iota$? Quàm mirè es acutus, qui de divino tribunali hìc agi velis, & verbum $\kappa\rho\iota\sigma\tau\acute{\iota}\nu\alpha\iota$ ad iudicium illud referas, de quo supra Christus semel locutus fuerat, ac dixerat, Omnis, qui temere irascitur fratri suo, reus erit iudicio! Certè oportuit, Christi quoq; auditores non acutissimos modò, sed optimà etiam memoriã esse, ut hæc percipere possent. At inquires, non in eo solo loco a Christo ejus iudicii reipsa antea mentionem factam fuisse, req; id satù indicasse, cum non tantùm dixeris, Christum supra fecisse mentionem iudicii, sed etiam iudicis. Non enim in eo loco disertè mentio iudicis fit, sed in illo, ne fortè tradat te adversarius iudici. Verum est. Nò animadverteram. Sic enim ad finem quoq; pag: 159. scribis,
Nam

Nam contendere tecum videtur eo significatu dictum, quo illud: Reus erit iudicio, & illud: Et tradet te adversarius iudici. Et statim adjungis, ejusdem enim significati esse oportet hæc omnia: Adversarius, iudex, iudicium, carcer, minister, exactor, & quo unum refertur oportet omnia referri. Rectè quidem, quod attinet ad eum locum, ubi istorum omnium, præterquam iudicii, fit mentio, si inibi iudicium nominatum fuisset. At verò, quòd eòdem etiam referri debeat, si quid in toto eo sermone de iudicio subeundo a Christo dicitur, non rectè est dictum. præsertim ubi commodissimè alio referri potest, idq; non quidem nova & translaticia significatione ascita, ut in interpretatione ista tua fieri necesse est, sed propria atq; usitata retenta. Quid enim prohibet, quominus verbum $\chi\rho\iota\sigma\tau\acute{o}\nu\alpha\iota$, sive In iudicio contendere hoc loco propria & usitata significatione accipias, & ad humana iudicia referas, ut fieri etiam vides 1. Cor: 6. v. 1, & 6? Nihil omnino, nisi quòd ea significatio tue sententiæ plurimum obest, & in locis plerisq; sacrarum litterarum interpretandis nihil pensi habes, modo tuis placitis, si tua interpretatio admittatur, vel saveant, vel non adversentur. Hoc autem non injurià a me dici, confitebitur (spero) quisquis meam hanc responsionem legerit. Nam, hoc ipso loco explanando, ita nihil pensi habuisti, ut tibi ipsi sæpius non confiteris, atq; adeò planè adversatus fueris. Primum enim, ut jam vidimus, cum primò dixisses, Christi dictum

Palæologus
sibi ad
versatus

*sti dictum hoc de iudiciis esse, deinde unà cum sequē-
 tibus ad eleemosynam pertinere dixisti, quæ cum ju-
 diciis nihil commune habet. Quandoquidem iudici-
 orum simplici nomine non Dei iudicium, ad quod tu
 Christi verba pertrahere conaris, sed humana tan-
 tùm iudicia significantur. Deinde, quæ in illis Christi
 verbis, Esto consentiens, &c. de iudiciis dicuntur,
 quæq; hic ad divinum iudicium refers, eadem aliis in
 locis de iudiciis humanis accipis. Legantur ea, quæ
 scribis pag: 121, 122, 124, 125, 233, & 252, & quæ in pri-
 ore quoq; scripto dixeras, suntq; in principio, medio,
 & sine pag: 35, & initio 36. ubi etiam passim ex illis
 Christi verbis magistratum stabiliri, & confirmari
 affirmas, quamvis id deinde in posteriore scripto pag:
 126. dubium relinquant. Legantur, inquam, loci prædi-
 cti, & cum verbis tuis conferantur, quæ paullo ante
 recitavimus, in quibus verba illa Christi ad divinum
 iudicium, ut vidimus, refers. & te studio explanatio-
 nis tuæ ejus loci, quem præ manibus habemus, confir-
 mandæ, tibi tam parum constituisse, nemo est, qui ve-
 hementer miraturus non sit. Sed aliæ quoq; in eadem
 hac re inconstantia tuæ mox a nobis reteguntur. Mo-
 nendus enim prius est lector, ne superiora quidem il-
 la Christi verba, reus erit iudicio, ejusmodi esse, ut
 ad confirmationem explanationis horum verborum,
 in iudicio contendere, mererentur in testimoni-
 um adduci. quasi in illis manifestè iudicii nomine di-
 vinum iudicium intelligatur. Quod non ita est, eti-
 amsi, id verum esse ab initio concessisse videamur.*

Etsi

**Palæolog:
varius.**

**Palæologi
inconstan-
tia,**

Et si enim non dubium est, quin Christus re ipsa dicere voluerit, eum, de quo loquebatur, futurum reum iudicio divino, tamen id ex sententia potius eius colligitur, quàm ex ipsis verbis. Siquidem, cum dixit de eo, qui fratri temere irascitur, reus erit iudicio, ad illud, quod ante ex Legi mente retulerat, omnino respexit, Qui occiderit reus erit iudicio. Et perinde est, ac si dixisset. Non solum ipsa cædes reum occidentem constituit, & dignum qui poenas det, verum etiam ipsa ira, sive odium adversus fratrem temere susceptum idem facere debet, ac faciet. Itaque, cum dixit, reus erit iudicio, Iudicii nomine non certum aliquod iudicium, quod ipse modò intelligeret, significare voluit, cui obnoxius is, de quo loquebatur, futurus esset, sed integra ea locutione id nimirum voluit dicere, Iure istum poenas daturum, qui iratus fuerit temere fratri suo, non secus atque illum, qui hominem occiderit. Atque tu ipse non absimilem eorum verborum interpretationem es secutus, cum initio pag: 121. ita scriptum reliquisti, ut sicut cædes ipsa ignominiosissima cæde à Magistratu ordinario esset punienda, ita odium in fratrem conceptum, levem aut nullam ob causam, iudicium consensu esset examinandum & puniendum. Sunt enim hæc tua verba sine dubio explicatio sententiæ Christi de eo, qui temere fratri irascitur. ut etiam sequentia deinceps verba tua declarant, quibus sequentes quoque Christi sententias pari ratione explicas, atque eodem modo ad magistratum omnia refers.

Palæologi
inconstan
tia.

refers. Quare iam videre potes inconstātiā tuā, cum deinde verba illa, reus erit iudicio. de Dei iudicio accipis. Adeò autem verum est, te in proximè citato loco, ubi tota illa pars Christi sermonis tibi explananda erat, ad magistratum, non autem ad Dei iudicium eius verba retulisse (quemadmodum intellegit, qui præter scripta verba ea legerit. quæ pag: 122. ab illis verbis, Cæterum iudicium, Concilium, &c. usq; ad finem ejus partis explanandæ scripsisti) adeò, inquam, verum est, ut in ipso fine ausus sis dicere, Christum ibi suis verbis magistratum constituere. Etenim sic in fine pag: 123, & seq. initio scriptum extat, Cum autem Magistratus nomina sint, Iudicium, Concilium, Princeps, sequitur Iesum Christum his suis verbis Magistratum constituere. Idem quoq; apertè dixeris in priore scripto pag: 25. in ipso initio, quod ibidem paullo post his verbis confirmaveras, Nam si Christo iudicia displicuissent, exercereq; jus gladii malum esse cognovisset, non dixisset, obnoxius erit iudicio. Sed nihili estimandæ videntur, quas recensuimus inconstantiæ tuæ, præ illa, quòd hunc ipsum locum, ubi scilicet de danda tunica, & pallio agitur, alibi magistratus mentionem continere vis, & de magistratu adeundo in eo verba fieri, adeò ut hic magistratum statui velis. Hoc autem verissimum esse deprehendet, quicumq; iis lectis, quæ hic scribis, ea legerit, quæ pag: 234. scripsisti. ubi tandem ita conclusis, Statuitur igitur iudicium magistratus hoc dicto,

Palæologi
inconstan
tia.

dicto, non evertitur. Nam quod pag. 162. scribis, ex hoc loco, cum in eo Iudicii nomen legatur, legitimum magistratum statui, quamvis in eo de iudicio Dei agatur, unde adversus id, quod & modo, & antea dictum a me est, concludi possit, te nequaquam in eo tibi non satis constare, quod ubi de Dei iudicio agi velis, ibidem magistratum confirmari affirmes, hoc, inquam, non video, quo jure a te dicatur. Etenim si Iudicii, aut Iudicis nomen & hic, & alibi in locis, de quibus supra disputatum est, Dei iudicium, vel Deum iudicem significat, quid hoc ad humana iudicia, & homines iudices, id est magistratus confirmandos? Num ex hoc propterea ista confirmari dici possunt, quia alioqui fuissent Deo accommodata earum rerum nomina, quas ipse non approbasset, idque verisimile non est? Atqui non fuerunt Deo rerum aliquid nomina accommodata, cum iudex dictus est, eique iudicium tributum fuit, sed maxime proprie hæc de ipso sunt dicta, qui verus iudex est, & a quo, vel apud quem vera iudicia exercentur. Ut Iudicis, & iudicii nomen, seu Iudex, & Iudicium sine genera (ut loquuntur) analoga, que primum de Deo, deinde de hominibus prædicentur, & non ab hominibus sumpta, Deo, sed a Deo sumpta, hominibus accommodentur. Quamobrem nihil prorsus ex appellationibus Iudicis, & Iudicia exercentis a Christo Deo tributis ad confirmandos magistratus, humanaque iudicia elici potest. Sed probandum est (ut quidem facillime fiet) quod hominibus quoque hæc eadem tribuantur, id Christi præceptis minime adversari.

Illud præterea animadvertendum est (nam & necessario id ex iudicii, & iudicis mutatione consequitur) te, quod hic ad eleemosynam refers, alibi ad restitutionem rerum ablatarum, aut contra leges retentarum nõ obscure referre. Vt in paraphrasi tua pag: 207. ubi Christi verba, de quibus agimus, ita reddis, Item si quis tecum litigare velit in iudicio, quod illi abstuleris tunicam, & ob id auferre abs te velit tunicam tuam, potius quam ut ob eam rem venias in iudicium & damneris à iudice, non solum tunicam sed etiam togam offerendam esse petenti dico. *Quàm dissimilis est, immo contraria paraphrasis explanationi ?* In explanatione dictum fuerat, non de humanis iudiciis, sed de Dei iudicio hic agi. In paraphrasi verò nõ modo Dei iudicium non commemoratur, sed ea dicuntur, quæ de humanis iudiciis verba Christi accipienda esse, evidenter demonstrant. In explanatione de eleemosyna facienda, quod ad Dei iudicium tantum pertinet, Christum loqui affirmatur. At in paraphrasi, de re ablata restituenda sermonem esse, traditur. qua de re homines iudicare solent. Itaq; sententiam mutasti, & ab illa abstrusa & mirabili opinione tua, quod hic de divino iudicio agatur, recessisti, vel potius ad eam reversus es, quam antea secutus fueras, popularem & omnibus expositam, quod de humanis iudiciis hic verba fiant. Nam, ut iam diximus, antequam loci explanationem aggredere, de iudiciis hic agi confessus fueras, idq; non semel, sed primò ad finem

Palæolog⁹
 variat, si-
 biq; ad-
 versatur.

nem pag: 144. deinde in initio pag: 156. Iudiciorum autem nomine ita plurali numero simpliciter prolato (ut supra monuimus) nemo umquam erit, qui Dei iudicium vel intelligat, vel ea appellatione contineri putet. Quinetiam in priore scripto pag: 37. Christi verba in eundem prorsus sensum acceperas, quem in Paraphrasi secutus es. Eo enim illa pertinere dixeras, ne patiamur trahi in iudicium ab eo, cui abstulimus sua. Sed quamvis, quod ad genus iudicii pertinet, de quo Christus agat, rectè sententiam tuam vel mutaveris, vel repetieris, in eo tamen (ut scilicet huius loci scopulum omnino vitares) in deterius es lapsus, quod, cum aliquando fatereris, hic ea de re agi, que saltem aliqua ex parte voluntaria est, nunc de ea, que planè est necessaria, agi velis. Nam si, quia elemosyna illa ab eo, qui duas tunicas habet, ei, qui nullam habet, præstanda coram Deo, ipsiusq; iudicio aliquid necessitatis habere videtur; idcirco de ea Christum loqui non potuisse, ostendimus, nec, de lege talionis exequenda loquentem, eius mentionem inferre, multò magis id dicendum est de rei ablata restitutione, que & divino, & humano iure debetur, nec cum iniuriis non retaliandis aliquid prorsus commune habet. Verùm neq; in hac, neq; in illa sententia, quatenus utrobiq; aliquam obligationem ex parte illius, a quo petitur, esse vis, satis constans fuisse. Id enim alicubi veritate victus ipse negare videris, & adversus te ipsum ea dicis, que ab adversariis tuis dicenda fuerant. Etenim pag: 160. hæc tua verba leguntur. De-

H

inde

Palzologi
inconstan
tia.

Palaeologus seipsum refellit.

Palaeologus sua ipsius dicta evertit.

inde cum dicit: tunicam tuam tollere, ostendit nos totum jus in tunicam habere, nullum autem eum qui vult nos tunicæ caula in jus trahere, quod autem esset illud iudicium, quod posset adjudicare alii id quod meum est toto jure? Primum enim, cum hæc dicit, manifestum est, te sententiam, quam postremo amplecti visus es, plane destruere, quod attinet ad facti, ac petitionis genus, de quo iudicandum sit. Nam qui, propterea sibi dari tunicam, ab alio petit, quod ille tunicam sibi abstulisset (sic enim, ut vidimus, facti speciem in Paraphrasi deformas) is certe in tunica illa multum iuris habet, idque in omni iudicio. alter vero, a quo petitur, nihil. Atqui in modo recitatis verbis tuis, eum, a quo est, qui tunicam petat, totum ius in eam habere vis. Deinde ratio, cur hoc velis, alterius quoque sententiæ tuæ id seditus evertit, quod petitio rei hæc sit, quæ petenti alio quo jure debeat. Cum enim dicit Christus, tunicam tuam tollere, ostendit (inquit) nos totum jus in tunicam habere. Quamvis enim, cum hæc dicit, ad humana iudicia verba tua referas, tamen ratio ipsa, quam verborum tuorum affers, illud iudicium complectitur omnino, de quo ibi sermo erat, qualecumque id tandem esset. atque eo vox Tuam referenda est, ut in eo ipso iudicio non autem in alio quopiam, tunica sit nostra. quemadmodum etiam ex ipsis verbis tuis apparet, dum ais, eum, qui tunicæ causa vult nos in jus trahere, nullum ius in tunicam habere. Nam quis est, qui non intelligat, istum illius ipsius

plus iuris, seu iudicii respectu, in quod nos vult trahere, nullum jus habere in tunicam, que nostra est. Hinc apparet, vel de divino iudicio hic non agi, vel certè non de danda ex duabus tunicis altera ei, quæ nullam habet. In divino enim iudicio non ejus est tunica, qui habet, sed illius, qui non habet. Non igitur in eo iudicio nostra erit tunica, sed aliena. vel teipso teste, qui non modò ubiq; id sentis, sed etiam disertis verbis alicubi exprimis. pag. enim 233. sic ais, Hanc monitionem Iesu Christi, quæ pertinet ad convitiatorem (hæc autem verba ad Christi dictum illud refers, Esto consentiens adversario tuo, &c.) iste scriptor coniungit, cum monitione Christi, qua hortatur divites, (hæc verò ad locum nostrum accommodas) ut si quis pauper petit tunicam, dent & pallium potius, quam ut ille cogatur iudicio contendere, nostramque tunicam ad se pertinere dicat, & iudex Deus contra non dantes sua pauperibus, in gratiam pauperum, ferat sententiam Et mox. Non vetat igitur Christus expeti vindictam per iudices, sed monet, ut qui intulit injuriam, & qui habet apud se id quod alii dare tenetur, tamquam alienum, curet uterque, &c. Atq; eadem repetis pag. 235. his verbis, Christus monet illos, qui injustam causam obtinent, vel quod convitiati sint aliis, vel quod retinent aliena, (ea ratione qua diximus) ne expectent experiri discrimen iudiciorum, sed antequam illi qui iniuriam sive

passi, accedant ad iudicem expostulatum, reducant illos quos offenderunt in gratiam, ille petendo veniam, iste reddendo aliena. *Vides te non semel disertè affirmare, coram Deo iudice non nostrum, sed alienum esse id, quod nobis superest, alii deest.*

Quare jam iste tuæ exoticæ ac spinosiores quædam horum Christi verborum interpretationes relinquendæ sunt tibi Palaologe, atq; ea amplectenda, quæ, ut communior, ita planior est, quæq; ex tui ipsius dictis colligi potest. Nam si id, quod alicubi, ut supra ostendimus, scribis, hic de magistratu, & humanis iudiciis agi, cum eo jungatur, quod alibi confiteris, totum jus habere istum in tunica, abs quo est, qui eam auferre velit, certè veram loci explanationem facillè habebimus. Quæ est, Potiùs tunica tuæ, quam quis abs te injustè accipere velit, pallium, sive togam addendam esse, quàm cum ipsius damno ius tuum apud iudicem persequendum. Atque ita hæc vera appendix, (ut tu eam appellas) erit ad legem talionis, non autem dictum quoddam cum ea nullo pacto coherens. Neq; opus fuerit divinare aut potiùs somnare, eum, abs quo est, qui tunicam petat, vel duas tunicas habuisse, cum alter nullam haberet, vel alteri priùs tunicam abstulisse. neq; verbū $\kappa\rho\iota\nu\epsilon\delta\alpha\epsilon$ simpliciter positum, ubi de cuiuspiam voluntate contendendi in iudicio agitur, nulla vel necessitate cogente, vel exemplo sortasse suadente, ad Dei iudicium referetur. nec deniq; verbum Velle pro posse, aut
pro Possè

pro Possesse, simul, & velle accipiendum novo exemplo erit, aut Velle tollere, sive accipere pro Petere interpretandum, ut in explanationibus tuis fieri necesse est. sed omnia planissima erunt, atq; perspicua, nec ulli verbo vis aliqua asseretur, aut iniuriata significatio tribuetur.

Immo (dices) Nam explanationi isti communi & tue numquã verba illa accommodabis, Vult tecũ in iudicio contendere. ex quibus manifestum est, istũ, qui tunicam alterius habere vult, aliquod jus in eam habere. id quod explanatio vestra planè negat. In qua etiam præter id, quod in verbis Christi est, verbo Tollere, sive Accipere adverbium Iniuste additur.

Respondeo, nihil impedire, quominus is, qui nullũ ius in rem aliquam habeat, tamen prudens sciens velit de ea cum domino, & justo possessore in iudicio contendere, ut quotidiana experientia plus satius nos docet, & idcirco Christum, qui id optimè norat, suos monere voluisse, ut, si quando in eiusmodi hominem incidissent, qui, quod ipsorum omnino fuisset, ipsis auferre vellet, etiamsi id iuridicã viã tentaret, concederent tamen id, quod ille vellet auferre, & si opus esset, aliquid etiam ampliùs darent potiùs, quàm iudicium ipsum, nedum quidpiam aliud experirentur, in quo scilicet is suæ temeritatis daret pœnas (erat enim antiquis legibus temere litigantibus gravis pœna constituta) atq; ea ratione iniuriam sibi ab eo factam vindicarent. Quamquam, etiamsi temere litigantibus ac dolosè in iudiciis agentibus nulla tunc

pœna legibus constituta fuisset, tamen Christi moni-
 tio locum haberet, quamvis de non vindicandis iniu-
 riis agatur. Tunc enim ea locum habere putanda est,
 non cum simpliciter quis ob sua defendenda in ius
 vocatur, sed cum, si in jus eat, appareat futurum,
 ut, qui nostra capere voluit, per iudicem condemne-
 tur, ac puniatur. nempe ob eam causam, quod ea in
 se & nobis, & legibus ipsis vim aliquam asserere vo-
 luerit. Nec verò minùs ad eiuſmodi casum, quàm ad
 superiorem, accommodari poterit, quod iste volue-
 rit nobiscum in iudicio contendere. Is enim satis vi-
 detur velle contendere in iudicio, qui manifestam
 occasionem alteri præbet se apud iudicem convenien-
 di, nec illi ullam præterea injuriam ab se acceptam
 vindicandi rationem superesse novit, quàm iudicem
 adire. Adde, quod solent isti, qui aliena rapere ten-
 tant, atq; ob eam rem a vi non abstinent, conqueren-
 ti de ipsorum iniuria dicere, Si quid habes aduer-
 sum me, in ius me voca. Nam, ut a Theodoro Beza
 hoc ipso loco annotatum fuit, potest præterea non in-
 commodè τὸ δέλοντί σοι κριθῆναι pro τὸ δέλοντί
 ὑπὸ σου κριθῆναι dictum videri, atq; hoc pacto lo-
 cus verti, Ei, qui abs te in iudicium vocari velit. Sum-
 ma hæc est, agi hîc de iniuriis non vindicandis, aut
 retaliandis. Quare ad hoc ipsum omnino verba Chri-
 sti referri debent, atq; eo libentiùs, si per magistratū
 id facere, alioqui licuisse appareat. Huc enim perti-
 nent verba legis, Oculum pro oculo, dentem
 pro dente, quorum occasione hæc a Christo dicta
 sunt.

Sunt. Quocirca non immeritò in explanatione nostrâ adverbium Iniustè verbo Tollendi, sive Accipiendi ad- dictum fuit, cum constet, de eo, quod injuriâ fiat ad- eò, ut per magistratum vindicari possit, potissimum sermonem esse. Quinimmo, ne addi quidem adverbi- um illud, dici potest, cum alienum sua sponte tollere, sive accipere, (inquit enim, & [vult] tunicam tu- am tollere) nemo nisi iniustè queat. Atq̃, ex his tan- dem probatum est, meritò hunc locum tibi ab adver- sariis objectum fuisse, in eoq̃, disertè, contra senten- tiam, & dogma tuum, a Christo vindictam etiam per magistratum expetendam prohiberi.

Nunc de sequente Christi præcepto videndum est, quod similiter, tibi ab adversariis objectum fuit, ut probarent, nihil non esse perpetiendum ab altero potiùs, quàm ut in eum injurias etiam per magistra- tum vindicemus. Etsi enim ex supra dictis satis id, quod volebamus, & opus erat, effectum est, nec ob- scurè indicatum simul ac probatum, quo sensu (eo sci- licet, quem tui adversarii sequuntur) Christus id præceptum dederit, tamen quia tu ex eo, & sequen- te superioris interpretationem tuam confirmari pu- tas, non abs re erit non de ipso modò, sed de sequente quoq̃, quantum sat fuerit, explicare.

An igitur, utrumq̃, eiusmodi esse, ut in ipsis de re agatur, quæ pendeat ex voluntate eius, abs quo petitur, & propterea in utroq̃, partem illam de con- tendendo in iudicio prætermittam fuisse, quæ in su- periore posita indicat, superius de eo agere, in quo a-

liqua obligatio eius, a quo petitur, contineatur.

Iam a nobis, quid sibi ea pars in superiore relin-
ostensum est, & tui ipsius verbis, ac ratione allata,
conclusum, totum ius in tunica eum habuisse, abs quo
ea petebatur, vel potius auferebatur, nullum autem
illum, qui tunicae causa alterum in ius trahere vole-
bat. Non igitur ea pars in superiore addita in his id-
circo praetermissa est, quod in illo de obligatione ali-
qua, in his de re prorsus voluntaria sermo esset. ubiq;
enim de re planè voluntaria agitur. Sed ad al-
terius rei distinctionem id factum est, ut scilicet in
casus, ubi quis in iudicium vocatur, ab iis, ubi id non
contingit, distingueretur, non quidem quò intelligen-
retur, diversam utriusq; esse rationem, & diversum
de utroq; statuendum esse, utriusq; enim eadem est
ratio, & de utroq; idem statui vult Christus, sed ut
eò clariùs, atq; apertiùs utrumq; casum Christi pre-
ceptis comprehensum fuisse, constaret. Quamquam ne
in priore quidem ex his duobus preceptis monitio de
magistratu non adeundo nõ intelligenda est, ut post-
ea explicabimus. Nam praestat priùs videre, ecquid
tibi in eo explanando magis, quàm in superiore, con-
stiteris. Certè minùs etiam constans fuisti. Primùm,
enim, ut vidimus, duob; in locis, nempe pag: 144, & 156.
dictum quoddam esse affirmas de vi. At alibi, hoc est
pag: 159. ad eleemosynam unà cum aliis duobus perti-
nere ais. An non hac planè repugnare videntur, Ele-
emosynam dare, & Vim sibi dandum adhiberi? Quod
si non pugnare contendas, quis tamen praeter te ele-
emosynam

Palaeologi
inconstan-
tia.

mosynam illam appellasset, in qua vis aliqua inter-
 veniat? Quod quàm absurdum sit, tu ipse intelligens,
 atq; in eo perseverans, ut de eleemosyna hic agatur,
 in explanatione ipsa verborum isti sententiæ a te bis
 antea repetitæ, quod dictum esset de vi, penitus dein-
 de renunciasti, & te ipsum planè refellere non dubi-
 tavisti. Nam sic scribis pag: 162. Angariare: vox hæc
 sicut multæ aliæ significationes, sunt redactæ
 in provinciam Romanorum, Hierosolymæ.
 Est autem & amantis & odientis, nos ad aman-
 tem retraximus vocem. Non examino autem di-
 ligenter hæc verba tua. Illud tantùm abs te scire ve-
 lim, undè habeas, verbū Angariare, sive ἀγγαρεύειν
 & amantis (ut ais) & odientis esse. Nam in sacris li-
 teris duobus tantùm in locis, ut arbitror, id verbum
 legitur, hic, & in eo loco, ubi & Matthæus, & Mar-
 cus de Simone illo Cyrenæo loquuntur, qui ad mox
 crucifigendi Christi crucem baiulandam est adactus.
 Vbi, ut ipse statim post supra scripta tua verba confi-
 teris, sine dubio odii est. Alibi verò extra sacras lite-
 ras vel ipsum verbum non legitur, vel si aut apud græ-
 cos, aut apud latinos uspiam legitur, id sine dubio in
 eadem hac notione est. Nam & ipsius origo, & quæ-
 dam alia coniugata verba, ac nomina, quæ alicubi
 leguntur, eam perpetuam esse confirmant. Sed, quid-
 quid sit, vides, quàm sis varius, & quàm apertè te
 ipsum refutes, qui modo de vi hic agi, modò illud i-
 ipsum verbum, ex quo solo vis illa intelligi poterat, hoc
 loco amantis esse affirmas. Deinde (quod satis mirari

Mar: 27. 32.
 Marc: 16. 21.

Palæologus
 seipsum
 refutans.

non queo) in explanatione pag: 158. aperte dicit (quod
 & antea attigimus) non posse hic eum, qui petit, ut
 secum eatur unum milliare, de ea re cum eo, abs quo
 petit, iudicio contendere, ob eamq; rem partem illam
 hic pratermissam fuisse, nec contentionis in iudicio
 mentionem factam esse. At vero in Paraphrasi pag:
 207. hunc locum ita reddis, Et si quis te cogere ve-
 lit ad unum miliare per iudicem, quod tu ad
 tantundem itineris eum coegeris, comitare e-
 um vel duo miliaria, potius quam ut velis cum
 eo iudicio decernere. Iam que (obsecro) inconstan-
 tia est, si hac non est? Potuitne quidquam ei, quod
 prius dixerat magis contrarium excogitari eo, quod
 tute ipse deinde scripsisti?

Palzoi: si-
 bi contra-
 rius.

Sed iam verborum Christi sententiam nos ex-
 planemus, & quomodo hoc cum superioribus cohere-
 at, dicamus. Agitur, ut sepius dictum est, de iniuriis
 non retaliandis, aut vindicandis, ne per magistratum
 quidem. Præcipit igitur Christus, ut, si qui nobis
 vim attulerit, & coegerit, seu vim afferre & cogere
 voluerit, ut secum ad unum milliare eamus, potius,
 quam ut iniuriam hanc ulciscamur, eamus cum illo
 etiam ad duo miliaria. Ulcisci autem quis eiusmodi
 iniuriam vel per se, vel per magistratum potest. Qua-
 re de magistratu non adeundo hic quoq; tacite fit
 mentio, & ad institutum sermonem Christi verba
 rectissime accommodantur.

At inquires (ut apparet) Quid de sequente præ-
 cepto dices? Abs te petenti, dato, & volentem abs
 te muta-

te mutuari ne averleris. Nam quid hinc de iniuriis non vindicandis, quidve de magistratu non adeundo dictum esse, comminisci poteris? Nonne, cum in hoc dicto ne umbra quidem istarum rerum appareat, satis constat, in superioribus quoque nullam ipsarum habitam fuisse rationem?

Respondeo, longè apertius esse, quam ut negari possit, superiora ista omnia ad verba illa, Audistis, quia dictum est, Oculum pro oculo, dentem pro dente, referenda esse in quibus nulli dubium esse potest de lege talionis agi, & porro, ut nobis quidem videtur, & supra abunde demonstravimus, de magistratu verba fieri, cui eam legem exequendi cura incumberebat. Qua autem ratione referri debeant, & quæ in ipsis dicta sint, ex quibus relatio illa appareat, satis iam explicatum fuit. Quòd si in postremo hoc dicto nihil est eiusmodi, quod vel ad legem talionis, vel ad magistratum referri possit, nemini mirum id videri debet, cum non, perinde ac cætera, ex antecedentibus pendeat, cum illisve connexum sit. Non est enim hic coniunctiva sermonis particula aliqua, quæ in aliis omnibus legitur. Nempe quia non ita cum illis coheret, nec ita ad illud, quod propositum fuerat, referendum est, quemadmodum illa inter se cohererent, & eò referenda sunt. Est igitur hoc additamentum quoddam, sive (ut a te quoque rectè dictum hac in parte fuit) appendix quædam ad legem de talione a privato homine in causa propria, ne magistratus quidem ope, (ut quidem ego interpretor) exequendam.

equendam. Atq̄ ad hunc modum, appendicem esse, ostendo. Præceperat Christus, variis facti speciebus propositis, ne ullum iniuriarum genus ulcisci, aut retaliare auderemus. Nunc occasiones quoq̄, ne iniuria aliqua afficiamur, atq̄ ita in periculum nos aliqua ratione ulciscendi adducamur, devitandas esse docet. Vultq̄, si quis aliquid a nobis petat, quod facere, eive dare possimus, potiùs, quàm ut, rem petitam denegando, illum contra nos irritemus, ansamq̄ nos iniuria afficiendi, sive nos cadendo, sive vi id, quod petierat, rapere tentando, sive ad id, quod facere recusamus, nos adigendo, ut in ante expositis exemplis eveniebat, illi præbeamus, potiùs, inquam, quàm nos in hasce difficultates coniciamus, & periculum in quempiam vindicandi ullum subeamus, ut nihil omnino a nobis petatum dare, aut facere recusemus. Nulla igitur hic indigentia, sive egestatis eius, qui petit, ratio habetur, ut satis indicat Lucas, qui non petenti simpliciter, sed omni petenti scripsit. Sive igitur egeat, sive non egeat is, qui petit, quicumq̄ tandem fuerit, dandum est ei, potiùs scilicet, quàm in superiora illa discrimina incurrendum. Nec verò aliter, ac nos dicamus, Christi verba accipienda esse, & indigentia, atq̄ egestatis illius, qui petit, eum rationem habuisse (quamvis ita tibi videatur) docent ullo modo verba illa apud eundem Lucam, Et prout vultis, ut faciant vobis homines, & vos facite illis similiter. Non enim, quia hæc verba illico consequantur, idcirco, veluti colophonem, ea addidit Lu-

Luc: 6. 30.

Luc: 6. 31.

cas, ut tu arbitraris. Sed separatim præceptum continent cum præcedentibus tamen consentiens. cuius præcepti dandi, seu cõmemorandi, quæ Christo causa, siue occasio fuerit, ex Matthæo cognoscendum est, qui illius mentionem facit cap. 7. v. 12. non autem ex Luca. Quandoquidem Matthæus, ut palàm est, sermonem illum Christi (quippe qui præsens, cum eum habuit, fuisset) miro ordine enarrat, ac diligenter exponit. Quod non facit Lucas, qui confusè quodammodo, & imperfectè Christi verba recitat, etiamsi aliqua commemorat, quæ Matthæus, tamquam non necessaria, prætermiserat. quales sunt antitheses illæ beatitatum. Quamobrem, certum est, Matthæi narrationi in eliciendis sensis verborum Christi ex antecedentibus, & consequentibus, standum esse potiùs, quàm Lucæ, qui satis habuit pleraquæ eorum, quæ Christus dixit, retensere, & præcepta atq; sententias ipsas exponere, de exacto ordine, quo a Christo dictæ fuerant, non admodum interea sollicitus. Præterea, ut verum sit, verba illa, Et prout vultis, &c. esse a Luca, tamquam colophonem, præcedentibus additum, constat tamen sententia, quam nos præcedentibus subesse affirmamus, nec necesse est, ullius indigentia, aut egestatis rationem habitam fuisse. Siquidem Christus, ut occasiones iniuriarum vitentur, nihil aptius monere potuit, quàm, ut aliis faciamus id, quod nobis fieri velimus. Quod præceptum ibi etiam, ubi nulla egestas ab utraque parte est, modò desiderium, & voluntas adsit, locum invenire

invenire potest. Atq; hæc volumus satis esse pro Responſione ad ea etiam, quæ hac eadem de re a te dicuntur pag. 227, & 228.

CAPVT
VI.

SUPRA ostensum est a nobis, ni fallor, te, dum privatis iniurias suas per magistratum ulcisci concedis, seu potiùs quibusdam in locis præcipis, contrarium institutum Christi institutis in Ecclesiam inducere, & meritò eo nomine a Racoviensibus reprehensum fuisse, nec aliquid, ut iis responderes, quæ ipsi ex Matthæi 5. cap: deprompserant, in medium attulisse, quod te a Christi hac in parte violatis præceptis vindicare queat. Sequitur ex ordine nobis propositò, ut quid ad ea respondeas, videamus, quæ iidem adversarij tui ex eodem loco protulerunt, ut te in bello Christiano populo concedendo, vel potiùs præcipiendo, contrarium pariter institutum Christi institutis in Ecclesiam inducere demonstrarent.

Quamquam autem, quæ supra examinata sunt, præcepta Christi non vindictam modo per magistratum expetendam, sed bellum quoq; nobis interdicerè videantur, sunt tamen, quæ sequuntur in eo sermone, ad belli funestam facem in Ecclesia planè extinguendam magis propria, magisq; accommodata. Nam inquit Christus, Audistis, quia dictum est, Diliges proximum tuum, & odio habebis inimicū tuum. Ego autem dico vobis, Diligite inimicos vestros, benedicite deo ventibus vos, benefacite iis, qui oderunt vos & orate pro persequentibus, & calumniantibus vos, &c. Equi-
dem

dem nescio, an, si bellum Christus disertis verbis interdixisset, haud efficacius, quam his praeceptis fecit, tantam pestem a suorum animis avertere curasset. Immo persuasus sum, multo plus, his praeceptis dandis, cum significasse, quam si, ne bellum ulla umquam ratione a suis gereretur, mandasset. Neq̄ enim, cum haec praecepit, ne malum modo pro malo rependeretur, aut vis vi repelleretur, cavit, quod & antea fecerat, & tantumdem valet, ac si bellum quis disertè interdiceret, verum etiam, ut & amore, & beneficiis quosvis inimicos suos discipulis sui prosequerentur, atq̄ afficerent, expressè mandavit. Primum enim generatim inimicos diligendos esse docet, & dictum suum Legis dicto opponit, quæ non inimicum, sed proximum diligere iubet. Deinde inimicorum species enumerat, & quid cum omnibus faciendum sit, singulatim praescribit. Sunt enim inimici, qui imprecationibus tantum nos impetant, quibus bene precandum esse statuit. Sunt, qui interiore odio nos prosequantur, nosq̄ animo penitus adversentur. his bene fieri a nobis vult. Sunt deniq̄, qui ipsis factis nos laedant, & planè insectentur. Istis omnium pessimis ac nocentissimis summum omnium beneficiorum nos prestare jubet. quod est Deum pro illis orare, cujus in manu sunt omnia, quiq̄ non solum innumerabilibus commodis eos afficere potest, quæ nullo pacto in nostra sunt potestate, sed ipsum etiam eorum cor mutare valet, & ex malis bonos efficere. His praeceptis addit Christus premium simul, & rationem, cur ita praecipiat. Inquit

enim.

enim, Ut sitis filii patris vestri, qui in cælis est, qui solem suum oriri facit super malos, & bonos, & pluit super iustos, & iniustos. Si enim diligitis eos, qui vos diligunt, quam mercedem habetis? nonne & publicani hoc faciunt? Et, si salutaveritis fratres vestros tantum, quid amplius facitis? nonne & publicani hoc faciunt? Estote ergo vos perfecti, sicut pater vester, qui est in cælis, perfectus est. *Premium hæc sua præcepta servantibus non obscure Christus proponit, Filios Dei fieri revera, id est æterna vita, atq; immortalitate donari, quemadmodum imitatione fuissent, quod pro ratione asserti, cur hæc præcepta a suis servari debeant, addens alioqui futurum, ut ipsi a ceteris hominibus, & ab ipsis in populo peccatoribus, quales publicani erant, non distent, & propterea nullam ampliorem, quam illi, mercedem reportaturi sint. Non futurum igitur, cur ad celestem illam hereditatem, ad mercedem illam, quam multam & copiosam repositam esse in cælis ab initio dixerat, aspirare possint. Quandoquidem nova hæc erat merces a Deo proposita, cujus in lege Moysi nulla fit aperta mentio. Quare nova etiam vitæ sanctitate, atq; innocentia præter eam, quam Moysi lex præscribit, ad eam consequendam opus erat. Hæc, que nos breviter perstrinximus latè explicantur a vesano illo, ut tu eum appellas, scriptore (quo tamen, hæc potissimum in parte, nihil mihi cordatius fieri posse videtur) a pag. 66. usq; ad pag. 70. ubi adversus te,*

atq; alios Christi hæc clarissima & divinissima præcepta humanis commentis obscurare tentantes, & revera hominibus potius, quam Deo obediendum esse statuentes, sic tandem meritò exclamat, O hominum cæcitatem, quæ cum sua quærit, ea quæ sunt Christi, & sua in eo bona non videt, cum pro carne & terræ pugillo certat. Christi spiritum expellit, & cælum centuplo maius terra non videt, & tamen se omnia videre putat, & Christo credere, seque Christianum & filium Dei esse, cum nihil horû ne per umbram quidem habeat. Nihil potuit verius dici, ut infra dicendis clariùs patebit. Quamquam non O hominum cæcitatem, quæ cum, &c, ut in tuo libro editum est, sed O hominis cæcitatem, qui cum, &c. omnino legendum esse, & ita scriptum ab auctore fuisse, latini sermonis ratio, & res ipsa aperte docet. Nunc videndum est, quid tu contrà scripseris.

Quantum igitur, responsonem tuam accurate perlegendo, assequi potui, duobus modis hæc Christi præcepta eludere tentas. Primùm asserendo, nihil hic Christum præcepisse, quod Moses itidem antea non præcepisset, sed tantummodo Mosaice legis in hac, ut in reliquis partib: veram interpretationem a commentis Scribarum, & Phariseorum vindicasse. Deinde ipsorum præceptorum vim explicando, eaq; ita accipiendo, ut, quibusdam simul belli interpretationibus adhibitis, sententiæ tuæ nihil repugnare videantur.

Quamvis autem adversarii tui, etiamsi illud pri-
 mum tibi concederetur, putent nihilominus, ex his
 Christi praeceptis contra sententiam tuam disputari
 posse, sive enim Christus hic cum Pharisaicis larvis
 pugnet, sive sua dicta Mosis dictis opponat, firma, &
 rata ea esse debere aiunt, quae ipse tam clarè præci-
 pit, tamen animadvertendum est, haud temerè tibi
 istud concedendum esse. Nam, ut supra vidimus, tu,
 eo concessio, ita argumentaris, aut certè argumenta-
 ri potes. Si Christus hic nihil præcepit, quod Moses
 antea non præcepisset, sub Mose verò licuit Dei po-
 pulo bellare cum hostibus, eosq; delere, idem quoque
 licebit sub Christo, quidquid hæc eius præcepta aliter
 præ se ferre videantur. Duplici autem ratione uteris
 ad propositionem huius argumentationis proban-
 dam. Nam & quibusdam argumentis, ac testimoniis
 allatis, demonstrare quæris, nulla ex parte Mosis le-
 gem, quæ ad virtutes, & vitia pertinet, a Christo
 umquam suppletam, aut immutatam fuisse, & hæc
 eadem quæ hoc loco Christus præcipit, in Mosis lege
 contineri, quæq; a Christo pro suarum præceptionum
 confirmatione dicuntur, in Mosaica lege locum ha-
 bere, ostendere conaris. De priorè via non est hic a-
 gendi locus. Infra enim de tota re plenius differen-
 dum erit, cum rectè ab adversariis tuis tibi obiectum
 fuisse docebimus, quòd Mosem cum Christo, & Legem
 cum Evangelio misceas, atq; confundas. Nunc de al-
 tera via agemus, & quæ Christus hic præcipit, a Mo-
 se præcepta non fuisse, nec rationes suorum præcepto-

rum a Christo allatas eandem vim in Mosis lege obtinere, ad ea, quæ tu contra affers, respondendo, planum faciemus. Quo facto, horum præceptorum explanationes, & belli simul interpretationes tuas, quæ alter ex duobus modis erat, quibus ipsa eludere tentas, resellere aggrediemur.

Primum igitur, ut ostendas, Mosem non minus, quam Christum, præcepisse inimicorum dilectionem, in explanatione illa tua ad finem pag. 162. ita scribis, Proximus autem est, quisq; , amicus, hostis, senex, anus, Iudæus, Samaritanus, & alius quivis conditus à Deo (ut nos) ad imaginem suam, qui nostro subsidio indigere cognoscitur, &c. Itaq; cum in lege Mosis scriptum sit, Dilige proximum tuum, infers deinde, a Mose ipso ea omnia, quæ de inimicorum dilectione subiungit Christus, eo præcepto mandata fuisse.

Sed quis tibi credet unquam, in lege Mosis Proximi nomine quemvis hominem ad imaginem Dei conditum, quantumvis inimicum, significari? Nam ipsum Proximi sive Υ nomen satis docet, propinquitatem aliquam, vel societatem, atq; amicitiam inter eos esse debere, quorum alter alterius sit proximus, eamq; eiusmodi, ut nō inter quoslibet homines sit. Ad distinctionem enim aliquorum hominum, qui non essent proximi, id est, inter quos ea coniunctio non reperiretur, nomen Proximi ab initio usurpatum fuisse, planè necesse est. Cum igitur in populo Israelitico universo alterius cum altero summa esset necessi-

tudo, quippe qui omnes eiusdem Dei cultores, eorumdemque sacrorum participes essent, omnesque selecti ab ipso Deo in peculiarem sibi populum, & a ceteris cunctis nationibus circumcisione, & aliis plerisque ritibus distincti, ac separati fuissent, qui denique una tantum respublica iisdem omnino institutis, & legibus vivens essent, ipsi inter se proximi in lege Moysi omnes appellati sunt, licet alioqui privatae inimicitie inter ipsos intercederent. quæ appellatio reliquis hominibus, qui uno gentium nomine omnes appellabantur, & unus populus esse censebantur, ipsorum Israelitarum respectu, tribui non poterat. Nam reliqui homines, ut Paulus testatur, ab Israelis republica a deo erant alieni, ut medii parietis septum quoddam inter utrosque esset, & alteri alteris inimici esse dici possent. quæ divisio, atque inimicitia per Christum sublata fuit, atque ex duobus unus tantum populus factus. Quare proximi nomen, quod antea ad distinctionem utriusque populi in Israele usurpabatur, commune omnibus postea factum est. Itaque nunc Proximi nostri nomine, abusu tamen quodam (namque, ut supra attingimus, nomen ipsum distinctionem quamdam omnino indicat) quemlibet hominem intelligimus, etiamsi alioquin a nobis alienissimus sit. ad significandam nimirum necessitudinem, ac conjunctionem, quam post Christum exhibitum inter homines Deus esse vult. quæ tanta est, ut Fratrum quoque nomine omnes appellari possint, non secus atque Israelitæ omnes, etiam ante Christum, fratres appellabantur. quo tamen nomine

Ephes: 12.
14.

nomine nusquam Israelitarum respectu eos, qui ex eo populo non essent, tunc temporis appellatos fuisse inuenies. Quamobrem, cum in lege Mosis dicitur, Diliges proximum tuum, sicut te ipsum, quamvis hoc idem præceptum a Christo datum, seu confirmatum proximi nomine omnes prorsus homines complectatur, tamen ibi ad solos Israelitas ea appellatio pertinet. Quod vel ex ipsius Legis verbis valde perspicuum est. Sic enim illic scriptum extat. Ne ulciscaris, neve sis iniuriarum memor erga filios populi tui, & diliges proximum tuum, sicut te ipsum. Nemo enim non videt, Proximum hic appellari eum, qui ex eodem populo sit, a quo acceptas injurias ad ulciscendum non meminisse, sed eum, tamquam seipsum amare, quilibet Israelita iubetur. Quocirca merito a Tigurinis conianctiva particula ante verbum Diliges per adversativam Sed reddita est. Eam enim particulam apud hebræos frequenter admodum eam vim habere, nemo est, qui nesciat. Verum quid ipsis Christi verbis apertius, quibus, sive Legis verba, sive Scribarum, & Phariseorum interpretamenta recitet, planum sit, Proximum Inimico opponi? Neque enim vel tacite, vel aperte ait Christus, Proximi nomine in ipsa Lege inimicum quoque contineri. Quinimmo non obscure fatetur, alium quidem esse proximum, quem Lex intelligebat, ab inimico non tamen, si se audire vellent, illum diligendum, hunc verò odio habendum, sed inimicum quoque a nobis amandum esse. Quare iam vides, tuam vocis Pro-

*ximi interpretationem, ut scilicet id nomē ad quem-
vis hominem pertineat, quod ad Moſis legem attinet,
ſuſtineri non poſſe.*

*Sed inquires, Quomodo negare potes, Proximi
appellatione in Moſis lege inimicum etiam contine-
ri, aut quomodo affirmare, Chriſtum ipſum inter
proximum, & inimicum ex Legis mente diſtinxiffe,
tu, qui paullo ante ſaſſus es, Proximum Iſraelitis di-
ctum fuiſſe, quicumq; ex eodem populo eſſet, quan-
tumvis inimicus fuiſſet?*

*Animadvertendum eſt, ut antea indicavimus,
duplicem in Lege vocis Inimici, cuiusvis Iſraelita re-
ſpectu, ſignificationem inveniri. Aliquando enim e-
um ſignificat, qui verè inimicus erat, & pro inimico
haberi poterat, id eſt ad verſus quem minùs amicum
animum gerere licebat, & cum eo, tamquam cum i-
nimico, perpetuo agere. quales inimici ſapiffimè in
ipſa Lege nominantur, qui ſcilicet ab Iſraelis repu-
blica alieni, eiq; inſenſi erant. Aliquando verò eum
ſignificat, qui, licet Iſraelita eſſet. cum eo tamen pri-
vata ſimilitates exercebantur. Hunc quidem dico
præcepto illo Legis proximum diligendi ſub Proximi
nomine comprehenſum fuiſſe. Illum verò minime.
Nam, ut ſupra oſtendimus, in ipſo præcepto pro eo-
dem accipitur Proximus tuus, & Filius populi tui.
Atq; de eo inimico, qui Proximi appellatione non
comprehenditur, potiffimum Chriſtum locutum fuiſ-
ſe, præterquàm quòd alterum alteri opponi, ipſe. ut
diximus, verbis ſuis ſatis apertè confirmat, illud præ-*

tere demonstrat, quod infra ait, Et, si salutaveritis fratres vestros tantum, quid amplius facitis? Ex quo apparet, eum Inimici nomine illum intellexisse, qui fratri opponitur. Atqui fratris nomen, ut antea monuimus, omnibus Israelitis inter se commune erat.

Ex his autem patet responsio tum ad hunc, tum ad alios in Lege locos, in quibus deinde, etiam citra proximi mentionem, idem præcipi putas, quod hic a Christo præcipitur. *Ais enim alibi, id est ad finem pag: 234. de Mose loquens, Non oderis, inquit, fratrem tuum in corde tuo, non quæres ultionem, nec memor eris iniuriæ civium tuorum, quod est: diligite inimicos vestros, & alibi alia. Neq; enim animadvertis, hic Mosem de Israelitis inter se tantum loqui. & tamen ejus verba apertissima sunt, cum & fratres, & cives nominet. quin etiam tu ipse ante scripseras, Mosem de civium iniuriis condonandis non pauca mandasse, atq; ad id probandum modo recitata verba illico subieceras. Quomodo igitur hoc Mosi præceptum idem est cum Christi illo, Diligite inimicos vestros, quod non tantum cives inimicos, sive a quib; iniuriam acceperimus, sed quosvis peregrinos, atq; extraneos, licet nobis insensissimos, complectitur? Nam quod ais, alibi alia ejusmodi a Mose mandata fuisse, credo, te eos locos intelligere, quorum supra mentionem fecimus, in quibus iubet Moses, ut, si quis asinum, aut bovem inimici sui errantem invenerit, illi reducendum curet, & si asinum viderit*

Palæologa
hallucina
tur, & te
ipsum re-
futatur.

Exod: 23

40

viderit illius, qui se odio prosequitur, sub onere succumbentem, eum ne deserat, sed illi auxilietur. Verum quis non videt, in his præceptis de inimicis, sive odio habentibus ex ipso populo tantum agi? Et sancte ante Christum, quidquid de charitate, aut dilectione, quidquid de iniuriarum oblivione in sacris literis iussum, aut præceptum fuit, populi ipsius, cui id mandabatur, limites non excedebat, nec ad extraneos inimicos ullo modo pertinebat. Nec verò aliter est accipienda monitio illa Solomonis, Si esuriat, qui te odit, ciba illum pane, si sitierit, pota eum aqua. Quin ex ipsis monitionis verbis apparet, de eo nos odio habente loqui Solomonem, qui eiusdem nobiscum regionis, & loci sit, cuius scilicet & cibi, & potionis indigentiam ipsi animadvertere, & statim levare possimus. Quamquam ista Solomonis monitio non est pro præcepto Dei habenda, quam si quis contempserit, pœnas daturus esset. Sed, ut reliquæ ferè in eo libro sententiæ, ac monitiones, ad hominem perfectiorem reddendum pertinet simul, & cautiorem, atq; ad sui ipsius commodum prudentiorem. quemadmodum etiã docere possunt sequentia verba, Sic enim prunas tu incendis super caput eius, & Iehova reddet tibi. Ac si dixisset. Quam vis hæc in Lege non mandentur, si tamen ea feceris, præterquam quòd egregium quid fecisse dici poteris, & perfectò homine dignum, de inimico etiam tuo maxime expetendam ultionem sumes, & ab ipso Deo tuæ beneficentiæ, atq; clementiæ præmium reportabis.

Ceterum

Prover: 25
20.

Ceterum, antequam ulterius progrediamur, illud obiter in prædictis Mosaicæ legis mandatis observandum est, non præcipi in ipsis, ne quis omnino privato arbitrio vim vi repellat, ut ipsa natura docet, atq; concedit. quod tamen fieri, ut antea vidimus, Christus planè vetat. Sed præcipitur tantummodo, ne iniuriæ antea acceptæ, cum iam non amplius præ iracundia propter præsentem iniuriam animus aestuat, ac servet sanguis, ob oculos illius, qui eas accepit, obversentur, & in memoriam redeant adeò, ut eas ulcisci & velit, & curet. Hoc enim ad commune bonum totius reipublicæ pertinebat. In qua agrè, aut potius nullo modo pax, atq; concordia conservata fuisset, nisi iniuriarum oblivio in ea locum habuisset, præmeditata verò ultio inde exterminata esset. Pace autem, & concordia ex aliqua republica sublata, omnia pessum eunt, & rota respublica tandem planè concidit, atq; deletur. Verum, sicut acceptarum iniuriarum oblivio ab iis, qui in eadem sunt republica, ipsi reipublicæ est utilisissima, ita eas iniurias oblivisci, nec vindicare, quas ab extraneis quis sive publicè, sive privatim acceperit, reipublicæ perniciosissima censenda est. Fit enim ea ratione, ut ipsa respublica ab exteris contemnatur, & quilibet faciliè eius imperium invadendi, atq; occupandi & consilium capiat, & spem habeat, quæ spes plerumq; minimè fallax est. Ignavi enim, non vindicandis exterorum in se iniuriis, cives redduntur. & ad hostium impetum sustinendum, ac propulsandum inepti. tantum abest, ut i-

psi suos fines producendi spem aliquam habere possint. Quapropter, cum Deus per Mosem Israelis rempublicam constitueret, cuius summa felicitas in terreni imperii conservatione, ac propagatione futura erat, non modò ut iniuriarum, quas ab externis hominibus accepissent, obliviscerentur, non iussit, sed inter cetera servatae legis pramìa illud etiam proposuit, *Lev. 26. 7. Ut, si inimici adversus ipsos insurrexissent, cæsi corruerent ante ipsos. quod certè iniurias inimicorum vindicari iure potuisse, apertè docet.*

Non est igitur, ut ad rem redeamus, in lege Mo-
 sis inimicorum hominum, id est hostium dilectio man-
 data, immo, cum, ut cives inter se ament, atq; iniuri-
 arum mutuò obliviscantur, in ea præcipiatur, & ex
 altera parte propter ipsam servatam Legem inimi-
 corum proprio gladio facta cedes promittatur, satù
 constat, mentem Legi fuisse, ut externos inimicos, si-
 ve hostes odise liceret. & idcirco rectè a Christo, non
 tanquam Scribarum, & Phariseorum interpreta-
 mentum, sive additamentum, sed tamquam ex ipsa
 Lege manans, antiquis dictum fuisse, affirmari potu-
 it, odio habebis inimicum tuum quod ipse in re-
 publica a se constituenda minimè retineri voluit,
 quippe quod ei nocentissimum futurum esset, atq; e-
 am funditus deleturum. Nulla enim est Christi res-
 publica, ubi odium aliquod locum habet erga quosvii
 homines, quavis de causa. Ea siquidem universa in
 amore, & charitate erga omnes homines potissimùm
 fundata est. Habet quidem & ipsa suos hostes, cum
 quibus

quibus continenter bella gerit, sed hi non sunt homines. Non est enim (inquit Paulus) nobis colluctatio adversus sanguinem, & carnem, sed adversus principatus, adversus potestates, adversus mundi rectores tenebrarum huius sæculi, adversus spiritualia nequitiæ in cælestibus. Hi sunt hostes nostri, cum quibus alia ratione, aliisq; armis, quam cum hominibus fieri soleat, nobis pugnandum est. Idcirco statim subiungit apostolus, Propterea accipite universam armaturam Dei, ut possitis resistere in die malo, & omnibus peractis stare. State ergo succincti lumbos vestros in veritate, & induit lorica iustitiæ, & calcetate pedes in præparatione Evangelii pacis. In omnibus sumentes scutum fidei, in quo poteritis omnia tela mali ignea extinguere. Et galeam salutis assumite, & gladium spiritus, quod est verbum Dei. Perspicuum igitur ex Paulo est, Christianæ reipublicæ hostes non homines, sed demones, seu malos spiritus esse, nec illi cum hominibus, sed cum demonibus belligerandum esse, non armis carnalibus, sed spiritualibus. Quod contra in Israelitica & Mosaica reipublica fuit, in qua cum hominibus, tamquam cum veris hostibus, carnalibus armis bellandum erat, aut certè bellari iurè poterat, ut ex historia sacra, in qua admodum frequentia eiusce rei exempla sunt, aperte constat. Quæ autem huius differentiæ causa sit, partim ex iis, quæ paulo ante diximus, satis intelligi potest, partim ex iis, quæ infra dicenda sunt, plenius intelligetur.

Ephes. 6.

22.

Nec verò est, quòd dicas (id enim pag. 240. scribere videris) non minùs in hac, quàm in illa republica, privata auctoritate bellum cum hominibus gerere interdictum fuisse, sed Dei mandato in utraq; id licere & licuisse. Nam Pauli verba, iam quid Deus hac in re perpetuò fieri a Christianis velit, ostendunt, & omnino cum hominibus bella gerenda non esse declarant, cum disertè dicant, nobis cum sanguine, & carne pugnam non esse. Præterea, cum ais, sub Lege, Dei mandato, bella gesta fuisse, videndum est, quid Dei mandati nomine intelligas. Nam si, quandocumq; sub Lege legitimè belligeratum est, expressè id, & nominatim a Deo mandatum fuisse vis, primùm, ex sacra historia id falsum esse apparebit. deinde sequetur, sub Evangelio quoque non aliter iustè bellari posse, quàm si Deus id expressè, ac nominatim mandaverit.

Quòd si sub Lege satis a Deo mandatum fuisse dicas, ut bella gererentur, cum principes populi, & reges constituebat, quorum jussu, atq; auctoritate bella adversus hostes suscipiebantur, Et propterea sub Evangelio quoq; satis a Deo mandari, ut belligeretur, cum id jubet magistratus, qui a Deo, ut Paulus testatur, constitutus, & ordinatus est. Respondeo, si hac ratione explicandum est, quid sit Dei mandato bella gerere, numquam sortassis (ex tua quidem ipsius sententia) futurum, quin mandato Dei bella cum hostibus gerantur. Nam, cum bella non a singulis, & privatim, sed a populo universo, & publicè con-

tra ho-

tra hostes suscipiantur, nec alia (ut quidem iis, qui tecum sentiunt, placere video) magistratus, quam universi populi auctoritas sit (Populus enim, aiunt, magistratui suam auctoritatem concedit) certè, si id, quod magistratus auctoritate fit, Dei mandato fieri dicamus, semper Deo mandante bella suscipientur, nisi, si quando populus divideretur, & pars una, cumq; ea magistratus bellum suscipere nollit, altera verò vellet, & quod vellet, faceret. Quamquam, si ea pars, quæ bellum vult, id invitâ alterâ, magistratu etiam ipso reclamante, gerere potest, apparet multò maiorem & potentior em esse. Verùm, quicquid maior & potentior pars populi statuit, id ab universo populo statutum fuisse, censendum est. Quòd si dicas, eam partem populi potior em iudicandam esse, cum qua magistratus est, dico, vel necesse esse, ut magistratus solus toti populo opponi possit, & illi merito prevaleat (ut nos quidem, præsertim verò in monarchia, censemus) vel nihili estimandum, quòd cum magistratu minor atq; imbecillior populi pars coniuncta sit. Siquidem ea per se nullo numero habetur, & populi maior ac potentior pars pro universo populo est. Atqui neminem ex vobis esse arbitror, qui, si hostes injustè in nos impetum faciant, agros nostros populentur, ac vastent, ad murum etiam urbis propius accedant, eamq; invadere, & capere tentent, etiamsi magistratus, ut arma capiantur, non iubeat, immo capi vetet, non censeat, a populo universo arma capi iure posse, & contra hostes bellum geri. Itaq; ex vestra

ex vestra (opinor) ipsorum sententia apparet, magistratum solum toti populo non prevalere. Quare nec etiam majori & potentiori parti prevalebit, quæ, ut diximus, pro toto populo est. Quinimmo, ut populus universus, sic maior & potentior pars magistratui prevalebit, & auctoritatem magistratui concessam repetet, ac sibi vindicabit. Quid igitur in bello cum hostibus gerendo inter id, quod privata auctoritate, & id, quod Dei mandato geritur, distinguere oportet, si nullum geri privata auctoritate potest? ut certe nullum potest, si id, quod ea ipsa auctoritate, quam magistratus habet, geritur, nequaquam privata auctoritate gestum esse dicetur. omnia enim ea ipsa auctoritate, quam magistratus habet, ex ipsa sententia vestra, geri ostensum est.

Nec verò dixeris, te eam distinctionem in bello, quo laceessimus, non autem, quo repellimus hostem, adhibuisse, me autem, cum ex sententia vestra populum universum soli magistratui prevalere ostendi, exemplo usum esse hostes bello, atq; armis repellendi. Primum enim in ipsis verbis tuis prædicta pag: 249. de inimicis ulciscendis aperta fit mentio. quod sanè id bellum complectitur, quod eos repellendi causa suscipitur. Deinde non video, cur minus in bello inferendo, quam in defendendo, populus magistratui prevalere debeat, si modò belli inferendi (humano more loquor) iusta sit causa. Nã, si nulla fuerit iusta causa, ne magistratui quidem ipsi, ut bellum inferat, vos concessuros existimaverim. Vnde perspicuum est, in

eo te non leviter errare, qui, nulla distinctione adhibita, idem idem repetis, magistratum Deum esse in terra, & quidquid ille fieri iusserit, Dei mandato fieri. Quasi verò aut magistratus numquam iniustum bellum suscipi iubeat, aut **DEUS** iniusta bella umquam geri mandet. Nam, si dixeris, magistratui quidem, si iustam causam non habeat, bellum, quod suscepit, iniustum esse, at populo iustum fore, modò a magistratu mandatum fuerit, vix crediderim, quemquam esse, qui istud tibi concedat, & populo manifeste magistratus iniustitiae ministrum iurè esse posse confiteatur. Si enim istud in bello suscipiendo admissum fuerit, nulla causa est, cur in omnibus similiter admitti non debeat. nec ulla erit tanta iniquitas, quam populus, magistratu mandante, impune apud ipsum Deum patrare non queat, immo verò non debeat, si quidquid magistratus iubet, pro Dei iussu populo esse debet, nulla iustitiae, aut iniustitiae eius, quod iubetur, ratione habita. Ita nulla distinctio, quod ad privatos attinet, inter Deum, & magistratū in mandando erit, nec, cum de magistratu queritur, ullum locum habitura est regula illa, Obedire oportet Deo magis, quàm hominibus, quam tamen adversus ipsum magistratum Apostolos usurpasse, & secutos fuisse palam est.

Ut igitur ad propositum revertamur, Dico, si iusta fuerit causa bello laceßendi, idq; magistratus facere negligat, aut etiam omnino nolit, posse populum, resumpta quodammodo auctoritate sua, bellum illud gerere,

Palaeologus
error.

Act: 4. 194
5. 290

gerere, si modò eidem populo licet ex iusta causa hostem bello repellere, etiamsi id facere magistratus aut negligat, aut planè nolit. Quamobrem exemplū, quod a me allatum fuit, ad rem omnino pertineret, ut tu non nisi de laceſſendo hostem bello locutus fuisses. Nam, si quis aut te, aut certè plerosq̄, eorum, qui tecum sentiunt, intelligere velit populo permittere, ut iniuste bello hostem laceſſentem, etiam magistratu ipso contradicente, repellat, consideret, vestris belli gerendi christiano populo concessionib: factum esse, ut contra ipsum magistratum Christi nomine gaudens populus arma capere non dubitaverit, vobis non modò aſſentientibus, & approbantibus, verum etiam suadentibus, atq̄ impellentibus, & libris præterea editis, id & posse, & debere fieri, publicè contestantibus, ac contendentibus. Testis est hodie eorum, quæ dico, orbis ipse terrarum, qui hæc fieri aut vidit, aut certissimâ famâ accepit, sed testes potissimum sunt due nobilissimæ provinciæ, Gallia, & Germania inferior, quæ civili sanguine iam diu madent, atq̄ redundāt, eò quòd persuasum sit, ex certis quibusdam causis populo, seu populi parti adversus dominum & principem suum bellum gerere licere. Itaq̄, hac ætate nostra ab iis, qui Christianos se esse præ cæteris iactant, per speciem Christianæ religionis aſſerendæ, id fieri vidimus, quod barbari atq̄ effera homines facere exhorrescunt, ut scilicet contra proprios reges arma ferāt. Et tamen (si Deo placet) eos, qui ob prædictam causam sive in ipsa acie, sive alibi ceciderunt, & ob-

truncati

truncati sunt, in martyrum Christi numerum referri, publicè audivimus. O seculum. Hi nimirum sunt, ut dixi, vestrarum belli gerendi concessionum fructus. Egregii vos scilicet magistratum defensores estis, qui populos contra magistratum, id est reges suos armatis, dum, magistratu iubente, bella iuste geri posse docetis. Rege enim tyranno facto (quod quid sit, quilibet suo modo interpretatur) non regem amplius, sed populum ipsum, sive aliquos ex regni proceribus magistratum esse, vulgus hominum, vobis ipsis indicantibus, vel certè annuentibus, contendit. quibus auctoribus, ex vestra disciplina, tyrannum illum, ut ipsi putant, eiusq; vim armis repellere, cumq; eo aperte bellum gerere non dubitant. Vnde quot ingentia maia necessariò proficiantur, plus satis jam experientia novimus, quæ miserè deplorari magis, quàm aptè verbis explicari possunt. Quòd si eos, quos tantopere reprehenditis, & tamquam magistratum eversores, palam traducitis, imitati fuissetis, nec magistratus auctoritas ulla ex parte violata fuisset, & nos tanta damna lucrati essemus, & pro innumeris sicariis, raptoribus, stupratoribus, sacrilegii, parricidis aliquot saltem veros Christi martyres haberemus. Sed ad rem.

Sic igitur breviter concludo, aut falsam atq; ineptam, aut certè tibi inutilem esse assertionem illam, quæ ex tuis verbis colligitur, non minùs sub Legge, quam sub Evangelio, non privata auctoritate, sed Dei mādato, bella gerere licuisse. Nam, si Dei man-

datum magistratus iussum, atq̄, auctoritatem in bello gerendo esse vis, Primum nihil a veritate magis alienum dici potuit, cum hic non de re aliqua indifferente agatur (etenim res indifferentes, jubente magistratu, tamquam si ipse Deus iussisset, fieri debent) sed de re, quæ per se mala est, & Christi præceptis contraria. Deinde vel falso, vel ineptè in gerendis adversus hostem bellis isti Dei mandato privata auctoritas opponitur, cum certum sit, aut contingere non posse, ut privata auctoritate, quæ divino ipsi mandato opponatur, cum hostibus belligeretur, aut, si id, quod populus, non jubente magistratu, facit, privata auctoritate fieri dicendum est, nihil esse, cur ex ipsa sententia vestra ejusmodi privata auctoritate cum hostibus bella geri, si modò alioqui magistratus auctoritate id fieri potest, summo jure non possit. Sin autem Dei mandati nomine singularem & apertam aliquam Dei monitionem intelligis, nihil hoc ad questionem nostram. Nemo enim est, qui non minus sub Evangelio, quàm sub Lege, quidquid Deus, ut fiat, singulariter, & expresse monuerit, faciendum omnino esse, neget. Sed certè, si Christianus populus tunc demum bella gerere debet, cum a Deo singulariter ea de re monetur, sperare juvat, nullum unquam bellum a populo Christiano gestum iri.

His, quæ jam antea disserueram, ut tota res melius aperiatur, illud addo, sub Lege non idcirco cum hostibus bellare licuisse, quia sic magistratus juberet, quasi alioquin id neutiquam liceret, quippe quod Deus in lege

us in lege sua homicidia fieri vetuisset, quæ multa comitti in bello necesse est. Neque enim potest magistratus id fieri iubere, quod Deus vetuerit. Quemadmodum nullam (exempli causa) habet auctoritatem magistratus iubendi, ut adulteria fiant, cum ea expressè in Dei lege interdicta fuerint. Sed ideo sub Lege bellare licebat, & bellando hostes interficere, quia præceptum illud non occidendi ad hostes non porrigi, multis modis Deus ipse declaraverat, qui inter cætera hostium occisionem, ut supra monuimus, servatæ Legis præmium populo suo statuerat. idq; res ipsa secum omnino ferebat. ut, postquam eis Deus terrenam hereditatem, ac possessionem assignaverat, quam etiam bellando adepti fuissent, terrenis quoq; armis eam defenderent. Ad cuius rei confirmationem vide, quid Iephtes Ammonitarum regi hac de re dicendum mandaverit Iudic. cap. 11. v. 23. & 24. Quare, cum non de assignata sibi possessione defendenda, sed de aliena invadenda agebatur, tunc iustissimam aliquam causam, ut puta gravis injuriæ ulciscendæ, & bello hostem laceipientem reprimendi ac domandi, subesse oportebat, ut ex verbis eiusdem Iephtæ eodem loco satis intelligi potest, dum rationem reddit, cur Israelitæ Amorrhæorum terram occupassent, ab invadendis autem Edomitæ, & Moabitarum regionibus abstinuissent. Quin-

1 Sam: 17.

2, & 4.

2 Sam: 5.

19, & 21.

Palzologi
lapsus.

Gen: 9.
6.

regni, atq; imperii jus habentem, cum de tutandis finibus, & urbibus, quas hostis oppugnabat, deq; hostibus insolescentibus, belloq; provocantibus reprimendis ageretur, quid tamen sibi faciendum esset, Deum consuluisse legimus, quamvis tu, id unquam factum fuisse, negare non verearis priore scripto tuo pag. 4. Non igitur ex magistratus auctoritate, sed ex Dei concessu, ac voluntate ius belligerandi sub Lege pendebat. Quem Dei concessum, ac voluntatem sub Evangelio plane cessasse tum Christi verba, de quibus controversamur, aperte docent, tum res ipsa satis per se monet. Cum enim hominibus, qui sub Evangelio futuri sunt, hoc est christianis nullam terrenam possessionem Deus assignaverit, sed eos, terrâ prorsus posthabitâ, cælum inquirere iusserit, quid caussæ est, cur contra suum ipsius expressum & antiquissimum humani sanguinis non fundendi mandatum christianis hominibus bella gerere, & homines occidere permittat?

Satis (arbitror) probatum est, quæ Christus de inimicorum dilectione precipit, a Mose præcepta non fuisse, ad eaq; testimonia responsum, quæ tu contra attuleras. Consequens est, ut rationes consideremus, quibus Christus sua hac de re præcepta confirmavit, num, ut tibi videtur, eæ non minus sub Lege, quam sub Evangelio locum habeant.

Duæ omnino videntur esse rationes, quibus Christus ad omnium inimicorum hominum dilectionem suis præcipiendam se moveri profitetur. Vna, quòd i-
ta de-

ta deceat Dei filios, cum ipse Deus omnibus suis inimicis bene faciat. Altera, quòd alioqui nulla inter ipsos, & improbos homines hac in re differentia futura esset. cum improbi quoq; homines amicos, & fratres suos benevolentia complectantur.

Quod ad priorem attinet, cum Deus non minus sub Lege, quam sub Evangelio, omnibus hominibus, quantumvis inimicis suis, & solem suum exoriri faceret, & pluvias daret, que sunt illa Dei beneficia, que Christus commemorat, dicendum videtur, si hæc sufficiens causa existimanda est, cur inimicos omnes diligere debeamus, sub Lege quoque inimicos diligendos fuisse. Nam sub ipsa etiam Lege filii Dei vocabantur ii, quibus Lex data fuerat. Ela: 1. 20.

Verùm animadvertendum est primùm, si Christi hæc ratio ad Legis tempora accomodanda est, non debere eam populi Israelitici limites excedere. Quid enim in Lege jubetur, quod ad alterum relationem habeat, semper ad alterum ex populo refertur, non autem umquam ad extraneum. nisi id aliunde constet, vel nominatim extranei mentio facta fuerit. Quare, etiamsi in Lege scriptum fuisset, Diligite inimicos vestros, &c, ut sitis filii patris vestri celestis, qui solem suum oriri facit super malos. & bonos, &c. hoc nihil aliud sibi voluisset, quam Diligite ex populo vestro non amicos tantùm, sed inimicos quoq; nam & Deus pater vester, quem imitari debetis, non eos tantùm ex populo suo beneficiis afficit, qui boni & justi sunt, sed malos quoq; & iniustos. Que

interpretatio nostra ex eo confirmatur, quòd, si quis rectè animadvertat, bonorum, & malorum, justorum, & injustorum in Lege discrimen ad eos tantum, qui sub ipsa Lege erant, pertinebat, non autem ad reliquas gentes, quæ prorsus immunda habebantur, & quarum probitatis, aut malitiæ, iustitiæ, aut iniustitiæ nulla in verbis Legis indefinîtè prolatis habebatur ratio. Propterea Paulus ostendere volens, ea, quæ de hominum malitiâ generatim alicubi David disseruisset, ad Iudeos omnino pertinere, ait, Scimus autem, quoniam, quæcumque Lex loquitur, iis, qui in Lege sunt, loquitur. Deinde considerandum est, filios quidem Dei appellatos fuisse eos quoq̃, qui sub Lege erant, non tamen eadem ratione, neq̃ ita propriè, ut ii appellantur, qui sunt sub Evangelio. Siquidem illi his comparati, non filii, sed servi dicuntur. Hinc Paulus, Non enim accepistis spiritum servitutis iterum ad metum, sed accepistis spiritum adoptionis filiorum. Qui idem Paulus toto serè cap. 4. ep: ad Gal: nihil aliud agit, quàm ut ostendat, sub Lege servos, aut tamquam servos fuisse, sub Evangelio verò & filios, & liberos. Legat, qui volet, caput illud ab ipso initio usq̃, ad v. 10. & iterum a v. 21. usq̃, ad v. 2. sequenti cap. & rem ita se habere planè intelliget. Mitto testimonia alia complura, quæ ex novis cæderis scriptis proferri possent, ex quibus apparet, divinam istam (ut ita dicam) filiationem, quam sub Evangelio habemus, a Christo primùm in Dei populum investam fuisse.

Rom: 3.
29.

Rom: 8.
35.

fuisse. Cuius rei præterea argumentum est, quòd ipse dominus Iesus frater noster, tamquam in audito quodam priùs atq; inusitato inter angelos. nedum in populo nomine, filius Dei est appellatus. Vide Luc. 1. 32. & Heb. 1. 5. Atq; huc etiam pertinet vaticinatio illa apud Hoseam cap. 1. v. 10. Et erit in loco, ubi dicebatur eis, Non populus meus vos, dicetur eis, Filii Dei viventis. Et certè, qui rectè veteris, ac novi fœderis discrimen perceperit, hac de re nullo modo dubitare poterit, ut infra aliquantò explicatiùs differemus. Cum igitur non ita verè, ac perfectè filii Dei esse deberent homines sub Lege, ut sub Evangelio, non potuit hac filiationis divinæ ratio tantam vim sub Lege, quantam sub Evangelio habere. sed, quemadmodum sub Lege imperfectè filii Dei futuri erant, sic imperfectè quoq; Deum imitari satis erat. Atqui hæc Dei (ut sic loquar) virtus, omnibus tam amicis, quam inimicis bene faciendi inter ipsius perfectas qualitates, seu proprietates numerari debet. ut ex Christi verbis perspicuum est, quæ mox recitabimus. Quare, ut hac in parte filii illi Dei, qui sub Lege vivebant, Deum imitarentur, necesse non erat. At rerò sub Evangelio, sub quo perfectè, quatenus moralis conditio patitur, Dei filii esse debemus, perfectam etiam hanc Dei virtutem ut imitemur, necesse est. Propterea coronidem illam Christus præcepto, ac rationibus hisce suis imposuit, Estote ergo vos perfecti, sicut pater vester, qui est in caelis, perfectus est.

Sequitur altera ratio, quia scilicet, si amicos tantum, & fratres diligeremus, nihilò præstantiores hæc in re malis hominibus essemus, qui & ipsi amicos, & fratres diligunt. Quæ ratio nulla causa esse videtur, cur non idem possit sub Lege, quod sub Evangelio, cum mali homines etiam sub Lege, ut ex ipsis Christi verbis, dum rationem hanc explicat, clarè liquet, amicos, & fratres diligerent.

Verumtamen, ut appareat, rationem istam non eas vires habuisse sub lege, quas sub Evangelio, id perpendendum est, quod ex iis, quæ paullo ante diximus, colligi potest, non fuisse sub Lege tantam iustitiæ, ac probitatis perfectionem requisitam, quantam sub Evangelio. Nihil enim, ut inquit scriptor ille divinus, ad perfectum adduxit Lex. Sed quemadmodum, ut idem ait, umbram tantum habuit Lex futurorum bonorum, sic umbram tantum future Evangelicæ perfectionis habuit. Est autem hæc sine dubio iustitiæ, ac probitatis divina quedam perfectio, ut pravos alioquin homines in iis ipsis, quæ rectè faciunt, si fieri potest, superemus. Satis est enim ad humanam iustitiæ, ac probitatis perfectionem, qualem Lex postulabat, malos homines in malè agendo nequaquam imitari. Nec verò amicos, & fratres diligere non ex iis est, quæ rectè facta dicuntur. Nec, si mali quidam alioquin homines, quales publicani erant id faciunt, idcirco nemo tam malus est, quin idon faciat. Immo complures homines semper, & ubiq; inventi sunt, qui ipsis amicis, & fratribus suis inferri suerunt, tantumq;

Heb: 7. 19.
10. 1.

tantumq̄, abest, ut eos amaverint, ut etiam pessimè o-
 derint, adeò ut manus quoq̄, Cainum imitantes, illis
 attulerint. Nec porro rationis Christi confirmatio
 illa, quam mercedem habetis? nullam mercedem
 deberi iis, qui amicos, & fratres amant, indicat, un-
 de colligi possit, nihil boni eos facere, qui id præstant.
 Non enim, omni prorsus mercede istos indignos esse,
 vult Christus, sed alia maiore, quàm ob eam rem sine
 digni mali alioquin homines, qui idem faciunt, indi-
 gnos potissimum ea mercede, quam copiosam sibi obe-
 dientibus in cælis repositam esse, antea testatus fue-
 rat. Quapropter concludendum est, rationem hanc
 quoq̄, alteram a Domino Iesu allatam non idem po-
 tuisse sub Lege, quod sub Evangelio. Evangelium enim
 homines cælesti illa mercede dignos planè requirit,
 cum Lex satù haberet, si terrena mercede digni ho-
 mines essent. Præterea considerandum est, Christum
 non de ea mercede loqui, quæ ex pacto, sed de ea, quæ
 ex ipsius operis dignitate debetur, aut deberi vide-
 tur. Quocirca, etiamsi ex eius verbis colligi posset, iis,
 qui amicos, & fratres amant, nullam mercedem de-
 beri, non tamen inde sequeretur, istos ea in re nihil
 boni agere. Non enim omnia bona opera per se ipsa
 digna sunt, aut videntur aliqua mercede, sed ea de-
 mum, quæ admodum excellentia sunt, & operantis
 obligationem excedunt. Cætera, quæ vel sunt vulga-
 ria, vel eiusmodi, ut ea quilibet præstare omnino de-
 beat, quale est amare fratres, & amicos suos, ea non
 per se ipsa, sed ex pacto tantum mercede digna esse
 possunt.

possunt. Huc illud accedit, quod in priore quoque ratione examinanda diximus, videlicet, etiam si hæc ratio locum sub Lege habitura fuisset, non tamen præceptum de inimicis diligendis Israelitici populi fines egressurum. Quod adeo verum est, ut ne tum quidem, cum Christus locutus est, pro eo tempore eos fines præceptum illud exceperit. Quamvis enim, ut ante disseruimus, eiusmodi verbis Christus usus fuerit, quæ omnino, si eorum vim, ac proprietatem spectes, quoscumque inimicos ab Israelis etiam republica alienissimos complecterentur, de quibus potissimum præcepta dare Christus volebat, id tamen Christi verbis & hic & alibi sepe contingit, quod prophetarum de ipso prædictionibus evenire solet, ut scilicet duplicem sensum habeant, Vnum primo ad tempus, idque secundum aliquam ipsorum verborum usitatum significationem, Alterum vero deinde in perpetuum, qui verborum propria significationi magis consentaneus est. Antequam per Iesu Christi Apostolos Gentibus fidei hostium apertum fuisset, Christi præcepta, non secus ac præcepta Moysi, intra Israeliticæ reipublicæ fines continebantur, quibuscumque tandem verbis illa concepta essent, nisi nominatim Gentium mentio esset facta, aut Gentium quoque in eius verbis rationem habitam fuisse, aliunde aperte constaret. Itaque pro eo tempore inimicorum nostrorum nomine ii quidem intelligebantur, qui inimico animo contra nos essent, non tamen omnes, sed ex populo dumtaxat. Sic enim, ut a sibi dictum fuit, ea vox in Lege, cum quid erga ini-

micum

micum fieri iubetur, accipi solet. eaq; nihilominus tamen voci Proximi opponi potuit. Etsi enim hac vox Proximus in Lege quemlibet ex populo propriè significat, tamen fieri potest, ut communi usu loquendi iã factum esset, ut non ampliùs tam latè pateret, sed eum tantummodo significaret, qui nobis vel amicitia, vel cognatione coniunctus esset. Id quod revera factum esse, satis apertè indicant Christi sequentia verba, quæ, quis proximus sit, quodammodo declarantia, eos, quos amare præceptum illud, Diliges proximũ tuum, aut iubebat, aut certè iubere videbatur, in amicos, & fratres partiuntur. Nã & Fratrum nomine, licet, ut alibi monuimus, in Lege, & in populi etiam sermone omnes Israelitæ comprehenderentur, multò frequentius tamen ex usu loquendi cognati intelligebantur. Postquam verò Gentibus quoq; pœnitentiæ in remissionem peccatorum per Christi nomen prædicata est, & una Israelitarum, & Gentium respublica facta, tunc Christi præcepta, quæ indefinitis ac generalibus verbis concepta fuerant, ad omnes peræquè tam Gentes, quàm Israelitas pertinere, & de omnibus prorsus inimicis, ut verba ipsa sonant, eum locutum fuisse, intellectum est.

Quare non est, quòd quis dicat, per ea, quæ hoc loco a nobis dicuntur, ea convelli, quæ supra affirmavimus, atq; contendimus, Christum scilicet Inimicorum nomine hostes potissimùm intellexisse, Fratrum verò, & Proximorum omnes Israelitas. Nam, quæ antea diximus, vera sunt secundum posteriorem
& potissimè

& potiorē sensum, secundum quem hodie nobis Christi verba sunt interpretanda. Qui sensus non ex loquendi usu aliquo, qui tunc in populo obtineret, sed ex proprietate verborum colligitur. Verborum autē proprietates ex Legis usu petenda est. Atqui Lex, cum proximum diligere iubet, Proximi nomine, quemadmodum ostendimus, quemlibet ex populo intelligit. Verū post Evangelii prædicationem Gentibus concessam omnes homines, ut dictum fuit, ex uno eodemq; populo esse censentur. Quod idem in voce Fratris contingit, cum quid Lex erga fratrem fieri mandat, ut ex iis præcipue apparet, quæ scripta sunt Deut. ca. 22. in initio. Vbi ea, quæ alibi erga ipsos inimicos facienda præcepta sunt, erga fratres simpliciter fieri iubentur. Ex quo id interea confirmatur, quod a nobis constanter asseritur, quidquid Lex de diligendis inimicis præcipit, id non ad alios inimicos, quam fratres, id est ex populo pertinere. Quæ tamen Lex, si aliquando inimicum proximo opponit, ut hoc loco factum est, tunc Inimici nomine hostem intelligi necesse est. Nam etiam sine oppositione ista vox Inimicus in Legge frequentissime hostem significat.

At enim (dixerit quispiam) si prior ille sensus Christi verbis ad tēpus suberat, illud evertitur, quod a te antea constitutum fuit, Christum in his præceptis dandis non Scribarum, & Phariseorum commenta reiicere, sed sua dicta ipsis legis dictis opponere. Nam quomodo Legis dictis sua dicta opponit Christus, si Lex Proximi nomine quemlibet ex populo comple-
 ditur,

fitur, ipse verò, priore illo sensu, quamvis ad tempus, eo nomine amicos tantum & cognatos intelligebat? An non hinc, te ipso teste, apparet, Christum non Legis ipsius, sed receptorum tunc temporis interpretationum rationem habuisse?

Respondeo, me supra non negasse, quin in hoc de diligendis inimicis precepto, sicut in duobus aliis, de uxore non dimittenda, de quibus iniuriis non vindicandis, seu retaliandis, potuerit Christus, dum Legem absolute, ac perficere intelligit, eius quoque falsa interpretamenta reiicere voluisse, & propterea dicta sua non tam Legis dictis, quam iis, que, tamquam Legis precepta, vulgo iactabantur, his tribus in locis opposuisse. Nam præter eius rei propria indicia, que in singulis istis preceptis dandis apparere, antea ostendi, id omnibus comune extare monui, quòd, cum Christus precepta recitat, quibus sua opponit, non ait, ut in reliquis tribus, Dictum est antiquis, sed, Antiquorum mentione omissa, simpliciter inquit, Dictum est. Extat autem in hoc precepto de diligendo proximo, quòd Christus recitat, cuius sua dicta opponit, aliud proprium indicium præter id, quòd supra commemoravimus, non tam Legis ipsius, quam per vulgatæ in populo preceptionis rationem habitam fuisse, quòd ea verba Legis omittuntur, sicut te ipsum, que sanè magnum pondus habere videntur. Nec tamen, secundum illum etiam priorem sensum, in postremo hoc precepto dando non fuerat a Christo aliquid divinæ ipsi legi additum. Quandoquidem tanto plus est inimicos ex populo

pulo suo ita diligere, ut odio te habentibus bene facias, tibi maledicentibus bene dicas, pro te insectantibus, & calumniantibus Deum ores, quemadmodum precipit Christus, quàm eosdem inimicos non ulcisci, quemadmodum Lex precipiebat, quantò plus est, alicui bene facere, quàm non malè facere. Adde, quòd Lex, cum de inimici dilectione aliquid precipit, Inimici nomine eum quidem intelligere potuit, qui odio habere pergeret, non tamen eum intellexit, qui iniuriis, ac contumeliis alterum etiamnum inceperet, sed qui aliquando incessisset. Non enim, ne presentes iniuriæ vindicarentur, sed ne præteritarum quisquam memor esset, in Lege mandatum fuerat.

Nec verò est, quòd quis obiiciat, immo in Lege nõ modò præceptum fuisse, ne quis inimico malè faciat, sed etiam, ut bene faciat, eò quòd scriptum sit, Diliges proximum tuum, sicut te ipsum, & Proximi nomine quemlibet ex populo significari, iam concessum fuerit, quamvis inimicum, id est eiusmodi, qui nos iniuria affecerit. Namq̃, sciendum est, non ita accipienda esse in Lege verba illa, sicut te ipsum, ut omnia complectantur, quæ quis sibi fieri vellet. Alioqui numquam aliquid mali proximo intentare sub Lege licuisset. Quod tamen contrà est. Hoc enim, ut supra attigimus, proprium est Evangelii. Nam sub Lege vim vi repellere, non solùm magistratus auctoritate, sed etiam privato arbitrio licebat. Quod cum ex multis aliis, quæ in ipsa Lege scripta sunt, perspicuum est, tum ex eo patet, quòd furem per sodientem

ante solis ortum adeò verberare licebat, ut, etiamsi Exo: 22. 26
 ex verberibus illis mortuus fuisset, tamen percussor
 reus sanguinis non esset. Sunt igitur verba illa, sicut
 te ipsum, ad id accommodanda, de quo ibi sermo e-
 rat, & ad alia, si qua sunt eiusdem generis, & praece-
 ptum illud perinde accipiendum, ac si dictum fuisset,
 Ne sis memor iniuriarum a proximo tuo acceptarū.
 Sed, quemadmodum optares, ne quis iniurias a te ac-
 ceptas ulcisceretur, sic etiam tu illatas tibi a proxi-
 mo tuo iniurias ne ulciscitor. Non autem ita inter-
 pretandum, ut non modò nihil omninò proximo fiat,
 quod quis sibi fieri nollet, verùm etiā omnia prorsus
 fiant, quae quis sibi fieri vellet, adeò ut & odio haben-
 ti bene facere, & maledicenti benedicere, & pro
 persequente deniq; ac calumniante orare Deum qui-
 libet ex Legi praescripto debeat.

Non est item, quod quis dicat inimicis bene faci-
 endum ex Lege fuisse, praeceptis illis bovem reducen-
 di, & asinum sublevandi contineri. Ista enim, & si
 quae ejusmodi sunt alia praecepta, ad injuriarum obli-
 vionem pertinent. Nemo enim ferè est, qui bovem er-
 rantem domino reducendum non curet, aut asinum
 alterius sub onere succumbentem, si potest, non suble-
 vet, nisi bos, aut asinus eius sit, quem odio prosequa-
 tur. Quinetiam haec, & similia beneficia ejusmodi
 sunt, ut iis ipsis, quibus malè volumus, quorumq; in-
 iurias, quas accepimus, aliquando ulcisci in animo
 est, a nobis facillè praestentur, nisi impotentis omnino
 ac degeneris animi simus. Quod si quis Solomonis di-
 Prov: 25.
 et a huc 20.

Eta huc afferat, iam ostensum est, ea, non tamquam ex Mosis lege manantia, sed tamquam ab ipso Solomone sapienter excogitata, accipienda esse.

Demonstratum est a nobis (ut quidem credimus) neutram ex illis rationibus a Christo allatis sub Lege eam vim habuisse, quam sub Evangelio habet. Nunc videndum est de ipsarum rationum confirmatione quadam tua, quæ tertiæ rationis loco esse potest, quæ pag. 163. his verbis explicas, Si enim dilectio, quæ jubet lex divina ad amicos tantum, non etiam ad hostes pertineret, quod discrimen esset inter legem Dei & legem non Dei sed hominum?

Hæc ratio nullius momenti existimanda est, triplici de causa. Primum quia leges, quamvis ab hominibus latæ, non tamen ipsorum hominum censendæ sunt, sed ipsius Dei, quando cum Dei voluntate consentiunt, quales sunt pleræq; duodecim tabularum leges, ex quibus ius civile Romanorum derivatum est. Tunc enim Deus est, qui per eos homines, etiam si oculis omnium id minimè apparet, leges dat mundo. Atque hoc idem tu ipse parum tibi constans contra Racovienses urges pag. 290. Deinde non simpliciter, nec perpetuò verum est, debere inter hominum, & Dei legem discrimen esse. Quid enim si homines, natura, ac ratione duce, quæpiam in re illud idem planè præceperint, quod Deus ipse præcepit, aut præcepturus fuisset? Quod sanè factum persæpe esse, omnes cognoscent, qui Dei legem a Mose latam cum aliis

Palæologus
parum si-
bi constans

cum aliis hominum legibus conferre voluerint. Ne enim Dei lex in singulis, quæ præscribit, divinius aliquid & perfectius habere debet, quàm humana ratio præscribendum esse, cognoscere potuerit, præsertim si ad hominem verè divinum ac perfectum reddendum ea lata non fuerit. ut certè de Mosaica lege affirmari posse, umbræ, ac ceremoniæ, quibus tota referta est, quarumq; ne ipse quidem Decalogus est express (nam diei Sabbati observationem ad umbras pertinerere Paulus locupletissimus est testis) apertè demonstrant. Nam ne in Lege quidem ipsa evangelica, quæ tota divina est, & ex hominibus angelos quodammodo efficere querit, omnia prorsus præcepta eiusmodi sunt, ut nulla unquam humana lege quodpiam illorum exactè comprehensum fuerit. Postremo, tamen si Dei Lex per Mosem lata non præcipit, ut inimicis quandocumq; possimus, bene faciamus, non tamen propterea in eo, quod erga inimicos fieri debet, nullum inter ipsam, & humanas leges, ut arbitrator, discrimen apparet. Quandoquidè, ut vidimus, in ea expresse mandatur, ne acceptarum iniuriarum a suis civib: quisquã memor esse velit, neve odio quemquam ex illis prosequi. quod hominum communes ac pervulgatæ leges (de his enim loquitur ratio tua) nunquam fortasse mandarunt. Atq; hæc, quæ de Dei, hominumq; legis discrimine contra te differuimus, satis sunt pro responsione ad ea quoq; quæ de distinctione, inter Dei populum, & non Dei populum, deinde subijci. Nam, quòd Dei populum alios diligere, ut ipse

Col:2.17.

Deus solet, debere aī, ad id in priore ex Christi rationibus examinanda abunde responsum fuit.

Ceterum illud insuper pro responsione ad argumentum ex rationibus ductum, quibus vel Christus ipse sua praecepta confirmat, vel ea confirmare aliquis posset, considerandum est. Nihil impedire, quominus eae rationes sub Lege eandem vim habere plane debuerint, quam sub Evangelio, nec tamen habuerint, id est contra id, quod ipse omnino suadebant, aliquid constitutum, aut praetermissum in Dei praeceptis fuerit. Voluit enim Deus non modò rerum omnium perfectionem ad Christi tempora reservare, & quidquid sub Mose praecessit, adumbrationem quamdam esse eorum, quae postea fieri debebant, verum etiam in ipsa adumbratione, tamquam adumbratione, vitia aliqua inesse, ut ea postmodum argumento essent, illam verè adumbrationem, non autem rem ipsam fuisse, & merito aliquando cessasse. Hinc factum est (idq̄, ad rem nostram maxime pertinet) ut in ipso Decalogo, qui legem aeternam, & ad mores tantum pertinentem complecti debuerat, umbratile illud ac ceremoniale praeceptum observationis septimi diei inclusum fuerit, quod pro eo etiam tempore vitium existimandum est. ut scilicet aliquando vel hinc satis intelligi posset, non eo consilio datam fuisse a Deo ipsam Decalogi legem, ut undiquaq̄, perfecta, & omni ex parte absolutissima in perpetuum censeretur deberet. Eadem ratio est aliorum Dei operum, quae vel jam finem habuerunt, vel habitura

1 Cor: 10.
11.

bitura sunt. Nam & præsens hoc seculum, quatenus a Deo conditum est, non solum typus quidam est sæculi futuri, sed etiam in eo, tamquam typo, vitia quædam animadvertere licet, ut vel hinc conijcere possimus, illud non perpetuò duraturum. Nec tamen jure Deum accusare quisquam potest, quòd aliquid fecerit, aut condididerit vitiosum atq; imperfectum. Nam cum id non præ negligentia, aut imperitia, sive impotentia ab eo factum fuerit, sed consultò, idq; in præstantissimum aliquem finem, ea, quæ vitia in re, atq; imperfectiones (ut ita dicā) alioqui per se sunt, Dei ipsius facientis, aut condentis respectu, rei virtutes, ac perfectiones quædam existimari debent. Atque hæc de Christi præceptorum rationibus satis, superq; esse possunt.

Iam verò cum demonstratum fuerit, te, quin præcepta Christi de inimicis diligendis bellum omnino interdican, nequaquam ea ratione negare posse, quòd eadem præcepta sub Lege essent, sub qua tamen scilicet bellare licebat, siquidem falsum est, eadem præcepta sub Lege fuisse, an eorundem præceptorum, & ipsius belli interpretationibus tuis id, quod queris, efficere possis, deinceps videndum est.

Igitur, ut ex iis quæ pag. 250, & 251. scribis, colligere potui, duo in medium affers, quibus probari speras, præcepta Christi de inimicis diligendis non eam vim habere, ut hostes numquam nobis interficere liceat. quæ tamen, ut videbimus, & verba tua præseferunt, ad unum tantummodo redigi possunt. Pri-

mum ais, cum homo malus Dei iussu occiditur, hoc esse amare, bene facere, & ex toto corde diligere. Proconcesso enim hic sumis, hominem malum, qui magistratus auctoritate, sive belligerando, sive alia ratione occiditur, Dei iussu occidi. Itaque videris omnino velle concludere, occidendis magistratus auctoritate malis hominibus, quales Dei populi hostes sunt, nihil fieri adversus id, quod mandavit Christus, ut inimicos diligamus, amemus, eisque bene faciamus. nempe quia tunc etiam, cum istos occidimus, inimici a nobis diliguntur, amantur, eisque bene fit. Verum, quam tui dicti rationem adiungis, ea te aliud dicere voluisse, ostendit. Etenim pro ratione eius, quod dixeras, affers, summum declarari erga Deum amorem, cum in omnibus illi obeditur, in quibus ille nostram requirit obedientiam. Sed quid hoc ad id, de quo queritur? Præcepta Christi non de amore in Deum, sed in homines, quantumvis inimicos, loquuntur. Quare tibi probandum est, non Deum, sed ipsos hostes diligere, cum occiduntur, si ad rem loqui velis, & non prestigis quibusdam uti, ac rudem lectorem fallere. præsertim cum in superiore dicto tuo benefaciendi quoque mentio facta fuerit, quod ad Deum accommodari nullo modo potest. Neque enim Deo a nobis ulla unquam ratione bene fit. Similes prestigie sunt in iis quoque verbis, quæ hoc loco in margine scripti tui sunt apposita. quæ sic habent, An qui iussu Dei occidit maleficum, non amet eum. Quamvis enim hic de amore in ipsum maleficum dictum fuisse, planè videatur,

Palæologus
prestigiator.

deatur, posset tamen aliquis pronomem Eum ad Deum referre, & ita de amore in Deum, non autem in maleficum sermonem esse contendere. Quid verò attinet ex Dei in omnibus obedientia amorem in Deum, occidendis malis hominibus, colligere? quasi tibi concedatur, Dei iussu a nobis malos homines occidi, cum id scilicet magistratus auctoritate sit, sed interim negetur, ea ratione amorem in Deum declarari. quod nisi fiat, non esse cur, quamvis id Deus iubeat, mali homines jure a nobis occidi possint. Nonne vides, divini jussus hic aliquam mentionem te facere non debuisse (nam si Deus jubet, jam vicisti) sed aliunde amorem istum in Deum, dum hostes interficiuntur, probare, postmodum, eo probato, amorem, beneficentiam, atq; ex toto corde dilectionem, hostibus interficiendis, præstari simul probatum esse, vel perperam, vel certè extra rē (nescio quo pacto) tibi persuaseras?

At verò deinde, te ipsum ex parte saltem quodammodo corrigens, tuiq; dicti rationem mutans, ostendere conaris, Deum, cum vindicat iniurias, summam erga homines demonstrare charitatem. Nam, cum Deus impium diuturnitate vitæ ad pœnitentiam concessa abutentem punit, id propterea ab ipso fieri dicis, ne is, qui malus est, & peior fiat, & pergat nocere bonis. & statim, tamquam eius rei testimonium, subiicis, Decurtabuntur inquit dies illi propter electos. Ac postmodum sic inferis, Si electorū causa decurtantur mala tempora, sublatis impiis de terra, quorum causa mala tempora co-

Palæologus
varius.

Mat: 24.
22.

gnominantur, debet quoq; electorum causa, ut salvi fiant, nec pereant cum impiis, malorum hominum & decurtari numerus & vis hebetari. Itaq; ut apparet, nos quoq; Dei exemplo, quod pro ratione affers, charitatem summam erga homines, dum malos interficimus, demonstrare aui. cuius rationis tantam vim esse, existimare videris, ut non tantum possimus, sed etiam debeamus malos homines interficere, nullo praeterea Dei iussu expectato, quemadmodum, ut diximus, hic concludere debueras. nisi, ut quaedam ex subsequentibus tuis verbis ostendunt, verbum Debet in modo recitatis ita intelligendum est, ut non quidem ad nos referatur, tamquam si dictum esset, Debet a nobis, sed simpliciter est accipiendum, & pro Aequum, seu Par est interpretandum. ut scilicet eius, quod ipse Deus facit, exemplo concludas, malorum hominum occisionem nihil continere, quod vera charitati, quae proximo praestari debet, aduersetur, si tamen Dei iussu, ac voluntate fiat, quemadmodum praesatus fueras. Atq; hoc tandem illud erit, quod priore loco a te allatum fuit, ut, si recte, quid, occidendis hostibus, fiat, & quid Christus iusserit, intelligatur, bellum eius praecipis de inimicis diligendis non aduersari demonstras.

Palzology
praestigias
facit.

Atqui hic quoq;, Palaeologe, praestigias facis. Cum enim Christi praecipia de dilectione ipsius inimicis, ac malis hominibus praestanda agant, ratio tua eam potissimum dilectionem urget, quae amicis, & bonis hominibus praestatur. Nam quod aui, Deum, dum impios occidi

occidi iubet, erga ipsos impios amorem ostendere, dñ
 ea ratione cavet, ne peiores fiant, unde, si rectè argu-
 mentationem tuam concludere velis, inferendum ti-
 bi est, nos similiter, cum malos homines occidimus, er-
 ga ipsos amorem ostendere, nimirum quia hac ratio-
 ne prohibemus, ne peiores fiant, hoc, inquam, sive quod
 ad nos, sive etiam quod ad Deum attinet, risu potiùs,
 quam responsione dignum est. Nimis acuta sanè qua-
 dam charitas hæc videri debet, malum hominem oc-
 cidere, ne peior fiat. quasi verò semper occidenti (ho-
 mini præsertim) constet, illum, si vixerit, peiorem e-
 rasurum. immo quasi fieri facile non possit, ut is vitã
 emendet, & bonus fiat, & propterea non summum
 odium hominis occidentis erga malum hominem (ni-
 si eius occidendi alia quæpiam iusta sit causa) a se
 occisum declaretur, dum ei spatium ad pœnitenti-
 am agendam præripit, & quantum in se est, salutem
 planè invidet, atq; aufert, ut uno eodemq; tẽpore &
 corpus, & animam illius interimere, iure dici que-
 at. quo nihil sceleratius excogitari umquam poterit.
 Mitto, quòd, si certum omnino erat, istum, malum ho-
 minem, si vixisset, peiorem erasurum, nihil ei prodes-
 se potest, minùs malum fuisse tunc, cum est mortuus,
 cum per ipsum nulla ex parte steterit, quin pessimus
 moreretur.

Sed iam, quid illud alterum sit, quod ex verbis
 tuis colligi possit, videamus. Sic igitur Christi præce-
 pta interpretanda esse ais, ut tunc demum locum ha-
 beant, nisi Deus aliter iusserit. & amandos quidem

esse inimicos, sed non plus, quàm iubeat Deus. Atq;
 huc redigendum id etiam est, quod priore loco dictum
 a te fuit, scilicet, ut verba tua præ se ferunt, amorem illum,
 quem, dum mali homines occiduntur, erga proximi
 declarari affirmas, a Dei iussu non separas, nec sine
 Dei iussu tanti momenti esse vis, ut homines malos a
 nobis citra Christi præceptorum contemptionem in-
 terfici posse, demonstrat. Illud enim tandem queren-
 dum est, an, & quando Deus, ut homines mali occi-
 dantur, iubeat. Quòd si quis neget, umquam iuberi a
 Deo, ut Christiani homines hostes suos, quamvis pes-
 simos, occidant, quomodo quæso tu id probabis? Nam
 hoc loco id non explicas. Numquid, ut paullo ante te
 dicentem fecimus, & ipse alibi sæpe disputas, ex ma-
 gistratus auctoritate id colliges, quasi, quidquid ma-
 gistratu auctore fiat, Deo ipso iubente fieri, dicendū
 sit? Atqui primū, multò aliter rem se habere, supra
 ostendimus. Deinde hîc eiusmodi verbis uteris, quibus
 aliud planè requirere videaris, quàm magistratus
 auctoritatem, si Dei iussus ille adfuturus sit. Adhuc
 enim modum scribis prædicta pag: 251. Nam quam-
 vis magistratus gladium gestet, privatus autem
 non gestet, attamen lex divina iubet, magistratum
 & privatum ex æquo omnes (amicos & i-
 nimicos) diligere, nisi ubi Deus ut aliter fiat,
 nova lege data aliud iubet. Igitur, te ipso teste,
 non satis est, magistratum gladium gestare, ut præcep-
 tum de inimicis diligendis non conservetur, & id-
 circo ex magistratus auctoritate, adversus id, quod
 alia

Palzoli: h.
 bi adver-
 satur.

aliis in locis affirmas, Dei iussum non colligitur, sed
 necesse præterea est, ut Deus, nova lege lata, aliter
 fieri iubeat. Itaq; ex ipsis tuis verbis contra teipsum
 concluditur, si mali homines occidendi sunt, non sa-
 tis esse, magistratum auctorem habere, sed necesse es-
 se, ut a Deo nova lex de inimicis non amandis, seu de
 malis hominibus occidendis feratur. Nam, si malos
 homines occidere illi Christi præcepto per se minimè
 repugnare contendis, cur præterea in universa rati-
 ocinatione tua Dei iussum requiris? Sin autem per se
 repugnare concedis, iam ego rectè ex superiore regu-
 la tua, ut id iurè fiat, magistratus auctoritatem non
 satis esse, adversus teipsum sum argumentatus. tu ve-
 rò cur amoris, qui, malis hominibus occidendis, erga
 proximum declaretur, mentionem facis, atq; ea rati-
 ocatione, etiamsi mali homines occidantur, Christi ta-
 men præcepto non contraveniri, ais? Cur deniq; (si
 fortasse id nec dicere, nec curare te affirmes) nō satis
 habes Dei iussum urgere? Sed certè, nisi quidquid a
 te de bello dicitur, ante recitatis verbis tuis everti
 velis, necesse est, cum nulla nova Dei lex fuerit lata,
 qua vel inimicos non diligere, vel hostes occidere iu-
 beamur, ut, occidendis auctoritate magistratus hosti-
 bus nostris, amorem a nobis erga ipsos hostes decla-
 rari, non dicas modò, ut quidem facere videris, ve-
 rùm etiam urgeas, atq; contendas. Quo, si consultò ri-
 sum audientibus movere velles, haud scio, an nihil ad
 id accommodatius invenire posses.

Atq; hæc tandem satis esse volumus, ut hostes bel-

lo occidere, quantumvis magistratu auctore, quod a te Christianis non conceditur tantum, sed etiam preceptum esse affirmatur, Christi preceptis, quibus inimicos diligere iubemur, planè adversari intelligatur, quidquid a te (quod huc privatim pertineat) in responsione tua ad Racoviensium scriptum in contrariam partem disputatum fuerit. Quocirca nos iam id abunde præstitisse arbitramur, quod ab initio polliciti sumus, atq; planum fecisse, ea, quæ ab adversariis tuis ex Matthæi 5. cap. contra sententiam tuam de vindicandis per magistratum iniuriis, deq; bello ejus auctoritate gerendo prolata testimonia fuerant, contra quàm ipse adversus eos scripseris, jure optimo fuisse prolata, ex iisque perspicuum esse, sententiam tuam insituta, quæ Christi institutis contraria sunt, in Ecclesiam inducere. Quod quamquam aliis etiam cum testimoniis, tum rationibus ab iisdem adversariis tuis confirmatum est, nec rectè a te ad plerumq; responsum, ea tamen in præsentia omittimus, satis esse rati de prædictis apud Mattheum testimoniis disseruisse. in quibus tota propemodum vis istius disputationis inesse videtur.

CAPVT
VII.

QUONIAM verò adversarii tui, scripto, quo sententiam tuam de bello complexus fueras, id etiam potissimum obiecerant, quod novum testamentum cum vetere, seu Legem cum Evangelio confunderet, aut potius evangelium Christi lege Mosis, lucem umbræ, virilitatem pueritia aboleret, id quod & pessimè a te factum, & rectissimè ab illis reprehensum fuisse mihi

isse mihi videtur, considerandum est, ecquid tu ad ea respondendo, quæ ipsi ad id confirmandum attulerant, contra asseras. Videntur autem hoc, quod tibi objiciunt, non propterea objecisse, quia sententiæ tuæ vi nulla omnino distinctio inter vetus, & novum testamentum, Legem, & Evangelium, Mosem deniq̃, & Christum constituatur, sed quia in iis, de quibus queritur, id est in præceptis ad mores pertinentibus, nullum prorsus inter Mosem, & Christum discrimen consitui debere, ex tua sententiâ necessariò colligatur, quòd tu verissimum esse non negas. Itaq̃, videndum est, quid ipsi ad discrimen istud probandum pertinere sint arbitrati, quidq̃, tu vicissim ad illud improbandum, tibi respondendum esse censueris.

Primum igitur adversarii tui, ut universè, atq̃, indefinitè probent, inter Mosis, & Christi præcepta discrimen aliquod esse (præceptorum autem, quemadmodum & Legis, & mandatorum, & cuiusvis rei similis simplici nomine ea tantùm, quæ ad mores spectant, in tota hac disputatione intelligo.) verba illa Christi asserunt non semel repetita, Audistis quia dictum est antiquis, &c. Ego autem dico vobis, &c. Ex quibus perspicuum esse contendunt, Christum aliqua præcepta dedisse diversa a præceptis, quæ Moses antea dederat. Nam in priore verborum eius parte, cui posteriorem opponit, ipsa Mosis præcepta contineri, certissimum esse aiunt. idq̃, tribus de causis. Primum propter vocem Antiquis, quæ sine dubio priscos illos significat, quibus Lex data fuerat. Deinde, quòd

de, quòd non in presente, Dici, sed in præterito tempore, Dictum fuisse, affirmatur. Postremò, quia citat ibi Christus expressum textum Mosis. Atq; hæc ab ipsis scripta sunt pag: 60, & 61.

Quod ad primum attinet, in responsione ad secundam, quam ipse facis, adversariorum objectionem pag: 220. disertè aù, vocem Antiquis non referre populum, cui loquebatur Moses, sed plebem, quam instituebant Scribæ, & Pharisei, & statim addis, Cùm enim dicatur, nisi abundaverit iustitia vestra, plusquam Scribarum & Pharisæorum, & sequatur. audistis quia dictum est antiquis, nonne etiam cæci vident sententiam ita esse comprehendendam? Audistis quod dictum sit antiquis dierum a Scribis & Pharisæis, quibus scilicet tradebant suam iustitiam, & instituta hominum, iustitiam Dei solventes, & abrogantes & ei nolentes esse subiecti? Ita loqueris, quasi inter omnes constet, vocem Antiquis, sive, ut est in græco, τοῖς ἀρχαίοις plebem aut antiquos dierum significare posse. quod tamen omnino aliter se habet. Sed prius animadvertendum est, te in scriptis tuis quatuor modis eam vocem interpretatum fuisse. Primum enim voce Veteribus eam reddis priore scripto tuo, pag: 24. Posteriore verò, pag: 118. presbyteros & seniores, sive senatum eam significare ais, quod deinde alibi, præsertim verò in paraphrasi illa tua, eandem repetis. Atqui hîc duobus aliis modis, ut vidimus, eam interpretaris. nam & plebem, quam institu-

ebant

ebant Scriba, & Pharisei ab ipsa referri dicis, & mox Antiquis dierum pro ea (nescio quomodo) substituis quam postremam interpretationem pag: quog; u9, & 247. commemoras. Sic iis accidere solet, qui contra manifestam veritatem pugnant, ut scilicet nullo loco consistant, inter se ipsi pugnantia loquantur, eaq; dicant non modò, quæ deridendos ipsos omnibus præbeant, verùm etiam id, quod maxime stabilire querunt, evertant, quod autem evertere conantur, stabiliant. Etenim, si prima illa tua interpretatio admittatur, nonne necessariò sequitur, eam vocem in eum sensum accipiendam esse, in quem ab adversariis tuis accipitur? quos tamen ante dicta pag: 220. ob voculam unam non intellectam (nam istam te velle dicere, satis constat) in Christi verbis percipiendis cecos esse clamas. Quid enim aliud Veterum simplici nomine apud probatos auctores significatum unquam est, præter Priscos, sive eos, qui superioribus ætatibus suere? Aut ubi apud eosdem invenies, Veterum simplici appellatione significari vel senatum, vel plebem, vel deniq; antiquos dierum? Quid porrò de secunda interpretatione dicemus, quam potissimum sequi videris? Cur unum saltem, si non ex sacris, ex profanis litteris exemplum non profers, ubi Antiqui, sive οἱ ἀρχαῖοι idem sit, quod Seniores, sive Senatus? Que ista tanta tua auctoritas est, ut nova ac ferme inauditæ dicenti, nulla etiam ratione allata, credi debeat? Num tu alter es Pythagoras, qui verò tua scripta legunt, omnes tui discipuli? Quòd si senatum

palæologi
multiplex
varietas,
eaq; ridicu-
cula.

Palæol: se-
ipsum re-
fellens, ad
versariorū
dictū con-
firmat.

Palæologi
confiden-
tia.

ea vox significat, quomodo plebem significare potest, ut habet tertia interpretatio tua? Nam, etiamsi Plebis nomine non eam populi partem, quae patritiis, vel eam, quae ipsi senatui opponitur, te intelligere dicas, ut nomen ipsum propriè significat, sed univèrsum populum, ut satis frequenter a Latino vetere interpretate, sive unus sit, sive sint plures, in sacris litteris factum est, non tamen, si ea vox senatum significabit, plebem significare poterit, neque enim senatu univèrsus populus continetur, sed exigua eius pars. Quòd si fortè dixeris, te non dixisse Plebem simpliciter, sed Plebem, quam instituebant Scribe, & Pharisei, quasi non totam plebè, id est populum intellexeris, sed exiguam istam partem, quae a Scribis, & Phariseis institueretur, Primùm, quàm ista locutio a communi loquendi usu abhorreat, omnes iudicabunt. Deinde nõ senatum modò, sed reliquum etiam populum instituebant Scribe, & Pharisei, ut ex iis, quae postea dicentur, constabit, Immo reliquum populum tantò, quàm senatum, ab ipsis institutum fuisse, verisimilius est, quantò reliquus populus rudior erat, & institutionis magis egens, quàm senatus. Sed rursus, quomodo, si ea vox Antiquis senatum significat, antiquos dierum significare potest, ut quarta & postrema tua fert interpretatio? Numquid omnes antiqui dierum, hoc est senes, ex senatu sunt, aut saltem omnes senatores, senes? Quòd si velis, quemadmodum, quia a senio senatores sint dicti, Seniorum nomine senatus intelligi potest, sic Antiquos dierum pro Senatu dici posse,

iur eius rei testimonium aliquod non proferas? Cur i-
 ta obscurus, tamquam Apollo aliquis Delphicus, in i-
 stis tuis quasi responsis dandis esse affectas? Iam verò
 (ut de tertia interpretatione agamus) quis, vel san-
 do, audivit unquam, Antiquorum, seu τῶν ἀρχαίων
 nomine plebem, aut populum significari? Certè fieri
 non potest, quin tibi ea verba imprudenti, & incogi-
 tanti, atq; aliud planè agenti exciderint. Cuiusmodi
 casus cum veritatem impugnantibus eveniunt, tunc
 iustum Dei iudicium animadvertere licet. Sed quid
 de postrema tua interpretatione sentiendum? Ego
 sanè non memini, me vel locum legisse, vel ab aliis le-
 ctum observasse, ubi simplici τῶν ἀρχαίων appella-
 tione antiqui dierum, seu grandævi significantur. Il-
 lud equidem affirmare ausim, in sacris litteris, id est
 in novo testamento, non modò eiusmodi locum non
 extare, sed τῶν ἀρχαίων nomen semper Priscum, seu
 quod Latini propriè Antiquum dicunt significare.
 Qui Latini numquam (quod sciam) antiquos dierum
 (ut quidem in vulgata editione loquitur Daniel, si-
 quidem poterant ad verbum ii Danielis loci aliter
 verti. neq; enim Antiquus apud Latinos idem planè
 est, quod אַנְתִּיקָא apud Chaldaeos, quamvis inde for-
 tasse derivetur) seu grandævos simpliciter Antiquos
 appellant. nisi veterem veteris testamenti interpre-
 tem pro latinitati bono auctore habeamus, qui id
 nonnumquam in historia Iobi ausus est facere. aut
 certè, cum Antiquos ita, ut id nomen substantivi
 (quod

Palæologi
 lapsus.

Dani 7. 2.
 13. & 22.

Iob: 12. 12.
 15. 10.
 12. 6.

(quod vocant) nominis vim habeat, ut nostro in loco fit, nominant, numquam homines grandævos intelligunt.

Itaq; apparet, nullam ex tuis interpretationibus verbo ipsi convenire præter primam, quæ eadem est cum adversariorum interpretatione, quam impugnandam suscepisti, ut quæ sententiæ tuæ nimis adverteretur, eamq; sunditus evertat. Sed, etiamsi aliqua ex reliquis tribus ipsi verbo accommodari posset, non tamen, communi interpretatione reiecta, ea admitenda esset, cum propter id, quod communis interpretatio magis propriam, ac frequentissimam vocabuli significationem sequitur, tua verò insolentiosem, minusq; propriam, tum maximè, quia locus ipse nullam ex istis tuis interpretationibus, quamvis vocabuli vi eam alioqui ferret, pati ullo modo potest, nisi sortasse eam, quo plebem a Scribis, & Phariseis institutam voce Antiquis referri vult, quæ, ut ineptissima, quæq; tibi incogitanti, ut dixi, atq; adeò, ut arbitrator, invito exciderit, nullo numero est habenda. Quid enim? Numquid senioribus tantum, sive senatui, aut antiquis dierum ea dicebantur, quæ eos, quos alloquebatur, fuisse dicta, audisse ait Christus? Nonne toti populo ea dicta fuerant? Nam quæ distinctio illa tua est inter seniores, & populum, quod senioribus quidem ea dicerentur, populus autem interim audiret? Quonam vel argumento, vel testimonio probas, Scribas, & Phariseos (istos enim eos fuisse, a quibus ea dicerentur omnino vis) tunc, cum Mo-

sis Le-

his Legem recitabant, & explicabant, non populum, licet præsentem & audientē, sed seniores, seu senatores tantum allocutos fuisse? Nā tu pag 118. cum, assidentibus senioribus, Scriba, & Pharisei legem interpretarentur, turbam, & populum audivisse scribis.

Sed quid quero, cum tibi parum constans, pag: 207. ex cathedra, ubi Lex populo, audientibus senioribus, legeretur, ea dicta fuisse ais? Nonne tu ipse (si modò eo in loco plusquam figuratè locutus non es) pag: 220. disertè ais, plebem a Scribis, & Phariseis institutam fuisse? Sed ne plebi quidem, id est (ut tibi hoc concedamus) populo, ea dicta fuisse, Christum dixisse, verisimile est, cum ipsum populum, seu populi partem, que præfens erat, vel teipso teste, alloqueretur, ut ex verbis illis tuis apparet prædicta pag: 118. Audistis, inquit, vos duodecim discipuli mei, atq; adeo vos omnes quid dictum sit à Scribis, &c. Si enim ipsi populo ea dicta fuisse, intellexisset Christus, non aliter, quàm Audistis, quòd dictum est vobis, vel simpliciter Audistis, quòd dictum est, sine dubio dixisset. Indubitatum igitur esse debet, nullam, sive ipsum verbum, sive sententiam spectes, ex tuis illis tribus interpretationibus vocis Antiquis admitti posse, sed communissimam ac receptissimam eius verbi explanationem, quam ipse prima interpretatione tua planè confirmas, omnino admittendam esse, ut scilicet Antiquorum nomine Veteres, seu Prisci intelligantur, unde planum fiat, Christum de veteribus Legis præceptis reformandis, non autem de recentibus Scriba-

Palæologi
inconstan
tia.

rum & Phariseorum interpretamentis reiciendū agere.

Sequitur altera adversariorum tuorum ratio, quod scilicet non in presente Dici, sed in præterito tempore Dictum fuisse, ait Christus. Ad hoc quid tu respondeas, non invenio. & tamen responsione dignissimum erat. Nam, cum pergerent Scribæ, & Pharisæi populum docere, & subinde statim diebus Legem populo recitarent, atq; explanarent, certè, si de recitatione, atq; explanatione ista loqui voluisset Christus, non semper, idq; sexies Dicitur, sed dicitur semel saltem, atq; iterum dixisset. Hoc dico, quia fortassis præter Hebræi sermonis cōsuetudinem, quæ præteritum pro presente tempore sæpe usurpat, valde huic simile etiam alioqui (ut quidem tibi videtur) locū afferre posses, in quo præterito tempore pro presente idem

Matth. 23. Christus usus fuerit. cum ait, Super cathedrā Moysi sederunt Scribæ & Pharisei, &c. Vbi non videtur dubitandum, quin Sederunt pro Sedent dictū fuerit. vel, quemadmodum, ibi, etsi Scribæ, & Pharisæi sedere pergerent, seu mavis idem idem adhuc sederent in Moysi cathedra, tamen a Christo dictum est Sederunt, non autem Sedent, sic hoc loco, etsi pergerent iidem populum docere, & adhuc subinde id facerent, non tamen Dicitur, sed Dictum est, Christus dixerit. Verūm potuit Christus eo in loco semel figura illa sermonis, sive idiotismo uti. nullum enim periculum erat, ne satis mentem suam explicasset, cum statim ea verba adiuncturus esset, Omnia ergo, quæ.

quæcumq; dixerint vobis, servate, & facite; &c. ex quibus apparet, eum de re adhuc præfente loqui, & quæ idemtidem fieret, ac facienda eſet. At in loco noſtro & nimis ſæpe eam locutionem uſurpaſet, & ubi manifeſtum erat periculum, ne in alium ſenſum, quàm ipſe voluiſſet, eius verba acciperentur, ut re ipſa comprobatur eſt. Mitto, quòd illud Sederunt emphafiſm quamdã habere videtur, & non pro Sident dictum, aut alia ſignificatione, quàm ipſius præteriti temporis. Perinde eſt enim, iudicio meo, ac ſi Chriſtus dixiſſet, Occuparunt Scribæ, & Phariſæi Moſis cathedram, ſeſeq; in ea collocarunt. Qui loquendi tamen modus per ſe, non quidem quia præteritum tempus pro præfente uſurpetur, ſed propter ipſius rei naturam, & verborum propriam vim actionis continuationem designat, adeò ut ad præſens quoq; tempus id, quod dicitur, pertineat, qua rei natura, ac propria vi carent illa verba, Dictum eſt, quæ effectum quidem eius, quod dictum fuit, adhuc permanere, aut perinde eſſe, ac ſi adhuc idem diceretur, non negant, Cæterùm actionis ipſius continuationem nullam ſignificant.

Reſtat tertia ratio. quòd in una parte Chriſti verborum, cui alteram opponit, ipſa verba Legis recitantur. Quod tu ipſe fateris in reſponſione ad tertiam, quam facis, adverſariorum obiectionem p. 222. hiſ verbis, Citatur quidem in hac iuſticiarũ collatione a Ieſu Chriſto textus Moſis. Idq; alibi quoq; concedis. Sed aũ, citari unã cum ipſis appendi-

ces Scribarum, & Phariseorum, quibus scilicet sua verba opponere voluit Christus, non autem ipsi Mosis textui. quem ideo citavit, non ut ipsum abrogaret, sed ut, vel sic, suam iusticiam (ita loqueris) vanam Scribæ, & Pharisei colligerent. Atq; adeo appendices Scribarum, & Phariseorum una cum Mosis textu a Christo citari, affirmare audes, ut non veritus sis eadem pag: 222. ea verba scribere, quibus (verbis Mosis) ut hic narrat Evangelista Scribæ & Pharisei suas coniungebant appendices. quasi verò Evangelista id lectorem moneat. qui tamen Christi tantum sermonem recitat, ex quo id nequaquam intelligi potest. Nam quas appendices (rogo) Scribarum, & Phariseorum citat Christus in præceptis Legis recitandis de non occidendo, de non mœchando, de non peierando? immo etiam in illis Legis verbis commemorandis, quæ ad uxoris dimissionem, & ad rationis legem pertinent, quamvis non integrè ea commemoret? Qua tota de re explicatum est a nobis sup: cap: 4. An non certissimum est, ne somnari quidem posse, illum alibi appendices Scribarum, & Phariseorum recitare, præterquam in præcepto de proximo diligendo, cuius tu propterea solius hinc exemplum proponis? Quod tamen factum ab ipso fuisse, nullo modo asseverari potest, cum ea pars, Et odio habebis inimicum tuum, non appendix Scribarum, & Phariseorum, sed vel pronunciatum ipsius Legis, quod hodie non extet, vel certè Legis ipsissima mens censeris possit, ut ante dictum fuit. Atq; hoc posterius inter ea, que

Palæologi
audacia,

que alibi a nobis disputata sunt, vel ex eo satis constat, quod Lex, ne a filiis populi sui acceptas iniurias Israelitæ recordarentur, precipiebat. Unde intelligi poterat, eorum, qui ex eodem populo non erant, quosque sub Inimici nomine potissimum in verbis illis, Et odio habebis inimicum tuum, ut supra demonstravimus, intelligere oportet, istorum, inquam, iniurias recordari, & porro eos odio habere, Israelitis a Legge permixtum fuisse. Quamobrem futile planè est ista tua ad hanc adversariorum tertiam rationem responsio. Et idcirco, cum ne unam quidem ex tribus illis eorum rationibus labefactare potueris, ne dum ut omnes, quemadmodum necesse habebas, everteris, certum esse potest, id verissimum esse, quod illi earum vi concluderant. in priore scilicet parte verborum Christi ipsa Mosis præcepta contineri, quibus in posteriore sua dicta opponit. Nam, que tu ad contrarium probandum in medium affers, nullius momenti existimari debent, ut paullo post videbimus. Prius enim tuorum adversariorum sententia tribus præterea rationibus a nobis est confirmanda, sive tua convellenda. quarum duas ipsa Christi verba, de quibus agitur, non minus, quam tres illas ab ipsis Racoviensibus allatas, suppeditant. tertia verò aliunde petenda est.

Duarum igitur priorum una erit, quod, si Christus non de ipsis tantum Mosis præceptis, sed de interpretamentis simul Scribarum, & Phariseorum agere voluisset, ipsorum Scribarum, & Phariseorum nomen non reticuisset. nec simpliciter, idque perpetuo, ut

Matth. 15.
23.
Mar. 7.

fecit, dixisset Dicitur est, sed semel saltem Dicitur est a Scribis, & Phariseis. Nec enim reverentia, aut timore aliquo fortasse ductum eorum nominibus: Christum parcere voluisse, credendum est, quos nominatum cum paullo ante iustitie ad intrandum in regnum calorum minus apte damnaverat, tum vero postea acriter sepe increpuit, atque obiurgavit, & cum de lege Dei sui mandatis ab ipsis irrita facta disseruit, tunc in os quoque eos reprehendere, ac vituperare non dubitavit. Nec vero satis eos nominasse, satique indicasse, ipsos eos esse, a quibus ea dicerentur, que dicta esse, auditum fuisse ait, propterea existimari potest, quod ipsorum antea mentionem fecisset in illis verbis, Nisi abundaverit iustitia vestra plus, quam Scribarum, & Phariseorum, &c. Nam, ut cetera omittam, ea verba, ut supra disputatum est, non ad sequentia, sed ad antecedentia referri debent.

Altera ratio est, quod si Christus, ut tibi videretur, ea, que antiquis dicta fuisse affirmat, ab iis, quibus loquebatur, dum dicerentur, audita esse dicere voluisset, non ἤκουσατε, ὅτι ἐπέειπεν, sive Audisti quod dictum est, sed ἤκουσατε, ὅτι ἐπέειπεν, sive audistis, cum dictum est, sine dubio apud Mattheum scriptum legeremus. Hæc enim verba, Audistis, quod dictum est, nunquam aliud significare poterunt, quam Ad aures vestras pervenit, id est Accepistis, dictum fuisse. nec ullo modo, nisi pessimè loqui velimus, hac loquendi ratione uti poterimus, cum quempiam aliquid tunc, cum diceretur, audivisse, significare volumus.

Tertia, quæ restat ratio, omnino suadet, Christum hoc loco mala Scribarum, & Phariseorum Legis interpretamenta aliqua, cum ipsam Legem in synagoga exponerent (nam huc a te Christi verba trahuntur) minimè reicere voluisse. Etsi enim Christus, ut modò dicebamus, illos graviter alibi accusat, quòd mandatis suis Dei mandata irrita fecissent. (Quare & ingredi volentibus eos claudere regnum celorum, & cavendum esse a Phariseorum doctrina dixit) ac præterea alicubi eorum theologiam ridet, ut cum dicebant, nihil esse, si quis per templum, aut per altare, sed multum, si per aurum templi, aut per donum, quod super altare esset, iurasset, tamen nusquam eos eo nomine reprehendit, quòd ipsam Legem Mosis populum docentes, aut docere se profitentes, Mosis verba suis sive interpretamenti, sive additamenti perverterent, atq; corrumpere. Quin potius apertè & turbam, & discipulos suos monet, ut ea faciant omnia, quæ Scribæ, & Pharisei in cathedra Mosis sedentes docerent, secundum tamen opera eorum facere nolint. Ex quo satis constat, eos, cum ipsam Mosis legem populo in synagoga exponerent, eam, ut par erat, tractasse, atq; ob eam rem statim addit Christus, Dicunt enim, & non faciunt. Quod quanam ratione dicere poruisset, si, ut ex tua mentis ipsius Christi hoc loco, de quo disputamus, interpretatione sequitur, & ipse constanter affirmas, illi tot præcipua legis Mosaicæ præcepta suis appendicibus, dum eam publicè docerent, aut recitarent, depravare, & tantum non

Matth. 23.

14.

16. 12.

23. 18.

funditus evertere consuevisent? Nam, quam tu al hunc nodum solvendum eorum Christi verborum explanationem alicubi attulisti, eam nos inferius alio loco, Deo volente, planè ineptā esse demonstrabimus.

Sed iam videamus, ecquid tu contrā afferas, id est quibus rationibus ostendere coneris, Christum hoc loco nequaquam Mosis præceptis sua opposuisse, vel cum Mosis iustitia (ut tu loqueris) suam contulisse. Primum ad utrumq; probandum ea ratione uteris, quod iam satis præfatus fuisset, se de iustitia, hoc est, ut tu alibi interpretaris, de iustitia recitationis Legis Scribarum, & Phariseorum disputaturum, eamq; correcturum in illis verbis, Nisi abundaverit iustitia vestra plus, quàm Scribarum, & Phariseorum, non intrabitis in regnum cælorum. Atq; hanc rationem tamquam eam, cui plurimum confidas, idem tamen in tuis scriptis repetis, atq; inculcas, huc dicens esse referendum universum Christi sermonem. Sed nos ad eam penitus convellendam, satū esse credimus ea, quæ in initio cap: 4. disseruimus, ad quem locum lectorem reiicimus.

At deinde, ut separatim probes, Christum sua dicta dictis Mosis non opposuisse, quæ hic Christus præcipit, Mosis præceptis contraria non esse, demonstrare aggredere. Tunc enim (inquis) opponerentur dicta dictis, si, cum Moses privatis dicat, Non occides, Non mœchaberis, &c. Christus (iisdem privatis scilicet) diceret, Occide, Mœchare, &c. vel, cum Moses magistratui dicat, Oculum pro oculo, &c. Christus
(nempe

(nempe eidem magistratui) diceret, Non oculum pro oculo, &c. Quod cum Christus non faciat, omnino perperam dici ais, eñ sua dicta Mosis dictis opponere.

Hec tua ratio, quæ scripta est pag. 221. non modò tuam causam non iuvat, sed etiam, ut postea videbimus, alias rationes tuas, & proinde ipsam causam insigniter labefactat. Non iuvat certè causam tuam, quia, quidquid eius vi concludas, nihil de re ipsa, sed de verbis tantùm egeris, & adversarios tuos non quidem malè sensisse, sed non bene, quod sentiebant, verbis expressisse, obtinebis. Atqui non de verbis, aut locutionibus, sed de re ipsa, & de sententia inter vos questio est. Sentiunt autem adversarii tui, Christum dedisse præcepta nõ quidem contraria præceptis Mosis, sed ab illis diversa. diversa, inquam, quatenus iis perfectiora, & absolutiora sunt. Perfectiorem enim multò atq; absolutiorem charitatem, patientiam, dilectionem præscribunt, atq; proponunt, quàm illa præscripserint. Hæcq; ex ipsorum adversariorum verbis apertissimè constant pag: 61, & 78. Nam, hoc evidèto, id habent, quod querunt. Nolunt enim, te ex eo, quod sub Mose facere licuerit, argumentari posse, idem sub Christo licere. quasi nulla prorsus inter utriusq; moralia præcepta intersit, & Christi præcepta nihil amplius iubeant, quàm Mosis præcepta iusserint. Nec tamen interea verbis utuntur, quib; aliud dicant, quàm sentiunt. Neq; enim ex eo, quòd affirmant, Christum sua dicta Mosis dictis opponere, colligi rectè potest, eos asserere, Christi præcepta Mosis præceptis esse con-

traria. Nam quis est, qui nesciat multiplicem usum, & significationem verbi Opponendi? Opponitur rei alicui non id tantum, quod cum ea pugnat, sed illud etiam, quod cum ea confertur, atque ea ratione (ut ipsum verbum proprie notat) ex altera parte ponitur. præsertim si id, quod confertur, tamquam præstantius aliquid, atque eius rei, cum qua confertur, loco reponendum, conferatur. Quoniam igitur sentiunt, ut dictum est, adversarii tui, Christum sua præcepta cum Mosis præceptis conferre, eaque, tamquam illis perfectiora, illorum loco populo servanda proponere, idcirco sua dicta Mosis dictis eum opponere, proprie loquendo, dicere potuerunt.

At enim dices, adversarios præterea addidisse, Christum Mosis legem corrigere. Quidni, quamvis contraria præcepta non dederit? Satis est enim, ut Christus Mosis legem correxisse iure dici possit, eum perfectiora mandata dedisse, & legi illi aliquid deesse, docuisse. Cui enim aliquid deest, id rectum nondum appellari potest, donec id, quod deest, ei addatur, atque ita rectum fiat, & porro corrigatur. præsertim si, antequam illud, quod adhuc deerat, adderetur, iam pro re undique absoluta ac perfecta habebatur, idque ipsum præ se ferebat. Eiusmodi autem erat lex Mosis ante Christum. qua nihil absolutius, aut perfectius fieri posse credebatur, quæque tamquam talis data fuisse videri poterat. Quod cum contra se habere Christum docuisse, & aliquid multo perfectius atque absolutius attulisse, tui adversarii sentiant, certe ad id significandum

tandum eam legem, tamquam nō id habentem, quod polliceri videbatur, ea ratione a Christo correctam fuisse, meritō dixerunt. Adde quod Christus planē Legem corrigit, si non pauca, quae vel tacitē, vel aperte a Lege permittebantur, ipse apertissimē vetat, nec ulla ratione sub Evangelio permittenda esse, perspicuē docet. Atqui id omnino sentiunt, atq; contendunt adversarii tui. Quare iam vides, tamen si verum est, quod dicis, Christi praecepta Mosis praeceptis contraria non esse, neq; aliter sentiunt adversarii tui, tamen ipsos neq; contra veritatem, neq; contra suam ipsorum sententiam locutos fuisse, cum Christum sua dicta Mosis dictis opponere, Legemq; corrigere affirmarunt. Quocirca aliud ipsis obiicere debes, si eos male locutos fuisse ostendere velis, quā id, quod hoc loco de Christi praeceptis, quod Mosis legi non adversentur, disputasti.

Nam, si id obiicias, quod deinde in hac tua ratione explicanda subiungis, Christum, cum, exempli causa, ne fratri cōviciemur, praecipit, id dicere, quod fieri necesse est, si legem de non occidendo (a Mose scilicet latam) observare cupimus, & ita nihil non modo contrarium legi Mosis, sed ne diversum quidem, aut exactius Christum attulisse dicas, quā Moses attulerit, sed tantummodo eius mentem interpretatum fuisse, Respondeo, te hic principium (ut loquuntur) petere. Nam de hoc potissimum disputatur, utrum Christi praecepta interpretamenta, an verò additamenta sint ad Mosis legem. Tui autem adversarii additas.

rū additamenta esse affirmant, atq; ejusmodi additamenta, ut & sua dicta dictis Mosis opposuisse, & Legem correxisse Christus iurè dici possit, quemadmodum, quæ Mosis dictis subiungit, & suis præfatur ubiq; verba illa, Ego autem dico vobis, manifestè ostendunt.

Sed addit, Christum numquam leges Mosis correxisse, vel ex eo constare, quòd eas ubiq; coluit, & observandas esse mandavit. Hæc tua ratio rectè conclusa fuisset, si Christus nihil aliud, quàm Mosis leges servandas præcepisset. Sed cum, etsi eas servandas docuit, non tamen solas dixerit, verùm multa præterea præcepta dederit, negare non potes, quin eas correxerit, quatenus, ut ante diximus, eas perfecit, & multa, quæ illæ, aut tacitè, aut apertè permittebant, fieri vetuit. Neq; enim, cum quis leges aliquas servandas dicit, eorum, quæ permittuntur, sed eorum, quæ iubentur, rationem habet. Itaq; potuit Christus præcipere, ut Mosis leges servarentur, & simul tamen cavere præceptis suis, ne aliqua fierent, quæ illæ fieri permetterent, modò id, quod ipse iuberent, ratum, firmumq; perpetuò maneret.

Ex prædictis patet responsio ad id, quod ab initio dixeras, Christum hic professum fuisse, se Legem solvere non venisse, & ne jota quidem unum, aut apicem Legis solutum iri. Etsi enim Christus multa Legi addidit, non tamen Legem solvit, id est, ut ipse ex Paulo eam locutionem interpretaris, Legem abrogavit, sed, quemadmodum alibi supra a nobis dictum est, eam

est, eam perfecit, & quodam modo plenior reddidit, quod & se facturum eodem loco professus fuerat, inquiens, non venisse se, ut solveret Legem, sed ut impleret, hoc est perficeret, idq̄, quod illi adhuc deerat, adderet. Nec sanè aliis hic verbis uti opus est, quam iis ipsis, quæ tu imprudens adversus teipsum in superiore ratione afferenda uteris, tunc scilicet Christum ex sententia adversariorum tuorum legem Moysis soluturum fuisse, si, cum Moses dicat, Non occides, Non mœchaberis, ipsi sentirent, Christum e contrario dixisse, Occidito, Mœchator, sive, Occidere, ac mœchari tibi permittitur. Nunc cum hoc ipsi minime sentiant, immo (quod verum esse ex ipsis Christi verbis valde perspicuum est) eum hisce in rebus multo minus suis permisisse, quam Moses Israelitis permisisset, planè contendant, quid est, cur illis, quod Christum Legem solvisse dicant, aut dicere velint, tribuas, atq̄, affingas?

Sed adhuc habes, unde ostendere te posse speres, Christum dicta sua Moysis dictis non opposuisse. Nam pag. 222. inquis, Illi, qui petebat, quid faciendum sibi esset, ut vitam æternam adipisceretur, non aliud proposuit quam verba Moysis. Si ad hanc tuam rationem resellendam ea omnia hic congerere velim, quæ possem, longior multò sim, quàm presens institutum requirat. Pauca igitur quadam respondebo, eaq̄, ad duo capita revocabo.

Primum igitur dico, Christum, cum petenti, quid sibi faciendum esses, ut vitam æternam possideret,

Mosis

Palzologi
imprudens
tia.

Mosis verba proposuit, id non ob eam causam fecisse, quod scilicet nihil præterea ab iis, qui vitam æternam adepturi essent, planè requireret, quàm ut Mosis legem servarent, sed ea ratione viam ad alia quædam perfectiora tradenda sibi sternere voluisse. Patet hoc ex eo ipso loco, qui verbis tuis in margine adscriptus est, Mat. 19. cap. Ibi enim, quamvis Christus ab initio dixisset, Si vis ad vitam ingredi, serva mandata, tamen deinde, cum adolescens ille affirmasset, se mandata illa, quæ Christus ipse, quænam essent, ab eo rogatus exposuerat, atq; ex Mosis lege recitaverat, a juventute sua servasse, addidit Christus, Si vis perfectus esse, vade, vende quæ habes, & da pauperibus, & habebis thesaurum

Palæologi
lapius.

in cælo, & veni sequere me. Atq; hinc apparet, te non leviter lapsum esse, cum dixisti, Christum isti nihil aliud proposuisse, quàm verba Mosis. Non initium Christi verborum dumtaxat, & medium, sed finis quoq; spectandus tibi erat. Debuerasq; adolescentem istum imitari, qui, quamvis audivisset a Christo, si vellet ad vitam ingredi, debere ipsum ea mandata servare, quæ servata a se fuisse putabat, tamen hoc non contentus, denuo rogavit, num aliquid adhuc sibi deesset, omnino sentiens non nihil præterea additurum Christum, quippe qui nondum rem totam aperuisset. Et certè id, quod Christus addidit, cum ad interrogationem magis, quàm id, quod ante dixerat, accommodatum fuit, propter Theauri in cælo mentionem, qui vitam æternam aperte decla-
rat, quod

rat, quod in priore responsione vita mentio non perinde faciebat, cum Vita nomine in sacris litteris, etiam tamquam premii, vita longa, & feliciter inter mortales transacta sapissime significetur, tum verò eiusmodi est, ut nec de eo in lege Moſis aliquid dicatur (nam ubi, quæſo, Moſes, ut omnia bona vendantur, & pauperibus dentur, præcipit? nec, si rectè intelligatur, ſingulare præceptum ſit iſti adoleſcenti a Chriſto datum, ſed omnibus Chriſtianiſ commune. Nam alibi dixit ipſe Chriſtus, Omnis ex vobis (turba autem loquebatur) qui non renūtiat omnibus, quæ poſſidet, non poteſt eſſe meus diſcipulus. Et hæc volumus ſatis eſſe pro reſponſionis noſtræ ad rationem tuam priore capite.

Luc. 14.

33.

Deinde, ut non modò iſti loco apud Matthæum, ſed illi etiam, qui eſt apud Lucam cap. 10. a nobis ſatiſfiat, & aliis ſimul, ſi qui præterea ſunt ſimiles, Dico, quamvis veriſſimum ſit, Chriſtum ipſi Decalogo, qui Moſis legem, de qua loquimur, continet, multa addidiſſe, ſi verba ipſa Decalogi, & ſenſum, in quem in Moſis diſciplina accipiebantur, ſpectemus, tamen, ſi ſpiritualem quemdam ſenſum, quem ex Chriſti diſciplina præceptis illis Moſaicis accommodare poſſumus, attendamus, quidquid Chriſtus præcepit, ad Decalogi præcepta, ut paſſim hodie in Catechiſmiſ (quos vocant) fieri videmus, revocari poſſe. Nam & Chriſtus ipſe ad præceptum de non adulterando, mandatum illud, ne mulierem, aut certè ne alterius uxorem concupiſcamus, revocavit, & eiusmodi cupiditatem

tatem adulterium esse, statuit, quamvis in Mosis disciplina multò aliter esset, quippe qui vel id ipsum, quod Christus praecepit, nusquam praecepisset, vel inter cupiditatem istam, & adulterium manifestè distinxisset. Cum igitur Christus vitam sperare iubet eum, qui Decalogi praecepta servaverit, si vitam aeternam intelligit, & nihil aliud revera amplius requirit, tunc intelligendum est, ipsum sentire, ut ea praecepta ita accipiantur, ut etiam ipsius praecepta, quemadmodum sanè possunt, complectantur. Quamquam eo in loco apud Lucam non ipsa singularia praecepta enumerantur, ut sit apud Matthaeum, ubi ad alterum hoc caput responsionis nostrae confugere, ut vidimus, non est opus, sed duo illa generalia praecepta commemorantur, dilectionis Dei, & proximi, ad quae, omnia singularia praecepta, quae etiam extra Mosem a Christo tradita fuerint, revocari posse, nemo negare audebit. Multò plura, ut ante monuimus, pro responsione ad rationem tuam nos afferre potuisse scimus. Sed haec pauca in praesentia satis erunt.

At deniq; ad idem probandum, dum ad tertiam adversariorum obiectionem, quam ipse facis, respondes, eadem pag. 222, ais, Christum nihil fecisse, aut dixisse unquam, quod non videret patrem facientem, & non audiret patrem dicentem. quasi verò pater nihil aliud, Christo audiente, diceret, nisi id, quod in lege Mosis scriptum extabat, vel adversarii tui velint, Christum non a patre habuisse, sed ex proprio capite sumpsisse ea praecepta, quae Mosis praeceptis
eam op-

eum opposuisse contendunt. Nam, quod adiungis, de-
 cipi scriptorem responsionis Racoviensium, dum Le-
 gis vocem unius significati esse ubiq; in sacris litteris
 existimat, Ego sanè, quamobrem id a te dictum fue-
 rit, non video. Non enim de interpretatione verbi
 Legis hic ullo modo agitur. sed, omni de verborum si-
 gnificatione controversia remota, aſeritur a scri-
 ptore isto, Christum in illis suis præceptis dandis ali-
 ud & dixisse, & dicere voluisse, quàm Moses in suis,
 que ibi ipse Christus recitat, aut dixerit, aut dicere
 voluerit. Debueras autem tu ad probandum, quòd
 Christus nihil dixerit umquam, nisi, quod patrem di-
 centem audivisset, alium locum citare præter eum,
 qui in margine adscriptus est Ioh: 5. 19. Ibi enim non
 de dicendo, sed de faciendo tantùm est sermo. Quòd
 fidem de dictis, quod de factis Christi censendum
 esse dixeris, non negaverim. sed eodem prorsus sen-
 su. Quemadmodum igitur, quòd Christus nihil face-
 ret, nisi quod videret patrem facientem, nihil aliud
 significat, nisi Christum nihil fecisse, cuius faciendi
 mandatum, & potestatem a patre non accepisset, non
 autem (ut tu interpretari videris) quod pater alia
 ratione, quàm per ipsum non faceret, aut fecisset, sic
 quòd Christus nihil diceret, nisi quod patrem dicen-
 tem audiret, non id significat scilicet, eum nihil di-
 xisse, quod pater alia ratione, quàm per ipsum non
 diceret, aut dixisset, (ut quidem neceſſe est te senti-
 re, nisi extra rem locutus esse velis) sed cuius dicendi
 mandatum, & potestatem a patre non habuisset. Me

N

autem

autem Christi mentem in illis verbis apud Iohannem rectissime exposuisse, præter omnes loci circumstantias, quæ id manifestè confirmant, demonstrant aperte, quæ illico subiungit, Pater enim diligit filium, & omnia demonstrat ei, quæ ipse facit. & maiora his demonstrabit ei opera, ut vos miremini. Nam Videre patrem facientem, & Sibi a patre demonstrari opera, pro eodem Christum dixisse, ex eo, quòd in his superiorum verborum ratio quædam redditur, manifestum est. Demonstrari autem sibi opera a patre, idem planè esse, ac Patrem sibi mandare, & concedere, ut opera faciat, docent verba illa, Et maiora his demonstrabit ei opera, ut vos miremini.

Hæc erant, quæ hoc loco adversus sententiam Racoviensium, quòd Christus in eo sermone apud Mat. cap: 5. sua dicta Mosis dictis opposuerit, Legemq; correxerit, a te allata fuerant. Cætera, quæ alibi ad idem ferè, quod hîc dicis, confirmandum affers, supra cap: 4. satis diligenter a me confutata sunt. Quòd si qua adhuc supersunt, ea non incommodè aliis in locis infra excutientur. Hîc tamen, antequam aliud agamus, id omnino examinandum videtur, quod priore scripto pag: 17. scribis, Christum videlicet nusquam vocari, aut dici legislatorem. Nam vel ex hoc sortasse probari posse credis, eum nulla præcepta a præceptis Mosis diversa dedisse. quippe qui (ut pag. 21. repetis) ut appellatus non est, sic neq; etiam legislator fuerit, sed legis Dei vindex, & obscuriorum locorum
per mani-

per manifestiora interpretatur. Quae tamen argumentatio fallacissima esse deprehenditur. cum ex eo, quod potius in ipso est, unumquodque nominari soleat, nec necesse sit, ut ex omnibus, quae quis potissimum facit, nomen inveniat. Christus, quamvis legislator verè fuerit, quia tamen non ad leges ferendas, sed ad servandum praecipue venerat, non Legislatoris, sed Servatoris nomine vocatus fuit, praesertim cum iam aliqua moralis lex a Mose lata fuisset, quam ipse revera non refixit, aut abrogavit praecipis suis, immo eam confirmavit, sed simul tamen complevit, atque perfecit.

Quapropter merito dictum est, Legem quidem per Mo- Ioh: 1. 17.
sem datam fuisse, gratiam autem, & veritatem per Christum extitisse. Quinetiam ne ipse quidem Moses forte usquam disertè legislator est appellatus. Quod si, cum negas, Christum legislatorem vocatum, aut dictum fuisse, non de ipsissimo nomine tantum Legislatoris agis, sed (ut quidem debes, & verisimile est) verba alia idem significantia, unum, aut plura tuo sermone complecteris, atque idem intelligis, quod antea pag. 11. scripseras, non legi, Christum umquam ad populum aliquas leges tulisse, Primum hoc quoque admodum fallax est argumentum. Satis enim est ad hoc, ut iure affirmari possit, Christum quaedam praecipisse, quae Moses non praeeperat, id ita se habere aliis testimoniis comprobare, etiamsi nusquam scriptum extaret (verbi gratia) Christum legem tulisse, aut simile aliud quidpiam. Deinde dico, te memoriâ lapsus non recordatum fuisse, cum ista scriberes, eo-

Palaeologi
lapis.

rum Pauli verborum, licet vulgatissimorum, Alter Gal: 6. 2. alterius onera portate. & sic adimplete legem 1 Cor. 9. 2. Christi. nec item illorum, qui sine lege erant, tamquam sine lege essem, cum sine lege Deo non essem, sed in lege essem Christi. Sic enim habent in postremis verbis omnes latini vetusti codices, atq; eandem lectionem planè agnoscit Syriacus interpres. quamquam ne ipsa quidem grecorum codicum vulgata lectio ab hac interpretatione abhorret. Nam & Erasmus, & Tigurini, & quidam alii ea verba, ἀλλ' ἐννοῦμαι Ἰησοῦν, ad hunc modum verterunt, sed obnoxius legi Christi. Quid quòd tu i-

Palæologus
quinquies
cadē in re
sibi adver-
satur.

ipse in hac responsione tua quinquies minimum, ut aliud agens observavi, aut aperte dicis, aut non obscure innuis, Christum legem, seu leges tulisse? Primum enim in initio pag: 98. sic scriptum est. Atqui si postremo illo tempore privatus erit, ulcisci suas iniurias non poterit sine culpa transgressarū, à se latarum, legum, &c. Ex quibus verbis apparet, te sentire, Christum, de quo erat sermo, non solum aliquas leges tulisse, sed eas tulisse leges, quæ privatam omnem vindictam interdiciunt. quo nihil verius dici potuit, cum ante Christum non omnis privata vindicta interdicta esset, ut ex iis, quæ supra disputata sūt, apertum esse potest. Iam verò de iisdem legib: a Christo latis, pag: 152. ad hunc modum legitur, Istene est fictus Christus, qui leges quas ipse privatis dedit primus observavit, & factus à Deo Magistratus, non observat, quoniam Magistratibus
has

has ipse leges non tulit? *At deinde in extrema pag: 252. ea verba habentur, Et hæc est lex charitatis, lata à Christo omnibus Christianis. Nihil rectius dici poterat, quàm charitatis legem aliquam a Christo fuisse latam. Quandoquidem charitas est novum illud mandatum Christi, quod tantopere, tãquam verè novum, eoq; sensu, quo Christus ipsum dabat, Mosi incognitũ, urgent adversarii tui, & (quidquid tu alibi contrã dicas) solum potest questionem, seu questiones vestras decidere, & adversum te sententiam ferre. Sed deinde iterum ad finem pag: 253. sic scribis, Quid enim hic prætexes? Christum? cum ille nullas leges tulerit ne accedas ad magistratum, nisi cum pœnitet facinorosum facinoris. Tria in his tui verbis notanda sunt. Et priora quidem duo ad id ipsum pertinent, ad quod probandum ipsa verba attuli. Postremum verò ad controversiam, utrũ Christus aliquid novi præceperit, omnino spectat. Vnum igitur est, quòd satis innuis, Christum aliquas leges tulisse, cum ais, illum nullas tulisse leges, ne accedamus ad magistratum, nisi &c. Alterum, quòd aperte confiteris, eum tulisse legem quamdam, ne scilicet accedamus ad magistratum, cum facinorosum pœnitet facinoris. Terriũ est, quòd, hoc confitendo, cõfiteris simul, Christum aliquid præcepisse, quod Moses nusquam præcepit. Nam ubi (quæ Palæologus seipsum refellit.) istud præceptum apud Mosem invenies, ne iniuriã læsus, si lædentem pœnituerit, ad magistratum accedat? Quare, etiamsi nullam læc a Christo legis men-*

tionem fecisses, tamen ad te in ipsa controversa, cuius occasione hæc omnia dicuntur, revincendum satius esset, te sateri, præceptum illud a Christo fuisse datum. Puto autem, te veritate victum ideo & hic, & superiore loco, ubi reipsa eandem sententiam scripseras, Ferendi legem verbo usum fuisse, quod videres, præceptum istud novum planè esse, & eiusmodi, ut Christus, cum illud dabat, legem ferre meritò dici posset. Postremò pag: 275. in ipso initio hæc tua verba leguntur. Quare nos, ut sciatis, à vobis, quamvis in una Dei Ecclesia sumus, differim⁹: quod nos mandata Christi legimus & exosculamur secundum literam, sed observare conamur secundum voluntatem & mentem Christi, diligentissimè considerato, & ductu orationis Christi, & exemplo, quod exhibuit Christus in observatione legum, à se latarum & collatione aliorum dictorum & factorum Christi, & Apostolorum. Quid tibi videtur? Numquid contra teipsum adhuc, Christum legislatorem fuisse, negare perseverabis, qui ita diserè pluribus in locis scribas, eum leges tulisse? Certè, si de simplici aliquo eoq; confesso propheta, & Legis interprete locutus fuisses, numquam, quòd leges aliquas tulisset, ei tribuisses. Sed tanta vis veritatis est, ut de Christo loquens, quamvis eum, quòd ad hanc partem attinet, pro simplici propheta, & Mosaice legis interprete habeas, tamen ei hunc honorem deferre, quòd leges tulerit, imprudens coactus fueris. Nunc ad reliqua pergamus.

POSTQUAM adversarii tui satis se universè
atq; indefinitè probasse sperabant, inter Christi, &
Mosis præcepta aliquod discrimen esse, ad certa &
singularia deinde ipsa utriusq; præcepta descendunt,
& exemplis prolatis, in compluribus altera ab alte-
ris differre, demonstrare aggrediuntur. Quorum ex-
emplorum iam potiorem aliquam partem supra, dum
aliud agimus, satis diligenter examinavimus, atq; e-
orum præcipuas reprehensiones tuas resutavimus.
Quare hîc de duobus tantùm videbimus, & quid tu
contra afferas, perpendemus, atq; ubi opus fuerit, tua
dicta refellemus. Nam etsi de utroq; etiam istorum,
presertim verò de priore, de quo mox acturi sumus,
nonnihil ante disputatum fuit, tamen multis parti-
bus plura, quàm, quæ fuere dicta, sunt ea, quæ dicen-
da adhuc supersunt.

Prius igitur exemplum erit, quòd Moses ob le-
ves causas propter duritiem cordis illorum populo
divortium permittebat, Christus autem non nisi pro-
pter adulterium, illud permittit. Hac ab adversariis
tuis scripta leguntur pag: 61. a te autem inclusa sunt
in objectione ipsorum sexta, pag: 225. Vbi in respon-
sione negas, Mosem ob leves culpas, aut propter aliam
causam, quàm illam unam a Christo allatam divor-
tium, sive uxoris repudium permisisse.

Quoniam verò videbas, quàm apertè tibi adver-
sarentur verba illa Christi, Moyles ad duritiem
cordis vestri permisit vobis dimittere uxores
vestras, ais necesse esse, ut Christus aliud dicere vo-

Mat: 19.

8.

luerit, quàm verba ipsa præ se ferant. cum nusquam extet apud Mosem licentia dimittendi uxores quavis ob causam.

Hoc, Paleologe, nihil est. Nam, etiamsi verba accipiantur, ut sonant, non tamen, necessario sequetur, Christum dixisse, a Mose permissum fuisse, ut uxores dimitterentur quamvis ob causam, sed tantummodo sequetur, Mosem, ceste Christo, permisisse, ut ob multas causas uxores dimittere liceret. Hanc enim vim omnino habent indefinitæ eiusmodi enunciationes. quamvis ita etiam accipi possint, ut perinde sit, ac si universalibus verbis conceptæ forent, & idem cuiquam videri queat, si quis simpliciter dicat, Licet dimittere uxorem, ac si addat, Ob quamvis causam. quemadmodum supra cap. 4. dictum fuit. Verum, ut diximus, modò ob multas causas uxorem dimittere liceat, verissima nihilominus erit, & propriis verbis concepta enunciatio ista, etiamsi non ob quamvis causam id facere liceat. Nam si (exempli causa) aliquis diceret, te sentire, populo christiano licere bella gerere, verè ac propriè loqueretur, quamvis non semper, neq; ob quamcumq; causam id ei licere sentias, sed tunc demum, cum causa iusta fuerit. quod cum (ut tibi quidem videtur) multis modis contingere possit, rectè indefinitis verbis enunciationem suam ille concepisset. Igitur, si probatum fuerit (ut postmodum fiet) a Mose ob multas causas permissum fuisse uxorem dimittere, iam apparebit, nihil esse, cur dubitari possit, quin Christus verè, ac propriè lo-

cutus fuerit, cum dixit, Mosem Iudæis permisisse, ut uxores suas dimitterent, aut aliter, quàm præ se ferant, verba eius accipienda sint, etiamsi vel non appareat, ob quamvis causam id Mosem permisisse, vel etiam, ob aliquas causas non permisisse, constet. Nec verò Pharisei ipsi, cum ea verba dixerunt, Quid ergo Moyse mandavit dari libellum repudii, & dimittere? (quod ita se habere Christus confirmare videtur) ob quamvis causam uxorem dimittere, a Mose permissum fuisse, dicere voluerunt, quemadmodum tu in fine pag: 131. scribis, sed ob aliquas. Hoc enim non ad id ipsum confirmandum, de quo plañe se dubitare Christum interrogantes ostenderant, ex Lege attulerunt, nimis enim ineptos, aut insidiosos se prodidissent, sed Christi responsioni obiecerunt. qui simpliciter negaverat, uxorem dimittere licere, & quod Deus coniunxerat, ab homine separari non debere, affirmaverat. Ac si dicerent, Quomodo ergo locum habebit præceptum Moysi, qui repudii libellum uxori dimittere dari mandavit, si verum est, quod ais, uxorem dimittere non licere? Cum enim ob unã tantum stupri causam id licere, ut deinde explicuit, sentiret Christus, rectè, non licere, simpliciter dicere potuit. Hinc apud Marcum, & Lucam, nulla nec ante, nec post exceptione addita, negat præcisè Christus, licere uxorem dimittere, & aliam ducere. Vnde illorum errori occasio data est, qui, ne propter adulterium quidem, id licere volunt. Non sunt igitur (nisi aliud afferas) Christi verba aliter, ac sonant, accipi-

Mar: 10.
7.

Mar: 10.
11.
Luc: 16.
13.

enda. & cum dicat, Mosē permisisse Iudæis, ut uxores dimitterent, id ob multas causas licuisse, est intelligendum. Immo, si nihil præterea querendum est, quàm, ut Christus Phariseorum dictū confirmaverit, satis est, eum voluisse dicere, a Mose ob nonnullas causas repudia permisa fuisse. qua de re cum ab ipso aliter statuatur, quin inter ipsius, & Mosis præcepta evidens discrimen appareat, nullo pacto negari potest.

Sed opera pretium est videre, quomodo tu Christi verba interpretanda esse sentias, & quomodo, a Mose ipso ob solam stupri causam repudia permisa fuisse, demonstrare tentes. Igitur in extrema p. 134. sic scribis: Ad hunc autem modum ordino textum: Mosēs etiam si ob duritiam cordis vestri permisisset vobis repudiare uxores vestras, quamvis ob causam, attamen ab initio non ita erat, &c. Subiungis deinde quatuor causas, quare ita ordines textum. quarum primam, & tertiam supra refutavimus. Quamquam quid attinet ad primam refellere, cum ea verba, Nisi abundaverit, &c. quinto Mat. capite scripta sint, ea verò, de quorum hic interpretatione querimus, capite 19. illa Christus discipulis suis, hæc verò Phariseis dixerit? Agnosci, ut arbitror, turpem lapsum tuum, cum verba ipsa per se, neque eodem tempore, neque iisdem dicta utraq; fuisse, aut dici potuisse, satis aperte doceant. Quod verò ad tertiam causam pertinet, ea, ut ante monuimus, interpretationem istam tuam planè destruit. Nam, si ob eam causam, quòd Christus non Maioribus vestrum dixit, sed Vobis, eum non de eo, quòd Mosēs dixisset,

Palæologi
lapsus.

qui maioribus eorum, non autem iis ipsis, quibuscum loquebatur, leges tulerat, sed de eo, quod Scribae, & Pharisei tunc dicerent, verba facere necesse est, certe non Etiam si permisisset, quod ad Mosem ipsum omnino referendum esset, sed Permisit, ut ipsa verba habent, legendum est. ut scilicet ad Scribas, & Phariseos referatur, qui re ipsa uxores dimittere permittebant. Quod quia, tamquam a Mose traditum, populo (ut tibi videtur) obtrudebant, propterea ipsum Mosem id fecisse Christus dicere potuerit, interpretibus scilicet (ut ipse loqueris) Scribis, & Phariseis. Itaque, vides, quam non modo tuo more parum tibi constes, sed quam etiam a teipso quodammodo ab alienatus videare, qui duorum, quae invicem repugnant, alterum ad alterius confirmationem afferas.

Palæologi
inconstan-
tia.
Palæologi
lapsus.

Sed de secunda, & quarta causa videamus. In quibus illud primum a te peccatum est, quod unicam causam in duas inepte dissectuisti. Sic enim dicere debueras. Cum & Deus ab initio, ipso Christo teste, & Christus postea ob stupri causam repudium permisisset, atque ob hanc solam causam Moses repudium permitteret, necesse est fateri, Mosem in repudio permittendo nihil fecisse, quod Christus ulla ratione improbare possit, sive Dei ordinationem, sive id, quod ipse constituit, considerare velimus. Sed Christus improbat id, quod de Mose repudium permittente præ se ferunt ipsius verba illa, Moses ad duritiam cordis vestri permisit vobis dimittere uxores vestras. Igitur hæc verba aliter, ac sonant, sunt accipienda, nec intel-

Palæologi
peccatum.

nec intelligendum est, Mosem permisisset, &c. sed, eti-
 am si Moses permisisset, &c. Ad hunc modum, inquã,
 te unicam hanc causam explicare oportebat, non
 autem ex ea duas facere, Vnam, quòd Christus ob stu-
 prum repudium permittat, & hanc solam causam
 Moses benè intellectus in legibus datis adferat, Alte-
 ram, quòd Deus, teste hic ipso Christo, ab initio ob stu-
 pri causam matrimonium dissolvi posse voluerit, &
 hãc solam causam Moses inter leges apposuerit. Nec
 enim satis est, alterutrum, sed utrumq; verum esse o-
 portet. Nam, si vel Deus ab initio, vel Christus postea
 ob ipsum stuprum repudium non permisisset, satis ha-
 buisset Christus ad Mosis permissionem istam impro-
 bandam. Deinde in eo errasti, quòd utrobiq; id planè
 retices, sine quo argumentationis tue nulla vis est,
 & , quo non explicato, quid tibi velis, vix quinquam
 intelliget. Retices autem, Christum id improbare,
 quòd Mosi tribuere videtur. Iam verò ista tua sive u-
 nica, sive duplex causa eo solo fundamento nititur,
 quòd Moses ob stuprum dumtaxat divortium permi-
 serit. Quod sanè ineptè factum censerì debet, cum
 hoc illud ipsum sit, de quo potissimùm controvertitur,
 cuiusq; contrarium ne ex Christi verbis illis probari
 possit, idcirco inauditam istam eorum interpretatio-
 nem commentus es. Verumtamen, si, quidquid, ut id
 probes, a te dictum fuerit, falsum esse fundamentum
 istud demonstrabitur, corruet illico universum hoc
 ædificium tuum, & simul totã causã cades, ac fateri
 necesse habebis, Mosem non consentire cum Christo,
 qui

Palæologi
 erratum.

qui manifestè ob solum stuprum divortium permisit.

Sed, antequam id demonstrare aggredior, ea perpendere libet, quæ in explicanda quarta tuæ verborum Christi interpretationis causâ scripsisti. Ais igitur, Et illud [in causâ est, ut ita ordinem textum] quod cum Iesus Christus narret, quam ratione ordinatum fuerit ab initio matrimonium, stupri causam inter illa quæ Deus ordinavit ad matrimonii dissolutionem recitet, quam solam Mosem, apposuisse inter leges videmus. Hæc tua verba eam sententiam continent, quæ & id, quod ipsis probare queris, insigniter labefactat, & falsa est, & deniq; cum eo, quod paullo ante dixeras, evidentè pugnat.

Quid enim tuæ ipsius interpretationi, quam his verbis confirmare studes, magis contrarium videri potest, quàm Deum ab initio non stupri causam tantum, sed alias quoq; causas ad matrimonium dissolvendum constituisse, ut tu hic satis apertè dicis? An non eam interpretationem, quamvis eiusmodi, quæ risum legenti movere possit, idcirco commentus es, ne Christus fateri videatur, a Mose ob alias præter stupri causam uxores dimittere permissum fuisse? Atqui, si Deus ipse id fecerat, quid causæ est, cur Moses facere non potuerit? Hic sanè, mi Palæologe, tam fædè es lapsus, ut dubitari non possit, quin aliud ageres, cum hæc scriberes. At dices fortasse, verbum ordinavit in verbis tuis cum iis, quæ statim sequuntur, ad matrimonii dissolutionem, coniungendum non esse, sed

Palæologi
lapsus.

esse, sed cum ipsis priora illa, stupri causam, vel potius illud, recitet, coniungi debere. Certè, si ita res se habet, excusandus tamen ego sum, etiamsi te acriter reprehenderit, nulla enim distinctio inter id verbum, & sequentia apposita est. Tu verò accusandus, non dicam, quòd non apposueris, nam id typographi operarum vitium esse potest, sed quòd ita sine causa verborum ordinem in oratione inverteris, & tibi soli imputandum est, si sensus, tamquam tuo multò ipsis accommodatior, ex verbis tuis eliciatur non solum a tuo sensu diversus, sed tibi ipsi maxime adversarius. Debueras enim sic verba tua ordinare, inter illa, quæ Deus ordinavit, stupri causam ad matrimonii dissolutionem recitet, &c. Quamquam nimis durè ea verba, ad matrimonii dissolutionem, cum cæteris coherere videntur, nisi ea cum verbo ordinavit coniugantur. Nolui tamen, præsertim cum alias durissimas verborum structuras in tuis scriptis observaverim, hanc dissimulare, si forte ea ex sensu tuo in verbis tuis esset.

Verùm tamen dic, te obsecro, qua ratione probas, Christum stupri causam inter illa, quæ Deus ordinavit ad matrimonii dissolutionem recitasse? Legat, quisquis sit, locum ipsum, nemo erit, qui, te falsa dicere, planè non agnoscat. Nam ne vestigium quidem eiusce rei in Christi verbis apparet. Quod enim pag. 232. aùs, non constare Christi rationem, nisi (quæ sequuntur sunt ipsa verba tua) sicut quæ Deus coniunxit homo dissuere non debet: Ita quæ Deus stupri

stupri causa disiunxit, homo copulare non tē-
 tet. *Istud, inquam, primū non satis est. Hic enim
 non solū, stupri causam ad matrimonii dissolutionem a Deo ordinatam fuisse, Christum dicentem fa-
 cis, sed (ut quidem verba tua præ se ferunt) inter a-
 lia, quæ Deus ad matrimonii dissolutionem ordina-
 vit, eam causam ipsum recitare affirmas. & sic, alias
 etiam causas præter causam stupri Deum ad ma-
 trimonium dissolvendum constituisse, a Christo affir-
 mari aū. Deinde falsum est id, quod in ratiocinatio-
 ne ista tacitè sumitur, Debuisse scilicet Christum,
 quemadmodum divino testimonio dictū suum de non
 dimittenda uxore confirmavit, sic etiam unam illam
 causam uxorem dimittendi confirmare, quam ipse
 probaturus esset. In illo enim propterea divino testi-
 monio est usus, quia alioquin ostendere non potuisset,
 Mosem ad duritiem cordis illorum populo uxores di-
 mittere permisisse, non autem, quia sic ab initio esset.
 In hoc autem ipse, tamquam auctoritatem habens,
 loquitur, nec alio præterea Dei testimonio indiget.
 cum satis, superq; a Deo eius verbis testimonium veri-
 tatis & iam datum fuisset, & idem idem daretur.
 Postremò, dum ita, ut vidimus, ratiocinaris, in eo ve-
 hementer erras, quòd hæc duo, Uxorem non dimitte-
 re, & Uxorem propter stuprum dimittere, quod atti-
 net ad Dei institutionem, & voluntatem, paria esse
 vis. cum tamen illud præceptum sit, hoc autem per-
 missum. Quare perperam a te dictum est, hominem
 copulare non debere, quæ Deus stupri causa disiun-
 xit.*

Palæol:er-
 ror.

xit. Nihil enim propter stuprum diiunxit Deus, sed, disiungi posse, tantummodo concessit. Sed tu, scilicet, uxoris repudium propter stuprum ipsi viro manifestum in Mosaica Lege mandatum esse existimasti, quemadmodum ex iis constat, que scribis pag: 221. Verum ut diximus, id non mandatum, sed permissum tantummodo fuit.

Palæol: in-
vicem re-
pugnantia
scribit.

Restat ultimum, quod verbis, quibus hanc tuam quartam causam explicas, obiiciebamus. Nam paulo ante eis prorsus repugnantia dixisti, cum ais, Ab initio ordinati à Deo matrimonii, nulla fit mentio de repudio uxoris, verum dura & ferrea ætate emergente, Moses libelli repudii intulit mentionem ob unam causam, stuprum scilicet. Moses igitur, ut ibi affirmas, is fuit, qui de repudianda uxore ob unam stupri causam mentionem fecit, cum antea, præsertim ab initio ordinati à Deo matrimonii, nulla eius rei mentio facta esset. Atqui hoc ex diametro (quod aiunt) cum eo pugnat, quod in hac quarta causa scribis, Christum cum narraret, quamnam ratione ordinatum fuisset ab initio matrimonium, stupri causam inter illa, que Deus ordinavit ad matrimonii dissolutionem recitasse. Que repugnantia ex iis verbis evidentius apparet, que statim subiicis, quam solam Mosem appoluisse inter leges videmus. Ex quibus solis satis constat, te hic sentire, etiam ante Mosem eam causam dimittendi uxorem extitisse, & eam solam ex aliis nonnullis Mosem in suis legibus retinuisse. id quod cum eo consentit,

consentit, quod pag: 132. scripsisti, dum Christum sic loquentem facis. Ante Mosis tamē tempora hoc non erat, cum Deus coniugium dissolvendum non permetteret nisi stupri tantum causa, & non quamvis ob causam. nisi quod tecum ipse iterum pugnans, ibi apertissime, ante Mosen Deum non nisi ob stuprum, hic verò non obscure ob alias etiam causas matrimonium dirimi posse, permisisse affirmas.

Palcol: se:
cū pugnas

Sed iam, quomodo probes, Mosen ob stupri tantum causam divortium permisisse, dispiciamus. Permittit Moses, ut ex initio cap: 24. Deut: apparet, uxorem propter aliquam sceditatem in ea inventam dimittere. Tu Alicuius sceditatis nomine stuprum clancularium intelligi debere affirmas. idq; ad hunc modum probare instituis. Moses ait, si quis dimiserit propter aliquam sceditatem in ea inventam uxorem suam, eam pollutam, & abominabilem factam esse coram Deo, id quod (inquis) apud Hieremiam quoq; extat, ubi ait Deus, eiusmodi mulierem pollutam, & contaminatam esse. Sed pollutam esse, abominabilem esse, contaminatam esse, nihil aliud est, quam suspectam, & infamem esse apud maritum de stupro. Igitur sceditatem aliquam in uxore invenire, nihil aliud esse potest, quàm aliquas & non inanes stupri admissi coniecturas habere. Sic enim ex iis apertè colligitur, quæ pag: 132, & 133. scribis.

Hier: 3. v. 6
&c.

Iam attende, obsecro, & quàm graviter, ac multipliciter in hac tua argumentatione erres, agnosce.

O

Primum

Palzologi
inepta a-
stucia,

Palzologi
lapsus.

Primum nō omnis repudiata uxor sive apud Mosē, sive apud Hieremiam polluta esse dicitur, sed ea demum, quæ alteri viro nupserit. alioquin alteri eam ducere non licuisset. Verum tu in Mosi verbis recitandis eam partem, in qua de secundis nuptiis fit mētio, astute omittis, quamvis deinde ineptè verba illa, prior maritus, retineas, quæ sine parte illa cum precedentibus non coherent. Erat autem eiusmodi mulier polluta non simpliciter & per se, sed priori viro. Neq̄ enim scribit Moses, eam abominabilem factam esse coram Deo, ut tu, veterem interpretem secutus, eum scribentem facis, sed ait, rem abominabilem coram Iehova esse, si prior maritus eam iterum ad se recipiat, & pro uxore habeat. ut cuilibet hebræum codicem consulenti constare poterit. Deinde, si pollutio ista ex ipsa fœditate in ea muliere inventa profecta esset, sequeretur, eiusmodi fœditate a viro recepta, illico, etiam ante repudium, eam mulierem illi pollutam fuisse, & propterea ab ipso eam pro uxore ampliùs haberi non potuisse. quod tamen falsum est. Nemo enim propter quantamlibet fœditatem in uxore inventam eam repudiare necesse habebat. Præterea quid causæ est, cur affirmes, si polluta eiusmodi mulier erat, necesse esse, ut ea suspecta, & infamis apud virum de stupro fuerit, & fœditas, quam in ea vir reperisset, aliquæ & non inanes coniecturæ essent stupri admissi? Quis enim tibi concesserit, nulla alia ratione mulierem pollutam sub Lege Mosi esse potuisse, quàm propter stupri non inanem suspicionē?

Nec enim, si Mosis verba cum iis, quæ apud Hieremiam leguntur, coniungas, aliud de muliere ista dictum reperies, quàm, eam pollutam esse, non autem, ut tu affirmas, pollutam esse, abominabilem esse, contaminatam esse. De Abominabili paullo ante vidimus, & causam tui erroris ostendimus. De Contaminata idem dicimus, nam eadem ratione hic quoq; es lapsus. legisti enim apud Hieremiam in vetere translatione, Numquid non polluta, & contaminata erit mulier illa? Atqui hebræa verba (ut Franciscus Vatablus ea interpretatur) sic habent, An non polluendo polluetur terra illa? Itaq; vides, & unicum verbum Polluendi ibi scriptum esse, & illud non ad mulierem, sed ad terram referri, nihilq; præterea vel ex Mose, vel ex Hieremia elici posse, quàm, eiusmodi mulierem pollutam esse, & propterea rem abominabilem esse coram Deo, si prior vir eam iterum ad se recipiat, terramq; pollutum iri, in qua id fieri contingat. Nec tamen predictis tuis in argumentatione ista neccenda peccatis contentus fuisti, sed illud etiam addidisti, ut verba, quæ apud Hieremiam leguntur, ausus ipse sis fœdè corrumpere, ea verba scilicet de tuo addendo, & ob id a me repudiata. nempe ut mulierem quoq; illam propter fornicationes suas repudiatam fuisse, incauto lectori appareret. Nec interim consideras, quàm ineptè similitudo illa explicata fuisset, si ea verba addita essent. Cum enim sine ullo dubio pro eo, quod in eius similitudinis priore parte est Virum alium ducere (ut tu, veterem inter-

Palæologi
inepta au
dacia.

Palæologi
lapsus.

pretem imitatus, imperitè loquentem Hieremiam
faci) id est, Viro alteri nubere, in altera parte sic
Fornicatam esse cum amatoribus multis (non autem
Tuis, ut ipse scribis) quis non videt, ut similitudo con-
stet, quemadmodum non idcirco mulier illa repudia-
ta fuerat, quòd alteri viro nupsisset, quippe quæ post
repudium nupsisset, sic necesse esse, ut nequaquam eo
in loco respublica Israelis idcirco a Domino repudia-
ta fuisse dicatur, quòd fornicata esset cum amatori-
bus multis? Præterea, si ea verba, & ob id a me re-
pudiata, apud Hieremiam legerentur, quid tibi opus
fuisset, ut mulierem illam propter stupri non inanes
coniecturas a priore viro repudiatam fuisse proba-
res, ad id confugere, quòd ea mulier polluta, & con-
taminata inibi esse diceretur? Nonne ex altera simi-
litudinis parte perspicuum fuisset, eam ob stuprum
repudiatam fuisse a priore viro, quemadmodum I-
sraelis respublica a Domino, propterea quia cum a-
matoribus multis fornicata esset, repudiata fuerat?

Certissimum igitur esse potest, non solùm argu-
mentatione ista tua id non effici, quod opinaris, Mo-
sem videlicet, non nisi ob stupri unam causam divor-
tium permisisse, verùm etiam, uti prædiximus, te in
ea explicanda graviter admodum, ac multipliciter
lapsus fuisse. Et sanè, quod ad ipsam totius argum-
tationis vim attinet, Exditatis alicuius nomine apud
Mosem, admissi stupri tantùm aliquas, easq; non ina-
nes coniecturas intelligere, ridiculum censeri de-
bet. quandoquidem alia multa, quæ sæda sunt, in
muliere

muliere inveniri possunt, quæ hîc commemorare non est necesse. præsertim cum satis fuerit, ut ex ipsius Mo-
 sis verbis apparet, eiusmodi fuisse fœditatem illam, ut
 ea mulier in viri sui oculis gratiam non invenisset.
 Nec præterea aliam dimissionis causam fuisse, signi-
 ficare ibi sortasse voluit Moses, nisi quodd, postquam
 convenissent, viro uxor non placuisset. Ut, quæ de fœ-
 ditate aliqua deinde commemorat, exempli causa
 commemoret, non autem quia vel dimittendi caus-
 sam, vel rationem, cur uxor viro minùs placuisset,
 ad fœditatem aliquam in ea repertam restringere
 velit. Certè Tigurini eum locum ita verterunt, Ut si
 inveniatur in ea rem aliquam fœdam. Nam, si fœ-
 ditatis tantùm alicuius rationem habere Moses vo-
 luisset, verisimile admodum est, eum nullam prorsus
 mentionem facturum fuisse de nō inventa gratia in
 oculis viri, & ad hunc modum dicturum, Si vir uxo-
 rem acceperit, eamq; habuerit, & quia fœditatem
 aliquam in ea invenerit, scripserit ei, &c. (neq; e-
 nim, ut Vatablus monet, est hîc sententia absoluta,
 sed debet hic versus coniungi cum sequentibus verbis,
 non poterit prior, &c.) Sed quia, quasi aliud a-
 gens (ut quidem ego sentio) permittere populo volu-
 it uxores, quæ iusta quavis de causa minùs gratæ es-
 sent, dimittere, propterea nō ita locutus est, sed, quodd
 uxor in viri oculis gratiam non invenisset, disertè
 commemoravit, addens pro causæ exemplo fœdita-
 tis in ipsa inventæ mentionem, ut, causam iustam es-
 se debere, ostenderet. Quod quia non ita apertum e-
 rat, id-

erat, idcirco haud stultè ambigebant Pharisei, vel se ambigere simulabant, utrùm quamvis ob causam uxorem dimittere liceret. Stulti autem planè fuisset, si ex ipsius Mosis verbis ob stupri tantùm indicia id licuisse constirisset, aut constare potuisset. & ineptus ipse Christus videri posset, qui quaestionis eorum vanitatem, & in Mosis verbis intelligendis ipsorum ruditatem apertè non redarguisset. Ut igitur concludamus, cum *Ecce dicitis* alicuius nomine non stupri tantùm aliquæ, eaq; haud inanes coniecturæ apud Mosem intelligantur, sed alia non pauca, quemadmodum nomen ipsum declarat, quinetiam non ad solam aliquam fœditatem ipsius verba restringenda sint, satis constare potest, non propter stupri solam causam, sed propter alias multas Mosem uxores dimittere permisisset, Christiq; verba, dum ait, *Moses permisit vobis dimittere uxores vestras, ut sonant, accipienda esse, nec ulla ratione posse, nedum (ut tibi videtur) debere intelligi, perinde ac si dictum fuisset, Etiam si Moses vobis permisisset, &c.* Quòd si quis mirabilem istam tuam verborum Christi interpretationem planè ineptam, ac ridiculam esse agnoscere velit, eundem locum apud Marcum legat in initio cap. 10. Cum enim ibi in Phariseorum interrogatione non habeantur illa verba, *Quamvis ob causam, nec Christus in responsione aliquid dicat, unde colligi possit, eum Phariseos reprehendere voluisse, quòd permissionem illam Mosis ad quamvis causam pertraherent, sed simpliciter neget, uxorem dimittere licere,*

licere, cum tamen ex Mose propter unam aliquam
 saltem causam id licuisse constaret, nullum ibi locū
 invenire potest interpretatio ista tua. Itaq; non opus
 est, quā alioquin ea insolens, & fortasse sine ullo
 exemplo sit, ostendere, & exempla, quae affers, loco
 nostro similia non esse, demonstrare. Id tantummodo
 addidisse satis fuerit, te ipsum paullo ante, id est ea-
 dem pag. 134. in cuius fine interpretationem istam
 tuam explicare instituis, nec ullam vel mutatā sen-
 tentia, vel novae Christi verborum explanationis si-
 gnificationem das, longè aliter ea verba explanasse,
 & ut sonant, ea accepisse, nisi quod ineptè eam Mo-
 sis permissionem ad casum suspicionis violati thori
 restringis. Sic enim παραφρασεως ea interpreta-
 ri, Ad vitandam duritiam vestri cordis, seu ad
 significandam cordis vestri implacabilitatem,
 indulgit vobis (Moses) dandi libelli repudii fa-
 cultatem, cum violati thori vobis obrep-
 set suspicio. Quo facto, quaedam subiicis, quae ad hu-
 ius interpretationis confirmationem, & explicatio-
 nem pertinent. Deinde addis ea verba, Ad hunc
 autem modum ordino textum: Moses etiam si
 ob duritiam, &c. Certè tantam tuam inconstanti-
 am satè mirari non possum, qui eodem orationis filo,
 tamquam unicam interpretationē, duas complectaris
 tantopere inter se diversas. Iā verò prior illa tua in-
 terpretatio cum restrictione illa nullo pacto sustineri
 potest. Perspicuum enim est, Christum, si eius verba, ut
 sonant, accipienda sunt, Mosis permissionem non ap-
 probare,

Palaeologi
 mira in-
 stantia.

probare, idq̄, tu, ut supra disputatum fuit, in posteriori interpretatione confirmanda tacite re ipsa contendis, ut ea ratione evincas, Christi verba aliter, ac præ se ferre videantur, accipienda esse, cum scilicet (ut quidem tibi persuasum est) in hac dimittendæ uxoris causa nihil prorsus Christi præceptum a Mosis permissione discrepet. Quod quàm longè a veritate abhorreat, abunde me demonstrasse confido, & ob eam rem planum fecisse, summâ iniuriâ a te Racovienses fuisse reprehensos, quòd exemplum hoc ad te falsitatis convincendum attulissent, qui inter Mosis legem, & Christi præcepta in eiusmodi rebus nullum discrimen constituas. Quare iam de altero exemplo videamus.

CAPVT
IX.

ALTERUM exemplum diversitatis inter Christum, & Mosem in moralibus præceptis, quod inter ea, quæ a Racoviensibus allata fuerunt, a tuis reprehensionibus defendendum aperte, ac nominatim suscepimus, illud est, quòd Moses peierationes tantùm vetat, Christus verò etiam iuramenta omnia, ut ex ipsius verbis patet, in quibus Est est, Non non tantùm dicere iubemur, &, quidquid præterea addatur, a Malo esse affirmatur, & propterea piis illicitum. id, quod a Iacobo quoq̄, ejusdem Christi apostolo traditur. Hæc ab ipsis dicta sunt pag: 62. Quæ tu in responsione ad septimam, quam facis, eorum objectionem, pag: 227. resellere instituis. Objectionem autem breviter eorum sententia his verbis explicas, Iuramenta permittit lex Mosis, Christus non permittit. Iam
qua

qua pro responsione affers, ad duo referri possunt. Vnum est, quod nusquam Moses jurare iubeat. Alterum, quod Moses de iuramento, magistratu deferente, prestando, Christus verò de iurejurando loquatur, quod sua sponte privatus jurare velit. Nam, siquid hic præterea dicit, id, tamquam vel obiter a te dictum, vel cum reliqua oratione non consentiens, & alibi latius, atq; apertius a te expositum, multò commodius separatim postmodum excutietur. De priorè igitur responsione, seu responsionis parte videamus.

Dicit, Mosem nusquam iussisse, ut iuraretur. Sed quid hoc ad rem? Adversarii tui non dicunt, Mosem iussisse, sed permisisse iuramenta, vel te ipso teste, ut vidimus, in eorum objectione formanda. Vide igitur, quàm sædè sis lapsus, & quàm tibi adverseris. Et ne quis me calumniari suspicetur, cum dico, te pro responsione ad adversariorum objectionem asserre, nusquam Mosem iussisse, ut iuraretur, hæc sunt ipsa verba tua pag: 228. post recitationem quorundam verborum Legis ad iuramenta pertinentium, Quibus in verbis nusquam iubetur iurari, &c. Et rursus infra, De iuramento autem lege Exod 22, Levit: 5, Deut: 6, 10, ubi nusquam iubetur iurari, &c. Et paullo post ita concludis, Falsum igitur est, quod lex Moysis iubeat iurari, &c. Præterea quomodo audes affirmare, nusquam legem Moysis iubere, ut iuratur, idq; ex a te prolatis locis concludere, cum, ut infra apparebit, non omnes locos, in quibus de iure iurando apud Mosem agitur, protuleris? Immo verò

Palæol: labitur, & si bi adversatur.

Palæologi audacia.

**Palzologi
lapsus.**

tum in aliquo ipsorum, quæ protulisti, ut iuretur, præcipiatur? Sic enim habetur Exo: cap: 22. v. 9. Si derit quis proximo suo asinum, aut bovem, aut pecudem, & quamvis bestiam ad custodiendum, & [ipsa] moriatur, aut debilitetur, aut abigatur, nemine vidente, iusiurandum Iehove erit inter istos duos, &c. Vbi nemo non videt, ad inveniendam veritatem, & lites componendas iuberi a Mose, ut iuretur.

Quod ad alteram responsionem, seu responsionis partem attinet, quomodo (quæso te) probabis unquam, Mosis verba de iureiurando tantum a magistratu delato accipi debere. Certè ad id probandum nihil prorsus a te affertur, nisi quoddam auctoritate quadam tua, de qua ante non semel diximus, planè confisus, hæc verba scribis ad finem pag: prædictæ 227. Ita autem dicit lex: Non assumes, proponente scilicet magistratu, nomen domini Dei tui in vanum, &c. Vide, quomodo verba Legis, quæ nullam prorsus magistratus mentionem faciunt, ex tuo capite supplere, & de magistratu loquentia facere audeas, ne minima quidem ratiuncula allata, cur id a te fiat. Præterea pag: seq. ea verba scribis, De iuramento autem lege Exo: 22, Lev: 5, Deut: 6, 10, ubi nusquam iubetur iurari, sed cum iurandum est rerum præteritarum causa, ad inveniendam veritatem coram magistratu, per quid sit iurandum demonstratur. In quibus verbis te non audeam modo, ut in superioribus, verum etiam planè falsum

**Palzologi
audacia.**

**Palzologi
audacia.**

falsum

falsum prodit. In eo enim audax sanè es, quòd cum in nullo ex a te citatis locis magistratus iusiurandum deserentis mentio fiat, nec porro, nisi in primo, ulla extent indicia, quòd ea iuramenta a magistratu deferenda essent, tamen audes affirmare, ibi de iurando coram magistratu agi. Idem dico de eo, quòd consequenter ais, in prædictis locis de iureiurando præteritarum rerum causa adhibendo verba fieri. Nusquam enim id, nisi in primo eorum locorum, apparet. Iam verò in eo ipso es falsus, quòd aseris, de iuramento rerum præteritarum causa coram magistratu præstando in illis locis verba fieri, cum in secundo, id est, Levit: cap: 5. de alio genere iuramenti manifestè agatur. Scriptum est enim ibi v. 4. si ipsa hebræa verba attenderis, ad hunc modum, Aut anima, si iuraverit proferendo labiis, ut malè faciat, vel ut bene faciat, secundum omnia, quæ proferet homo iurando, & absconditum fuerit ab ipso, isquè [postea] scierit, & peccavit in unum ex istis, confitebitur, quòd peccaverit ea in re. Et adducet sacrificium pro delicto suo Iehovæ, &c. Nemo tam cæcus esse potest, qui in his verbis de iuramentis super re futura ideoquè a magistratu non delatis, agi non videat. Nam magistratus, ut ipse pag: 227. fateris, non super rebus futuris, sed super præteritis iuramenta deferre solet. ut alia manifesta indicia omittam, ex quibus, ibi de iuramentis planè voluntariis privatorum verba fieri, apertè colligitur. Video enim, quid responsurus sis, vel potius,

Palæologus
falsus.

qua ratione id, quod tibi hoc loco a me objicitur, non diluendum, sed risu excipiendum, sis arbitraturus. Dices enim, me, qui te falsum esse dixerim, verè falsum esse, qui crediderim, locum a te Levit: cap: 5. citatum eum esse, quem protuli v. 4. cum is sit in ipso capitis initio. ubi ex antiqui interpretis translatione scriptum est, Si peccaverit anima, & audierit vocem iurantis, sive adiurantis, &c. Unde etiam constare dices, non in primo tantum, ut ego affirmabam, sed in secundo quoque loco magistratus iurandum super re præterita deferentis aperta indicia esse.

Ad hæc duo, Palæologe, sigillatim responsum accipe. Primum dico, si istum, non autem, quem ego protuleram, locum eo 5. Levit: cap: citare voluisti, non me falsum fuisse, qui, ut iam cognoscere potuisti, & mox melius cognosces, de te id, quod verum est, hæc in parte sum opinatus, & si verum confitendum mihi est, pro certo habui, sed te non leviter errasse, & mihi errandi, id est mentem tuam non percipiendi, quantum in te fuit, iustissimam causam dedisse. Nam quis unquam, nisi de tua mente aliunde constaret, divinare posset, te, cum caput illud 5. Levit: citas, tamquam in quo iurandi privatorum fiat mentio, eam capitis partem intelligere, ubi eiusmodi iurandum non nominatur, non autem eam, ubi eius fit aperta commemoratio? Nulla enim de iuramento alicuius privati hominis in primis istis eius cap: verbis fit mentio, sed tantummodo iudicis, seu magistratus (ut

ius (ut ferè sentiunt interpretes) adiuranti privatum hominem, ut dicat, quid de aliqua re viderit, aut cognitum habuerit.

At enim tu & hic pag: 229. & supra pag: 141. & 142. affirmas, idem esse adiurari, quod sibi iusiurandum deferri, & idem esse (verbi gratia) cum Caphas (non autem Annas, ut tu scribis) dixit Christo, Adiuo te per Deum vivum, ut dicas nobis, si tu es Christus filius Dei, ac si dixisset (sunt ipsa verba tua) Iura per Deum vivum, si tu sis Christus aut nõ sis. Et similiter, cum Paulus ad Thesalonicensis scribens, ait, Adiuo vos per Dominum, ut legatur epistola hæc omnibus sanctis fratribus, illud, Adiuo vos, nihil aliud esse, quam Iuramento vos adigo. Et addit, Et si præsens esset, dixisset: Iurate mihi per Dominum, quod hanc Epistolam legetis alius. Igitur, si hæc doctrina tua vera est, cum demoniacus ille Christo dicebat, Adiuo te per Deum, ne me torqueas, idem erat, ac si dixisset, Iura mihi per Deum, quod me non torquebis. Et cum Ephesi Iudæi illi exorcistæ, tentantes nomen Domini Iesu super eos nominare, qui malos spiritus habebant, dicebãt, Adiuramus vos per Iesum, quem Paulus prædicat, nihil aliud dicere volebant, quam iurate nobis per Iesum, quem Paulus prædicat. Quid (obsecro) insulsius, aut ineptius excogitari potest? Nã quis non videt, in his locis Adiurare per Deum, Adiurare per Iesum, sive ὀρκίζειν τὸν θεόν, ὀρκί-

Palzologi
lapis.
Mat: 26.
63.

1 Thef: 8.
27.

Mar: 5. 7.

Act: 19. 19.

ὄρνιζεν τὸν ἱεροῦ, nihil aliud esse, quàm obtestari per Deū, obtestari per Iesum? Quod tu ipse agnoscis in verbis illis p. 229. Cum obtestatio per nomen Dei species sit iuramenti, &c. Nā quod ais, obtestationem per nomen Dei esse speciem iuramenti, nec ququam id tibi unquam concedet, nec, si verum esset, quidquam ad rem faceret. Non enim hīc queritur, an is iuret, qui obtestatur, sed is, quem ille obtestatur. Quamquam apparet, te in verbis istis scribendis, lapsus esse, & iuramenti, pro delati, aut deferendi iuramenti, scripsisse. Verūm ne delati quidem, aut deferendi iuramenti speciem obtestationem per Dei nomen esse, ab ullo tibi facile concedetur. Significat quidem aliquando verbum ὄρνιζω, sive ἐφορνίζω iurandum exigere, seu curare, aut petere, ut quis iuret, præsertim in græca testamenti veteris interpretatione, quod Adiurare latinus interpretes dixit. Verūm id non est perpetuum. & in duobus locis a te citatis ea significatio neutiquam admittenda est, cum nullo modo, quod ad priorem attinet, verisimile sit, Cajapham voluisse, ut Christus iuraret, sed tantummodo ut, quoniam nihil respondebat, ad respondendum obtestatione illa per Deum viventem adigeretur, quod etiam eventus comprobavit. Neque enim iuravit Christus, sed simpliciter respondit, Tu dixisti. Ex quo etiam intelligi par est, Cajaphæ verba non id esse, quod tu ais, iura per Deum vivum, si tu sis Christus aut non sis. namque ad hæc verba non potuisset Christus respondere, Tu dixisti. Sed tu

nimirum

Palæologi
lapsus.

nimirum ea verba ita concepisti, ut ad iurisiurandi
 exactionem meliùs accommodari possent. Nam ipsa
 quoque verba Cajaphæ recitans, addidisti de tuo ad
 finem duo illa verba, aut minimè. Et sanè, si Caja-
 phas iusiurandum a Christo exegisset, planè verifi-
 mile est, illum aliter, ac fecit, locuturum fuisse, & non
 modo, ut tu fecisti, postrema sua verba concepturum,
 verùm etiam dicturum, Adiuro te, ut nobis dicas per
 Deum vivum, an tu sis Christus Dei filius, nec ne.
 Quod perinde fuisset, ac si dixisset, Dic nobis, iure iu-
 rando per Deum vivum interposito, an tu sis, &c.
 non autem, ut fecit, Adiuro te per Deum viven-
 tem, ut dicas nobis, si tu es Christus filius Dei.
 Quòd si tamen ad iuramenti delationem referri pos-
 set, nihil aliud, ut ipse ex parte confirmas, esset, quàm
 iura per Deum viventem, te nobis dicturum, an tu
 sis Christus filius Dei. cuius iurisiurandi petitio, sive
 exactio prorsus inepta fuisset. Quid enim attinet,
 cum id queritur, ut quispiam in presentia aliquid,
 nec ne sit, dicat, ab eo petere, sive exigere, ut id se di-
 cturum iuret, cum exigi ab eo possit, ut iam, interpo-
 sito iuramento, dicat? præsertim si, ut verum dicat,
 queritur. Nam, qui iuraverit, se aliquid, nec ne sit,
 dicturam, periurus quidem erit, nisi dixerit. sed non
 erit periurus, etiamsi falsum dixerit, non enim, se ve-
 ritatem dicturum iuravit, sed tantummodo aliquid
 affirmaturum, aut negaturum. Hæc tu ipse fortasse
 cum sentires, aut certè aliquam ineptitudinem eius
 exacti iurisiurandi animadverteres, astute verbum
 Dicen-

Palæologi
astucia.

Dicendi in tua interpretatione omisisti, ne scilicet videretur Cajaphas exigere a Christo, ut iuret se dicturum, an sit, &c. quod, ut demonstratum fuit, plane ineptum esset, sed ut iuret, an sit, &c. Quamquam haud scio, an apud probatum nullum scriptorem locutio ista inveniatur, & iurare, an aliquid sit, pro iureiurando interposito dicere, an aliquid sit, accipiuntur. Illud certum est, cum verbum ὀρκίζω, sive ἑξορκίζω iurandi petitionem significat, non solum requireri iusiurandum illud super presentibus, aut præteritis rebus, quæ in iuraturi potestate non sunt, idque sine determinatione, ultra pars negativa, an affirmativa (ut loquuntur) eo iureiurando comprehendi debeat, ut Caiaphæ verba interpretari necesse est, si verbum ἑξορκίζω ibi ad iurandi petitionem aut exactiorem referri debet, sed super rebus futuris, quæ ex iuraturi voluntate pendeant, idque cum determinatione certa alicuius rei, quam is, qui iusiurandum exigit, sibi, iureiurando interposito, promitti velit, quemadmodum græcæ testamenti veteris interpretationis exempla docere possunt. ut Gen: cap: 24. v. 3. & v. 37. & cap: 50. v. 5. & 6. Esdr: 10. v. 5. & aliis in locis. Et hæc quidem, quod attinet ad priorem ex duobus illis locis.

Quod verò attinet ad posteriorem, nullo modo admittendum est, Paulum iuramento attingere voluisse Thesalonicensis, præsertim absentes, id est ab illis exegisse, ut iurarent, se lecturos esse epistolam illum omni-

lam omnibus fratribus, cum a presentibus, non autem absentibus, iuramenta exigi soleant. Nam quod ais, Paulum, si presens fuisset, dicturum, iurate mihi per Dominum, quod hanc epistolam legetis aliis, multis modis in eo ridiculum te prodit. Primum, quod tamquam vates, aut divinus aliquis id pro certo affirmas, de quo humana ratione nihil constitui potest. Deinde, quia minimè credendum est, presentem quoque simplici per Dominum obtestatione Paulum contentum futurum non fuisse, & temere iusiurandum super re futura, id est ubi, vel te ipso teste, ingens periurii periculum est, a christianis hominibus, quibus ne incidant in periurium (ut tibi placet) eiusmodi iuramenta potissimum interdicta fuerunt, exacturum fuisse. Postremò, quia, etiamsi verum esset, Paulum, si presens fuisset, iusiurandum a Theſsalonicensibus fuisse exacturum, tamen id nihil ad rem faceret. Non enim queritur, quid Paulus presens facturus fuisset, sed quid absens fecerit, & utrum verba illa, Adiuro vos per Dominum, &c, species quadam iuriurandi exigendi sit, quemadmodum tu affirmas. Nam, si dixeris (ut omnino velle videris) si concedatur, Paulum presentem a Theſsalonicensibus iusiurandum fuisse exacturum, necessario sequi, ut absens id, quod tantumdem valeat, exegerit, hic te rursus non uno modo ridiculum prodideris. Primum, quia multa presentes facere possumus, quæ absentes non modò ipsa, sed ne eorum quidem paria possumus prestare, aut, si possumus, non solemus. Cuiusmodi

P profecto

perfectò est iurisiurandi exactio, quæ neq; ipsa, neq; id, quod tantumdem valeat, a nobis, dum absumus, fieri potest, aut certè non solet. Deinde, si rectè conclusa esset ratio ista tua, sequeretur, modum iuramenti exigendi inter presentes quidem esse, ut aperte, ac disertis verbis iusiurandum ipsum exigere-tur, inter absentes verò per eiusmodi obtestationem, qua usus est Paulus. Cur igitur Cajaphas, cum præsens esset, a Christo aperte verbis iusiurandum non exegit, si (ut tu quidem affirmas) iuramentum quoddam Christo deferre voluit, sed simplici illa obtestatione eius, qua Paulus cum Theßalonicensibus usus est, per-simili contentus fuit?

Sed jam nimis diu in hoc priorè ad exceptiones tuas responsionis meæ capite immoror, quasi in initio quinti Levit. cap. verbum aliquod scriptum sit, quod verbo græco ὀρκίζω, sive ἑφορκίζω planè respondeat. cum tamen ibi sit nomen hebræum אָמֵן, quod iuramentum, vel execrationem significat, seu maledictionem. Cumq; iuramenti significatio ibi locum habere non possit, & si posset, ad propositum non faceret, cum non de iuramento aliquo iudicis, aut magistratus, sed privati queratur (nisi fortasse Moses, quem tu scilicet, ut supra vidimus, imitari volueris, lapsus est, & iuramenti, pro iuramenti delati, scripsit) maledictionis etiam simplicis significatio ad rem non faciat, nam aliquid querimus, quod (ut tibi quidem videri possit) iurisiurandi exigendi vim habeat,

beat, restat, ut velimus, ibi execrationi fieri mentionem. Sed execratio, quamvis propius ad obtestationem accedat, quæ tibi vim iurandi deserendi, vel exigendi habere videtur, tamen multò minùs etiam, quàm obtestatio, eam vim habere dicenda est. Non igitur, ut tu putasti, agitur eo in loco de iureiurando, quod homini privato a magistratu deseratur, sed de execratione, quæ a iudice, vel coram iudice alicui privato homini vel nominatim, vel generalibus verbis (ut ita dicam) impingatur, nisi dixerit, quidquid quapiam de re aut viderit ipse, aut alia ratione cognoverit. Et ait Moses, eum, qui execrationem istam audiverit, nec tamen, quidquid ea de re viderit, aut cognoverit, testatus fuerit, portaturum iniquitatem suam, nisi videlicet delictum suum eactione, quam inibi postmodum præscribit, expiaverit. Quis hic iuramento delato locus esse potest, cum manifestè de dissimulatione tantùm, aut simplici reticentia agatur? Inquit enim, Nisi indicaverit, &c. Idem habes apud Solomonem Prover: cap: 29. v. 24. ubi idem nomen **ἤσῃ** legitur. Nam scriptum est tibi ad verbum, Partiens cum fure odit animam suam, execrationem audiet, & non indicabit. Si in eo Levit: loco iusiurandum a magistratu delatum fuisse intelligeretur, delictum illius privati aut in eo esset, quòd iurare nolisset, aut in eo, quòd iuratus veritatem non dixisset, & sic periurus fuisset. Si iurare nolisset, nec Moses simpliciter dixisset, Nisi indicaverit, & manifestum eius delictum fuisset.

set, ac contumacia, que non sacrificio aliquo, sed pena quapiam a magistratu inflictâ fuisse expianda. Sin periurus fuisse, nec verisimile est, ejusmodi publico periurio super re præterita, ac planè comperta, & idcirco prorsus voluntario, quodq̄, aut cum proximi damno conjunctum, aut certè iuridicundo impedimento est, expiationem aliquam per sola sacrificia constitutam fuisse, nec, si fuisse constituta, eadem esset cum ea, que periurio privato, involuntario, & per oblivionem admisso, & ex quo nec ius publicum unquam leditur, & aliquando proximo consulitur, constituta fuit. Atqui istius, de quo agimus, delicto, & huic, de quo modò diximus, periurio una eademq̄, expiatio constituta est, ut paullo infra eodem capite apparet.

Ex iis, que hæcenus dicta sunt, facile intelligi potest, quàm rectè a me tibi objectum fuerit, quòd falso dixeris, in eo Levit. 5. cap: de iureiurando agi rerum præteritarum causa coram magistratu præstando, eò quia ibi omnino de alio iurisiurandi genere agatur, etiãsi caput illud citando, ejus initium intellexeris, cum non nisi in eo initio tacitè magistratus mentio fiat, ubi nullum prorsus nec præstandum, nec præstitum iuramentum commemorari, demonstratum fuit. ubi verò iurisiurandi fit aperta mentio, ibi magistratus (vel te ipso iudice) non commemoratur, & de rebus futuris, non autem præteritis agatur. Intelligi proinde potest, me minimè falsum fuisse in percipiendo, quamnam eius cap: partem citare intellexisses,

intellexisses, sed, ut tantò magis error tuus patefieret, cum eius rei iustam causam haberem, in eo a principio quodammodo connivere voluisse. Et hæc satis sint pro responsione ad priorem exceptionem tuam, quam ego scilicet pro te adversus meas ipsius obiectiones attuleram. Altera exceptio a me pro te allata erat, quòd, cum tu non quartum, sed primum eius 5. Levit: cap: versum citare volueris, non est, cur tibi obiiciam, quòd in primo tantum locorum, quos in testimonium adduxisti, iurandi indicia appareant rerum præteritarum causa coram magistratu præstandi, cum in hoc quoq; loco, qui ex quatuor a te citatis secundus erat, magistratus præterite rei gratia iuramentum deferentis satis aperta indicia extent.

Isti exceptioni iam abunde in responsione ad priorem satisfactum est. Nam, etiamsi non quartum, sed primum eius capituli versum citare volueris, tamen non minus errasti, quam si quartum citasses, cum, ut demonstratum est, tamen si magistratus, & præterite rei ibi mentio fiat, tamen de iureiurando coram magistratu præstando nullum prorsus eo in loco indicium extet, immo manifesta appareant indicia, de eiusmodi iureiurando nullo modo potuisse ibi a Mose verba fieri. Atq; ita, ut spero, perspicuum est, ea, quæ tibi in posterioribus locis illis in testimonium pro sententia tua adducendis obieceram, optime iure a me obiecta fuisse. Sed fac, me iniuriâ tibi in testimonio istâ, & superioribus proferendis & nimi-

iam audaciam, & falsitatem obieciſſe, in illisq; omnibus de iureiurando agi a magistratu deferendo, num propterea ex illis efficietur, iuramenta, de quibus Moſes loquitur, omnia a magistratu deferri? quaſi vero in iſtis ſolis locis Moſes de iureiurando loquatur. qui tamen præterea & cap: 6. Levit: & toto ſere cap: 30. Num: de iuramento agit. quibus adde v. 4. cap: 5. Levit: ſi quidem tu non eum locum, ſed initium cap: afferre voluiſti. Sed & alibi fortaſſe de eo loquitur. In tribus autem iſtis locis non modò nulla magistratus iusiurandum deferentis fit mentio, ſed in ſecundo, & tertio de iureiurando, quod quis non quidem coram magistratu, ſed alibi ſua ſponte iuraverit, manifeſtè agitur, ut iam de tertio oſtenſum eſt, & paulo poſt de ſecundo oſtendetur. Præterea ſinge, Moſem nuſquam de alio iuramento locutum fuiſſe, niſi de eo, quod a magistratu deferatur, num continuo verum erit, Moſem inter privatos in privatis cauſis iuramenta non permiſiſſe? ſic enim cum te id ſatis probaſſe ſperares, tãdem concludis in extrema pag: 228. Fallum igitur eſt, quod lex Moſis iubeat iurari & quod in privatis cauſis inter privatos permittat iuramenta. Numquid, ut aliquid permiſſum eſſe dicatur, neceſſe eſt, ut id expreſſum fuerit, & non ſatis eſt, non fuiſſe interdictum? Num fortaſſis adverſarii tui, quos hic falſitatis damnas, dixerant, eam permiſſionem in lege Moſis expreſſam fuiſſe? Atqui illi, eam ob cauſam iuramenta ſub Lege permiſſa fuiſſe, dixerant, quòd non fuerant interdi-

*ta. Ceterum permissionis, immo ne commemoratio-
 nis quidem ipsorum iuramentorum in lege Mosis di-
 fertè nullam mentionem fecerant, sed ad hunc mo-
 dum, ut supra dicta pag. 62. apparet, locuti fuerant,
 Sic omnia iuramenta Christus ipse suis vetat,
 ne omnino iurent. Peierationes enim tantum
 vetabantur sub lege, non iuramenta. Quòd si tu
 ex eo solo, quòd Racovienses affirmaverint, iura-
 menta sub Lege vetita non fuisse, Mosem iuramen-
 ta permisisse (& quidem rectè) eos dicentes facis, cur
 eadem ratione, ut Lex iuramenta privata permisif-
 se dicatur, non satis habes, quòd ea iuramenta ab i-
 ipsa nusquam sunt vetita? Cur præterea, ut disertè e-
 ius permissionis mentio fiat, aut certè, ut ipsa priva-
 ta iuramenta apertè a Mose commemorentur, tibi
 ipsi contrarius omnino requirere videris? Certè, eti-
 amsi tibi concederetur, Mosem nusquam privata iu-
 ramenta, id est, quæ a magistratu delata non fue-
 rint, commemorasse, tamen satis ingens discrimen,
 quod ad privata iuramenta attinet, inter ipsum, &
 Christum appareret, quòd hic ea expressè vetuisset,
 ille verò minimè. Quamquam non modò non vetuit
 Moses privata iuramenta, sed eorum etiam (quod tu
 planè negare videris) expressè meminit, eaq; se per-
 mittere eodem tempore apertè docuit. Vidimus su-
 pra, quid scripserit Levit: cap: 5. v. 4. ubi non solùm
 privati iurandi mentionem fecit, verùm etiam
 servari debere docuit, cum vel per oblivionem non
 servati, tamquam admissi delicti, expiationem con-
 stituit.*

Palæolog^{us}
 sibi cōtra-
 rius.

sicuit. Iam verò Num: cap: 30. de nulla alia re agit,
 quam de votis, & iuramentis, quæ quipiam sive vir,
 sive mulier voverit, & quibus sese ad aliquid faci-
 endum obstrinxerit. Quæ iuramenta sanè privata
 sunt, superq; re futura ad arbitrium iurantis facta,
 non autem a magistratu super re præterita delata.
 & ad formam ab ipso traditam concepta. de quibus
 tantùm Mosem locutum fuisse ais. Nec verò eiu-
 modi privata iuramenta prædicto loco commemorare
 satis habuit Moses, sed etiam, a quibus, & quando ser-
 vari debeant, disertè docuit, & porrò ea apertissimè
 permisit. Verùm hæc ipsa iuramenta ea sunt, quæ no-
 minatim vetuit Christus. Sed tu scilicet credebas,
 dictum illud, Reddes autem Domino iuramen-
 ta tua, cui præcepta sua de iureiurando Christus op-
 ponit, additamentum esse Scribarum, & Pharisæo-
 rum, cum tamen, ut supra docuimus, toridem serò
 verbis, sed efficacius, & apertius id ab ipso Mose di-
 ctum fuerit eodem c: 30. Numer. v. 3. Atq; ex huius tan-
 dem perspicuum est, neutram ex illis rationibus, qui-
 bus hoc loco inter Mosem, & Christum in iuramen-
 tis interdendis, aut permittendis nullum discrimen
 esse, adversus Racovienses probare te posse sperabas,
 alicuius momenti esse, & nihil aliud, iis adducendū,
 te effecisse, nisi quòd tuorum adversariorum senten-
 tiam non mediocriter confirmasti.

Sed duo præterea, ut ab initio innueram, obiter
 quodammodo hic dicere videris, quibus adversario-
 rum obiectionem, quam tu appellas, quamq; indo-
 ctam

nam esse affirmas, dilui posse fortasse credidisti. T-
 num, quod Moses in suis legibus, ubi de iuramento li-
 quitur, periurium vetet. Alterum, quod ibidem serò
 caveatur, ne super re vana iuretur. Nam, postquam
 ea, que de iureiurando Exod: 20, Levit: 19, & Deuts.
 scripta sunt, recitasti, & nusquam iuberi, ut iurar-
 tur, dixisti, illico addis, ubique autem periurium
 prohibetur & cavetur serio ne super re vana
 iuretur, pag: 228. Vbi paullo ante manifesta indiaa
 apparent, te in hisce duobus (si tamen, ut postea die-
 mus, pro duobus ea accipis) non minimum moman-
 tum ad respondendum adversariis ponere. Nam, o-
 co Exod: 20. recitato, statim subiicit, clarius: Non
 peierabis in nomine meo, nec pollues nomen
 Dei tui Levit: 19. apertius, Non usurpabis no-
 men Dei tui frustra, quia non erit impunitus,
 qui super re vana nomen eius assumpserit.

Quod ad prius dictum attinet, non video, quid
 illud ad rem faciat, cum adversarii tui non solum,
 ne per somnium quidem videri queant aut dixisse,
 aut cogitasse, Mosem periuria permittere quasi hinc
 discrimen apparere velint inter ipsum, & Christum.
 qui periuria vetet, sed disertis verbis, ut vilimus, pe-
 ierationes sub Lege vetitas fuisse, affirmant in eo de-
 mum inter Mosem & Christum discrimen vertissi-
 mè statuentes, quod ille peierationes tantùm vetu-
 erit, non autem iuramenta. hic verò non peiatio-
 nes modò, sed iuramenta quoq; sui omnino interdi-
 xerit, ut ante dicta pag: 62. liquidò apparet. *Quam-*
 P 5 *quam,*

uam, quòd Christus periuria vetet, id non ex ipsius
 verbis colligitur, sed ex sententia, & ex eo, quòd
 Mosis legem periuria vetantem ab se recitatam non
 mutat, sed tantummodo iuramentorum interdium
 illi adiungit. tantum abest, ut quisquam suspicari pos-
 sit, in eo Christum a Mose differre, quòd periuria ve-
 nerit, quæ ille permisisset.

Quod verò ad alterum dictum pertinet, si mo-
 dò a te, tamquam a priore diversum, prolatum fuit,
 propterea id dixisse videris, ut inde intelligi possit,
 privata iuramenta, maiore saltem ex parte, a Mose
 quòq; interdicta fuisse. quippe quæ (ut tibi videri po-
 tuit) plerumq; fiant super re vana, id est (quemadmo-
 dum ipse fortasse interpretaris) non necessaria, sive
 nun eiusmodi, quæ iureiurando confirmari debeat.
 Nam hoc te sentire, cum per se verisimile est, ne pla-
 nè δὲ ἐν πρὸς ἐπὶ (quod dicitur) locutus fuisse
 videare, um illud vehementer suadet, quòd pag: 137.
 hæc tua verba leguntur, Malum enim est, & peri-
 culi plenum, id quod ita est, ita esse dicere &
 iuramentum, quod ita sit, vana opera appone-
 re, &c. Vbi apparet, apud te Vana opera iurare, i-
 dem esse ac Sine necessitate iurare. Iam verò, si id
 sentis, falleris sine dubio, cum hebræa vox אִשָּׁר,
 quam n locis a te allatis vetus interpres modò In
 vanum, modò Frustra, modò Super re vana reddidit,
 numquam (nisi vehementer fallor) significet Sine
 necessitate, sed semper falsitatem aliquam, aut quã
 Latini

latini proprie Vanitatem vocant, declaret. Ut, quem-
 admodum vetus interpres, uti diximus, interdum fe-
 cit, commodè Frustra perpetuè verti possit. Quando-
 quidem hæc vox Frustra, ut ex idoneis lingue lati-
 næ auctoribus constat, non Incassum modò, sed Falsò
 etiam, seu Fallaciter significat, non autem umquam,
 (quod credā) Sine necessitate. Vocem autem **אשׁוּ**
 idem, quod Falsò significare posse, ex eo percipi sa-
 cile potest, quòd verbum **אשׁוּ** mendacium, seu falsi-
 tatem significare deprehenditur, ut Exo: 23. 1. Non
 suscipies rumorem **אשׁוּ** (pro quo vetus interpres
 rectè habet mendacii,) id est, ut Vatablus explanat,
 Ne sis author falsi rumoris contra proximum
 tuum: aut fingas in corde tuo, unde illius fama
 lædi possit, vel, Ne admiseris rumorem falsum.
 Et Deut: 5. 20. Nec respondebis contra proxi-
 mum tuum testimonium **אשׁוּ**. ubi **אשׁוּ** pro
 falsitate, seu mendacio positum fuisse, inter omnes
 constat, & vetitum ibi esse, ne adversus proximum
 quispiam falsum, aut mendax testimonium dicat. Est
 igitur in locis a te prolatis Legis præceptum, atq; sen-
 tentia, ne quis per Domini nomen falsò, aut incas-
 sum iuret. sed, si super re præterita, aut præsentem e-
 iusmodi iusiurandum adhibeatur, sit ea res vera, &
 iuranti comperta. Sin super re futura, quam scilicet
 iurans se facturum promittat, fiat omnino id, quod
 promissum est. non autem, ne quis sine necessitate iu-
 ret. Sed tu ipse fortasse non aliter sentis, & pro eo-
 dem

dem ferè habes apud Mosem Peierare, & Super vana iurare. Libuit tamen, ut pleniùs tibi responderem, hæc pauca dixisse. præsertim cum sciam, olim non defuisse, nec fortasse hodie deesse viros eruditos, qui In vanum iurare, apud Mosem pro eo acceperint, quod est Sine necessitate iurare. Inter quos est Sanctes Pagninus, vir in hebræa lingua doctissimus vulgò existimatus.

Itaq; vides, te nihil hoc loco attulisse, unde concludi possit, malè locutos fuisse Racovienses, qui nihil aliud affirmant, atq; contendunt, nisi hanc inter Mosem, & Christum differentiam esse, quòd ille iuramenta non vetuerit, sed tantùm periuria, hic verò vetuerit. Quòd sanè maximi momenti est. Nam hinc necessario sequitur, sub Lege omne iusiurandum, modò sine periurio, iurare licuisse, sub Evangelio verò, etiam citra periurium, iurare non licere, sua sponte scilicet, & sine aliqua necessitate, ut verba ipsius Christi indicant, qui præceptum suum de non iurando voluntariis iuramentis in Lege permissis manifestè opponit. Quare nulla causa erat, cur tu & hic, & alibi tantopere urgeres, sub Evangelio, vel magistratu ipso iubente, vel ob aliquam aliam necessitatem iurare licere, quasi adversarii tui vel id negent, vel negare necesse habeant. Quòd negare necesse non habeant, satù, ut arbitror, a nobis demonstratum est. Quòd verò non negaverint, id quia ad præsentem disputationem propriè non pertinet, alio loco infra, Deo volente, planum faciemus. Nunç

et examinanda sunt, quæ tu alibi, hoc est in explanatione illa tua in concionem Christi apud Mattheum, ubi pluribus de iureiurando disputas, nec non in tua paraphrasi, atq; alio quodam in loco & uberius, & aliquantò clarius, quàm hic feceris, iam disserueras, ut inter Mosem, & Christum hac in re planè convenire ostenderes.

Quantum igitur, ea, quæ de hac iurandi materia, deq; sententia verborum Christi iuramentum vetantis a pag. 137. usq; ad pag. 144. itemq; pag. 205, & 206. scripsisti, sæpius, ac diligenter legendo, cumq; iis, quæ & alibi priùs, & hic postea dicis, conferendo, ac coniungendo, assequi potui (non enim admodum proclive est rectè percipere, quid tibi velis) tribus modis præter eos, de quibus hactenus egimus, ostendere conari, inter Mosem, & Christum in præceptis ad iusiurandum pertinentibus nihil discrepare. Primum, quia in illis Christi verbis, Nolite jurare, &c. eius mens sit, quædam iuramenta, quæ a Scribis, & Phariseis nihili fiebant, magni æstimanda esse, docere, & periurii reum futurum monere, si quis in eiusmodi iuramentis mentiretur. Deinde, quia Christus non simpliciter dicat, non iurandum esse, sed non iurandum, ne peieretur. Postremò, quia Christus non super re certa, sed super incerto iusiurandum adhibere vetet. Atq; hæc tria ex ipsis verbis tuis ad unum caput revocari possunt. quod est, Christum in sua illa concione, quod ad iuramentum attinet, nihil aliud agere, quàm ut periuria, periuriiq;

riūq; pericula vitentur, non autem ut iuramenta tollantur, præsertim ea, quæ permittebantur in Lege. Iamq; de his omnib; singulatim, atq; ordine videam.

Añ, Christum, cum præcipit dicens, Nolite iurare, &c. docere voluisse, perperam a Scribis, & Phariseis affirmari, si quis per cælum, per terram, per Hierosolymam, per caput suum iurasset, nihil istud esse, aded ut, si quis ita iurando, peierasset, periurii tamen reus non esset futurus. Et, ne quis tibi aliquid affingere arbitretur, tua ipsius verba hic describere libet. Nam pag 143. sic añ, Hinc intelligi potest: Quid sit. Nolite iurare neque per cælum, neque per terram, neque per Hierosolyma, veluti scilicet si per hæc iuratum fuerit, & peieretur non iurari & peierari in nomen Dei. Et pag. 227. cetera iuramenta nihil esse dicebantur per cælum, per terram, per Hierosolymam, per caput proprium, etiamsi peieraretur. Eadem sententia colligitur ex iis, quæ scripseras in initio huius tractationis, pag. 137. iunctis præsertim iis, quæ ante scripta leguntur pag. 120. Atq; idem ferme scripsisti ad finem pag. 142, & pag. 205, & 206. Sed primùm dic, quæso te, undenam apparet, eiusmodi iuramenta, per cælum, per terram, &c. nihili apud Scribas, & Phariseos fuisse? Nonne, ut ex iis constat, quæ pluribus in locis scripsisti, præsertim verò pag. 142, istud inde apertè colligi existimas, quòd Christus apud Mattheum alibi Scribas, & Phariseos reprehendit, qui dicebant, si quis iurasset

iurasset per templum, nihil esse, si verò quis per au-
 rum templi iurasset, istum debere. & si iurasset per
 altare, nihil esse, si verò per donum, quod esset super
 altare, similiter debere? Atqui hic nihil audio eo-
 rum, de quibus querimus. neq; enim vel cali, vel ter-
 ra, vel Hierosolyma, vel capiti proprii ulla sit men-
 tio. Immo dices. Nam eodem loco iurandi per
 celum fit aperta mentio. & docet Christus, eum, qu-
 per celū iurat, per thronum Dei iurare, & per eum
 qui sedet super illū. Vnde factum est, ut huc manifeste
 respiciens, predicta pag. 142. dixeris, Scribas, &
 Phariseos affirmasse, iurare per celum, per ten-
 plum, per altare nihil esse. id quod etiam repetis pag.
 205. quasi ex Christi verbis ibidem perspicuum sit,
 Scribas, & Phariseos docuisse, iusiurandum per ca-
 lum nihil esse. At ego dico, multo verisimilius esse,
 non propterea iurandi per celum a Christo eo
 loco mentionem fieri, quòd Scribe, & Pharisei tale
 iusiurandum nihili facerent (obicisset enim illis hoc
 quoq; disertè, ut de iureiurando per templum, & per
 altare obiecit) sed ut exemplo satis manifesto repre-
 hensionem suam confirmaret. Ac si liceret. Quem-
 admodum is, qui per celum iurat, pr eum iurat, cui-
 us celum est solium, quique in ead sedet, id est per
 Deum, sic, qui per templum iurat, pr eum iurat, qui
 in eo habitat, & qui per aram iurat, per ea iurat,
 que in ea sunt. Et quoniam exempla, rerum apud
 auditores aut certarum, aut non panè incertarum,
 inq; quarum causa afferuntur, minus obscurarum
 afferrā

fferri & solent, & debent, necesse est, apud Scribas, & Phariseos aut certum, aut non planè incertum fuisse, eum, qui per cælum iurasset, per ipsum Deum iurare, tantum abest, ut iusiurandum istud nihil esse affirmarent. Itaq³, quantum sit error tuus, **Palæologi error.** enim advertere potes, qui prædicto loco id scriptum esse putasti, unde potiùs contrarium intelligi potest.

Quòd si non ex ipsis Christi verbis eo loco, sed argumento A simili (quod vocant) colligere velis, Scribas, & Phariseos iusiurandum per cælum nihil estimasse, quemadmodum iusiurandum per templum nihil estimabant, ut alia, quæ respondere possem, omittam, dico, argumentum istud non rectè conclusum fuisse, inde apparere. Primùm, quòd illi hac in re, ut ipse Christus ait, verè stulti, ac cæci errant, qui iuramenta per aurum templi, & per donum, quod in ara fuisset, pluri faciiebant, quàm ea, quæ per ipsum templum, per ipsam aram facta essent. Deinde, quòd eiusmodi iuramenta servari omnino debere, docebam, quæ iuramento per cælum facto multò inferiora irant. Quare ne a maiore quidem, ne dum a simili, lucto argumento, quidquam ex illis, quæ perspicuum est Scribas, & Phariseos docuisse, quod ad iuramenta attinet, de ipsorum non aperta sententia concludi, aut constitui potest. Nam quòd tu rationem quandam excogitasse videris, qua id, quod Scribae, & Pharisei in illis etiam, quæ expressa in sacra historia non sunt, de unoquoq³ iurandi genere

genere sentirent, investigari possit, nempe quòd, ubi nec Dei nomen disertè appositum fuisset, nec ipsorum lucrum esset, ea iuramenta omnia pro nihilo ducerent. de hac, inquam, ratione tua alibi commodius agemus, & Deo adiutore, ridiculum istud commentum tuum retegemus.

Iam verò, etiamsi indubitatum esset, apud Scribas, & Phariseos iuramenta illa, Per celum, Per terram, nihili fuisse, non tamen continuò sequeretur, Christo errorem istum redarguere, cum de iureiurando agit, vel solum, vel etiam præcipuè propositum fuisse, quia scilicet vetet, ne quis ea ratione iuret. Nonne aliud potissimum agens, id interim eadem operâ monere potuit Christus? Certè potuit. idq; sine dubio fecit, si modò ea re opus erat. Nam, aliud ipsi propositum fuisse, ex ipsius verbis adeò manifestum est, ut talpa cecior is dici meritò possit, qui hoc non videat. Etenim, cum antea dixisset, Audistis, quia dictum est antiquis, Non periurabis. reddes autem Domino iuramenta tua, quis non videt, cum postea illico addit, Ego autem dico vobis, Non iurare omnino, quis, inquam, non perspicuè cernit, id omnino Christo propositum esse, ut a iurando suos vel planè absterreat, vel saltem dehortetur, non autem, ut iuramentorum quorundam vim, atq; præstantiam incognitam declaret? quis item non planè perspicit, verbum omnino non cum sequentibus coniungendum esse, sed absolutè accipiendum, ut quibuscumq; verbis conceptum iusiurandum in iis re-

bus, de quibus Christus agebat, complectatur, quæ verò sequuntur, nequæ per cælum, &c. nequæ per terram, &c. exempla esse? Quæ exempla fateor admodum verisimile esse, immo satis apertè constare, eorum iuramentorum fuisse, quæ vulgaria, & in frequente populi usu essent (adeò ut, quemadmodum fieri solet, quamvis nullo pacto spernenda forent, vulgò tamen pro nihilo ducerentur, atq; adeò pro iuramentis minimè haberentur, conniventibus simul (si ita placet) vel etiam id ipsum docentibus Scribis, & Phariseis) ut scilicet tantò magis a cæteris gravioribus & planè confessis iuramentis abstinendum esse, auditores intelligerent. Atq; exempla tantummodo esse, & tu ipse fateris, qui Christum hoc loco eorum etiam iuramentorum, Per templum, Per aram, rationem habuisse vis, & sequentia verba apertè docent, in quibus monet Christus, ut sit sermo noster Est est, Non non. Quæ verba profectò, præter priora illa, apertissimè demonstrant, Christum non quidem monere voluisse, omnino iurandum non esse neq; per cælum, neq; per terram, nec per alia eiusmodi, hac spe, quòd iurando, si peieras, non committas periurium lege vindicandum, ut tu pag: 206. scribis, sed ab omnibus iuramentis, id est, quibuscumq; verbis conceptis (ut quidem nos sentimus) de iis tamen rebus, de quibus loquebatur, suos abstinere iussisse. Sed non admodum laborandum nobis est in hac prima tua Christum cum Mose prorsus conciliandi ratione resellenda, cum non modo ea ipsis verbis, ut satis demonstratum est,

tum est, nullo pacto conveniat, sed etiam reliquis du-
 abius adversetur, ut deinceps ostendemus. cum tamen
 tu non tamquam diversas, sed tamquam planè con-
 sentientes, immo, tamquam rationem unam, omnes
 res simul attuleris.

Ad alteram igitur pertransiens, dico, te affir-
 mare, idcirco, Christum a Mose non dissentire, quòd
 Christus non simpliciter vetet iuramenta, sed, ne pe-
 ieretur, iurandum non esse dicat. quod, ut tibi vi-
 detur, Mosis dicto non adversatur, qui iurandum
 quidem esse, sed a periurio cavendum dixit. Sic e-
 nim habent verba tua pag. 139. Lex dicit: iurabis
 per nomen Dei tui, sed non peierabis, nam si
 peieraveris puniam te per magistratum me-
 um, quem in Ecclesia esse volo. Christus di-
 cit: ut non peieres ne iures omnino. Hæc au-
 tem duo non adversantur sibi. Iurato, sed ca-
 veto ne peieres. Et, ut non peieres ne iurato.

Hic primùm vides, ex tui ipsius verbis ea, que in
 prima tua ratione dixisti, falsitatis convinci, Chri-
 sti, mentem in verbis illis, Non iurare omnino,
 &c. non quidem fuisse, docere, ne quis per calum,
 per terram, & per alia eiusmodi iuraret sub hac spe,
 quòd, etiamsi peierasset, tamen in periurium lege
 puniendum non incurrisset, sed, ut periurium cave-
 retur, præcipere, ne omnino quis iuraret. Sunt autem
 hæc duo non solùm inter se diversa, verùm etiam re-
 pugnantia existimanda, quatenus scilicet prius illud,
 modo periurii rationem habeas, & caveas, ne peie-

Palæolo-
 gus, dum
 variat, ad-
 versatur si-
 bi.

Palzol. ri-
dicula cō-
fidentia.

res, iurare planè permittere videtur, posterius autem hoc, ne in periurium fortè aliquando incidas, omnino, ne iures, vetat. Atq̄, hinc deinde apparet, quàm, ridiculenè potiùs, an confidenter? dictum a te fuerit, hæc duo non sibi adversari, Iurato, sed cave ne peieres, & Ut non peieres, ne iurato. Quid enim magis verbo illi, Iurato, adversari potest, quàm Ne iurato? An non ista duo prorsus contraria sunt? Nec verò causa, cur dictum fuerit Ne iurato, cuius etiam rationem eum habuisse apparet, qui dixit Iurato, repugnantiam istam tollit, sed tantùm minuit. Quæcumq̄, enim eius rei causa fuerit, certissimum est, eum, qui dixit Ne iurato, iuramenta ipsa vetuisse, qui verò dixit Iurato, etiamsi addiderit, Sed, ne peieres, caveto, tamen ipsa iuramenta disertè permisisse. Quòd si fortassis ad id nunc confugere velis, ut dicas, Christum non præceptum, sed consilium dedisse, præterquam quòd id nusquam apertè scripsisti, non desunt etiam loci manifesti, ubi, Christum hic non consilium dedisse, sed præcepisse, ipse confiteris, qualis est ille pag: 229. verum est, privatis in causa privata, & vana & incerta Iesum Christum, prohibere iuramenta de futuris eventibus, ne labantur in periurium.,

Tertia tua ratio Christum cum Mose planè conciliandi ea esse videbatur, quòd Moses tantummodo in rebus certis iuramenta permiserit, Christus autem in incertis duntaxat vetuerit. Nam, Christum in rebus planè certis iuramenta non vetuisse, non solum apertè

apertè scribis, sed rationibus etiam evincere summo-
pere contendis. Loci, ubi id affirmas, unà cum exami-
natione rationum tuarum proferentur. Nunc multa
priùs consideranda sunt, quæ isti tuæ assertioni obii-
ci possunt.

Primo loco considerandum est, etiamsi assertio
ista tua vera esset, tamen adhuc insigne discrimen
inter Mosem, & Christum extitutum. cum Moses, ut
supra demonstratum fuit, manifestè permittat iura-
menta super rebus futuris, ob eamq; causam incer-
tis, Christus autem, ut in hac ipsa tua assertionem dicitur,
ea vetuerit. Atq; eadem ipsa iuramenta de rebus
futuris Christum interdixisse, quæ per Mosem conce-
debantur, ex eo, ut dictum fuit, apertissimum est,
quòd Christus præcepta sua de non iurando isti con-
cessionem opponit. id quod tu ipse non negas, quippe
qui, ut vidimus, concessionem istam additamentum
Scribarum, & Phariseorum ad Mosi legem esse cre-
dideras, vel potius somniaveras.

Te autem non negare, quin Christus ea ipsa iu-
ramenta vetet, quæ in ea concessionem commemoran-
tur, id est de rebus futuris, & quibus (ut putasti) vo-
ta concipiebantur, cum ex multis aliis verbis tuis, tum
ex illis perspicuum est, quæ leguntur pag: 227. Quæ
quis non videt privatorum fuisse, & de futu-
ris eventibus in quibus includebantur vota
concepta? His enim verbis ea iuramenta exponere
voluisti, quæ a Scribis, & Phariseis, non autem ab
ipso Mose permessa fuisse existimabas, a Christo autem
interdicta.

Palzologi
lapsus.

interdicta, quemadmodum ex antecedentibus, & consequentibus verbis patet. atq; e regione istorum verborum in margine adscriptum est, Christus que iuramenta vetat Quamquam, ut hoc obiter dicam, in eo te lapsum esse planè crediderim, quòd putaveris, vota iureiurando addito concepta fuisse, cum disertè Moses inter votum, & iusiurandum illud distinguat, quo quispiam seipsum ad aliquid faciendum obstringebat. Quinetiam suspicor, ea, que, iureiurando interposito, se facturum quis pollicebatur, de quibus eo loco agit Moses, ipsi Deo promissa non fuisse, Video enim, cum vota commemorantur, bis Domini, seu Iehovæ in ipso initio mentionem factam esse, cui votum nuncupatum fuerit, cum autem altera illa obstrictio, que cum iureiurando fiebat, commemoratur, nunquam Domini, seu Iehovæ Mosem meminisse. Nec verò huic nostræ sententiæ obstat, quòd Christus, legi illius summam quamdam explicans, dixerit, Reddes autem Domino iuramenta tua, quasi hinc apertè constet, iuramenta illa iis, que Deo promittebantur, adhibita fuisse. Namq; considerandum est, cum in quolibet iureiurando Dei mentio fieret, per quem iurabatur, ipsi etiam Domino persoluta fuisse iuramenta, rectè dici potuisse, cum id, quod quis iureiurando adhibito, pollicitus fuerat, prestabatur, quamvis id per se ad ipsum Deum non pertineret. Jam enim, postquam iusiurandum fuerat interpositum, Dei (ut sic loquar) intererat, ut pollicitatio illa vana non redderetur, alioquin ipsius gloria, & maiestas,

iestas, qui & testis, & vindex eius rei appellatus fuisset, quod ammōdo obscurata, atq; imminuta foret. Sed hæc ὁ δὲ πᾶσι γέγονεν, ut prædixi. & idcirco de ipsis nihil planè statuo, nisi quod omnino credo, apud Mosē eo in loco aliud esse votum, aliud obligationem cum iuramento. Nunc ad alia transeamus.

Nam secundo loco animadvertendum est, assertionem istam tuam, quod Christus iuramenta de rebus certis non interdixerit, pugnare cum eo, quod non uno in loco ais, Christum, ut periurii periculum vitetur, nulla ratione iurandum, sive, omnino non iurandum esse, dixisse. Sunt enim, ut vidimus, hæc verba tua pag: 139. Christus dicit: ut non peieres ne iures omnino. itemq; hæc, quamvis Christus & Iacobus dicant cavendum esse ab omni iuramenti genere, pag: 140. in ipso initio. & mox, cuius periculi (incidendi in periurium) vitandi causa, illi iudicant omnino iurandum non esse. Et infra eādē paginā, Cūm Christus ob id dicat nullā ratione esse iurandum ne peieretur. Nam, quod video te dicere, Immo cum Christus ob id iuramenta vetet, ne incidatur in periurium, satis constare posse, eum ea iuramenta non vetare, ubi nullum periurii est periculum, Primū dico, si Christus omnia iuramenta vetuit, sive, ut ipse fateri, omne iuramenti genus, etiamsi idcirco id fecerit, ne in periurium quis labatur, tamen nostrum esse, non quidem statuere, quando nullum eius rei sit periculum, sed Christi præcepto parere, & ita nullum iusiurandi

Palaeologus
secum
pugnare.

genus iurare, quamcumq; tandem ob causam ipse id
 praeceperit, praesertim, cum vix ulla res nobis sit adeo
 certa, ut in ea affirmanda labi nulla ratione possi-
 mus. Nam saepe numero contingere videmus, ut in re-
 bus ipsis praeteritis, aut praesentibus mirifice decipia-
 mur, & pro certissimis, tamquam ii, qui testes fueri-
 mus, aut sinus, multa habeamus, quae tamen non sunt,
 memoria nos, aut sensibus ipsis plane fallentibus, no-
 bisq; imponentibus. Deinde dico, te tibi ipsi responso-
 nem istam eripuisse, cum explicans, qua ratione ex
 Christi mente in iurando periurii periculum sit, mul-
 to aliter loqueris, & ais, periurii periculum in iure-
 iurando esse, non quidem tunc demum, cum res est
 incerta, sed tunc etiam, cum res est certa, quia nimi-
 rum potest lingua asvescere ad iurandum, & ita
 prolabi, ut iuret etiam super re incerta, ut apparet
 ex illis verbis tuis pag. 178. Est igitur malum & in-
 commodum id quod est, aut non est, iurare esse,
 aut non esse. Non quod malum sit iusiuran-
 dum sed quoniam periculum est ne ad iuran-
 dum assuescat lingua & prolabatur ut iuret,
 esse aut non esse id quod incertum est sic nec-
 ne, & incidat nolens in periurium. Hoc autem
 periculum, ne casu incidas in legis de sacra-
 mento violationem, Iesus Christus vocat ma-
 lum.

Palaeologus
 varias se-
 ipsum re-
 fellit.

Palaeologus
 seipsum re-
 futat.

Itaq; tertio loco dico, assertionem tuam a te i-
 pso manifestè refutari, cum, ut modò ostendimus, eti-
 am super re certa ne iuretur, Christum vetuisse as-
 firmas.

firmas. quamvis enim id a te disertis verbis expressum non fuerit, tamen ex ipsa sententia aperte colligitur. que sine dubio ea est, quam nos paullo ante exposuimus. Idq; cum ex tota oratione constat, tum ex primis illis verbis evidenter apparet, Est igitur malum & incommodum id quod est, aut non est, iurare esse, aut non esse. Nam verba illa, id quod est aut non est, nullo modo simpliciter, ut sonant, accipi possunt, quasi aliquid excogitari queat, quod nec sit, nec non sit. Sed nimirum idem sibi volunt ea verba, ac si dixisses, Id quod scitur (a iurante scilicet) esse, aut scitur non esse. Atq; te hoc omnino sentire, præter rationem manifestam, demonstrat superiora alia verba tua, in quibus tuam istam assertionem, quod Christus in rebus certis iurare non vetuerit, adhuc apertius refellit. *Aut enim pag: 137. Ut* igitur periurium vitetur & nullus sit qui periurii agatur coram magistratu reus, in loquendo, agendo, tractando privatus cum privato negotia, illud examinetur si res, de qua sermo est, ita sit, aut aliter. Et si quidem ita sit, ita esse dicatur, si ita non est, ita non esse dicatur. Malum enim est & periculi plenum, id quod ita est, ita esse dicere & iuramentum quod ita sit, vana opera apponere, & id quod ita non est, ita non esse dicere & quod ita non sit, iuramento confirmare. *Vides, te hic aperte Christi præceptum de non iurando ita interpretari, ut eum quoq; casum comprehendat, cum quis examinans, utrum*

Palæolog^{us}
seipsū re-
fellit.

res, de qua sermo est, sit, nec ne, reperit esse, aut re-
perit non esse, & ita ad iuramenta etiam super re-
bus certis pertineat. Vides item, apud te hæc verba,
Id, quod ita est, idem significare atq̄, Id, quod, exa-
minando, repertum est ita esse. & rursus hæc, Id, quod
ita non est, idem valere, quod, Id, quod, examinando,
repertum est ita non esse. quemadmodum diximus, in
aliis ante recitatis verbis tuis idem esse, id quod est,
aut non est, ac si dictum foret, Id, quod scitur esse,
aut scitur non esse.

Palæologo
aut sibi ad-
versatur,
aut ridicu-
lus est, si-
mulq̄, id i-
psū refel-
lit, quod
probare
querit.

Quarto loco considerandum censeo, te, cum as-
firmas, Christum in rebus certis iuramenta non pro-
hibere, & idcirco ea permittere, aut tibi ipsi alia ra-
tione planè adversari, aut, quod ad iuramenta atti-
net, minus permisisse Mosem velle, quàm Christum, id
quod sanè cum per se ridiculum est, tum id ipsum con-
vellit prorsus, quod tu totis viribus constabilire nite-
ris, nullum videlicet discrimen inter præcepta Mosi,
& Christi de iure iurando esse. Si quis enim ea anim-
adverterit, quæ scribis pag: 227, 228 & 229. videbit,
te planè negare, Mosem privata iuramenta permit-
tere, nulla certarum, aut incertarum rerum, super
quibus iuramenta fiant, distinctione adhibita. Quid
enim attinebat verba Legis, ubi magistratus nulla
fit mentio, de iuramenti magistratu deserente præ-
standis accipere, eoq̄, tuis additamenti omnino re-
ferre, si, per Mosem, etiam non deserente magistra-
tu, super rebus certis iurare licuisse, existimasses?
Quid item ad hunc modum concluderet Fallum igitur
est,

tur est, quod lex Mosis iubeat iurari & quod in privatis causis inter privatos permittat iuramenta. *An non hic aperte negas, Mosem id permittere, quod Christum alibi permittentem facis? Nul- lum enim hic discrimen appositum esse vides inter res certas, & incertas, sed simpliciter, falsum esse dici, a Mose privata iuramenta permitti. Quocirca, cum statim addas ea verba, Cui parti consonat Iesus Christus, dicens privatis non esse iuran- dum suis verbis, hinc quoque perspicuum est, te su- periore, quam dicebamus, ratione tibi planè adver- sari, quippe qui hoc loco, Christum ipsum privata iu- ramenta indistinctè interdicere, atque ita etiam su- per re certa, non deferente magistratu, ne quis iuret, prohibere affirmes. Nec sanè suspicari possum, quo- modo inconstantias hasce tuas, atque ineptias excusa- re audeas, nedum possis, nisi fortè dicas, te, ubicumque ais, Christum non vetare, quin in rebus certis iusiur- randum adhibeatur, de iureiurando a magistrato deferendo loqui, Verùm, te huc confugere non posse, tunc planum fiet, cum rationes, quibus sententiam tuam confirmas, expendemus.*

Palæolo-
g° sibi ad-
versatur.

Quinto loco illud omittendum non est, cum as- seris, Christum apud Matthæum iuramenta super re- bus incertis interdicere, hoc non convenire cum eo, quod alibi dicit, & nos pro prima ex posteriorib: rati- onibus recensuimus, quibus, Christum a Mose in præ- ceptis de iureiurando nihil differre, persuadere co- naris. Nam, si, cum Christus dixit, Non iurare o- mnino,

Palæologi
dicta in-
vicem dif-
sidentia.

mnino, &c. id ei propositum fuit, ut moneret, non esse iurandum per cælum, neq̄ per terram, neq̄ per alia similia sub spe, quòd, etiamsi peieraretur, non incideretur in periurii pœnam, non modò non id egit Christus, ut iuramenta super incertis rebus veteret, sed neq̄ id ullo modo suis verbis complexus est. nec porrò aliud ex eius verbis elici potest, quàm, quomodo cumq̄ peieretur, in periurii pœnam incidi. sed neque id etiam planè colligitur, nisi ea, per quæ iuretur, cælo, terræ, & aliis, quæ ibi enumerantur, sint similia, in quibus scilicet tacitè, si non expresse, Dei mentio fiat.

Sed iam videndum est, quibus rationibus adductus fueris, ut affirmare non dubitaveris, Christum non vetare, quin in re certa inter privatos iuretur, atq̄ eodem tempore loci proferendi, ubi id omnino affirmas. Duae autem videntur esse rationes, quæ te ad hoc impulerunt, quamvis tu eas non explices, & tamquam unam afferas. de quibus separatim deinceps agemus.

Vna ratio est, quòd, cum Christus nullam aliam ob causam iuramenta veteret, nisi, ne in periurium incidatur, sequitur, eum tunc iurare non prohibere, cum nullum periurii periculum est, quemadmodum in rebus certissimis evenire constat. Nam hæc sunt verba tua in fine pag: 139. & seq. initio, Cum certissimus es rem esse aut non esse, iurare poteris. Rem aut esse si est, aut non esse si non est, quamvis Christus & Iacobus dicant cavendū esse ab

esse ab omni iuramenti genere. Non enim periculum est ut incidas in periurium, cuius periculi vitandi causa, illi iudicant omnino iurandum non esse. *Et aliquantò inferius, violator verborum Christi existimabitur is, qui certissimus de re qua de loquitur, iurat sine periculo periurii? Cùm Christus ob id dicat nulla ratione esse iurandum ne peieretur.*

Hac tua ratio iam a nobis tui ipsius verbis refutata est, cum ostendimus, quomodo istud periurii periculum, quod a iurando non absit, & propter quod iuramenta Christum vetuisse affirmas, ipse alibi interpretetur, quæ interpretatio eiusmodi est, ut a iuramenti, etiam super rebus quantumvis certis, abstinendum esse, Christum præcepisse demonstret. Ex eo etiam iam satis convulsa videtur hæc ratio tua, quod supra disseruimus, vix aliquid tam certum reperiri posse, in quo affirmando nullo modo errare possimus. Vide, quæ assertioni tuæ secundo, & tertio loco ante obiecimus. nam ad ea & te, & alios lectores reiicimus. Sed aliam præterea ob causam nihili pendenda est ratio ista tua, quod videlicet in ea pro concessio sumas id, quod nec ullo modo verum esse constat, nec a te alibi probatum fuit, immo falsum esse, non obscure deprehendi potest, Christum scilicet non alia de causa iuramenta vetuisse, nisi, ut periurii periculum vitaretur, qua de re postmodum videndum erit.

Alter a ratio tua, quam tu tamen, ut diximus, cum superiore confundis, vel certè pro qua confir-
mandæ

manda superiorem affers, eiusmodi est, ut in ea sor-
 manda, atque explicanda ingenii laudem prorsus
 quaesivisse videare, Quod quam feliciter, & ex ani-
 mi sententia tibi successerit, mox videbimus. Aisi-
 gitur, cum Christus precipit, ut sit sermo noster Est
 est, Non non, hic relationem haberi ad aliquem,
 qui interrogat de re quapiam, sit, nec ne. Cui re-
 spondere debemus id, quod res est, esse videlicet, aut
 non esse, pro ut res, de qua queritur, est, aut non est.
 Nunc fac, (inquis) neminem esse, qui quærat. certe
 nihil coget, ut dicas rem esse, aut non esse. Fac rur-
 sus, cum ille querit, te incertum esse, sit ne res, an
 minimè. quis dubitat, quin tibi neutrum responden-
 dum sit, cum viro bono, ne mendacium dicat, sum-
 mopere sit cavendum? Et tamen Christus dicit, ut
 respondeas rem esse, aut non esse, quod idem Iacobus
 facit. Sicut igitur, cum aut abs te de re non queri-
 tur, aut tu de ea incertus es, tacere potes, & nec
 rem esse, nec rem non esse, dicere cogeris, etiamsi &
 Christus, & Iacobus, ut alterutrum dicas, moneant,
 ita etiam, cum certissimus es de re, sit, an non sit,
 poteris iurare rem esse, si est, & non esse, si non est,
 etiamsi & Christus, & Iacobus, ab omni iuramenti
 genere cavendum esse, dicant, cum hoc ab illis non
 nisi ob periurii periculum vitandum dicatur, hic au-
 tem nullum sit peierandi periculum. Hæc est admi-
 randa, scilicet, illa ratio tua, ut ex iis perspicuum
 est, quæ scripsisti pag 139, & 140. Nam, epilogo quo-
 dammodo utens, sic ais, Quid enim? Nulla fraus
 admittitur,

admittitur, si minus facias quam Christus dicat, taceasque cum aut non quæreris aut incerta tibi res est, quæ abs te quæritur. Cum Christus dicat ut aias aut neges, & violator verborum Christi existimabitur is, qui certissimus de re qua de loquitur, iurat sine periculo periurii? Cum Christus ob id dicat nulla ratione esse iurandum ne peieretur. *Et statim alio quodam pacto eandem rationem explicans, eamque simul confirmans, adiungis.* Sicut enim fieri potest, ut is qui cum negotium habes, minus petat quam Christus postulet: Ita fieri potest ut plus exigat quam Christi & Iacobi permittat mandatum, nos debere dicere rem esse aut non esse. Quare si ibi minuere licet tacendo, hic licebit addere iurando. *Atque in hac potissimum explicatione, ac confirmatione tua libet suspicari, te tibi ipsi vehementer placuisse. Sed iam, qualis sit universa hæc ratiocinatio tua, accuratè, ac breviter simul, quoad fieri poterit, dispiciendum nobis est. Iam verò, cum in hac ipsa ratione tua explicanda plurimum momenti in eo ponere videaris, quod Christus ideo iurare vetuerit, ut periurii periculum vitaretur. Primum, quicquid a nobis hac de re contra sententiam tuam supra disputatum fuit, huc optimè accommodari potest, & ex eo solo tota argumentatio tua labefactari. tamen illud, quod de Christi mente asseris in iuramentis interdicens, nihil te iuvare posse, tunc multò apertius constabit, cum non modò id*
aliter

aliter accipi debere, quam tu putes (quod iam ex tui ipsius verbis demonstratum a nobis est) verum etiam, simpliciter dictum, falsum esse, apparebit. quod postmodum, Deo volente, factum iri planè confido. Deinde animadvertendum est, in ista argumentatione duo a te sumi, quæ ex tui ipsius verbis falsa esse convincuntur. Vnum est, quòd Christus, etiamsi nemo sit, qui quærat, tamen, ut dicamus, res sit, nec ne, dicere omnino videatur. Alterum, quòd id ipsum dicat, etiamsi de re, qua de queritur, incerti sumus. Atqui tu ipse in ipso explicandæ tuæ argumentationis initio utrumq; refellis, Sic enim pag. 139. scribis, Ad illum igitur qui quærit referri debet sermo, ut si ille quærat, sit res nec ne, tu dicas id quod res est, esse aut non esse, sicut ipsa aut est aut non est, si neutrum ille quærit, tu neutrum respondeas. Numquid non vides, te disertè affirmare, Christi sermonem ad illum referri debere, qui quærit, & satis apertè dicere, Christi verba id ponere, ut sit, qui quærat, & tandem ex his dictis concludere, si nihil quærat, nihil respondendum esse, nedum ut necesse sit aliquid respondere? An non hoc prius illud, quod te sumere dicebamus, planè refutat, eiq; penitus adversatur? Nonne præterea in modo prolatis verbis tuis, Christi mentem exponens, ais, cum de re quæritur, sit, nec ne, dicendum esse, non quidem alter utrum omnino, sed id, quod res est? Verum quomodo dicere poterit quis id, quod res est, vel potiùs quomodo curare poterit, ut dicat, si incertus est, &

Palzoli: su-
um ipfius
dictū refu-
tar.

Palzolog^o
seipfū fal-
sitate co-
arguit.

est, & nescit, utrum res sit, an non sit? Ergo, te ipso teste, falsum est posterius illud, quod, rationem tuam explicando, sumebas. Idq; etiam paullo post evidentius testaris, dum ipsum Christi dictum a te confictum in tue rationis explicatione exponis, & maxime urges. Sunt enim hæc verba tua, quamvis Christus & Iacobus dicant, ut alterum affirmes, aut esse rem aut non esse, si illa aut est aut non est. Nam, ut supra dictum fuit, cum omnino sit necesse, ut quælibet res, de qua queritur, aut sit aut non sit, certè, nisi ineptissime locutus esse velis, cogaris verba illa tua, si illa aut est aut non est, non, ut præ se ferunt, accipere, sed ita interpretari, ac si dixisses, Si aut sciveris rem esse, aut sciveris non esse. nam eiusmodi verba hoc sensu a te proferri solere, iam bis antea ostensum est. Etenim, si dicas, ea perinde accipienda esse, tamquam si dictum fuisset, Prout illa aut est, aut non est, neq; istam interpretationem dictio Si ullo modo patitur, nec tu alibi isto sensu eiusmodi verba protulisti. Sed, cum id dicere voluisti, non dictione Si, sed Sicut, ut in superioribus tuis verbis vidimus, usus es. Præterea, cum Christus, dum (ut tu quidem putas) dicit de quavis re dicendum esse, sit, nec ne sit, eodem simul tempore sine dubio præcipiat, ut id simpliciter dicatur, nullo iurando adhibito, vanum quippe erit præceptum illud, si tua argumentatio rectè conclusa est. Nam aut is, qui de re, sit, nec ne sit, dicturus est, id certum habet, aut non habet, Si non habet, iam, ut

Palæologus
suum ipsi-
us dictum
refutat.

ipse vis, nihil dicere debet. Sin autem habet, iam ipse contendis, tunc ei iureiurando confirmare licere, rem esse, si est, aut non esse, si non est. Itaq³ per te nullus erit praecepto Christi locus. Hic non video, quid respondere possis, nisi fortasse dicas, te tria genera rerum facere, incertarum, certarum, & certissimarum, & in incertis quidem, ac certissimis Christi praeceptum locum non habere, in iis vero, quae certae sunt, ei locum planè esse, & propterea in eiusmodi rebus, affirmandum quidem, aut negandum, sed tamen sine iureiurando, Ob eamq³ causam te, ubi contra, aut praeter id, quod Christus praecipere videatur, iurare licere contendis, non positivo (quod vocant) sed superlativo nomine usum fuisse, cum rei certitudinem illam (ut sic loquamur) propter quam id licere vis, declarare voluisti, & modo, cum certissimus es, &c. modò, is, qui certissimus de re, &c. dixisse, non autem umquam Certus. Quod idem dices te optimè servasse, cum, de Paulo, qui iurasset, verba faciens, dixisti, gravissimam & persuasissimam sibi causam ingressus. Videre potes (arbitror) Paleologe, utrùm a me victoria, an potiùs veritas queratur, qui pro te saepius adversum memetipsum ea asseram, quibus tu meliora fortasse non invenies. Verumtamen, si fortè respòsio haec pro te mea vel tibi arridet, vel etiam ea ipsa est, quam tu attulisses, & mentem tuam in ea rectè sum asecutus, animadvertere debes, distinctionè istam rerum certarum, & certissimarum nimis subtilem esse. Nam
est

et si usus obrinuit, ut aliquid certum, aliquid verò certissimum dicatur, & ita res una aliâ certior appelletur, tamen revera eo, quod certum est, nihil certius esse potest, Quemadmodum eo, quod verum est, nihil verius potest inveniri. & tamen usus obrinuit, ut aliud alio verius esse dicatur. nempe quia & Veri, & Certi nominibus minùs proprie sæpe utimur, & id verum, aut certum esse dicimus, quod ita esse videtur, quamvis, an revera sit, non bene sciatur, id est aliquo modo dubitetur. Cum querimus, an aliquid certum apud eum sit, qui de re quapiam affirmaturus, aut negaturus est, id nimirum querimus, an is ea de re, sit, nec ne, nihil dubitet. Hac (ut ita dicam) certitudine in humanis hisce rebus, quæ & esse possunt, & non esse, vix ulla maior inveniri potest. quandoquidem, ut supra dictum est, sensus ipsi aliquando falluntur. Qui hoc pacto rem certam non habuerit, is non iurare modò, sed ne affirmare quidem, aut negare simpliciter poterit. Et sanè, si vera est regula illa tua, tunc iurari posse, cum nullum est periurii periculum, non video, cur quidquam magis sine iureiurando, quàm cum iureiurando affirmare, aut negare liceat. Nam profectò, ubi nullum mendacii est periculum, ibi ne periurii quidem periculum esse potest. Affirmari autem, aut negari aliquid iure posse, ubi mendacii sit periculum, tibi quidem dicere non licet, qui pag: 139. ea verba scripseris, Nam sicut periurium, ita mendacium & falsum dicere cavendū est viro bono. Vbi etiam vides, te, nō minùs a men-

dacio, quàm a periurio, cavendum esse dixisse. Quare ex tua ipsius doctrina, quidquid constanter affirmare, aut negare licebit, id etiam iureiurando confirmari iurè poterit. Itaq̃, teipso iudice, distinctio illa rerum certarum, & certissimarum, in quarum alteris affirmare quidem, aut negare, non tamen iurare, in alteris verò iurare quoq̃ liceat, falsa censenda est. & proinde id verum censeretur, quod diximus, si rectè conclusa sit argumentatio tua, Christi præcepto, ne quis iuret, sed tantummodo aiatur, aut neget, nullum locum futurum. Sed quid dicemus, quòd omnino vis, in Christi sermone rationem haberi alicuius, qui quærat, utrùm res sit, an non sit, cum tamen ea de re nullum prorsus indicium in Christi verbis appareat? Certè, si antecedentia verba spectare velimus, potiùs ad eum casum referenda est præceptio Christi, cum quis sua sponte quidpiam affirmaturus, aut negaturus est. In Legis enim verbis, quibus præcipuè sua dicta opponit, de iureiurando agebatur, quo quis seipsum sua sponte ad aliquid faciendum obligabat. Quinetiam tu ipse, huc fortasse respiciens, in tua paraphrasi pag: 206. Christi verba, Sit autem sermo vester Est est, Non non, his verbis complexus explanas, Quare sit sermo vester, si quid facere voles, faciam, si facere noles non faciam. Quid quæso istac explanatio, cum explicatione hac, quam in argumentatione tua sequeris, commune habet? Primum ibi manifestè de re futura agitur, cum hic de re presente, aut præterita agatur. Deinde (quod

Palæolog:
varius.

(quod ad propositum nostrum maxime pertinet) satis apparet, ibi nullam rationem querentis haberi. Qua de re ne ulla dubitatio supereset, Christi sequentia verba explanans, sic eum loquentem facis, Quod enim præter hæc est, ut puta si voto iuramentum additur, bonum non est, &c. Vnde constat, te ibi existimasse, Christum in monitione sua de votis egisse. Quis autem nescit, vota, nemine querente, id est interrogante, fieri solere? Et tamen hic, ut diximus, in Christi sermone querentis omnino rationem haberi vis. quæ duo sanè invicem prorsus repugnant. Huc accedit, quod in argumentatione hæc tua Christi verba ita accipis, ac si dixisset, Quod est, dicite esse. quod non est, dicite non esse. quasi Christus potius monere voluerit, ut quisq; id, quod verum est, dicat, quàm, ut a iurando abstinereat. Cum tamen constet, eum de iureiurando potissimum agere. Immo crediderim, Christum hoc loco nullam veritatis, aut mendacii rationem habuisse. sed tantum monere voluisse, ut, si quid affirmare velis, simpliciter affirmes, si quid negare, simpliciter neges, quemadmodum sequentia verba satis confirmant, Quod autem his abundantius est, a Malo est. Non arbitror tamen, verba græca ad hunc modum interpungenda esse, *voc̄, voc̄, ov̄, ov̄*, quasi prius *voc̄* significet id, quod affirmare velis, & prius *ov̄* id, quod velis negare, sive, (ut Theodorus Beza vult) perinde cēseri debeat, ac si prius *voc̄*, & prius *ov̄* cum voce *ὁ λόγος*, quæ præcessit,

Palæologi
pugnancia
docet.

eadem, quæ Christi, Iacobi verborum sententia (quæ a domino ac magistro suo ipsa etiam verba magna ex parte mutuatum fuisse apparet) ut, si quid affirmare velimus, simpliciter affirmemus, si quid negare, simpliciter negemus, sed tamen diversus nonnihil utrobique est eam explicandi modus. De Iacobi modo vidimus. Christi autem modus hic est, ut dicat, in sermone nostro (quod ad illud pertinet, de quo agebatur) nihil aliud esse debere, quam solam affirmationem, aut negationem. Viriusque autem, & affirmationis, & negationis voces duas simul coniungit non modo propter elegantiam quandam, ac proprietatem sermonis, sed fortassis etiam, ut ostendat, licere & sepius, & constanter aliquid vel affirmare, vel negare, dummodo iusiurandū non addatur. Sermonis autem elegantiam, & proprietatem quandam, si sententia illa explicari debeat, sine geminatione vocum istarum vix, aut ne vix quidem retineri posse, animadvertet, quisquis utrobique, alteram ex illis vocibus subtraxerit, & Christum sic loquentem fecerit. Sit autem sermo vester vœ, oŷ. Certè, Paulum eadem utrobique, geminatione cum simplici affirmationis, & negationis significatione usum fuisse, videmus, atque dixisse, Aut (sive Num) quæ cogito, secundum 2. Cor. 10
 carnem cogito, ut sit apud me τὸ vœ vœ, καὶ 17.
 τὸ οŷ οŷ; id est Etiam, & Non? sive, ut vetus interpretes vertit, Est, & Non? Nam, sive is interpretes aliter legerit, quam hodie in omnibus græcis codicibus legatur.

gatur, quibus Syriaca editio consentit, sive non legitur, quæ statim subiicit Apostolus, etiamsi nonnulli aliter sentiunt, hunc istorum verborum sensum esse demonstrant. Inquit enim, Fidelis autem Deus, quia sermo noster, qui [fuit] apud vos, non fuit vax, *ἢ οὐ*, id est Etiam, & Non. Et tamen poterat Paulus propter particulam *ἢ* citra sermonis elegantie, aut proprietatis iacturam in prioribus verbis, ut in posterioribus fecit, ab ea geminatione abstinere. Nec pretereundum est, apud Paulum articulum vocibus illis geminatis utrisque præpositum legi, & tamen perinde haberi, ac si non fuisset præpositus (nam, si ibi articuli vis urgeatur, alius sanè poterit eorum verborum esse sensus) nedum ut in loco nostro, ubi nullus est, aliquis articulus pro appposito haberi debeat. Ex quibus intelligi potest, si apud Paulum, qui & aliter loqui poterat, immo eodem in loco est locutus, & sic locutus est, ut aliud quidpiam, si eius verba mordicus retineantur, sensisse dici possit, ea geminatio eum sensum, quem nos in Christi verbis esse contendimus, sine dubio habet, multò magis apud Christum habere, qui vix aliter loqui poterat, & ita locutus est, ut eius verba eorè admodum aliam interpretationem sint admissura. Est igitur locus Pauli ad Christi verba interpretanda accommodatissimus, nec aliud hac in re inter ipsum, & Christum interest, nisi quòd Christus alterurum, affirmare scilicet, aut negare, Paulus verò utrumque significare voluit. Vnde factum est, ut in Pauli verbis coniunctiva particula legatur, in Christi verò minime.

Sed iam nimis diu præter institutum nostrum in
 resellenda tua Christi verborum interpretatione,
 nostraq; confirmanda versamur. Quid enim? Fac,
 interpretationem tuam verissimam, & appositissi-
 mam esse. Numquid rectè conclusa propterea fuerit
 ratio tua? Nullo prorsus modo. Nam, etiamsi Chri-
 stus, si verba eius attenderentur, iussisset, ut omnino
 quacumque de re, de qua scilicet ageretur, aut ser-
 mo eset (sic enim nisi planè despuisse videri velis,
 supplenda est tibi interpretatio tua) diceremus, eam
 aut esse, aut non esse, quis non perspicuè videret, ita
 accipienda esse Christi verba, ut & eset, qui de re
 quereret, aut interrogaret, nec ne eset, & nos, quo-
 modo res se haberet, optimè sciremus? Quid enim ab-
 surdus dici potest, quàm Christum præcipere, ut, ne-
 mine licèt nec querente, nec interrogante, de omni
 re, de qua agatur, aut verba fiant, etiamsi nihil cer-
 ti de ea habeamus, tamen eam esse, aut non esse di-
 camus? Nam unde (queso te) in argumentatione
 tua assumis, cum vel non est, qui querat, vel res ap-
 pud nos incerta est, Christi præcepto isti, quod ex e-
 ius verbis colligi posse vis, nullum locum esse, nisi ex
 manifesta ingenteq; absurditate ista, quæ alioquin
 in ipso præcepto eset? At verò quid absurdi in eo vi-
 des, si Christus præcipiat, ut in re, quamvis nobis
 compertissima, affirmanda, aut neganda nullum ius-
 iurandum adhibeamus? Nonne tu ipse, ut supra vi-
 dimus, ipsa Christi verba explanans, malum esse, &
 periculi plenum dixisti, aliquid esse, quod sit, vel ali-

quid non esse, quod non sit, iureiurando apposito confirmare? Nonne periculum esse (ut tuis verbis prolatis ostendimus) tu ipse affirmasti, ne quis iurando a deo iurare assuescat, ut, etiam in rebus incertis iuret, & ita in periurium facile prolabatur? Quibus adde ea verba tua, quæ leguntur ibidem paullo ante pag. 138. Quare malum est & periculosum, assertioni, sine qua vita præsens transigi inter homines non potest, iuramentum addere, abs quo quisvis potest facile abstinere, maximè cum incerta sunt illa, sint, an non sint, de quibus controversia est. Ex quibus omnibus apparet, te in omnibus rebus affirmandis, aut negandis non sine periculo iusiurandum addi, confiteri, & propterea, te ipso teste, non modò nihil absurdi futurum in Christi præcepto, si eum mandasse velimus, ut in rebus etiam certissimis a iurando abstineamus, verum etiam, summa cum ratione id ab eo factum fuisse, constiturum. Nam, si dicas, Christi præcepto isto indistinctè, ut verba sonant, accepto, iuramenta etiam tolli, quæ coram magistratibus præstada sunt, & præterea iuramenta quedam privata, quæ apostolum Paulum fecisse constat, damnari, quæ duo admodum absurda censerì debent, Hoc nihil est. Dummodo enim id absurdum non sit, de quo querimus, satis id est ad argumentationem tuam convellendam. Quandoquidem tu, cum argumentationis tuæ vi, Christi verbis iuramenta super rebus certissimis non interdici, contendis, privata etiam iuramenta intelligis,

religis, quippe qui nusquam magistratus ullam men-
 tionem facias, immo eiusmodi verbis interdum utar-
 ri, quæ ad ea iuramenta quæ deferente magistra-
 tu sunt, nullo modo accommodari posse videntur.
 qualia sunt illa p. 140. is qui certissimus de re qua
 de loquitur, iurat, &c. & mox is qui cū negoti-
 um habes. Quæ verba de privatis sermonibus, &
 negotiis, & porro de privatis iuramentis a te agi,
 manifestum faciunt. id quod etiam ex illo exemplo
 patet Pauli apostoli iurantis, quod paullo ante ad
 sententiam tuam confirmandam attuleras. Si qui-
 dem non coram magistratu, sed privatim in epistola
 iuravit Paulus. Quamquam non desunt, qui Pauli
 verba iusiurandum continere nolint, quibus tamen
 ego non assentior. Adiungis tu quidem pag. 141, Chri-
 stum non de iuramentis coram magistratu præstan-
 dis, sed de aliis loqui, idq; repetis pag. 142. Verùm i-
 stud a te additur, non ut id ipsum confirmes, quod
 singulariter prius dixeras, licere iurare super re
 compertissima, sed id, quod universe antea non ob-
 scure tuis verbis complexus fueras, Christi verba non
 ita interpretanda esse, ut omnia iuramenta in-
 terdicere voluerit. idq; a te eo libentiùs fit, quod ex-
 istimas, adversarios tuos iuramenta, etiam dese-
 rente magistratu præstanda, prorsus tollere. Nimi-
 rum ut id sæpius inculces, quo eos in publicam invi-
 diam vocare te posse speras. Sed hac de re alibi. Cæ-
 terùm, te privata etiam iuramenta in rebus certis-
 simis minimè a Christo prohiberi, credere, præter
 ea, quæ

ea, quæ dicta sunt, id satis demonstrat, quòd non u-
 no in loco Christi verba ad res futuras tantùm, aut
 etiam ad vanas alioquin & incertas accommodas, ut
 pag. 206, 227, & 229. apparet. Iamq̃, ut spero, tan-
 dem vides, quantum inter duo illa intersit, quæ pa-
 rria esse putasti. Nunc igitur quid tibi videtur de a-
 cuta illa confirmatione, quam argumentationi tue
 postremò addis, si ibi minuere licet tacendo, hic
 licebit addere iurando? Numquid eadem ratio
 esset additionis, quæ detractiõnis, cum hanc sensus
 ipse communis omnino suasurus esset, illam verò ni-
 hil? cum, nisi minueretur tacendo, Christus absurdissi-
 ma præcepisse convinceretur, nisi verò adderetur
 iurando, nihil plane absurdi inde sequeretur? Ad-
 de, quòd iusiurandum affirmationi, aut negationi
 adhibitum, non rectè a te additamentum ad Chri-
 sti præceptionem appellatur, cum Christus disertis
 verbis illud vetet. Additamentum censerì posset, si
 Christus ea tantùm verba dixisset, Sit autem ser-
 mo vester Est est, Non non. Nunc, quando in e-
 adem monitione paullo ante dixit, Non iurare om-
 nino, &c, & hìc statim subiicit, Quod autem
 his abundantius est, a Malo est, si quis iuret, non
 quidem se addere verbis Christi, sed apertè contra-
 venire, fateatur, necesse est. Verùm, dum tu ita lo-
 queris, & additamentum illud vocas, quod revera
 non est, id planè confirmas, quod & hìc, & alibi su-
 pra asserui, quòdq̃, ut modò, & ante vidimus, in to-
 ta hac causa tibi plurimum obest, te scilicet omnino
 velle,

Palæologi
 erratum.

velle, a Christo in rebus certissimis privata iuramenta non tolli. Nam, cum ubiq³ contendas, Christum de privatis tantum iuramentis præcepta dare, non autem de iis, quæ coram magistratu præstari debent, certè, cum ais, in rebus certissimis, iurando, Christi verbis addi licere, neceße est, ut privata iuramenta in rebus certissimis licere dicas. Quamquam in hac, quam ego argumentationis tuæ confirmationem appello, non tantum, ut res certissima sit, sed præterea, ut quispiam, qui cum tibi sit negotium, iusiurandum a te exigat, requiris. qua tamen de re antea mentionem non feceras. Quocirca arbitror, te id addidisse in confirmatione ista, non quod sine eo, id est sua sponte (modò res certissima sit) iurare non concedas, sed ut saltem eo casu, etiam inter privatos, iurare licere evinceret.

Vidimus de tribus illis tuis rationibus, quibus demonstrari posse sperabas, Christi præcepta de iureiurando a Mosis lege nihil disferre. Superest, ut de eo agamus, ad quod, tamquam ad caput quoddam, ex ipsis verbis tuis, quæ pluribus in locis leguntur, revocari possunt. hoc est, Nihil aliud Christo propositum fuisse, quàm cavere, ne in periurium quisquam incideret, non autem iuramenta tollere, ea præsertim, quæ sub Lege permisa erant.

Ista tua Christi mentis in præceptis de non iurando dandis interpretatio non modò vera, sed ne verisimilis quidem videri debet. Nam perfacile est animadvertere, eam neq³ ipsius Christi verbis nec
rationi

rationi consentaneam esse. Verbis quidem non est, cum nec aliquid dicat Christus de cavendo periurio, & manifestè illis ex ipsius Legis mente, non autem, ut tu putabas, ex Scribarum, & Phariseorum additamenti prolatis verbis, Reddes autem Domino iuramenta tua, sua dicta opponat. In quibus verbis, ut supra visum est, apertè iuramenta super rebus futuris permittebantur. Vnde constat, Christum iuramenta quedam disertè sustulisse, quæ a Mose concessa fuerant, Nec verò ex postremis illis Christi verbis, Quod autem his abundantius est, a malo est, colligi ullo modo potest, ipsum periurii cavendi potissimam rationem habuisse, quia scilicet ea verba nihil aliud significent, quàm affirmationi, aut negationi iusiurandum adungere periculi plenum esse, & ad periurium properans, ut tu ea interpretaris pag: 137. 138, & 206. Nam quis (obsecro) qui vel levissimè in bonarum litterarum studiis versatus fuerit, immo qui ipso sensu communi non careat, tibi concedet umquam, Aliquid a malo esse significare, Aliquid esse plenum periculi, & ita, pro causa antecedente, eaq; certa subsequens, idq; incertum eventum a te substitui, patietur? Nonne infantes ipsi noverunt, præpositionem A, vel potius Ex (nam Ex est in græco codice, non autem ἐπὶ, ut tu præ incuria scripsisti) motum de loco (ut aiunt) non autem motum ad locum significare, & propterea A malo, sive Ex malo nullo modo significare posse Ad malum tendens, ut tu affirmas, sed ne-

Palæologi
incuria.

sed necesse esse, ut *A malo proficiscens significet? Fro-*
fecto cæci ipsi (adeo insignis est ac manifestus) lapsum
hunc tuum videbunt. Qui tamen non solus est. Nam,
ut modò innuimus, huic errori illum adiungis, quòd
ex re certa incertam facis. Tolerabilius sanè ali-
quantò fuisset, si dixisses, Christum dicere voluisse,
cum quis quiddam affirmat, aut negat, si iusiuran-
dum addat, istum in malum aliquod incurrere. Sic
enim ab ipsis verbis latinis non planè recessisses.
Nunc, quando pro Malo Mali periculum etiam sub-
stituis, adeò interpretatione tua a verbis es alienus,
ut ferri non possis, nec ulla prorsus venia dignus er-
ror tuus videatur. Nam, quod pag: 138. ais, videri
græcam vocem interdum discrimina significare, id
est (ut interpretari necesse est) pericula, nemo (arbi-
tror) nisi exempla protuleris, id tibi crediditurus fu-
erit. Sed aliud adhuc turpe erratum, in quo etiam o-
mnino tibi ipsi adversaris, in interpretatione tua de-
prehenditur. Etenim aut nomen Græcū τὸ πονηρὸν
masculini generis esse vis, aut neutri. Si masculini,
quomodo (quæso) id nomen ita accipere potes, ut rem
periculi plenam significet? an nō, quemdam aliquem
ut significet, necesse est? Nonne tu ipse id confiteris,
cum pag: 145. ita scribis? Cùm e cōtrario πονηρὸς
personam referat non rem. Si verò neutri, pri-
mùm tibi adversaris, qui dicas, hunc locum illi esse si-
milem, Libera nos a malo. Nam in eo loco mascu-
lini generis nomen istud facis. Sic enim in explana-
tione

Palæologi
lapsus.

Palæologi
error.

Palæolog:
errat, & si
bi adver-
satur.

tione tua scribis, pag: 174. Et ne nos inducas in
 tentationē. Quod si inducti iam sumus? Libera
 nos à malo. Est igitur tentatio idem quod ma-
 lus, &c. Deinde nullo, ut opinor, exemplo sententia
 tua nititur. Non enim si (verbi gratia) τὸ κακόν,
 τὸ ἀγαθόν, & alia ejusmodi quaedam dicuntur no-
 mine substantivo, aut certè substantivi vim habente,
 id circo τὸ πονηρὸν quoq; eodem modo dictum ali-
 quando fuisse, affirmari potest, præsertim in novo Te-
 stamento, si vox, de qua queritur, ad nomen ὁ πονη-
 ρὸς vim similiter substantivi habens referri possit, ut
 hic certè potest. In testamento enim novo nomen i-
 stud ὁ πονηρὸς substantivè (ut ita dicam) usurpari,
 planum faciunt hæc testimonia Matth: 13. v. 19.
 7 Ioh: 2. v. 13, & 14. & cap: 5. v. 18. ut testimonia alia
 omittam, quæ tametsi, quod ad vocem ipsam atti-
 net, dubia sunt, tamen constat inter omnes, in iis
 quoq; τὸν πονηρὸν, non autem τὸ πονηρὸν nomi-
 nari, & tu ipse de duobus id fateris. De uno modo vi-
 dimus, Matth: 6. 13. Libera nos ἀπο τῶ πονηροῦ.
 De altero supra visum est, Matth: 5. 38. Non resi-
 stere τῷ πονηρῷ. A nomine enim ὁ πονηρὸς ibi
 vocem τῷ πονηρῷ derivari, pag: 145. aperte scribis.
 Est igitur in loco nostro, vel te ipso teste, persona
 mentio, non rei, atq; ἐκ τῶ πονηροῦ esse (quo ipso lo-
 quendi modo utitur etiam Iohannes apostolus) ni-
 hil aliud est, quàm Ex maligno illo ortum ducere,
 hoc est,

hoc est (ut ipse prædicta pagina 145. τὸν πονηρὸν
interpretaris) ex Diabolo. Quare, cum Christus
dicit, quicquid simplici affirmationi, aut negatio-
ni additur, ἐκ τοῦ πονηροῦ sive a Malo, vel potius
ex Malo esse, nihil aliud sibi vult, quàm, iusiuran-
dum in his casibus, quos ipse intelligebat, a diabolo
suggeri, seu diabolico (ut ita dicam) spiritui consen-
taneum esse. Hæc enim propriè in eiusmodi locutio-
nibus vis præpositionis Ex esse solet, ut in illis apud Io-
hannem, cum in evangelica historia, tum in epistolis,
Esse ex Deo, Esse ex Diabolo, sive ex Malo, ut hic.
Quòd si dicas, non aliam ob causam suggeri a dia-
bolo, ut temere iuremus, nisi, ut in periurium inci-
damus, Dico, non hanc solam esse istius rei causam,
ut paullo post explicabimus. Itaq; vides, ex Christi
verbis nullo modo colligi posse, eum, dum iurare ve-
rat, illud unum curasse, ne in periurium quis incide-
ret. Quinimmo ex eius verbis, nisi ea aliquantulum,
tatione duce, exemplisq; sanctorum hominum admo-
niti, atq; eius mentem ex iis, quæ antecedunt, rectè
colligentes, molliamus quodammodo, ac tempere-
mus, omnia prorsus iuramenta, sive a magistratu de-
lata, sive in re alioqui gravissima simul & certissi-
ma adhibenda, interdicta esse, colligi posse constat.
quemadmodum multi, iis, quæ modo diximus, aut
spectis, aut non animadversis, collegerunt. Et sie-
nim, ut dictum est, Christus ab initio ad legem de
iuramentis super futuris, atq; ob id incertis rebus sua
verba

Ioh. 8. 44.

47.

1 Ioh. 4o

12.

3, 12o

verba accommodat, tamen illud, quod deinde addit, preceptum, Sit autem sermo vester Est est, Non non, presentes quoq̄, immo presentes potissimum, id est res, de quibus, sint, aut fuerint, nec ne, iam sciri potest, omnino complectitur. Iam verò, si rationem ipsam spectemus, satis perspicuum esse potest, Christo non hanc solam causam interdicens iuramenta fuisse, ne scilicet in periurium incidatur, sed hanc quoq̄, eamq̄, (ut ego quidem arbitror) potiore, ne vilescat apud nos Dei auctoritas, atq̄, maiestas, neve nobis videatur, tamquam cum sodali quopiam nostro, ita cum ipso Deo nos agere posse, eum testem idemidem appellantes eorum, quæ nobis credi volumus, quantumvis levia sint, nec ullo testimonio digna, nedum tali ac tanto testimonio. Breviter, ne nos aliter, quàm summa cum reverentia, ac tremore quodam, tamquam conditorem, ac dominum nostrum, vitæ, necisq̄, nostræ sempiternæ potestatem habentem, eum vel nominare quidem audeamus. Quæ causâ omnia iuramenta complectitur, sive super rebus futuris, sive super rebus præteritis, sive super certis, sive super incertis, modò res sint leves, & voluntarium iusiurandum. Nam, ut supra diximus, de voluntariis iuramentis Christum loqui, ex eo intelligi potest, quòd verba sua legi de voluntariis iuramentis loquenti, eaq̄, permittenti manifestè opponit. Iuramenta autem de rebus gravibus nec indignis, in quibus Deus testis, & vindex etiam appelletur, & Christo non interdici, & Pauli apostoli in eiusmodi rebus

Rom. 1. 9.

2 Cor. 1. 23.

II. 31.

Phil. 1. 8.

3 Thef. 2.

5. 10.

rebus interdum iurantia exempla docent, & res ipsa monet. cum nulla causa sit, cur tunc Deum veritatis testem, ac mendacii vindicem advocare non liceat, immo, cur aliquando non debeat. Non est enim nobis res semper cum hominibus integerrimis, & verè christianis. Nam & Deus ipse interdum iurat per semetipsum. nempe quia cum hominibus, quorum pleriq; ii non sunt, qui esse deberent, illi res est. Quod si aliter esset, & omnes veri Christi discipuli essemus, non video, quomodo iurando alicui locus esse posset. Animadvertendum est tamen, cum in rebus futuris iusiurandum a nobis adhibetur, id est, cum rem aliquam facturos nos esse, aut non facturos, iuriurando confirmamus, si id iure fieri possit, ita interpretandum esse iusiurandum, ut ad rem presentem referatur. hoc est, intelligendum esse, nos non de futuro eventu, sed neq; etiam de futuro animo, & consilio nostro, sed de eo, quod tunc, cum iuramus, verè in animo habemus, asseverare. Soli enim Deo, qui nec mutari potest, & in cuius manu sunt omnes futuri eventus, de iis, quæ nondum sunt, quæq; ipse facturus, aut non facturus est, asseverare licet. Itaq; ut tandem concludamus, hoc, contra quàm tu putas, inter Mosem, & Christum, quod ad iuramenta pertinet, discrimen est, quod Moses dummodo non peiretur, nusquam per Dei nomen iurare vetat, Christus autem, etiamsi nec ullum periurium committatur, nec ullum periurii sit periculum, ne iuretur, interdicit. Quod tamen ita intelligendum est, si vo-

luntarium futurum sit iusiurandum, & de rebus non adeò gravibus, ut Deus testis veritatis advocari mereatur. Nam & si ipse dixit, Non iurare omnino, tamen vox Omnino, ut supra indicatum fuit, non ita accipienda est, ut omnia prorsus iuramenta, id est de quibuscumq; rebus, sive voluntaria, sive minus comprehendat, sed omne iusiurandi genus in iis rebus, de quibus Christus loquebatur. Quod satis ostendunt sequentia verba, neque per cælum, &c. neque per terram, &c. quæ planè constat ἐπεὶ ἔφη Ἰησοῦν esse eorum, quæ antecedunt. Perinde est enim, ac si dixisset, Non iurare omnino, id est neq; per cælum, &c. neq; per terram, &c.

Ex iis, quæ hucusq; a nobis disputata sunt, liquidò apparere arbitramur, meritò a Racoviensibus tuo de bello scripto obiecta illa tria fuisse. Primum, quòd fictum Christum introducere videretur. Deinde, quòd aliena instituta a Christi institutis, iisq; contraria induceret. Postremò, quòd Mosem cum Christo confunderet, atq; adeò per Mosem, ac Legem Christum, atq; Evangelium aboleret, quidquid tu contra attuleris, quod examinatione, ac responsione dignum videatur.

Et quoniam ad hæc tria capita præcipuas serè omnes adversariorum tuorum reprehensiones revocavimus, easq; ut dictum est, a tuis responsionibus vindicavimus, primæ huius nostræ disputationis partem iam nos satisfacisse existimamus. Si quid tamen ommissum

missum a nobis fuerit, quod, ad hanc partem propriè pertinere, videri possit, id in aliis tribus non incommodè explicabitur. Iam enim nimis hæc pars excrevit, cui etiam propter reliquarum cum ipsa connexionem multa fortasse dedimus, quæ aliis reservanda erant.

RESPONSIONIS

AD IACOBUM PALAEOLOGUM

pro Racoviensibus

PARS SECUNDA.

Sequitur ex ordine, quem ab initio nobis ipsi præscripsimus, ut præcipua quedam explicentur, quæ a te non rectè in Racoviensium scripto præter non pauca, de quibus in superiore responsionis nostræ parte agere quodammodo necesse habuimus, reprehensa fuerunt. Non rectè autem reprehensa ea potissimum appello, quæ a te vel tacitè, vel apertè falso obiecta adversariis tuis fuerint.

Tria in ipso responsionis tuæ initio, paginâ libri tui 83. Racoviensium scripto universè obiici, Primum est, finem id non præstare, quod principium promittit. Alterum, nihil ibi esse, quod sit ex sacris dictis, aut sensibus collectum. Tertium, scriptum eiusmodi esse, ut arte, & lege careat, & propterea incertum sit, quò tendat.

I. *Et si nihil hinc est, quod (si quis presertim ea legerit, que a nobis ante scripta sunt) ulla refutatione indigere videatur, tamen quia non parum graves hee criminationes tue videri possunt, Dico, primam falsam, aut certè vanam esse, ex eo constare, quod principium scripti Racoviensium tres illas, de quibus supra egimus, reprehensiones scripti tui proponit, quas omnes, ut vidimus, ipsi deinde explicant, ac persequuntur. Quod si in his ipsis ad finem usq; non persistunt, sed eorum occasione, antequam scriptum absolvant, de aliis quibusdam agunt, que tamen eodem pertinere videntur, quid (quæso) hoc refert, dummodo id aliquando præstiterint, quod polliciti fuerant? Quamquam non video, quomodo finis ipse optimè initio non respondeat, cum ab illis verbis, Non dubium ergo est istos toto cælo errare, qui nunc obtrudere volunt Ecclesiæ Christi leges Mosis, &c. que sunt pag. 78. usque ad finem ipsam de tribus illis omnibus agatur, que in principio proposita fuerant, ut cuilibet legenti facile apparebit.*

II.
Palæologo
calumniatur.

Secunda porro criminatio tua eiusmodi est, ut mera calumnia merito nominari possit. Neq; enim, cum ais, nihil in Racoviensium scripto esse, quod sit ex sacris aut dictis, aut sensibus collectum, id potissimum tibi vis, quod ab adversario dictum ferri posset, testimonia sacra, que ab ipsis citantur, nec verbis, nec sententiâ eorum dicta confirmare, sed nihil ipsos vel ex verbis, vel ex sententiâ sacrorum scriptorum ad ea, que dicunt, confirmanda afferre curasse. ut de-

clarant

clarant verba illa tua, quæ statim sequuntur, Simplex videtur esse narratio, quæ fit dictata iurato auditorio, non nervosa disputatio, cum dissentientibus animis suscepta. Iam verò, quàm hoc manifestè falsum sit, intelliget, quisquis eorum scriptum legerit. Nam, præterquam quòd ab ipso respondendi, quod faciunt, initio, id est ab illis verbis, Nos verò contrarium, &c. pag: 57. non priùs sacra testimonia proferendi finem faciunt, quàm ea omnia, quæ in totius scripti quasi argumento, & propositione quadam tuo scripto obiecerant, ipsis confirmaverint, in ipsis etiam examinandis, & variis rationibus ad id, quod proposuerant, accommodandis sanè quàm curiosi, ac diligentes sunt. præsertim verò in iis, in quib: maior vis est. nempe in iis, quæ ex Matthæi cap: 5. petita sunt. Atq; hæc tua calumnia ed magis vituperanda est, quòd tu is es, qui frequentissime ex tuo capite vel inauditas sententias fundis, vel sacrorum testimoniorum interpretationes insolentissimas affers, nulla nec auctoritate, nec ratione, nec exemplo allato, ut in superioribus disputationibus iam sæpius visum est, & infra etiam, ut spero, demonstrabitur.

Restat tertium crimen, quòd Racoviensium scriptum sit sine arte, & sine lege, & ob id incertum, quòd tendat. Miror sanè, te istud Racoviensium scripto obicere ausum fuisse. Primùm, quia (ut de lege, seu ratione, & arte, qua in scribendo usi sint Racovienses, nihil dicam. qua tamen non carere eorum scriptum, III.
Palzologi
audacia.

facile ostendi posset) apertissimum est, quod tendat, vel te ipso teste, qui nusquam deinde (quod sciam) in tota responsione tua Racoviensium vel mentem, vel alibi in verbis sententiam in dubiam vocas, sed confidenter, & quid sibi propositum habeant, & quid ubique sentiant, te nosse profiteris, quamvis haud raro opinione tua decipiaris. Id autem vel ex eo patet, quod plerumq^{ue}, dum eorum dicta recitas, ut postea resellas, non ipsorum verba, ut in eorum scripto leguntur, profers, sed ea pro arbitrato auges, minuis, mutas, singis deniq^{ue}, tamquam is scilicet, qui non minus illorum scripti scopum, atque sensus omnes noveris, quam, si tu ipse illud conscripsisses. Quid, quod, tibi contrarius, hic statim subicis hæc verba? Dicitis in principio nos fictum Christum introducere, instituta edere contraria Christi institutis, & alia quæ longo tractu fluunt per aliquot versus. Hæc autem summa disputationis esse videtur (Huc enim tota tendere vestra cognoscitur oratio) capto principio, &c. Vides, te affirmare, quod tota oratio Racoviensium tendat, cognosci. Hoc autem annon id disertè refellat, quod ais, scriptum Racoviensium, quod tendat, incertum esse, tibi ipsi iudicandum relinquo. Deinde miror, te alteri obiicere, quod tuum est proprium. Legi ego multorum scripta, sed numquam (quod recordari possim) in aliquod incidi, quod tam confuse, atq^{ue}, incertè scriptum esset, quam est istud tuum, quo Racoviensibus respondes. Iudicabit de utroq^{ue} cordatus lector. Tot
certè

Palzologo
sibi con-
trarius.

certè loci, in quibus tibi ipsi (saltem in speciem) ad-
versariis, satis ostendere possunt, quàm incerta sit scri-
ptio tua. Nihil autem dico de locutionis, sententia-
rum, argumentationum, responsionum, placitorum
deniq; tuorum explicationis obscuritate, & perple-
xitate quadam, quæ omnia incertissima reddere a-
pta est. Ego sanè (cuicuiusmodi sim) ut iam constare po-
test, sæpius in tuis dictis interpretandis divinare com-
pellor, atq; haud scio, an paucissimi ii sint futuri, quã-
tumvis acuti, qui plerumq;, quid tibi velis, rectè perci-
piant. Sed iam ad alia progrediamur.

Obiicis pag: 85. adversariis tuis, quòd argumen-
ta tua non dissolverint. & addis, Sub finem orati-
onis vestræ dicitis: Ad Palæologi argumenta
postea respondebitur. Sed quando? Cùm tem-
pus annum ad respondendum habueritis?
Non respondent quidem Racovienses expressè, & no-
minatim ad singula argumenta tua, sed ita tamen
responsionem suam temperant, ut ex ea faciliè omnia
dissolvantur, quemadmodum ex iis, quæ ante disse-
ruimus, intelligi potest. Nam, quòd ipsorum verba af-
fers, quibus se ad argumenta tua non respondere ipsi
consiteantur, turpiter ea in re es lapsus, cum in ipso
eorum scripto, quòd unà cum responsione tua editum
est, ea verba minimè legantur. quæ si tamen verè in
eorum scripto tibi tradito extabant, satis hinc con-
iici potest, quàm verum sit id, quod tui libri titulus
disertè profitetur, Racoviensium scriptum ibi habe-
ri, ut est ab ipsius auctore conscriptum, bona fide edi-

IV.

Palæologi
lapsus.

V. Pag: 94. ais, Leonis cognomen datum Christo
 male coniungi (nempe ab adversariis tuis) cum dicto
 Phil: 2. 6. illo, Qui cum in forma Dei esset, &c. aut (inquis)
 Mat: 12. 29 cum illo: cum hostis armatus & fortis, &c. Di-
 cis enim, vel potius dicere vis, Primùm, ista duo dicta
 de eadem re non loqui, cum illud ad gesta ante Chri-
 sti mortem pertineat, hoc verò ad id, quod Christus
 egerit contra principem novi regni post mortem, De-
 inde, cum neutro ipsorum Leonis cognomen Christo
 a scriptura tributum planè convenire, cum Christus
 nec propterea, quæ ante mortem gesserit, nec propter
 ea, quæ contra principem novi regni post mortem e-
 gemit, sit a scriptura leo appellatus, sed respectu civi-
 um malorum, qui noluerant ipsum regnare super se,
 quos ipse ante se occidi iussit.

Sunt hinc Paleologe plurima tua errata. Sed
 hoc loco de iis tantùm agemus, quæ in Racoviensibus
 reprehendendis commisisisti. Neq; enim, ut in superio-
 re responsionis nostræ parte diximus, vel mentem eo-
 rum percepisti, vel verba attendisti, vel deniq; eos re-
 prehendendi ullam causam habuisti. Mentem qui-
 dem nō percepisti. nam illi, cum de Christo, tamquam
 leone, verba fecerunt, nullam rationem habuerunt
 alicuius appellationis, quam ipsa scriptura Christo
 tribueret. Sed tantùm ostendere voluerunt, Chri-
 stum non post mortem solùm, sed etiam ante mortem
 leonem fuisse, & utramq; appellationem, & Agni, &
 Leonis ei simul eodem tempore convenisse, non au-
 tem ex agno, qui ante mortem esset, leonem post fa-
 ctum

etum fuisse, ut ex verbis tuis aperte colligebatur. Vbi
 etiam illud est observandum, quod tu ipse, cum pri-
 mum hac de re locutus es, nullam appellationis alicuius,
 quam sacrae litterae Christo tribuant, sed rei ipsi-
 us tantummodo rationem habes. ut ex iis patet, quae
 pag: 8. leguntur. Verba porro eorum non attendisti.
 In quibus nulla appellationis alicuius Christo in sa-
 cris litteris attributa sit mentio, sed simpliciter dici-
 tur, Christum agnum illum ab ipsis leonem agnoscere,
 & leonem eum apparuisse, quemadmodum extrema
 pag: 58, & pag: 59. videre licet. Nullam postremo
 causam eos reprehendendi habuisti, cum interpre-
 tatio illa tua eius appellationis, quam scriptura Chri-
 sto tribuit, cum eum leonem appellat, nullo pacto su-
 stineri possit. Quandoquidem in eo Apocalypsis loco, Apoc: 5: 5.
 in quo uno aperte Christus leo nominatur, & quem
 unum ipse affers, nulla prorsus sit mentio eius victo-
 rie, quam obtinuerit contra cives illos malos, qui no-
 luerant ipsum regnare super se, immo apparet, de a-
 lia victoria ibi verba fieri. de ea, inquam, victoria,
 quam Christus, sanguinem suam fundendo, adversus
 mortem, & Satanam & sibi, & nobis peperit. quem-
 admodum superioris partis cap: 2. demonstratum fu-
 it. Atque hac ratione, quia scilicet Satanam, & mor-
 tem devicerit, adversarii tui, eum leonem apparuis-
 se, affirmaverant. quamquam, & leonem quoque in eo
 agnoscere eum debere, dixerant, quod tantam virtutis
 divinae vim exeruisset, ut ipsa quoque inanima, dum
 hic esset, eius imperio cedere coacta fuissent. hucque
 locum

locum illum, Qui, cum in forma Dei esset, &c. nō obscure accommodaverant. Sed de altero loco illo, Cum fortis armatus, &c. ne verbum quidem in eorum scripto habetur, & si eum quoq; ad hoc idem referre potuissent. Lapsus es igitur haud leviter, cum in responsione tua ita locutus es, ac si ipsi eum locum huc accommodassent. Sed multò gravius in ipsius loci explicatione es lapsus, quemadmodum alibi plannum faciemus.

Luc. 11. 21.

Paleologi
lapsus.

VI.

Sequitur multiplex tua illa reprehensio, quam in ipso pag. 98. initio explicare instituis. Quoniam enim adversarii tui affirmaverant, Christum tūc demum ulturum esse hostes suos, cum eos in aeternum ignem ablegabit, non autem hoc gratie, & mediationis tempore, 1. Primūm ais, si Christus postremò illo tempore sine culpa transgressarum a se latarum legum ulcisci suas, & suorum iniurias poterit, certè non ampliùs privatum illum esse, sed magistratum. Quòd si magistratus est, nunc etiam licet ei omnium iniurias ulcisci, non solūm aliorum, sed etiam suas sibi illatas olim, cum privatus esset.

Paleologo
pessimè ar
gumenta-
tur.

Sed ubi est, Paleologe, acumen tuum? Quis te in argumentando terminos (quos vocant) ita, ut facis, mutare docuit, & ex quatuor terminis (quod aiunt) syllogismum constituere? Sic enim re ipsa argumentaris, Quicumq; potest iure suas, & suorum iniurias per se ulcisci, is magistratus est. Christus poterit iure suas, & suorum iniurias ulcisci. Ergo Christus est magistratus. An non vides, te pro Potest presentis temporis,

poris, quod in propositione est, in assumptione poterit, quod futuri est temporis, reponere? Neque enim arbitror, te vel pro incuria, vel inusitata quadam sermonis figura, cum ea verba scripsisti, certè non amplius privatus est, Est pro Erit scripsisse. Nam nihil prorsus ad rem facit, quòd extremo illo tempore Christus magistratus futurus sit, cum iam ipsi adversarii tui velint, tunc a Christo de hostibus suis dignas poenas sumptum iri. Nec verò hæc eò a me dicuntur, quia, Christum nunc magistratum esse, negare velim (quod maximè affirmo, atque, ut mox apparebit, etiam contendo) sed ut argumentationis tuæ summum vitium ostendam. Præterea, quomodo ex Racoviensium verbis colligis, Christum nunc iurè hostes suos ulcisci non posse, cum ipsi manifestè non de eo, quod Christus facere iurè possit, sed de eo, quod faciat, & facturus sit, loquantur? Numquid nemo non facit id, quod iurè potest? Atqui certum est, Deum ipsum multa non facere, quæ tamen iurè facere potest. & vobis, nisi id ita esset. Nemo nostrum sempiternis gravibus poenis ab ipso non afficeretur, aut certè ab æterna salute excluderetur.

2. Quare quod deinde addis, Decipitur autem scriptor dum sub postremum tempus rejicit hanc aditi a Christo magistratus facultatem & ulciscendi hostes de iniuriis illatis, sine vitio, potestatem, cum Christus aliter & Apostoli statuant, &c. hoc, inquam, per se nihil planè est, cum scriptor non neget. Christum iam adiiisse, hoc est acce-

est accepisse magistratum, iamq̄ hostes suos ulcisci iure posse, Sed nondum id fieri ab ipso dicat. Verum, quia testimonia, quæ deinde profers, ut probes, Christum iam magistratum adiisse, iamq̄ hostes de iniuriis illatis sine vitio ulciscendi potestatem adeptum fuisse, eiusmodi sunt, quæ id etiam iam ab eo factum esse, probare videantur, Animadvertendum est, cum scriptor iste in postremum illud tempus Christi de suis hostibus ultionem reiicit, eum de omnium hostium ultione loqui, deq̄ ea ultione, cuius simul atq̄ indicia apparuerint, nullus amplius pœnitentiæ locus, nulla veniæ spes erit. De hac enim ultione hîc queritur, quæ scilicet omnem clementiam, & lenitatem, aut certè omnem (ut ita dicam) conniventiam excludat. Itaq̄, cum Christus ante illum extremum diem, tametsi nonnullos ex suis hostibus ulciscitur, tamen clementem se, veniam resipiscentibus offerendo, & lenem, ultionem differendo, præbeat, & præterea adeò conniveat, ut plerosq̄ ex suis perpetuis hostibus non ulciscatur, apparet eum, quamvis magistratus iam factus fuerit, tamen placidam & mitem naturam suam non deposuisse. & porrò certum esse debet, ex Christi factis, & persona pro hoc tempore nullum argumentum duci posse ad eam sententiam confirmandam, quòd hominibus christianis suos hostes, belligerando, interficere liceat, immo contrarium potius inde colligendum esse. Huc enim tota hæc disputatio referenda est. Rectè igitur Racovenses, qui nondum Christi ultionis tempus veniße affirmant,

mant, sed in postremum diem illam reiciunt. Nam
 (ut inquit Petrus) Dominus inter impatienter agit ^{2 Pet: 3. 9.}
 erga nos, nolens quemquam perire, sed omnes ad
 penitentiam venire. Hac Dominus gloria facit, &
 nos scilicet vilissimi homunciones omnes hostes no-
 stros, nisi statim respiscant, perdere nobis licere vo-
 lumus, idq; exemplo etiam ipsius Domini confirmare
 nos non pudet. Quamquam vereor (quidquid de
 Christo, quod magistratus sit, a te affirmetur) te post
 excidiū Hierosolymitanū Christo magistratum non
 concedere, nisi futurum tunc, cum hostes suos, qui in-
 tra ipsa castra Christianorum sunt, ulciscetur, quem-
 admodum olim eos, qui extra castra erant, ultus est.
 ut ea indicare videntur, que scripta a te leguntur
 pag. 99. Vbi inter excidium Hierosolymitanum, &
 postrema tempora Christum in hostibus suis ulciscen-
 dis otiosum planè statuere videris. Quòd si ita sentis,
 erras vehementer, & in eum ipsum errorem incidis,
 quem adversariis obiicis. Nam tu verè is es, qui non
 animadvertis, etiam ante postrema illa tempora,
 Christum ulciscendorum hostium suorum potestatem
 adeptum fuisse, que non quadraginta illis tantum
 annis duravit, qui eius resurrectionem sunt consecu-
 ti, nec finem tunc habuit, cum ultus est malos illos
 cives, Iudæos scilicet, qui noluerunt, ut regnaret su-
 per ipsos, sed ad consummationem usq; sæculi perpe-
 tuò duravit, & duratura est, quamvis extremis tem-
 poribus potissimum patefieri debeat.

3. Sed postremò ad finem prædictæ pag. 99. ri-
 des.

des quodammodo id, quod ex Racoviensium verbis aperte colligitur, tempus gratie, & mediationis (quã vocant) Iesu Christi usq; ad postrema illa tempora duraturum. Vis enim, manifestum esse, tempus istud, ante postrema etiam tempora, finem habuisse. nempe, ut satis ex antecedentibus tuis verbis constat, ante ipsum Hierosolymæ excidium, & Iudaicæ gentis dissipationem. Existimas autem, Racovienses ideo Christum etiamnum mediatorem esse dicere, quia

1. Ioh. 2. 1.

παράκλητος noster apud Patrem appelletur, putasq; eos omnino Paracletum pro Mediatore sumere. Et quamquam tu nec satis te explicas, nec aliquid eorum, quæ hoc loco dicis, probas, quippe de quibus alio tempore te dicturum ais, tamen ad hæc aliquid dicam, quantum scilicet satis esse putavero ad Racovienses a tua reprehensione defendendos.

2. The. 1. 8.

Dico igitur, gratie tempus post Christum exhibitum ad ea usq; tempora duraturum, cum Christus veniet pœnas sumpturus de iis, qui Evangelio non obediunt, nec amplius pœnitentiæ ad veniam peccatorum consequendam locus erit. Interim enim omnibus pœnitentiæ agentibus, quantumvis antea impiis ac scelerosis, peccatorum remissio conceditur, præsertim verò iis, qui prius Iesu Christi cognitionem non habuerint. Et hæc est Iesu Christi gratia illa, quam Racovienses intelligunt. nec immerito. Christus enim ipse fuit, qui dixit, oportuisse, ut Christus pateretur, & prædicaretur in nomine eius pœnitentiæ, & remissio peccatorum per omnes gentes, facta

Luc: 24.

46.

initio

initio ab Hierosolymis. & Paulus ait, extitisse gratiam Dei salutarem omnibus hominibus erudientem nos, ut sobriè, iuste, ac piè vivamus in præsente seculo, expectantes beatam illam spem, & adventum Iesu Christi. per quem scilicet ea gratia extitit, quiq; tandem re implebit, quod Dei patris sui nomine promisit. Hoc Christi gratiæ tempus, mediationis quoq; eiusdem Christi tempus ideo (ut puto) Racovienses appellarunt, quia scriptura testatur, eum etiamnum in calis a Dei dextris sedentem interpellare pro nobis, & servare posse ad plenum eos, qui per ipsum accedunt ad Deum, semperq; vivere, ut pro iis interpellat. Ex quibus aperte constat, Christum tamquam medium inter nos, & Deum tantisper futurum, donec ad Deum accessus patuerit, & nos id, quod a Deo petimus, & expectamus, id est nostri corporis (ut Paulus loquitur) redemptionem obtineamus, qua peccatorum nostrorum plena remissio continetur. Vnde perspicuum est, totum hoc tempus Christi mediatio- nis tempus rectè nominari posse, quidquid τὸ πᾶρα- κλητικόν nomen Christo post resurrectionem tributum significet. quò, vehementer errans, putabas omnino adversarios tuos respexisse. quasi verò aliunde de ista Christi mediatione, quæ ad postremum usq; tempus durata sit, non multò clariùs appareret. Quæ cum in se habeant, quid Racoviensium sententiæ obesse potest, quòd, alia quadam ratione Christi gratiæ, & mediatio- nis tempus finem multò ante habuisse, dici possit? Scimus & nos sacrè litteris edocti (nec Raco-

Tic: 2. 11.

Rom. 8. 34.

Heb: 7. 25.

Rom: 8. 23.

Palæologi
error.

vienes negant) alterum istum Christi adventum, alterumq; iudicium, quod urbe Hierosolyma excindenda, Iudaicâq; natione dissipanda, tot seculis ante factum est, ex quo, Christi gratia, & mediationis tempus ex parte quodammodo cessasse, dici potest. Verum hoc non impedit, quominus, quemadmodum verus eius adventus, verumq; iudicium adhuc expectandum est, sic etiam adhuc vera gratia, ac mediationis ipsius tempus perpetuò duret.

4. Ex ante dictis intelligi posse arbitramur, quâ-
Palæologi **to in errore verseris, qui putes, distinctionem illam**
error. **tuam appellationum Agni, & Leonis Christo tribu-**
tarum, diversarumq; ante mortem, & post mortem
Christi actionum, tamquam ex scripturis sacris de-
promptam, ab ipsis tuis adversariis agnosci, & com-
probari, cum dicunt, nunc quidem gratia, & media-
tionis Christi tempus esse, sed ipsum aliquando cessa-
rum, & tandem futurum, ut Christus hostes suos
ulciscatur. Nam nihil hoc cum tua illa distinctione
commune habet, qua fit, ut Christus ex placido & mi-
ti, qui ante mortem erat, rigidus planè ac severus, si-
mulatq; resurrexit, factus fuerit, & statim suorum
hostium ultor, is, qui eis bene facere, proq; eis orare
solebat. Immo, diversum prorsus eos sentire, istud de-
monstrat, cum, non ante postrema tempora placidum
ac mitem animum a Christo depositum iri, velint,
nec ante verè, ac plenè de hostibus suis dignas pœnas
eum esse sumpturum. Numquam negarunt adversa-
rii tui, Christum in quibusdam diversum quodam-
modo

modo a seipso pro temporum, & conditionis suae ratione & fuisse, & futurum esse, sed non in iis, neque eo tempore, quo tu affirmas. Nam, sicut diversitatem, quam ipsi consentientur, ex sacris litteris haustam esse videt, ita, quam tu & asseris, & urges, minimè ex sanctis scripturis depromptam esse agnoscunt.

1. Dixerant adversarii tui, Christum nusquam vocare beatos persecutores, homicidas, immites, impacificos. Tu hoc dictum ita accipis, ac si ex eo ab adversariis tacite concluderetur, non licere magistratum esse, praesertim qui gladium gestet, & homines aliqua ratione occidat, ut pag. 213, & 214. patet. ubi multum laboras, ut conclusionem istam futilem esse doceas. Atqui frustra planè hoc loco tantum laborem sumis, cum nihil aliud ex eo dicto concludere velint Racovienses, nisi, non licere homini christiano bellum gerere, suasve iniurias ulcisci, sive id iubente magistratu, aut per ipsum magistratum faciat, sive minus. Nam de privatis hominibus inter vos potissimum disputatur. quos tu, licet christianos, tamen magistratus auctoritate in bello hostes occidere, & acceptarum iniuriarum vindictam iure persequi posse affirmas, illi negant. Nec verò ex eo, quod magistratus ipse ista faciendi ius habeat, sequitur, privato homini, magistratus auctoritate interveniente, eadem licere. qua de re satis disputatum est a nobis superioris partis cap. 2.

2. Verum non contentus, ex Racoviensium dicto id collegisse, quod colligi non debet, eos postmodum

Palæologi
calumnia-
tur.

id ipsum ferè disertis verbis dicentes facis. pag: enim 217. sic ais, Nusquam, inquit, (auctor scilicet scripti illorum) hoc in capite (Matthæi videlicet quinto) Magistratus gestans gladium, beatus dicitur. Nam ubi quæso verba illa in Racoviensium scripto legis? Siccine calumniari placet, & innocentes homines in invidiam vocare? Dices, multò peiora de magistratu gladium gestante ab ipsis apertè affirmari. Respondeo primùm, satis esse, ut calumniari merito dici possis, falsum esse, in eorum scripto verba ista extare. Deinde, quid alibi, cum de magistratu gladium gerente loquuntur, sibi velint, te minimè intelligere affirmo, ut suo loco planum facere conabor.

II X.
Palæologi
calumnia.

Sed adhuc gravi calumnia miseros premis, cum ad finem pag: 216. ad hunc modum scribis, Sub lege, inquit, beati erant immisericordes, immites, impacifici. Vbi animadvertendum est, præter verbum inquit, ea scilicet omnia, quæ Racoviensium scriptorem dicentem facis, alio illo litterarum characterè notata esse, qui, ipsa aliena verba te recitare, indicet. Nusquam enim verba ista in ipsorum scripto leguntur, sed ne sententia quidem. Quid igitur attinet, statim, ut facis, subiicere, Atqui hoc est consulto insanire. Vbinam in Lege Mosis hoc est scriptum? Quod cum satis esse non videretur, adscriptum est in margine, Calumnia manifesta in Dei legem. Itaq; calumniari, quod tuum hac in re est proprium, eadem ipsa in re iis, quos calumniaris, attributum videmus. Quod quid sit, piis, & cordatis hominibus iudicandum relinquo.

Obiicis adversariorum scriptori, quod omnino non intelligat dictum illud Pauli, Lex pædagogus noster fuit ad Christum, , lectoremq, ad scholia tua in epistolam ad Galatas reiicis. quasi verò scholia ista tua omnium iam manibus terantur. Expectandum autem videretur, donec ea in lucem saltem prodirent, nec antea tibi respondendum. Verumtamen illud interea affirmare ausim, Racoviensium scriptorem, non omnino locum illum non intelligere, quin rectè planè in eo sentire, quod ex eo probari existimat, ex Christi disciplina vitæ nostræ institutionem nostram petendam esse, non autem ex lege Moysis, non quidem quia hæc cum illa pugnet, sed, quia Christi disciplina multò perfectior est, quàm lex Moysis, & nos Christi discipuli sumus. Sciendum est enim, Paulum, ubicumq, fidem Christi Legi opponit, fidei Christi appellatione Christi præceptorum obedientiam comprehendere, cum nemo Christo confidere dici possit, nisi ea faciat, quæ ipse præcepit. Fiduciam enim, seu confidentiam fides ista omnino declarat, ut locutiones illæ, Fides in Christum, Credere in Christum præter alia multa, multoq, certiora argumenta, quæ hoc loco explicare non est necesse, satis aperè docent. Quinetiam, quamvis Christi fides nihil aliud esset, quàm Credere, Iesum esse Christum, ut tu sine dubio arbitraris, tamen hæc ipsa fides Christi præceptorum obedientiam complecteretur. Nemo enim fuerit, qui credat, Iesum esse Christum, id est regem æternum a Deo humano generi datum, quo du-

ce, & adiutore possimus & Satanam, & mortem ipsam vincere, ac superare, eternamq; vitam, & felicitatem consequi, quin ipsi obtemperet, eiusq; mandata sedulo exequatur. Cum igitur ait Paulus, Legem pedagogum nostrum fuisse ad Christum (non autem in Christo, ut tu veterem interpretem secutus locum recitas) atq; Christi nomine, ut ex antecedentibus, & subsequentibus manifestum est, Christi fidem intelligat, nihil aliud sibi vult, quam, Christi disciplinam publicatam, Mosis legem amplius nobis spectandam non esse, tamquam eam, unde adhuc institutio nostra petenda sit. Iphis enim pedagogi institutis tamdiu puer tenetur, quamdiu eo peruentum non est, quod pedagogi institutio perducere debet. Sed postquam eo peruentum fuerit, is sub pedagogi disciplina non est amplius, sed perfectiorem vitæ rationem et atiq; suæ convenientiorem instituere debet, quamvis pleraq; eorum, quæ a pedagogo didicerat, nec puerilis ætatis sunt propria, adhuc illi servanda sint. quæ etiam multo facilius, & absolutius, quam antea, servare potest. Quocirca non est, cur quis miretur, sub Christi disciplina, quamvis ea Mosis legi successerit, multa servanda esse, quæ in lege Mosis præcipiebantur, immo ea omnia, quæ eius temporis, & puerilis adhuc Dei populi ætatis propria non erant, & simul facilius multo, atq; absolutius, quam sub ipsa Mosis lege fieret, præstari posse. Unde factum est, ut Paulus, per fidem (nempe Christi) legem (moralem videlicet Mosis) non modo non tolli, sed stabiliri dixerit.

Rom: 3. 31.

Reprehendus

Reprehendis pag: 223. eundem scriptorem, quòd dixerit, Christum charitatem, & patientiam docere, Mosem verò impatientiam, & odium, blasphemiamque in leges Dei per Mosem latas ipsum insimulas. Atqui haud paullo aliter loquitur ipse scriptor. Ait enim, Christum multò perfectiorem charitatem, & patientiam docuisse, quàm Mosem, sub quo impatientie, & odio locus fuit, ut pag: 61. cuilibet legenti constare poterit. Sed demus tibi, Docere idem esse, quòd Permittere, quemadmodum postmodum loqueris (quàmquam ne sic quidem scriptoris sententiam exprimis). & quid pro reprehensionis tue ratione afferas, consideremus. Negas igitur, Mosem impatientiam, odiumque, permittere, quia certum sit, eum a privatis requirere observationem legis divine ex toto corde, ex tota anima, ex omnibus viribus erga Deum, & homines. & addis, Cum autem omneditur, nihil relinquitur non inclusum, ubi est igitur ista perfectio charitatis, quam prætermisit Moyses & addidit Iesus Christus? Cum ille dicat, ex toto corde, anima, viribus, fortitudine amandum Deum & proximum.

In hac tua ratiocinatione non uno modo graviter erras. Primum enim in eo fœdè laberis, quòd ais, Mosem dixisse, proximum amandum esse ex toto corde, anima, viribus, fortitudine. Nam id Moyses nusquam dixit. qui nihil ampliùs præcepit, quàm ut quisque proximum, ut seipsum, amaret. quòd quid significet, & quomodo perfectam charitatem minimè

Palzologi
lapius.

Palæologi
error.

Palæologus
fallitur.

declaret, alibi iam ostendimus. idq̄ ex eo etiam intelligi potest, quod ad perfectam charitatem. & qualis ea est, quam Christus præcepit, non satis est proximum, sicut seipsum, amare, sed etiam plus, quam seipsum, amare eum oportet. animas enim nostras pro fratribus ponere debemus, 1. Iob: 3. 17. Deinde non intelligis, quid sit Amare ex toto corde, anima, &c. Credis enim hoc idem esse, atq̄ Ita amare, ut plus amari non possit, cum tamen certum sit, idem locutionibus illis significari, ac si diceretur Amare ex animo, in idq̄ totis viribus incumbere. ut & verba ipsa præ se ferunt, & exempla non pauca aperte docent. Præterea non animadvertis, vim huius disputationis in eo esse, utrum eadem mandaverit Deus per Mosem, quæ per Christum mandavit, non autem, utrum ita perfecte Mosi mandata servanda essent, ut servanda sunt mandata Christi. Hoc dico, quia ex argumentatione tua nihil aliud concludi potest, nisi legem, quam Deus per Mosem dederat, perfectissime servandam fuisse. ut ipsa tua verba demonstrant, cum ais, Mosem a privatis requirere observationem legis divine ex toto corde, ex tota anima &c. Quare, cum adversarii tui dicant, in lege divina per Mosem lata non eam charitatem, & patientiam præceptam fuisse, quam postea Christus præcepit, hoc tantum ex argumentatione tua efficietur, istam minorem charitatem, atq̄ patientiam, quam lex Mosi præcipiebat, non minus perfecte servandam fuisse, quam maiorem illam a Christo præceptam. id quod adversarii tibi

ribi facile concedent. Sed, ut vides, hoc nihil ad rem facit, nec aliquid agis, nisi probes, idem prorsus in lege Mosis, quod ad charitatem ipsam, & patientiam attinet, mandatum fuisse, quod a Christo mandatum fuit. Hoc verò numquam, ne in speciem quidem, facere poteris. Namq̄, ut dictum est, nec, charitatem illam erga proximum ex toto corde, &c. in Mosis lege mandatum fuisse, apparet (hic verò de charitate erga proximum agitur) nec charitas erga Deum, quantumvis perfecta, quæ mādāta fuisset, aliud prætereā complecti poterat, quàm eorum, quæ Deus præceperat, planè diligentem absolutamq̄, conservati-
onem.

Afferitur in Racoviensium scripto, ut supra visum fuit, sub Evangelio non licere ob leves causas uxorem dimittere, immo ne ob graves quidem, nisi propter adulterium, cum tamen aliter sub lege esset. Ad quod probandum Pauli præceptum afferunt, ex quo, ne propter ipsam quidem religionis diversitatē uxorem dimittere licere, constat, cum tamen sub Legge ob diversam religionem uxoris repudium esset. Hic tu & indiligentiæ, & imperitiæ scripti auctorem damnas, ut ex iis constat, quæ pag: 226, & 227. scribis. & ais, ideo sub Evangelio disparia propter religionem coniugia non dirimi, quia iam præputiæ gentes, si credant, Iesum esse Christum, Deū habent, & cum Israelis republica numerantur. Quare, si contigerit, unum ex duobus coniugatis non circumcisis credere, Iesum esse Christum, etiamsi alter non cre-
dat,

XL

dat, non tamen is, qui credit, non est ex populo Dei. Sed quid hoc ad rem facit? Nonne coniugatus iste ex populo Dei esse posset, & tamen matrimonium istud amplius non consistere, aut saltem ipse, si vivit, uxorem dimittendi potestatem habere? Hinc patet, nihil esse, quod postmodum addis, nusquam legi, ante natum Iesum Christum, si quis non naturā Iudæus per circumcisionem Iudæus factus esset, coactum fuisse uxorem, quæ Iudæa fieri nollet, deserere. Nam & satis est ad Racoviensium rationem concludendam, eum illam deserere potuisse, nec ipsi sanè urgent, sub Lege disparia ob religionem coniugia omnino dirimenda fuisse. sed tu id ipsis more tuo affingis. Sic enim se habent ipsorum verba pagina 67, Paulus etiam infideles ferre iubet, si consentiant cohabitare, quod sub lege non fuit, ubi divortium ob leves causas fuit, & ob diversam religionem repudium, non autem (ut tu ex tuo capite in sexta, quam facis eorum obiectione pag. 225. ea formare voluisti) Paulus non iudicat dividenda matrimonia inter fidelem & infidelem inita, quæ Moses iussit dividi & Esdras est executus. Itaq; probandum tibi fuerat, ne sub Lege quidem ei, qui per circumcisionem Iudæus factus esset, uxorem, quæ Iudæa fieri nollet, si ea cum ipso habitare consensisset, dimittere licuisse, aut certe, ut adversarii contrarium probarent, postulandum. Quod tamen non rectè omnino postulasses, cum ipsi satis habeant, ostendisse, sub Evangelio, etiam ob gravissi-

Palzolog
Racovien
sib; quid-
dam affin-
git.

gravissimam causam diversitatis religionis, uxorem dimittere non licere. etenim pro concesso quodammodo sumunt, sub Lege ob leves causas id facere licuisse. Est autem id vehementer ridendum, quod non solum credis, Racovienses hanc differentiam inter Legem, & Evangelium statuere, quod sub Lege Iudæo homini alienigenam sibi iunctum in matrimonio habere non liceret, sub Evangelio autem liceat, sed etiam, id verum esse, concedis, & rationem affers, quare id ita sit. cum tamen nec Racovienses id dicant, nec id verum videri possit. Quandoquidem etiã sub Lege Iudæus homo alienigenæ per matrimonium iungi poterat, modo alienigena Iehovam Deum agnosceret, & Moysi legi se subiceret. Ita sub Evangelio potest Iudæus homo alienigenæ in matrimonium copulari, modo alienigena credat, Iesum esse Christum, & sese Christi discipline addicat. atq; hac in parte idem sub Evangelio præstat Christi fides, quod sub Lege circumcisio, & alia quibus Iudæici nominis professio continebatur. Ceterum, quod rationem affers, cur inter Iudæum, & non Iudæum divulsiones matrimoniorum fierent sub Lege, non autem inter fidelem, & infidelem sub Evangelio, quia scilicet nullum periculum erat, ne infidelis infidelem ad cultum alienorum deorum traheret, quemadmodum erat, ne Iudæus a non Iudæo traheretur, id a te non solum, quod ad rationem attinet, contra omnem rationem, omnemq; experientiam dicitur, ut alibi ostendemus, sed dictum ipsum aut planè falsum

Palæologi
error duplex, isq; ridiculus.

sum est, aut nihil ad rem facit. Nam, si Iudæi nomine naturâ Iudæum intelligis, falsum est, inter naturâ Iudæum, & non naturâ Iudæum matrimonium consistere non potuisse, modò non naturâ Iudæus, postea Iudæus esset factus, ut paullo ante dictum est. Sin autem Iudæi nomine non naturâ Iudæum, sed quocumq; modo Iudæum intelligis, id etiam (ut tibi ipsi placet) non erat perpetuum, sed tunc deum verum erat, si ab initio contracti matrimonii iam diversitas ista religionis in utroq; fuisset. Nam, si ea supervenisset, non concedis, eo casu matrimonium omnino dirimi debuisse. Quòd si dicas, te eum casum tantummodo intellexisse, cum ab ipso initio unus Iudæus est, alter verò minimè, & ita esse perseverant, Primùm nullam hic differentiam inter Legem, & Evangelium ostendere poteris, numquam enim probabis, matrimonium inter fidelem, & infidelem ab initio contractum, si in eodem statu religionis permaneant, dirimi non debere. Deinde, etiamsi id probares, hoc nihil ad rem faceret, cum Pauli præceptum, ex quo adversarii tui differentiam inter Legem, & Evangelium colligunt, non ad istum casum, sed ad eum pertineat, cum ex duobus infidelibus ab initio in matrimonio coniunctis unus fidelis sit, altero infideli permanente. ut tu ipse, cum postremò urges, nusquam legi, matrimonium ab initio inter duos non Iudæos contractum, si alter eorum Iudæus factus esset, omnino dissolvi debuisse, non confiteris modò, verùm etiam satè aperte contendis.

— Obiicit

Obiicis non obscure adversariis tuis, quod ne-
 gent licere, magistratu iubente, iuramentum præ-
 stare. quæ, ut statim videbimus, calumnia censenda
 est. Verùm, antequam id ita se habere ostendam, ne
 ego ipse calumniari videar, iudicandi sunt loci, ex
 quibus perspicuum est, te id, quod dixi, adversariis
 obiicere. Primum enim pag. 227, formata septima,
 quam ipse statuis, adversariorum obiectione, his ver-
 bis, iuramenta permisit lex Mosis, Christus
 non permittit, in responsione deinde, cum osten-
 dere velles, quæ iuramenta Christus vetet, ea verba
 inter alia scribis, Illa enim quæ deferente Magi-
 stratu iuramenta fiebant, & de præteritis re-
 bus & ad formam conceptam à Magistratu,
 non ad arbitrium eorum qui iurabant propri-
 um, iurabantur. Ex quibus apertum est, te id quæ-
 rere, ut probes, iuramenta a magistratu delata a
 Christo interdicta non fuisse. Atqui nihil ea re opus
 esset, nisi planè statueres, adversarios velle, ista quo-
 quæ ab ipso interdicta fuisse. immo nisi, cum dicunt,
 Christum iuramenta non permittere, ea iuramenta
 potissimum eos intellexisse velles. At deinde id aper-
 tius docet conclusio illa tua pag. 229. Sicut autem
 falsum est Iesum Christum negare, ne coram
 magistratu, ipso iubente iuremus verita-
 tem quam novimus, ita verum est, &c. Nam
 quid aliud significant verba illa, falsum est, quàm
 adversarios tuos ita sentire, sed falsos in eo esse?
 Præterea, si quis ea legerit, quæ scribis hac de re pag.

Palæologo
calumniat-
tur.

141. ubi multum laboris, ut probes, licere magistratui iuramenta deferre, eiq; parendum esse, si iubet, ut iuretur, nihil dubitavit, quin id potissimum agas. ut contrariam, quam esse putes, adversariorum sententiam resellas. Verum, ex quibus ipsorum verbis eam collegisti? Numquid ex illis, quae scripta sunt pag. 62? Sic omnia iuramenta Christus ipse suis vetat, ne omnino iurent, & alius, quae in eadem sententia paullo post repetuntur? Atqui, cum ipsi universè loquantur, nec aliis ferè verbis, quam in ipsis, quae Christus dixit, utantur, debent quoq; eorum verba universè, & generatim accipi, nec aliter intelligi, atq; Christi verba intelligantur. ex quibus, etiamsi de privatis tantum iuramentis eum agere concedamus, tamen magnum inter ipsum, & Mosem ea in re discrimen apparet, ut alibi supra a nobis ostensum fuit. idq; Racoviensibus satis est. Numquid ex illis, quae ibidem dicunt, Finem omnis controversiae sub Lege inter Israelitas iuramentum fuisse, ex quibus apparere fortasse quis dixerit, eos velle dicere, hoc sub Evangelio non amplius esse? Non certè. Quid enim, etiamsi id verum esset? Certè sententia illa ex epistola ad Heb. desumpta non ad controversias tantum refertur, quae coram magistratu inter privatos sunt, sed ad omnes alias privatas controversias, in quibus quiescit altera pars, si altera id, quod affirmat, aut negat, iureiurando interposito confirmet. Quin locus ipse eius epistolae indicat, de planè voluntariis iuramentis praecipue sententiam illam accipi debere,

Heb: 6: 16.

debere, non autem ab alio delatis. De Dei enim ipsius iureiurando ibi agitur, quo se Abrahamum multiplicaturum, & felicitaturum confirmavit. cuius rei occasione dicitur, hominibus omnis controversiæ finem ad rei confirmationem iusiurandū esse. Quamobrem, quamvis concedatur, Racovienses voluisse dicere, sub Evangelio sententiam istam non ampliùs locum habere, non tamen iuramenta, quæ magistratus deferat, tollentur. Satis enim, superq̄ verum erit, non ampliùs omnis controversiæ finem iusiurandum esse, si omnia voluntaria iuramenta, quæ in privatis controversiis adhiberi solent, interdicta esse statuatur.

Sed iam video, ex quibus adversariorum verbis id collegisse, dicturus sis, quod ego illis a te falsò obici, affrmo. Nempe ex illis eādē pag. 62. Et sanè iuramentorum forensium nullus usus esse poterit, cum & ipsa iudicia, seu lites iudiciales piis interdictæ sint, ut, &c. Sic enim puto legendum esse, non autem, interdicta, ut, &c. quemadmodum editum est. Hic primùm dico, hæc verba ita interpretanda esse, ac si dictum fuisset, Et sanè ipsorum etiam forensium iuramentorum, &c. Nihil enim aliud dicere voluisse Racovienses videntur, quam, etiamsi universali Christi, & Iacobi mandato forensia iuramenta non tollantur, quippe cum Christus, ad cuius sententiam Iacobi verba sunt accommodanda, de privatis iuramentis prorsus agere videatur, tamen nihilominus ipsis etiam forensibus

iuramentis

iuramentis nullum locum futurum, cum lites piis ho-
minibus hodie sint interdictæ. Sed fac deinde, ad-
versarios tuos sensisse, omnia forensia iuramenta a
Christo interdicta fuisse. Dico, forensium iuramen-
torum appellatione eos nequaquam ea iuramenta
intellexisse, de quibus hoc loco agimus. Agimus enim
de iis iuramentis, quæ magistratus ad veritatem de-
prehendendam iurari ipse iubet. At forensia ista iu-
ramenta ea sunt, quæ planè cessant, si quis a litigan-
do abstineat. Sic enim ipsorum Racoviensium verba
demonstrant. In litibus porrò nullum fortassis iusiur-
randum omnino iurari magistratus ipse iubet. Alte-
rutra enim parte petente, aut certè in alterutrius
partis commodum iuramenta deferuntur. Quocir-
ca sine ulla vel magistratus, vel veritatis ipsius iniu-
ria pars, cuius interest, ut iuretur, curare, ne iure-
tur, potest. unusquisq; enim beneficio, iuriqu; suo re-
nunciandi potestatem habet. Sed longè aliud est, cum
magistratus ipse sua sponte, & ex officio (ut dicitur)
iubet, ut iuramentum præstetur, quemadmodum in
criminibus evenire solet, quo casu non sine ipsius ma-
gistratus, atq; adeò ipsius veritatis offensione is, qui
iurare est iussus, a iurando abstinere potest. nemo e-
nim iurare iubetur, nisi vel iam de re testatus fue-
rit, vel testaturus sit. Quòd si quis iusiurandum præ-
stare non vult, cur etiam a testimonio dicendo non
abstinet? Verùm de huiusmodi iuramentis, ut dictum
est, Racoviensium verba nullo modo accipi possunt,
sed de iis sunt omnino accipienda, quæ, tametsi co-
ram ma-

ram magistratu præstantur, in gratiam tamen ipsorum litigantium deferuntur. Atq; huc respiciunt alia eorundem Racoviensium verba ad finem pag. 76. ubi iuramenta detestantur, quæ magistratus propter litigantium pervicaciam deferre quodammodo compellitur. quæ etiam a Christo interdicta fuisse, affirmare videntur. Sunt enim eiusmodi iuramenta, si qui penitiùs rem introspexerit, voluntaria, & ad quæ præstanda, aut deferenda nihil, nisi privatorum voluntas movet. Quòd si tamen ex voluntariis necessaria aliquo modo fierent, & magistratus ipse omnino iuberet, ut præstarentur; alioquin is, qui iurare nollit, in signi aliqua iniuria afficiendus esset, tunc crediderim ego, christianum hominem iurare posse. nec multò aliter sentire videntur ipsi Racovienses loco prædicto. Ibi enim non ipsum privatum, qui, magistratu deferente, iuret, reprehendunt, aut damnant, sed ipsum magistratum potiùs, qui nullam graviozem ob causam, quàm ut vel litigantibus morem gerat, vel seipsum a molestia liberet, temere iuramenta desert.

1. Sequitur alia sanè gravis tua in tuos adversarios calumnia, sed ea ita evidens, ut ipsam diluere minimè sit necesse. Dixerant ipsi, Christum docuisse, non esse vindicandum ullo modo nec per se, nec per iudices, cum tamen in lege Mosis vindicta licita fuisset, quam vindictam Christus reprimebat. Hanc tu ipsorum sententiam pag. 229. his verbis complexus es, Moses vindictam permittit, Christus vindictam

XIII.

dictam non permittit. Ex quo colligis, ipsos affirmare, Christum prohibere publicam vindictam, ne fiat a iudice, & Christum, omnino nulla ratione esse vindicanda a iudice mala, decernere. ut patet ex fine prædictæ pag. 229. & seq. initio, ex quibus locis nos ipsa verba tua hic descripsimus. Iam quanta est hæc calumnia, cum apertissimum sit, ipsos de privatis agere, quibus interdictum fuisse a Christo volunt, neve per seipsos, neve per iudices suas iniurias vindicent! quid enim hoc ad vindictam publicam omnino tollendam? Nam quid vetat (ut alibi iam disputatum a nobis est) quominus magistratus ex officio, adde vel alio quopiam, qui Christi verus discipulus non sit, accusante, in crimina animadvertat? Hic enim non ipsi magistratui, sed privati præcepta dantur, quos per magistratum suas iniurias ulcisci posse, Christo non reclamante, contendis, Racovienses verò plane negant. Quid de ipso magistratu ipsi sentiant, postea videndum erit. nec, si quid alibi dicunt, quod ipsi magistratui, si christianus esse velit, in maleficos vindicare omnino adimere videatur, propterea eodem quoque, ea ipsorum verba trahenda sunt, quæ quàm longissime ab ea sententia absunt.

Palæologi
calumnia.

Palæologi
calumnia.

2. Verùm non satis habuisses, nisi aliam quoque calumniam priori attexuisses, quæ multò etiam, quàm illa, evidentior est. Obiicis enim eodem tempore adversariis tuis, quòd Mosem privatam vindictam concedere affirmant. Nam quid aliud sibi volunt verba tua, cum, adversus illos disputans, ais, falsum esse, Mosem

Mosē vindictam privatam concedere? Sed quomodo hæc scribere es ausus, cum ipsi disertis verbis istud ipsum negent, quod tu illos dicentes facis? Sic enim in eorum scripto legitur ad finem pag. 62. Oculum pro oculo, dentem pro dente Moses vindicandum docuit, idque per iudices, nullam enim vindictam privatam usquam præscribit vel permittit. Christus autem vindictam legalem reprimit, &c. Poterantne apertius negare, a Mosē privatam vindictam concedi, cum non solum id verbis expresserint, sed etiam manifestè urserint, atq; contenderint? Ad hunc enim modum ratiocinantur. Moses nusquam in Lege privatam vindictam præscribit, aut permittit, sed per iudices tantum. At Christus legalem vindictam reprimit. Igitur Christus ne per iudices quidem vindictam a suis expetere vult. Hincque apparet, quid sibi voluerint, cum antea dixerunt, in lege Mosi vindictam licitam fuisse, unde eos calumniandi occasionem arripuisti. Non enim privatam, sed per iudices expetitam vindictam intellexerunt. Apparet etiam, quid ea ipsorum verba significant, Christum vindictam legalem reprimere, quæ tibi ad superiorem calumniam struendam ansam præbuerunt. Neque enim simpliciter, & absolutè legalem vindictam, sed quatenus privati ipsi eam querere poterant, a Christo reprimi dicere voluerunt. Ceterum, quod aiunt, Mosē nusquam ullam privatam vindictam permisisse, ita interpretandum est, ut & de propria vindicta eorum verba

V 2

accipi-

accipiamus, cum post acceptam iniuriam aliquod temporis spatium elapsum est, & ad eos tantum non ulciscendos, qui ex eodem populo erant, id pertinere intelligamus.

XIV.

1. Indoctissimum in ipso pag. 233. initio vocas Racoviensium scriptorem, qui præceptum, sive adhortationem illam Christi, ut adversario nostro reconciliemur, cum eiusdem præcepto de dando etiam pallio ei, qui nostram tunicam accipere velit, hoc modo coniunxerit, inquit, Christum non solum suadere, ut cum adversario reconciliemur, sed etiam ei, cui nihil debeamus, omnia nostra relinquamus potius, quam iudicio cum eo experiamur. Auenim, Christi monitionem de dando pallio ad divites pertinere, qui, si quis pauper ab eis tunicam petat, pallium quoque dare debent potius, quam propter non datam tunicam coram Deo iudice cum paupere contendere. quod nihil cum monitione de se adversario reconciliando commune habet, quæ ad eum pertinet, qui conviciatus fuerat proximo suo. Non laborabo, ut, etiamsi hinc verborum Christi sensus esset, coniungi tamen duas hasce monitiones potuisse, ostendam, sed tantum præter ea, quæ supra disputata sunt, cum ostensum est, te pessimè monitionem illam de pallio dando interpretari, nec tibi ipsi ea in re ulla ratione constare, verba tua, quorum prius mentionem non feceram, asseram, in quibus te ipsum resellens adversariorum interpretationem aperte confirmas. Ea sunt ad finem pag. 148. ubi, cum dixisses, si quis bona nostra

Palæol. se-
ipsum re-
fellens ad-
versariorum
sententiam
confirmat.

nostra rapiat, eiq; rapinae magistratus consentiat, nihil nobis superesse, si nostra recuperare velimus, quam invasorem invadere, nostraq; repetere, oculo, &c. illico addis, At satius esse tum dicit Iesus Christus, ut pallio, quod raptum est addas etiam tunicam, quam ut hoc facias, & privata autoritate per vim tua repetas. *Vides, te hic monitionem Christi de pallio dando ad eum, cui propria bona rapiantur, referre, id est ad eum, qui nihil ullo iure debeat, ut adversarii tui faciunt, non autem ad divitem, a quo pauper petat, qui divino iure petenti dare cogitur. Et tamen in initio pag: 234. stolidum eorum scriptorem appellare non dubitas, vel potius eius stoliditatem admirari, quia scilicet dixerit, istum, a quo est, qui tunicam accipere velit, nihil illi debere.* 2. Nihil autem dico, quod scriptorem istum calumniaris, cum ais, ipsum putare, istas duas monitiones de eadem re loqui, & unam esse legem. Nam unusquisq; per se id facile animadvertet.

Palæologi
cōfidentia

Palæologo
calumniatur.

Pergis autem, & pag: 235. in undecima, quam adversariorum facis, obiectione eos affirmantes inducis, non licere per iusiurandum coram iudice sua bona recuperare. Hec (quidquid illi hac de re sentiant) manifesta calumnia censenda est, cum in eorum scripto id nusquam legatur.

XV.

Palæologi
calumnia.

Rursus pag: 254. obiectionem decimannonam adversariorum formans, eos affirmantes facis, propterea non posse quempiam magistratum simul, & Dei filium esse, quod magistratus, occidens amicos,

XVI.

Palæologi
calumnia.

& inimicos, neutros diligit, cum Dei filius diligat utrosq̄. Hæc quoq̄ calumnia censenda est. Nusquam enim hoc in eorum scripto adversarii dicunt, præsertim verò eo in loco, quem ex serie istarum, quas illis tribuis, obiectio-
num perspicuum est te intelligere. Is est a fine pag: 66. usq̄ ad principium pag: 69. ubi semper de privatis, quid facere debeant, ut sint filii Dei, numquam de magistratus officio est sermo. nec porrò magistratus ulla ibi fit mentio, nisi quatenus, privato homini se per magistratum ulcisci non licere, affirmatur. Nec sanè vel de magistratus officio, vel de magistratu gerendo, an videlicet homini christiano eum gerere liceat, ne verbum quidem in eorum scripto habetur ante finem pag: 71. ubi demum huius rebus disputatio incipit.

XVII.

Dixerant adversarii, eum, qui se per iudices ulciscitur, non habiturum mercedem illam centupli in celis iis repositam, qui misericordes, & benigni fuerint, cum illi talionem hinc per iudices extortam anteponeret. Nam nec binam sanè mercedem sperare potest. Hic tu pag: 258. eos acriter reprehendis, & ais, Vnde nam excidunt tam phanatica dicta? Deinde, ut ostendas, homines plus, quàm unam mercedem habere posse, primùm ais, eum, qui orat, eleemosynam facit, & ieiunat eo modo, quo debet, habiturum tres mercedes, unam orationis, alteram ieiunii, tertiam eleemosynæ. Quo nihil ineptius dici poterat, eum de mercede duplici, quam unius eiusdemq̄ rei causa quis accepturus sit, manifestè agatur. Et ta-

Palæologi
ineptus.

men rur-

men rursus infra ad idem confirmandum aũs, nos tot mercedes in celo paratas habituros, quot in nobis erunt virtutes promissionem habentes a Deo. Sed hęc deinde aliud exemplum subiicit, ubi pro eodem opere duplicem mercedem, presentem, & futuram accipite demonstrare posse confidis. & complura postmodum congeris, ut probes, duas istas mercedes dari. Sed quorsum tandem hæc omnia? Nam certè nihil omnino ad rem faciunt. Quandoquidem in adversariorum mente percipienda, etsi eam ipsi satis dilucidè explicant, mirabiliter es hallucinatus. Neq; enim negant ipsi, duplicem mercedem a quoquam accipi posse, ne pro eodem quidem opere, nedum pro diversis. sed aiunt, fieri non posse, ut quis & mercedem habeat operis, seu facti alicuius, & simul eam mercedem accipiat, quæ ab eo opere, seu facto abstinentibus debetur. Nam, si quis, magistratum adeundo, talionem acceptæ iniuriæ extorqueat, hæc sanè merces erit ipsius facti magistratum adeundi pro vindicanda iniuria. sed privabitur interim necessariò cælesti mercede, quam Deus per Christum illis promisit, qui ita fuerint misericordes, atq; benigni, ut nulla ratione, ne per magistratum quidem, suas ulciscantur iniurias. Sunt enim hæc duæ mercedes inter se repugnantes, & altera alteram omnino excludit. Itaq; cum Racovienses aiunt, non posse istum binam mercedem habere, præterquam quòd ad hæc duas mercedes, ut ex ipsorum verbis patet, respexerunt, eodem etiam loquendi modo sunt usi, quo Dominus Iesus uti-

Palæologus
hallucina-
tur.

Mat. 6. 24.

tur, cum ait, neminem posse duobus dominis servire. Constat enim (ut tu ipse in eius loci explanatione, pag. 178, & 179, itemq; in Paraphrasi, pag. 211. aperte doces) Christum non omnino negare voluisse, quemquam duobus dominis servire posse, sed tum demum, si illi duo domini sibi adversentur aded, ut quemadmodum ibidem ipse adiicit, si quis velit unum amare, necesse sit, ut alterum odio habeat. quales sunt Deus, & Mammona. de quibus, concludens, ibidem ait, Non potestis Deo servire, & Mammonæ. Hanc, quam diximus, Racoviensium mētem ipse fortasse tandem aliquo modo sentiens, pag. 261. ostendere conaris, ei, qui se ipse non ulciscatur, sed ad magistratum iniurias suas deferat, mercedem apud ipsum Deum repositam esse, propterea quia ea in re Dei vicarium magistratum, & porro ipsum Deum veneretur. Nam solemus (inquis) alioqui laudare eos, qui offensi à nostris mancipiis, non eos ipsi pulant, sed nobis eorum dominis pulsandos deferunt. Sed ut cetera multa omitram, quæ hoc loco tibi responderi possent, dico, oportuisse te, cum hæc scriberes, meminisse, Deum non modò non velle, ut quis per se iniurias suas ulciscatur, sed nec etiam ut ad ipsum earum ulciscendarum gratia accedat, nedum ad ipsius quoscumq; vicarios. Vult enim (ipso Mat. 51 44. Christo teste, ac monitore) ut pro iis, qui nos maximè iniuriis affecerint, & afficere pergant, se oremus, non autem apud se, nos ulciscendi causa, expostulemus. Qua de re mox videndum erit. Huc accedit, quòd

non semper is, qui magistratum adit, ut suas iniurias vindicet, eiusmodi est, ut & possit, & commodum aliqui sibi futurum putet, si ipse per se eas ulciscatur, & ita, cum alia ratione sibi optimè prospicere possit, magistratum tamen adeat, a seq̄ per seipsum ulciscendo sua sponte absteat. Immo paucissimi erūt, ex iis, quibus per te ad magistratum accedere licebit, qui idcirco magistratus opem non implorent, quia vel seipfos vindicandi ipsi vires non habeant, vel, si id faciant, valde incommodum postmodum id sibi futurum arbitrentur. Quare nulla prorsus istis pro adito magistratu merces deberi potest, cum, non ut Deum in magistratu, sive etiam ipsum magistratum venerarentur, sed ut propriæ libidini satisfacerent, commodisq̄ suis consulerent, ad magistratum iniurias suas detulerint. At verò illis apud ipsum Deum merces ex ipsius promisso debetur, qui non solum per seipfos, sed ne per magistratum quidem, cum tamen alterutrum commodè facere possent, acceptarum iniuriarum pœnas repetierunt, atq̄ ita debitoribus suis omne debitum ex animo condonarunt, ac remisērūt, ut Deus nos facere vult, si nobis quoq̄ ab ipso omnia debita nostra condonari, ac remitti velimus, & sic corpora nostra propter peccata morti obnoxia ab interitu, ac corruptione vindicari, & beata immortalitate donari. qua nulla amplior merces ne cogitari quidem potest.

Mat: 6. 14.
18. 35.

Scribis pag: 262, in Racoviensium scripto contineri, Mosem observantibus Legem Dei proponere mercedem

XIIX.

Palzologi
lapis.

mercedem terram Chananeam. quod non uno modo, falsum esse, demonstrare conaris, & ex parte demonstras. sed sine ulla causa. Neq; enim id scripto Radviciensium continetur. Itaq; hac in re, si minus calumniam, aut certè lapsum tuum insignem animadvertere licet. Relege ipsorum scriptum, ut unà cum scriptis tuis editum est, & me verissima loqui comperies. Immo ibi pag: 65, & 72. terram Chanaan possessionem Dei populi sub Lege fuisse, scriptum invenies, illi a Deo traditam, non autem mercedem. Mercedem verò non ipsam Chananeam terram, sed terrenas benedictiones apud Mosem Legem servantibus ubiq; promissas fuisse, ex iis, quæ pag: 68. scripta sunt, manifestò deprehendes.

XIX.

Sed iam de reprehensione quadam tua videndum est, quæ maximi sanè momenti censeri debet. Tui enim adversarii, ut probarent, non licere homini christiano per magistratum suarum iniuriarum vindictam expetere, pag: 70. hoc etiam argumento usi fuerant, quòd ne per Deum quidem ipsum eam expetere liceret. idq; ex eo constare putabant, quòd quilibet Christianus pro iis, a quibus iniuria afficitur, Deum orare debet. Hoc tu reprehendis, tamquam non rectè conclusum, utq; id persuadeas, duo facis. Primum exemplis, testimoniisq; ex sacris litteris prolati, ostendere conaris, hominem pium & christianum posse a Deo vindictam acceptarum iniuriarum postulare. Deinde adversariorum rationem, quæ contrarium demonstrari posse sperant, totis viribus convellere niteris.

1. Quod ad primum attinet, pag. 263. profers primo loco id, quod narratur in Apocalypsi de animabus illis intersectorum propter sermonem Dei, que clamabant voce magna, dicentes, Usquequo domine sanctus & verus non iudicas, & vindicas sanguinem nostrum de iis, qui habitant in terra: Verum quis tam cecus est, ut non videat, eo in loco profopopœiam esse, induciq; in visione illa animas istas ad eum modum clamantes, ut significetur, Deum non oblivisci afflictionum suorum, & quamvis diu expectet, & vindictam innocentis sanguinis ab huius mundi principibus susi multum differat, tamen aliquando futurum, ut meritas pœnas de illis sumat? An non legimus, Deum dixisse Caino, sanguinem fratris eius Abelis ad se clamare? Quid hoc aliud est, quàm Cainum propter susum fratrum sanguinem dignum fuisse, qui a Deo puniretur, idq; e Dei memoria nequaquam excidisse? Vide Heb. 11. v. 4. & cap. 12. v. 24. Sed addis, scriptum esse de ipso Christo, quod traderet, seu cõmitteret τὸν ἐκδ'ίκησιν, id est vindictam ei, qui iustè iudicat. Non ita scriptum est, Paleologe. Non est enim apud Petrum verbum τὸν ἐκδ'ίκησιν, ut tu (ne quid gravius dicam) nimis confidenter affirmas. Sed scriptum est ibi, παρ' ἐδ' ἰδ' δὲ τῶ κρίνοντι δ'ικαίως. Nam si dicas, aliquid omnino subaudiendum esse, nec aliud subaudiri posse, nisi τὸν ἐκδ'ίκησιν, Primum dico, te debuisse verba recitare, ut scripta suere, non au-
tem

Apoc. 6. 10

Gen: 4. 10

1 Pet: 2. 25

Paleologi
confidētis

tem verbum illud de tuo addere, & ita addere, ut nemo futurus sit, qui, si tibi fidem adhibeat, non omnino sit crediturus, ita planè scriptum esse. præferim cum post verbum ἐκ δὲ ἰκκσϛ statim subiungas, de hac enim loquitur. quasi nil inquirendum prætere a relinquatur, nisi, quid verbum ἐκ δὲ ἰκκσϛ apud Petrum significet, & de qua vindicta apostolus loquatur. Deinde nego, necesse esse verbum illud subaudire. Nam etsi nonnulli ex interpretibus latinis id subaudiendum putarunt, alii suerunt, qui aliter existimarunt (& rectè quidem iudicio meo) & locum ita converterunt, Causam verò commendabat, &c. sive, ut Castellio fecit, Sed rem iustè iudicaturò committebat. Et sanè ex verbis illis, τῷ κρινοῦντι δὲ δικαίως, id est iustè iudicanti, satis apparet, Petrum dicere voluisse, non quidem Christum a Deo petiisse, ut se ulcisceretur (quod tamen tibi apertum esse videtur) sed totius rei, & causæ cognitionem, atq; iudicium Deo reliquisse, ac permisisse. Hanc enim vim verbum πᾶσα δὲ ἰδὲ ὡμὴ habere posse, nemo est (opinor) qui ignoret. id quod etiam ex locis illis intelligi potest. Rom. i. v. 24, 26, & 28. in quibus omnib: Castellio verbum πᾶσα δὲ ὡμὴ Permisit interpretatus est, auctorem imitatus doctissimarum illarum annotationum, quæ in Vatabli (ut vocant) bibliis leguntur, qui ad primum ex prædictis tribus locis sic annotavit, Id est permisit illos cupiditatibus cordium, &c. Quocirca, etiam

am si tibi daretur, omnino in Petri verbis subaudiendum esse τὸν ἀνδρῶν ἡμῶν, non tamen aliud intelligi necesse esset, quàm Christum non curasse, ut seipsum aliqua ratione ulcisceretur, sed vindictam Deo permisisse, id est illi curam reliquisse ulciscendorum affligentium se, si quidem dignos, in quos vindicaretur, illos iudicasset, nec sibi id, quod Dei proprium erat arrogasse. Mirificè autem istum Petri locum illustrat id, quod scriptum est a Paulo, Non vos ipsos ulciscetes, dilecti, sed date locum iræ. Scriptum est enim, mihi vindicta, ego retribuam, dicit Dominus. Vbi perspicuum est, Paulum nihil aliud intelligere, quàm neminem sibi arrogare debere, ut quemquam ulciscatur. id enim Dei ipsius proprium esse. non autem, rogandum esse Deum, ut ipse ulcisci velit. Nam quomodo id convenisset cum eo, quod statim addit? Si igitur esuriet inimicus tuus, ciba illum, Quid enim commune habet hoc cum illo? Immo verò, quid magis vindictæ desiderio, ac petitioni adversari potest, quàm beneficiorum datio? Quid porro magis absurdum, aut potius impossibile, quàm Christum, qui pro suis intersectoribus patrem orabat, ut illis ignosceret, eundem ab eodem petiisse ut in istos ipsos, aut eorum similes vindicaret?

Rom: 12. 19

Luc: 23. 34.

Sed quid dicemus, quòd ad hanc vindictæ petitionem illa ipsius Christi verba trahis? Nolite putare, quia ego accusaturus sum vos apud patrem. est qui accusat vos, Moyses, in quo vos speratis. & item illa? Etiam pulverem e pedibus vestris

Ioh: 5. 45.

Luc: 9. 50.

Ioh: 7. 7.

vestris excutite in testimonium super illos. & deniq; illa? Ego testimonium perhibeo de illo, quòd opera eius mala sunt. Queris enim quonam tendant ista, & alia eiusmodi, nisi huc, Christum, & Apostolos futuros testes coram Deo contra Iudæos violatores Legis. Deus bone quid monstri hoc est? Primum enim quid (obsecro) commune habet, quòd Christus, & apostoli futuri sint testes coram Deo contra Iudæos violatores Legis cum petitione vindictæ a Deo iniuriarum ab hominibus acceptarum? An non potest quis de alterius in se iniuriis testari coram iudice, qui rei veritatem vel ipse nosse, vel aliis constare omnino velit, & tamen non modò ab ipso iudice vindictam non postulare, verùm etiam veniam pro eo, qui se iniuria affecit, petere? Sed quid dico? quasi verò is, qui violatarum legum adversus quempiam testimonium ferat, continuò de suis iniuriis testetur, & non infinitis aliis modis violari possint leges citra ipsius testimonium ea de re ferentis iniuriam. Ut quidem hîc contigerat, ubi Iudæi sexcentis præterea modis leges divinas violaverant citra Christi ipsius, & apostolorum privatam iniuriam. de quibus omnibus hîc agi Christi verba satis demonstrant, qui universè de malis ipsorum operibus loquitur. Deinde qua ratione (rogo) ex Christi verbis colligi vis, ipsum futurum testem coram Deo adversus Iudæos, cum, quòd attinet ad priorem ex duobus locis, in quibus de se ipso verba facit, dicat, se non accusare illos, sed Mosem esse, qui eos accuset? Certè hinc potiùs contrarium col-

um colligi debet. Nam qui, cum tamen possit, non accusat, haud verisimile est, in ea ipsa accusatione eum testem futurum, praesertim sua sponte, quemadmodum ista vindictae petitio omnino requirit. Iam verò, quid de altero loco dicemus, ubi de seipso Christus loquitur? Ait Christus, se testimonium perhibere, id est testatum, & planum facere, mundi opera esse mala. quid hoc ad testificandum suo tempore coram Deo de malis ipsius mundi operibus? Nec enim est apud Evangelistam, Testimonium perhibebo, verbo futuri temporis, ut tu (ne quid iniquius de te statuam) fortasse memoria lapsus scripsisti, (sed, Testimonium perhibeo, tempore praesente. Quid etiam (quaeso) ad testimonium ferendum ab apostolis coram Deo contra Iudaeos violatores Legis pertinere potest, quòd illi iussi fuissent, si qui ipsos Evangelium praedicantes recipere nolissent, ex eorum urbe discedentes, pulverem etiam, qui ipsorum pedibus adhaesisset, in testimonium adversus illos excutere? Neq; enim hoc facientes, se aliquid testaturos contra eos coram Deo, significaturi erant apostoli, sed aperte contestaturi, se nihil prorsus cum illis commune in posterum habituros, tamquam indignis, qui divinorum ministrorum, quales ipsi erant, vel umbram quidem amplius aspicerent.

At postremò, tamquam ad sacram (opinor) anchoram, ad locum illum confugisti, ubi ait Christus, Deum sine dubio celeriter ulturum electos suos, qui ad ipsum die, ac nocte clamant. Videtur enim ex hoc

Palaeologi
lapsus.

Luci 12. 70

satia

satis apertè colligi posse, Dei electos assidue a Deo petere, ut ulcisci iniurias velit, quas a malis hominibus idemtidem accipiunt. Verùm non sic res se habet. Non enim clamant electi ad Deum, ut puniat eos, qui ipsos ledunt, atq; opprimunt, sed tantummodo, ut ipsos ab illis liberet, ac tueatur. quod etiam sine ullis infligendis pœnis fieri potest, & sæpissimè factum est. Hoc sibi voluerunt apostoli, cum uno consensu vocem ad Deum sustulerunt, eumq; sunt precati, ut in minas intueretur eorum, qui ipsos territabant, & tamquam ii, qui principes in civitate erant, ipsos affligendi potestatem habebant. id quod declarant sequentia verba. Et da servis tuis cum omni fiducia (vel potiùs libertate) loqui verbum tuum. Nec verò, quia Christus dicat, Deum ulturum esse suos electos, propterea concludendum est, electos (ut tu loqueris) ad Deum clamasse pro vindicta. Potest enim Deus plus facere, quam ipsi petant, non quia id ipsi vel desiderare quidem ausint, sed quia sic impii, qui eos vexabant, & affligebant, commeriti sunt, & ut ipse Deus, quanto opere suorum oppressionem abominetur, eosq; caros habeat, omnibus demonstret. Sed tu scilicet, ne de hoc tibi laborandum esset, imprudentem lectorem interim decipiens, dum ipseus Christi verba recitas, cum illis admisces de tuo (nulla notâ, qua a cæteris internoscantur, adhibitâ) duo illa verba, Pro vindicta. Itaque dummodo, quod queris, quacumq; tandem ratione, obtineas, Christi verba corrumpere, ludum, iocumq; esse putas.

Quid,

Pal. Chri-
 sti verba
 corrupit

Quid, quoddam verbum ἐκδίκῃω & ἐκδίκῃωσιν apud Græcos, sicut etiam apud Latinos Vindico, & Vindicta haud rarò nihil aliud, quàm defensionem, aut liberationem declarant? Vidua illa a Christo ibidem Luc: 18. 9. paullo ante inducta iudici illi nequam dicebat, ἐκδίκῃσον με ἀπὸ τοῦ ἀντιδίκου μου, id est Defende, seu Libera me ab adversario meo. Et iudex secum ipse, ἐκδίκῃσω αὐτὸν, id est Defendam, seu Liberabo ipsam. Vbi etiam animadvertendum est, quo sensu verbum ἐκδίκῃω hic scriptum fuit, eodẽ prorsus nomen ἐκδίκῃω paullo post in verbis, de quibus querimus, scriptum fuisse. quandoquidem ad parabollam istam vidue, & iudicis ea manifestam habent relationem. Atq; hæc satù esse possunt ad priorem tuæ reprehensionis partem refutandam.

2. Quantum verò ad posteriorem pertinet, ut rectè cognoscere possimus, utrùm hæc duo inter se repugnent, Orare Deum pro inimicis, & Petere a Deo vindictam contra inimicos, ut a te pag: 266. ipsa questio exponitur, constituendum ante omnia videtur, quid utrumq; significet. Et posterius sanè satis apertum est. Nam Petere a Deo vindictam contra inimicos, nihil aliud esse affirmare possumus, quàm Rogare Deum, ut velit iniurias, quas a nostris inimicis accepimus, ulcisci, id est inimicos nostros pro gravitate iniuriarum, quibus nos affecerunt, punire, & simul, si opus fuerit, nos ab illis asserere, atq; defendere. Atque hoc idem te intelligere, potissimamq; huius pre-

cationis partem in eo statuere, ut Deus inimicos nostros ulciscatur, superiora exempla eiusce rei (ut credebatur) a te in medium allata perspicue docent. In priore aliqua obscuritas videtur inesse. Multa enim orare Deum possumus pro aliquo. nam & bona multa sunt, quibus indigere quis potest. Verumtamen, cum universè, & indistinctè dicatur, Orare Deum pro inimicis, consentaneum esse videtur, ut istud idem sit, ac si dictum esset, Orare Deum, ut inimicis nostris ea omnia bona largiri velit, quibus illi opus habent. Hoc eò potissimum dico, quòd tu, quantum ex verbis tuis colligi potest, preces pro inimicis ex Christi præscripto Deo adhibendas ita interpretaris, ut satis sit Deum precari, ut illis parcat. Quamquam enim hoc factum est, ut appareat, non posse a Deo peti, ut inimicos nostros ulciscatur, tamen quia tu (ut postea planum fiet) in præposita questione non persistis, & cum de vindicta contra inimicos a Deo petenda agere deberes, de eo, cuius gratia hac de re queritur, id est de vindicta per magistratum expetenda sæpius agis, & ita ab adversariorum argumento, quod dissolvendum suscepisti, ad ipsam thesism (nescio quomodo) pertransis, ne incautus, & in disputationibus minimè versatus lector a te circumveniri ulla ratione possit, admonendum eum esse censuimus, Orare Deum pro inimicis, plus etiam complecti, quàm Deum rogare, ut illis parcat. petitionem enim simul comprehendit bonorum omnium, quibus illi careant, ut Deus ea illis largiri velit. quemadmodum, ut nobis ea, quibus ca-
remus,

remus, largiatur, aut petimus, aut certe desideramus. Si enim nos ipsi inimicis nostris bene facere debemus, non modò eis parcere, cur non similiter, si Deus pro illis orandus nobis est, eum rogare debemus, ut non modò illis parcat, sed etiam bene faciat? Cum igitur Orare Deum pro inimicis, petitionem pro ipsis a Deo non veniæ tantùm eorum, quæ in nos iniuste admiserunt, sed omnium quoq; bonorum complectatur, Petere autem vindictam a Deo contra inimicos, petitionem a Deo ipsorum punitionis pro iniuriis, quas nobis fecerunt, potissimùm comprehendat, quis ita stolidus futurus est, qui hæc duo inter se repugnantia, planeq; contraria esse non animadvertat, & cum Christus, ut pro inimicis Deum oremus, præceperit, nobis, si Christo obedientes esse velimus, vindictam a Deo contra inimicos nequaquam petere licere, non planè intelligat? Attamen videamus, quibus rationibus, quibusvè argumentis, ea contraria non esse, demonstrare te posse, sperasti.

Primùm multa exempla affers aliorum Christi præceptorum, quæ cum quibusdam aliis, quæ vel ipse fecit, vel fieri iussit, aut apostoli ipsius fecerunt, vel fieri iusserunt, pugnare videntur, & iis esse contraria, & tamen non sunt. & ais, qua ratione ista conciliantur, eadem hæc conciliari posse. Sed interim istorum conciliandi rationem non explicas, nedum ut eodem modo hæc quoq; conciliari posse doceas, & idcirco infirmisissimum, quidquid dixisti, reddis. Nihil enim remanet ampliùs, nisi multa esse, quæ contraria Christi

sti præceptis esse videntur, & tamen non sunt. id quod per se nullam vim habet. alioquin hac ratione concluderetur, nihil inveniri posse, quod Christi præceptis adversetur. & ita quidquid unicuique libéret, id omne citra Christi præceptorum contemptionem fieri etiam posset. Nec verò est, quòd dicas, te ista, quæ pro exemplis attulisti, conciliandi modum ideo nec explicasse, nec ad ea, de quibus quæritur, concilianda accommodasse, quia id per se omnibus sit manifestum. Nam, ut statim ostendam (quamquam hoc labore superfedere meritò possem) nihil his cum illis commune est, quippe quòd illa ne in speciem quidem sibi adversentur.

Mat. 5. 22.
23. 17.
Palaologi
astutia.

Ante omnia affers exemplum illud, Quòd Christus, qui præceperat, ne quis inimico suo diceret Fætuæ, ipse inimicis suis dixit Caci, & stulti. Hic primum insignis est astutia tua, qui, cum Christus in eo præcepto dando nullam, nec tacitam, nec apertam, inimici nostri mentionem fecisset, tu tamen eum de inimico loquentem facias. nimirum ut exemplum facilius ad id, de quo quæritur, accommodes, & quòd tibi de personarum diversitate obiici posse metuis, aliqua ex parte declines. Sed frustra omnino, aut certe sine ulla necessitate id facis. Etenim, quamvis tibi concedatur, nullam hic esse personarum diversitatem, tamen aliæ diversitates sunt, quæ ista duo inter se minimè pugnare, demonstrant. Sed est tamen simul ipsa personarum diversitas. Christi enim præceptum de fratre loquitur, ut ex antecedentibus patet.

factum

factum verò ad inimicos pertinet. Erst enim Fratris nomine etiam ipse inimicus, qui ex eodem populo esset, in ipsa Lege intelligebatur, tamen (ut supra alicubi docuimus) Christus in his præceptis dandis manifestè inter inimicum, & fratrem distinguit. quem admodum ex rationibus, quas, cur ipsi inimici diligendi sint, postmodum affert, perspicuum esse potest. Sed fac (ut dixi) nullam prorsus esse personarum diversitatem. An non in eo diversitas est, quòd præceptum de iis conviciis agit, quæ præ ira, aut odio in alterum iaciuntur, ut antecedentia omnia docent, factum verò non ab ira, aut odio, sed a divinæ gloriæ studio, & non aliorum modò, sed ipsorum quoq̃, in quos convicia iaciebantur, salutis desiderio profectum est, adeò ut, non conviciatus fuisse, sed acriter reprehendisse, Christus dicendus sit? Nonne in eo, quòd præceptum de Fatui, seu Stulti appellatione temere alteri tributa accipiendum est, factum autem nihil prorsus temeritatis habuit, sed & suo tempore, & meritissimò Christus Scribas, & Phariseos, & stultos, & cæcos appellavit? Nam, de temere conviciante, Christum, cum præceptum illud dedit, locutum fuisse, cum sermonis structura, tum ratio apertè declarat. Cum enim antea præceperit, ne quis fratri suo temere irascatur (sic enim in Græcis codicibus, & in Syriaca interpretatione legitur) & statim deinde præcepta addiderit, ne eidem quis Raca, aut Fatue dicat, apparet adverbium Temere $\kappa\alpha\tau\omicron\ \kappa\omicron\iota\upsilon\delta\ \upsilon\beta\iota\acute{\alpha}$ repetendum esse. Quod si minùs hoc

admittatur, ratio tamen tacitè subaudiendum esse docet. Nam, si, ut quis in irascendo fratri delinquat, requiritur, ut temere id faciat, certè idem requirendum esse omnino videtur in ipso fatuo appellando, quod etiam citra iram fieri potest. Non enim, de publico tantùm convicio agere Christum, apparet, quod gravius quidpiam, quàm irasci, videri possit, sed ipsius verba eiusmodi sunt, ut illud quoq; convicium comprehendant, quod, nemine presente, aut sciente, in fratrem iaciatur. Iam verò quomodo conciliationes istas præcepti istius, & facti Christi ad ea, de quibus querimus, accommodabis umquam, ubi de iisdem personis, iisdemq; rebus, eadem utrobique ratione agitur? Id quod & per se patet abunde, & ex iis, quæ deinceps dicentur, apertius fiet.

Mat. 5. 47.
Luc. 10. 4.
2. Ioh. 11

Sed addis, Christum dixisse, Salutate inimicos vestros, & tamen eundem dixisse, Neminem per viam salutaveritis, & Iohannem eius apostolum addidisse, Et, si salutaveritis, participes eritis peccatorum, quæ illi admiserunt. Hoc, Palæologe, nihil ad rem facit, cum præceptiones illæ de non salutando minimè ad inimicos non salutandos pertineant, neq; ad id non faciendum, quod antea iussum fuerat, ullo modo spectare posse videantur. Apostoli, qui unà cum cæteris iussi fuerant inimicos salutare, nihil huic rei contrarium facere videri poterant, si, ne a cæpto itinere, dum Evangelium prædicatum ibant, aliqua ratione avocarentur, in eove retardarentur, neminem inter eandem, sive amicum, sive inimicum salutaverint.

lutavissent. Non enim propter odium aliquod, quod preceptum illud salutandi etiam inimicos respicere certum erat, ab iis, qui ipsis obviam fiebant, salutandis abstinuissent. Ex quo etiam apparet, inimicorum salutationem, quam precepit Christus, non externam, & qualis ea erat, quam postea euntibus annuntiatum Dei regnum interdixit, a qua erga amicissimos ipsos interdum, cum aliud scilicet agendum est, sine ulla culpa abstinere possumus, sed interiorem salutationem esse. Huc accedit, quod satis apparet, verba illa, Neminem per viam salutaveritis, figuratum & proverbialem loquendi modum continere. quasi dixisset Christus, Hoc unum agite, ut rectè ad Evangelium predicandum eatis. Vide 2. Reg. 4. v. 29. & quæ ibi Vatablus annotavit. Num fortasse vis, Christum, cum iussit, ut pro inimicis oremus, proverbiali nescio qua ratione locutum fuisse, ut non ipsum orare, sed aliquid aliud preceperit, quod cum vindictæ contra inimicos petitione minimè pugnet? Profer mirabilem istam tuam interpretationem, & nos simul (si potes) doce, ita Christi verba accipienda esse, ut Orate idem sit, quod Devovete, seu Diræ imprecamini, quemadmodum te conari non omnino iniuriâ tibi ab adversariis obiectum fuerat. Nec virò Iohannes, cum precipit, ne ii salutentur, qui doctrinam ab evangelica discrepantem nobis annuntiant, aliquid dicit, quod precepto de salutandis inimicis contrarium videri queat, cum isti eorum inimicorum numero, quos in precepto illo intellexit

Christus, nullo modo censeantur, immo cum fieri possit, ut alioquin amicissimi sint. Si enim dixeris, tantò magis id, quod quæris, te obrenturum, Nam, amici ipsi interdum salutandi non sunt, multò minus tunc salutandi erunt inimici, quamvis præceptum sit, ut salutentur. Quare similiter fieri potest, ut quamvis præceptum sit, ut pro inimicis oremus, tamen contingat aliquando, ut pro ipsis minime orare debeamus. Si hoc, inquam, hîc dixeris, quod infra latius explicas, Respondebo, iam te haud obscure confiteri, ut qui possit a Deo vindictam contra inimicos petere, necesse esse, ut pro iis amplius orare non debeat, & ita te agnoscere, quantum inter se repugnent illa duo, quæ tu contraria esse negabas. Sed profectò, si tum demum a Deo vindictam contra inimicos petere licet, cum pro ipsis amplius orandum non esse constat, vix unquã fiet, ut id liceat. Neq; enim præceptum ullum habemus de non orando, nisi cum quis peccat ad mortem. si tamen illud præceptum est, & non potiùs admonitio, frustra oraturum est, qui pro eiusmodi homine oraverit. Iam quotus quisq; erit, qui peccantem ad mortem deprehendere possit? Immo quis erit, qui, Deo ipso non patefaciente, id agnoscere queat? Neq; enim, cum Iohannes ab se non dicere, ut pro peccato, quod sit ad mortem, quis roget, indicasse dicendus est, istos, qui ad mortem peccant, ab aliis, qui non peccant ad mortem, dignosci posse. Sed hoc idem est cum illo, quod antea dixerat, Si quis vidisset fratrem suum peccantem peccatum

peccatum non ad mortem, & petiisset (sic enim ex
 hebræorum idiotismo verbum Peter eo loco inter-
 pretandum est) daturum illi (Deum scilicet) esse
 vitam, si, inquam, pro eo rogasset, qui peccaret qui-
 dem, sed non ad mortem. Voluit enim Iohannes si-
 mul nos ad orandum pro fratribus adhortari, simul
 admonere, ne miraremur, si aliquando, pro eo ro-
 gantes, qui peccat, ut Deus velit illi ignoscere, &
 penitentiam concedere, eventum votis nostris con-
 trarium experiremur. id enim propterea contingit,
 quia is, pro quo precati sumus, ad mortem peccabat.
 Itaque admonere præterea videtur, ut, cum pro aliquo,
 qui peccet, Deum precaturi sumus, cum ea conditio-
 ne precemur, Si quidem is ad mortem non peccet.
 Utrumque tandem sit, etiamsi isti peccantes ad mor-
 tem non solum a quovis facillimè agnosci possent,
 sed frequentissimi etiam essent, &, pro iis ne qui-
 quam rogare auderet, severè Iohannes interdice-
 ret, tamen dico, istud ad propositum nostrum non
 facturum. Non enim, ut pro ipsis omnino non roga-
 retur, iuberet apostolus, sed tantummodo ne rogare-
 tur, ut illi vitam consequerentur, & suorum pecca-
 torum plenam remissionem. quemadmodum ex ipsi-
 us verbis perspicuum est. Ex quo nullo modo sequitur,
 posse nos contra istos, si inimici nostri sint, vindictam
 a Deo petere. Adhuc enim pro ipsis ex Christi man-
 dato Deum precari & possumus, & debemus, ut illis,
 tamquam is, qui solem suum oriri facit etiam super
 iniustos, alterius generis bona concedat. quæ preca-

rio cum vindictæ petitione prorsus pugnat. Sed iam alia tua exempla examinemus.

Mat: 5. 44.
Act: 23. 4.
13. 10.

Pergis enim, & ais, Christum dixisse, Ne maledixeritis inimicis vestris, & tamen legimus Paulum maledixisse summo sacerdoti hosti suo, & Elymæ mago. Vbi etiam addis, Christum ipsum hostes suos diaboli filios appellasse. Ad primum Pauli factum dico primum, non constare eum rectè fecisse, qui etiam ex parte ibidem seipsum corrigere videtur, quatenus scilicet is, cui maledixerat, summus sacerdos erat. Deinde hic idem affirmo, quod supra de Christo ipso cecos, & stultos Scribas, & Phariseos appellante affirmavi. Etenim Paulus, si non peccavit, non odio ductus, nec, tamquam inimico, summo sacerdoti maledixit, sed studio divinæ gloriæ incensus, & tamquam ei, qui gravi reprehensione dignus erat. quem simul monendum censuit, futurum, nisi resipisceret, ut eum Deus puniret. Porro, quod ad Elymam magum attinet, neq; is inimicus Pauli erat, sed Dei, & apertissimum est, divinæ gloriæ vindicandæ studio, & salutis Sergii Pauli proconsulis procurandæ desiderio inflammatum Paulum tantopere pessimum illum hominem obiurgasse. De Christo verò, quod inimicos suos obiurgaverit, satis supra responsum fuit. Est autem hic, antequam aliud dicamus, animadvertendum, non fuisse a Christo mandatum, ne inimicis maledicamus, eo sensu, quo hæc duo a te allata Pauli exempla unà cum de Christo appendice te existimasse ostendunt. Ex quo, perperam ea a te allata fuisse, intelligi

telligi potest. Præcipit Christus, ut de devotentibus nos benedicamus. Concedo, quod de devotentibus dixit, ad omnes inimicos generatim trahi debere. Sed videndum est, quid eo loco sit Benedicere, quod facere iubemur, ut quid sit Maledicere, quod ex eiusdem præcepti vi facere vetamur, intelligere possimus. Iam verò cum ex usitata in sacris litteris eius verbi significatione, tum ex opposito Devovendi verbo satis constat, Benedicere ibi nihil aliud esse, quàm Bene precari, & idcirco illud Maledicere, quod hîc vetatur, nihil esse aliud, quàm Imprecari mala, non autem Obiurgare, ut tu falsò existimasti, qui Pauli (exempli causa) verba, quibus Elymam magum obiurgat, mandato isti de non maledicendo contravenire videri aù. Præcipit igitur tacitè eo loco Christus, non quidem, ne inimicos nostros obiurgemus, sed ne illis mala imprecemur. cui præcepto Paulus neq; in iis, quæ summo sacerdoti, neq; in iis, quæ Elymæ dixit, contravenisse videri potest. cum utrobiq; præter obiurgationem nulla mali alicuius imprecatio, sed denunciatio tantùm appareat. etsi tu non levi errore, Deum ad vota Pauli magù illum cecum reddidisse, affirmare es ausus. Cæterùm, si hæc duo Pauli exempla, illaq; Christi, cum Scribas, & Phariseos increpuit, aliosq; inimicos suos obiurgavit, aliquid causam tuam iurare posse, censenda sunt, necesse est, ut dicas, tunc, cum vindicta a Deo contra inimicos petitur, Dei glorie, aut proximi salutis studio id fieri posse. quod petitionem istam aliqui Christi præcepto adversantem.

Palæologi
error.

Palæologi
error, au-
dax.

adversantem non excuset modò, sed etiam laudabilem faciat. Atqui, si istud semper fieri potest, Christi præcepto numquam erit locus, id est nemo umquam pro inimicis suis Deum orare necesse habebit. Semper enim, Dei gloria, aut proximi salutis studio ab oratione abstinere poterit. Quòd si non semper, aliquando id fieri potest, videndum est, quando. Tandem apparebit, rarò admodum id fieri posse, adeo ut ad questionem, cuius causa de hisce omnibus disputamus, vix pertinere queat. Querimus enim præcipuè, non utrùm aliquis dari casus possit, cum homini christiano per magistratum suas iniurias ulcisci liceat, sed utrùm id semper, aut certè ferè semper liceat. Hinc fit, ut tu eodem tempore, & orari Deum posse pro inimicis, & a Deo contra ipsos peti vindictam, ostendere coneris, ut paullo post videbimus. Et sanè non modò, ut id ostendas, res ipsa omnino postulat, sed etiam verba ipsa tua id flagitare videntur. Nam quid aliud est, ista duo, ut tu satis apertè concedis, non esse contraria, quàm simul eodem tempore consistere posse? Quo fit, ut nullum ex iam examinatis exemplis tuis ad propositum facere videatur, cum in nullo eorum eodem tempore duo illa, quæ contraria videbantur, inveniri appareat, immo non inveniri constet. Neq; enim eodem tempore, quo Christus Scribas, & Phariseos aliosve inimicos suos obiurgabat, eosdem simul non obiurgabat. neq; apostoli, cum neminem salutabant (si tamen id re ipsa fiebat) inimicos eodem tempore salutabant. Sed nec

Paulus, cum summum sacerdotem, aut Elymam magnum obiurgabat, eivē maledicebat, eodem tempore neutrum obiurgabat, neutrive maledicebat. quæ omnia ne fieri quidem ullo pacto posse, manifestum est.

Nam quid dicam de alio exemplo, quod deinde addis, non quidem, ut superiora, alicuius Christi præcepti, cuius contrarium fieri iurè posse videatur, sed duorum Christi factorum, quæ fortasse id ipsum probare, quod quæris, tibi visa sunt? Ais enim, Christum, qui rogavit Deum patrem pro suis hostibus, ut illis parceret, eundem declaratum iudicem vivorum, & mortuorum mandasse suis ministris, ut inimicos suos illos in tartara proiicerent. Equidem miror, te exemplum istud attulisse, ubi non solum non eodē tempore, sed nec eadem vel rerum, vel personarum conditione manente, Christus ista duo fecit. Ex quo potius id planè convellitur, quod tu confirmare studes. Apparet enim ex eo, Christum, cum adhuc talis esset, quales nos sumus, orasse Deum pro inimicis suis, non autem ab ipso contra illos vindictam petiisse, quippe quòd vindicare inimicos suos sive per se, sive per alium præsentì conditioni suæ nullo modo conveniret, sed expectandum esset, donec, mutata conditione, non solum, ex viatore (ut theologi nostri loquuntur) incolà, verùm etiam ex privato (ut tu loqueris) magistratus esset factus. Itaq; & nos similiter, dum & viatores, & privati sumus, orare Christi exemplo pro inimicis debemus, non autem a Deo contra ipsos vindictam postulare, quod præsentì conditioni nostræ penitus adversatur.

Palæologus
seipsum
refutat.

Superioribus exemplis expositis, ab argumento adversariorum (nescio quo pacto) ad thesim ipsam (ut tibi quidem videri potest) pertrāsissis, & ex iis, quae Paulus, quod ad civiles causas attinet Corinthiis mandavit, licere sua in iudicio repetere demonstrare conaris. quod neq; etiam id verè est, de quo hic præcipuè queritur. Aliud enim est sua in iudicio repetere, aliud vero suas iniurias per magistratum ulcisci. De quibus alio loco agendum erit. Quid, quod eodem tempore eadem ratione licere homini christiano civilem magistratum gerere concludis? Nam quid hoc ad rem, præsertim cum ne adversarii quidem id negent? quemadmodum paullo post videbimus. Et tamen, tamquam si in proposita questione aliquo modo perstitisses, ita in initio pag: 268. concludis, Ergo aliò tendit oratio iussa à Christo, & aliò vindicta, quam vitandam & cavendam dicit Christus. Nam cum ex eo, quod orare pro inimicis iubemur, adversarii tui conclusissent, non tantum a Deo contra inimicos vindictam petere non licere, sed etiam non posse nos iniurias nostras, sive per nos ipsos, sive per magistratum ulcisci, quamvis tu hic de vindicta a Deo petenda dumtaxat disputationem instituisset, tamen ferri posses, neq; omnino a proposito aberrasses, si ex iussa precatione ista vindictam per magistratum experendam non tolli, demonstrare aggressus fuisses. quod tamen (ut dictum est) non fecisti. verum extra rem de simplici suarum rerum per magistratum repetitione, deq; civili magistratu gerendo

Palæologus
nihil ad
vè loquitur.

gerendo sermonem intulisti. Sed rursus in ista tua
conclusionone insigni lapsu planè extra rem locutus es.
Cum enim dicere debuisses, aliò tendere orationem,
id est precattonem a Christo iussam, & aliò vindi-
ctam, quam quis per magistratum expetit, pro hac
vindicta vindictam, quam cavendam, & vitandam
dicit Christus, commemorasti.

Palæologi
lapsus.

Iam verò, cum ipse fortasse animadverteres, te
nondum ad rem satis locutum fuisse, alia exempla
asserre instituis, ex quib: appareat, posse eodem tem-
pore orari Deum pro aliquo, & simul ei pœnas insli-
gi. Primum exemplum est, Ex Pauli præcepto oran-
dum esse Deum ab Ecclesia, ut suum lumen imperti-
at omnibus, ut salventur, hoc est, ut in Ecclesiam re-
cipiantur. Et tamen non solùm Christus iubet, ut, si
frater peccans noluerit audire Ecclesiam, sit illi sicut
ethnicus, & publicanus, sed ipse Paulus alibi monet,
eiusmodi hominem tollendum esse de medio Ecclesie,
& eiiciendum ex virtute domini nostri Iesu Chri-
sti. Sed quale exemplum est istud, cum in priore par-
te de iis agatur, qui extra Ecclesiam sunt, in posteri-
ore verò de iis, qui adhuc sunt in Ecclesia? ibi pro iis
oretur, qui veritatem nondum cognoverunt, ut ad i-
psius cognitionem perveniant, hinc verò ii puniantur,
qui, cognitam veritatem iam professi, eam postea
pernunt, nec ex ipsius præscripto, ac dignitate vitam
instituant? Vide, quæso, quàm sædè sapius labaris, eò
quòd iniquissimam causam defendendam susceperis.

1 Tim: 2o

Mat: 18o

1 Cor: 5o

Palæologi
lapsus.

Sed aliud exemplum statim subiicis, quo præce-
dentia

dentū vitium corrigi, aut compensari posse, fortasse existimasti. Ais enim, Paulum precipere, ut cum maledicis ne cibus quidem sumatur, cum tamen & Paulus, & Ecclesia semper Deum oraverint pro maledicis, & facinorosis, ut servarentur. Verūm hic primum in eo reprehendendus es, quod nullum testimonium profers, quo confirmetur, Paulum, & Ecclesiam semper orasse Deum pro maledicis, & facinorosis, ut servarentur. tametsi hoc, si rectè intelligatur, facile tibi concedi potest. Deinde nihil hoc ad illud, de quo ambigitur. Nam quid simile habet Orare Deum pro maledico, & facinoroso, ut scilicet convertatur, & ita servetur (sic enim intelligendum est illud, quod in hoc exemplo, nullo testimonio allato, affirmas, si tibi concedi debet) & tamen interim, dum maledicus, & facinorosus esse perdurat, ne cibū quidem cum eo sumere, cū eo, quod quis Deum pro inimico suo precetur, & interim ab eodem Deo petat, ut vindicet in istum inimicū suum iniurias, quas ab eo accepit? Nam qui non videt, hæc duo sese invicē destruere, illa verò duo optimè convenire? Etsi enim, ne cibum quidem sumere cum homine maledico, pœnam ipsius maledici esse, statuere videris, tamen nec verè pœna illius censenda est, sed potius cautio aliorum, ne, ut monet Paulus, paullulum fermenti totam massam fermentet, immo ipsius etiam beneficium, ut scilicet quemadmodum idem Paulus ait, pudefiat, atq; ea ratione sui erroris admoneatur, & resipiscat, nec, si eius pœna esset, hoc precibus pro ipso repugnaret. Vbi sciendum est.

2 Cor. 5. 6.

5 Thes. 3.
14.

est, aliud esse orare pro inimicis, aliud pro scelestis hominibus, sive pro iis, qui in peccatis perseverant. Pro hominibus scelerosis orare quidem possumus non modo, ut convertantur, sed etiam ut, dum adhuc scelerosi sunt, illis Deus bona alia huius vite concedere velit. Sed hoc posterius nec facere iubemur, nisi quatenus id ad eos convertendos pertinere possit, nec, se id admodum diligenter facimus, satis laudandi sumus. Videmur enim, ut Deosores, ac contemptores felices, atque beati in hac vita sint, desiderare. At inimicorum longe alia est ratio. Nam, etiamsi non posset quis non scelestus esse, qui homini verè christiano esset inimicus, tamen nequaquam nostrum esset de nobis ipsis iudicium ferre, & si quis nos odio haberet, continuò apud nos constituere, illum scelestum esse, quasi indubitatum foret, nos verè christianos esse, Quantò igitur minùs id nobis concedi debet, cum fieri possit, & quotidie fieri videamus, ut homines aliqui insigni probitate præditi, verè christianis hominibus præ ignorantia sint insensissimi? Vnum Pauli apostoli, antequam Christi Iesu veram cognitionem haberet, exemplum pro omnibus esse potest. Præterea, quamvis certissimum esset, omnes inimicos nostros sceleratos homines esse, tamen ad reprimendum in nobis vindictæ innatum quodammodo ingens desiderium, & odium, quod nostri ipsorum amor contra eos, qui nobis insensi sunt, naturaliter in nobis excitat extinguendum, rectè est non modò, ut pro istis, qualescumque illi tandem sint, Deum oremus, ut eos con-

I

vertat.

vertat, sed etiam diligentes in eo sumus, ut in precibus nostris ad ipsum Deum illis ea omnia huius vite bona precemur, quæ nobis ipsis evenire cupimus. ne id, quod pro aliis scelerosis hominibus facere pietatis, & divinæ gloriæ studio prætermittimus, pro istis vindictæ cupiditate, odioq; in animis nostris latente, & nos ipsos sæpius fallente facere prætermittamus. Postremo considerandum arbitror, pœnam istam hominis maledici (si tamen, ut dixi, pœna existimanda est) quod nemo cum eo ne cibum quidem capiat, non esse pœnam voluntariam, id est, quam pro arbitrio suo illi Ecclesia infligat, sed necessariam, nempe, quam Paulus Domini Iesu Christi apostolus Ecclesiæ præscripserit, quamq; sine ipsius Christi contemptione non possit Ecclesia infligendam prætermittere. Ex quo sequitur, per singularem legem a Paulo latam de puniendo ea ratione homine maledico generali illi legi, quæ neminem a nobis incommodo aliquo afficiendum esse iubet, ea in parte derogari. Sed nulla lex neq; a Christo, neq; ab aliquo ex eius apostolis lata est, per quam legi iam ab ipso Christo promulgatæ de orando pro inimicis ita derogetur, ut contra ipsos vindictam a Deo petere possimus. Hoc ipse sentiens, vis postmodum, hinc propriam legem latam esse, quæ communi deroget. Sed quàm rectè, postea videro.

Nam pergis adhuc, & exemplum facinorosi Corinthii, quæ Paulus ex aliorum cœtu expelli iussit, quod exemplum antea tacitè commemoraveras, alia ratione ad propositum tuum accommodare tentas. Aut enim

nim (aii) Paulus Corinthium facinorosum odibat aut amabat. Si odibat reus erat legis Dei de amando proximo. Si amabat reiicere eum ex Ecclesia, (ut vos dicitis) non debebat. *Verum in isto tuo dilemmate nihil rectè a te concluditur.*

Neq; enim vel dicunt adversarii tui (quod tamen tu audacter affirmas) vel ex eorum verbis, sententiave colligi potest, Paulum, si facinorosum illum Corinthium amabat, non debuisse ex Ecclesia ipsum eiicere.

Nò enim cum amore, quo hominem illum adhuc complecteretur, aut complecti deberet, pugnat eiectio ista ex Ecclesia. quippe quæ eidem ipsi, qui eiiciebatur, admodum utilis tandem, aut certè non inutilis futura esset. Eò enim inter alia eiectio ista tendebat, ut iste, sensu calamitatis suæ permotus, aliquando resipisceret, & in Ecclesia, atq; adeò ipsius Christi ulnas iterum sese reciperet. Mitto responsionem, quam ipsorum adversariorum nomine tute formasti, aliud videlicet munus publicæ personæ esse, qualem Paulus gerebat, aliud private, quæ responsio & optima est, nec a te verè postea attingitur, & ad illud venio, quod prædicti exempli occasione addis. Videris enim tibi, hic omnino rationem invenisse, qua demonstras, Orare pro aliquo Deum non pugnare cum provocatione Dei ad vindictam contra eundem.

Consideremus (obsecro) quàm feliciter tam arduum inceptum tibi succedat. Aiis igitur pag. 269. Si quis Pauli etate peccans, ex ipsius Pauli præcepto a verbi Dei ministro coram omnibus reprehensus, re-

Palæologi
audax calumnias.

1 Tim: 5.
20.

spiscere noluiset, sine dubio ministrum unà cum ec-
 clesia pro eo Deum orare destitutum non fuisse, &
 tamen interim omnes simul collectos cum auctoritate,
 & virtute domini nostri Iesu Christi eum ex ec-
 clesia fuisse eiekturos, Satanæq; tradituros ad inte-
 ritum carnû, ut esset tamquam ethnicus, & publica-
 nus. Et statim adiungis, Sed si hoc factum fuisset,
 dixissent isti boni fratres: Vbi amor fraternus?
 Ad quid orare Deum pro eo, ut Deus inter su-
 os habere velit, quem tu inter tuos habere
 non vis? Vehementer fallit te opinio tua, si hæc ex
 animo dicis. Nec enim ullo modo verisimile est, tam
 bardos adversarios tuos futuros, ut ista vel somnia-
 turi quidem essent. Num putas, eos non intellectu-
 ros, aliud planè esse id, quod isti Deum orarent, ali-
 ud verò, quod ipsi facere nollent? Oraissent enim De-
 um, ut inter suos habere vellet istum, quem ipsi eiice-
 rent, sed non qualem ipsi eiicerent, minimè respi-
 scientem, verùm resipicientem, id est, si umquam re-
 sipuisset. Et idcirco eum simul rogassent, ut ipse isti
 pœnitentiam daret, utq; resipiscere posset, concede-
 ret, quando hæc in sua ipsorum manu non essent, sed
 in ipsius tantùm. Hæc, inquam, adversarii tui opti-
 mè sine dubio intellecturi fuissent, ob eamq; causam
 neutiquam credendum est, eos eiusmodi istorum fa-
 ctum vel miraturos, vel reprehensuros fuisse, etiam-
 si persuasissimum habuissent, non posse eodem tem-
 pore pro eo Deum orari, contra quem ab ipso Deo
 vindicta peteretur. Nam tu perperam omnino exi-
 sto facto

sto facto tacitè id deinde colligis, quòd tibi, ut diximus, demonstrandum proposueras, Orare pro aliquo Deum, & Deum provocare ad vindictam contra eundem non esse contraria. Neq̄, enim in facto isto vel provocatur Deus ad vindictam, vel simpliciter oratur, nedum ut utrumq̄, simul fiat. Simpliciter quidem non oratur, sed oratur tantum, ut istius ita misereri velit, ut ei concedat, quòd possit respiscere. Nullo autem pacto provocatur ad vindictam, cum minister, & ecclesia quicquid mali istum habere velint, ipsi statim auctoritate sibi tradita illi infligant. quod tamen, ut dictum est, malum ei censi non debet, cum ad ipsius quoq̄, bonum, & salutem omnino spectet. Vides, quàm male tibi successerit, quod exequendum suscepas. nempe quia nimium ausus fueras, & calum terra (quod aiunt) miscere tentaveras.

Iam quod ais, adversarios tuos putare, non posse hæc duo simul consistere, Amare aliquem, & Punire eundem, id & calumnia videri debet, & nihil ad rem facit. Norunt adversarii tui (opinor) ut ceteri omnes, ista duo adeò non esse contraria, ut sepe alterum alterius sit caussa. Nec verò aliter existimare opus habent. Quid enim? Num fortasse is, qui contra inimicos suos a Deo vindictam petit, præ amore, quo inimicos suos prosequitur, id facit? Hæc tua mirabilis charitas eadem est cum ea, de qua alibi egimus, cum vis, interficiendis inimicis, Christi præceptum servari, quo inimicos diligere iubemur. Ita

Palæologi
calumnia
otiosa.

impostor ille summus, qui homicida fuit, ab initio, te miserè decepit, ut ipsa homicidia, quæ commemorata tantum animus hominis non efferatus planè abhorret, summa a Christo mandatae mansuetudinis, ac benignitatis præstationem esse arbitreris. Sed finge (si placet) eum, qui vindictam a Deo contra inimicos suos postulet, præ nimio amore, quo eos complectatur, id facere, num propterea eodem tempore pro illis orare Deum poterit? Nullo modo. Nam est hoc quoq; ex amore proficiscitur, sunt tamen hæc duo amoris effecta ita inter se repugnantia, ut simul eodem tempore consistere nequeant. Castigare aliquem (ut huic rei accommodatissimo tui ipsius exemplo utar) summa dilectionis effectum esse potest. Potest eiusdem quoq; dilectionis effectum esse, aliquem prorsus non castigare. Num idcirco poterit quis eodem tempore eundem, qui deliquerit & castigare, & prorsus non castigare? Non sanè. Ita & orare Deum pro inimicis suis, & contra inimicos suos a Deo vindictam petere, etiamsi utrumq; ab inimicorum dilectione proficisci posset, tamen nulla ratione simul eodem tempore consistere queant. Iam enim demonstratum est, in uno eius planè contrarium postulari, quod in altero petitur. Itaq; videre potes, tuam istam rationem, quod amare, & punire, diligere, & castigare non sint contraria, quam tantopere urges, hoc loco futilem prorsus, atq; inanem esse.

Verumtamen videamus, quomodo ex ea id, quod queri, concludi posse speres. Ea igitur exposita, sic
deinde

deinde infer. Quare si flagellare potest manus & sine vitio contradictionis potest illum cedere, quem ex corde amat, poterit & os Deo obsequentis pro eo orare ut salvus fiat, pro quo postulat & ante iudicem Deum & ante magistratum (vicarium Dei) ea reddat, oculum pro oculo, manum pro manu, dentem pro dente, animam pro anima, quæ iniquè, per iniuriam & fraudem abstulit. In hac argumentatione duplex est error, seu potius techna tua. Prior techna est, quòd precationem pro eo exponens, contra quem vindicta postulatur, oris tantum mentionem facis, ut scilicet istorum duorum repugnantia minus appareat. neq; enim te ita excacatum esse arbitror, ut non cernas, precationem a Christo pro inimicis iussam non ore tantum, sed corde etiam simul fieri debere, immo, ut ore fiat, nihil opus esse. Altera tua techna, ut eandem repugnantiam occultes, in eiusdem precationis explicatione est, dum a-zi, ut salvus fiat. quasi verò precatio pro inimicis, quam Christus mandavit, nihil aliud sit, quàm orare, ut salvi fiant, id est vitam æternam adipiscantur. Verùm, longè aliter rem se habere, iam a nobis demonstratum est, cum non istud modò, sed ne illud quidem satis esse ostendimus, quod tu alibi sepe concedis, orare videlicet Deum, ut illis parcat, quod certe plus est, quàm orare, ut salvus fiat, nisi istud Parcere ita interpreteris, ut ad solam a morte æternæ absolutionem illud restringas: quod tamen nemo fa-

Palæologi
techna
duplex

cile tibi conceſſerit. Quandoquidem *Parcere* ſimpli-
 citer prolatum ſignificat Non punire, ſive *A* punien-
 do abſtinere, cum de parcendo delinquentibus eſt ſer-
 mo. Quocirca, niſi quis a puniendo abſtineat, lice-
 leuius multò, quam pro delicti merito puniat, peper-
 ciſſe tamen ſimpliciter dici non poterit. Quamquam
 ne ſic quidem repugnantiam, que inter duas iſtas
 precatationes, ſeu poſtulationes eſt, ſatis occultare po-
 tuisti, cum tu ipſe in vindictæ poſtulatione anime pro
 anima, que reddi poſtuletur, mentionem facias, ut
 quidem neceſſe habuiſti, ſi veram vindictam contra
 inimicos a Deo peti poſſe volebas. Quid enim magis
 quodammodo aduerſatur petitioni, ut quis in vitam
 æternam ſeruetur, quàm petere, ut, cum ſcelus ali-
 quod inſigne perpetraverit, (quale ſine dubio homi-
 cidium eſt) & alterum occiderit, ipſe occidatur?
 Nonne qui hominem ita occidit, ut ipſe ex lege occi-
 dendus ſit, æternam ſimul mortem eſt commeritus,
 quam effugere non poterit, niſi maturè reſpiciat, at-
 que ex animo ad Dei miſericordiam conſugiat? Iam
 quis eſt, qui de altero, qui deliquerit, affirmare poſ-
 ſit umquam, eum maturè reſpuiſſe, ad Deiq; miſeri-
 cordiam ex animo conſugiſſe, quidquid illum per
 longum etiam temporis ſpatium facientem videat?
 nedum ut id de homicida affirmari poſſit, qui ſtatim
 rapitur ad ſupplicium, & vix verbis pœnitentiam
 ſuam, & in Dei miſericordia fiduciam oſtendere po-
 teſt, ſi legalem iſtam vindictam, & talionis pœnam a
 Deo, & magiſtratu peti poſſe velis. Neq; enim lex de-
 linquentis

linquentis pœnitentiæ, divinæ misericordiæ implorationis ullam rationem habet. Sed sive eum pœniteat, sive non pœniteat, sive Dei misericordiam imploret, sive non imploret, pœnam illi infligi, & si alterum occiderit, ipsum occidi prorsus iubet. Quamobrem iam apparet, quàm parum appositè, immo quàm planè iniuriâ tuæ isti argumentationi verba illa adiunxeris. Videtisne quæ iudicabatis opposita & contraria esse consona & consentientia? Qua in re illud etiam animadvertendum est, te in tota hac disputatione tacitè (id quod interdum etiam, ut iam observatum est, apertè facis) ab adversariorum argumento, quod dissolvendum proposueras, vel ad thesim ipsam tuam confirmandam transire, vel ita adversariorum argumentum interpretari, ac si simpliciter dixissent, Quia debemus pro inimicis orare, hinc sequi, nos non posse per magistratum iniurias nostras ulcisci. Quod etsi illi dixerunt, sic tamen simul argumentati sunt, ut ex eo, quod orare debeamus pro inimicis nostris, consequi necessariò dicant, non posse nos contra ipsos vindictam a Deo postulare, Ex hoc autem adversus sententiam tuam concludi posse affirmant, ne ab ipsis quidem hominibus eam petere licere. nec tu aliter ipsorum argumentationem ab initio accipis. Sed deinde confundis hæc omnia, ac præterea modò probare insituis, posse quempiam amari simul a nobis, & puniri, modò per magistratum vindictam peti posse, contendis, sine charitatis offensione, modò ais, non sem-

per debere nos inimicos nostros diligere, aut pro eis orare, modò plus Deum, quam proximum, amandum esse mones. atq; alia multa huic disputationi admittes, quæ eius propria non sunt, nec ad argumentum adversariorum dissolvendum pertinent, etiamsi tibi contrarium videatur, qui ad disputationis finem in extrema pag. 271. illa verba scribas, Videtis iam quot dissolutiones offerunt nobis sacra Biblia ad vestrum argumentum? Quare non est, cur hoc loco ad ea, quæ adhuc restant, respondeam, cum omnia vel eò pertineant, ut probes, posse sine veræ & legitima charitatis offensione pœnas per magistratum de privatis sumi, vel eò, ut ostendas, Dei amorem amoris proximi anteponendum esse, & tempus esse aliquando, cum (ita Deo iubente) nec amare inimicos, nec pro eis orare debeamus. de quibus commodius fortasse in proxima huius meæ responsionis parte agi posset. Attamen, quia Racovienses sine dubio cum ex amore, quo inimicos prosequi debemus, tum ex eo, quòd orare pro eis iubemur, nullo præterea alio argumento inde ducto, colligunt, non licere contra ipsos vindictam per magistratum expetere, idcirco tamquam de tertia quadam huius, in qua adhuc sumus, reprehensionis tuæ parte, de huc duobus, quæ unum censeari possunt, breviter agemus.

3. Ais igitur, ut rem totam in pauca conferam, Christum præcepisse, ut omnes nostros, quantumvis caros, non tantum inimicos, præ ipso, odio habeamus, hoc est, ne plus nostros amemus, quàm veritatem Dei
in Chri-

in Christo, quam iustitiam regni. Ex quo ad hunc modum concludis prædictâ pag. 271. Ama igitur & tu proximum tuum, hostem tuum, inimicum tuum, sed non plusquam Deum, quam veritatem Dei, quam ordinationem Dei, quam iustitiam Dei, quæ vult malos male perire, vindicari malefacta, ut repurgata vita præsentem a malis quiete vivere possint boni, &c. Si hæc tua argumentatio rectè conclusa est, illud omnino sequitur. quod alibi quoq; ex tuis verbis colligi ostendimus, & te in christianam religionem instituta quedam inducere declarat, quæ ne athei quidem ipsi impia esse non sint sæsuri. Nam, si ad rem locutus es, nulli dubium esse potest, quin ex ratione tua concludi necesse sit, non licere homini Christiano acceptas iniurias dissimulare, nedum eas ex animo condonare. Etenim, si propterea eas per magistratum vindicare licet, quia Deum plurius, quam proximum facere debemus, certè sequitur, non licere modò, sed etiam oportere id facere. Itaq; nemo, qui iniuriam per magistratum vindicandam acceperit, eamq; ad magistratum non detulerit, & vindicandam curaverit, non graviter peccabit. Itane animo efferato es Pauleoge, ut hæc seriò scripseris, velisq; christianos homines deteriores esse multis, qui nullam Dei veram cognitionem habentes, iniurias suas nec per se, nec per magistratum vindicarunt, ob eamq; rem mansuetudinis, atq; clementie laude apud omnes maxime floruerunt? Nonne hac ratione ex christiana re-

publica

publica omnem ferme mansuetudinem, atq; clementiam exterminas? Nam, cum ubiq; legibus cautum sit, ne privatus aliquis per se iniurias suas ulcisci audeat, & ulcipientibus graves sint pœnæ constitutæ, sed, si quis velit suas vindicare iniurias, ad magistratum accedere debeat, quinam mansuetudini, aut clementiæ locus erit, si nemo accedere non cogatur? quis erit unquam, qui rectè estimans dixerit, eum clementem, aut mansuetum fuisse, qui non ea ratione se ultus fuerit, quæ cum ipsius certo damno, aut periculo coniuncta esset? Adde quòd, si rectè a te conclusum est, non solùm iniurias nostras, sed aliorum etiam, quin & omnia delicta per magistratum vindicanda, quæ ad nostram notitiam pervenerint, a quocumq; tandem illa commissa fuerint, deferre debemus, aded ut & nosmetipsos, si quid ex lege puniendum occultè admiserimus, prodere, & publicè accusare cogamur, utq; puniamur, curare, etiamsi capitale esset delictum nostrum, & nos turpi morte a magistratu affectum iri, planè constaret. Nam, si Deum pluri facere, quàm nos ipsos debemus, ut certè debemus, & Dei gloria postulat, ut malefacta per magistratum vindicentur, & a nobis vindicarentur, ipsa quoq; malefacta nostra, ut per magistratum vindicentur, quæcumq; tandem illa fuerint, curandum nobis est. idq; eò magis, quòd graviora erunt, & digniora, quæ impunita non relinquuntur. Iam qualem carnificinam ex christiana religione nobis reddis. Certè Iosephus, qui Mariam sibi desponsam, priusquam

priusquam convenissent, gravidam esse deprehendit,
 ne scelus, quod illam admisisset pro certo habebat, pa-
 lam fieret, & ipsa ex lege puniretur, eam clam re-
 pudiare cogitabat, tantum abest, ut puniendam ad
 magistratum deferre vellet. quod, cum vir iustus es- Mat: 1. 19.
 set, eum fecisse, sacra historia testatur. Et tamen
 non solum scelus (ut ipse sine dubio credebat) eiusmodi-
 erat, cui per Dei legem gravissima fuisset decreta Deut: 22. 21
 poena, sed etiam quo, vel certe cuius occasione gra-
 vissimam sibi iniuriam factam fuisse, Iosephus vide-
 bat. Vides, rem contrario prorsus modo se habere,
 quam tu existimes. hoc est, illum appellari iustum,
 qui suas, Deiq; ipsius graves iniurias ad magistratum
 non desert, & quantum in se est, ne puniantur, cu-
 rat. Nec sanè quemquam, qui aliter faciat, non vi-
 tuperandum esse arbitror. idq; sub ipsa Lege, ut ex
 isto Iosephi exemplo patet, ita putatum fuisse, mihi
 persuadeo, nisi sicuti nominatim in Lege, ut delin-
 quentes accusarentur, & deferrentur, constitutum
 fuisset. ut in idololatriæ peccato factum esse constat. Deut: 19.
 Hoc ipsum principes ipsi, & respublicæ, quorum ma-
 ximè interest, ut delicta puniantur, probè voverunt.
 & idcirco, quibusdam exceptis delictis, quæ ad ipso-
 rum iniuriam propriè spectant, ut idololatria ad i-
 psius Dei iniuriam, qui legem tulerat, propriè spe-
 ctabat, nulla occulta delicta ad magistratum dese-
 renda esse sanciverunt. nec umquam aliquem iniu-
 rias, quas accepisset, puniendas per magistratum cu-
 rare coegerunt. quo nihil iniquius excogitari posse
 videtur,

videtur, cogere scilicet quempiam, ut immitis ac ferus sit, aut certe ut se verè mitem ac placidum esse, docere non possit. Quamobrem, quod ais, iustitiam Dei postulare, ut mali malè pereant, & malesacta vindicentur, verum est quidem, si rectè intelligatur, sed non tamen ex eo sequitur, unumquemq; privatim, ut id fiat, curare debere, præsertim ubi alia potest esse causa, cur id curet. quemadmodum in propriis iniuriis vindicandis contingit. Sed ii demum illud curare debent, qui ipsi iustitiæ Dei exequende sunt propositi. Pergis autem, & ais, Ora pro tuis inimicis, benefacias illis, omni tempore. Saluta illos, sed si tempus illud est, quo mandatur tibi, ne dixeris illi ave, iam lex communis cessat, ubi lex propria lata est, &c. Iam hic apparet, quantum a proposita questione abscesseris. Quærebatur, quomodo Deum orare pro inimicis, & a Deo contra ipsos vindictam petere simul consistere possent. Hic verò dicitur, aliquando tempus esse, cum ne Ave quidem illis dici debeat, & communem legem cessare, ubi propria lata fuerit. Atqui vel istud nihil est, vel falsum simul atque ridiculum censeri debet. Si enim tunc demum propriam legem latam esse intelligis de non orando pro inimicis, cum peccant ad mortem, ut verba tua, que postea addis, demonstrant, qua de re paullo ante satis accuratè egimus, quid hoc ad rem facit? Nam adversarii quoq; id verum esse, facile concedent. neq; lex ista magis ad inimicos, quàm ad amicos pertinet. Sequetur ne

ex hoc,

ex hoc, cum inimici nos iniuria afficiunt, cessandum esse ab orando pro eis, & propterea nihil esse, quod impediatur, quominus eorum iniurias per magistratum vindicare possimus? Immo Christus disertè dicit, tunc esse pro ipsis orandum, cum nos lædunt, sive iniuria afficiunt. Quòd si fortè omnes, qui nos iniuria afficiunt, ad mortem peccare vis, & propterea pro istis omnibus minimè orandum esse intelligis, Primùm istud non modò per se, sed etiam ex eo, quod modò diximus, Christum iussisse, ut pro istis oretur, falsissimū esse apparet. Deinde planè ridiculum est, te sateri, legem quamdam communem extare, quæ pro inimicis orare nos iubeat, sed propriam interea legem latantem esse, qua id facere vetamur, si istam propriam legem eos omnes casus complecti velis, quæ communis complectitur, ut profectò te velle necesse est, si de iis omnibus, qui iniuria nos afficiunt, propria ista lex loquitur. nam communis lex, quam illam esse oportet a Christo latam, de istis tantùm nominatim verba facit. Certè istarum duarum legum non una communis, altera propria est, sed utraq; est communis, & altera alteri penitus adversatur. Idem ferme dico de præcepto amandi inimicos, eusq; benefaciendi. Nam, si legem hanc communem interdum (ut sonant verba tua) cessare vis propter propriam legem latam, explica casus, in quibus cesset, & videbis, istud nihil ad propositam quæstionem facere, idquæ ab adversariis facile tibi concessum iri. Sed si istam propriam legem ita intelligis, ut semper locum habeat, cum de vindi-

Mat: 5. 44.

candis malefactis agitur, quia scilicet tunc de Dei iustitia agatur, que omnibus rebus anteponenda sit, iam & falsum id esse ostendimus, nec dici potest lex ista propria, quippe que, ubicumq; ferè altera illa communis locum habuerit, locum & ipsa habitura sit, sed communis ipsa quoq; & alteri planè contraria existimari debet.

Atq; hæc tandem satis esse poterunt ad universam tuam reprehensionem diluendam, ac demonstrandum, te nullo iure, ut ostenderes, adversariorum argumentum pluribus modis a te dissolutum fuisse, tamquam in huius disputationis epilogo in fine pag: 271, & 272. initio ea prima verba scripsisse. Falsum enim est in eum nos vindictam petere non posse pro quo orare debemus & illi benefacere, & eum salutare. Hoc enim, ut vidimus, a te (presertim si ad idem tempus, ut quidem necesse est, omnia referantur) nullo prorsus modo demonstratum est. Cetera, que, falsa esse, deinde in eodem quasi epilogo affirmas, nihil moror, tum quia ad rem non faciunt, tum verò quia partim ex iis, que adversarii tui dicunt, minimè consequuntur, partim ab ipsis nusquam disertè affirmantur, etiamsi tu, tamquam ex ipsorum argumento necessario manantia, ea omnia commemoras.

xx.

Obiici adversariis tuis prædictâ pag: 272. quòd dicant, magistratum misericordem esse non posse, quin sit futurus iniustus in alteram partem, magistratum autem misericordem esse debere. & addit.

Næ vos

Næ vos hoc unum undequaque proditis, vos nihil scire & sensu communi privatos esse. *Hic, Palæologe, insignis calumnia latet. nam aperta convicia nihili facio. Tantum doleo, quod tantò gravius peccasti, atq̄, ut omnes videbunt, ea in teipsum redundare dici possunt. Calumnia igitur in eo est, quod hic Racovienses dicentes facis, magistratum iniustum esse oportere. Nam, si misericors esse debet, & misericors esse non potest, quin sit iniustus, necessarium profectò est, ut iniustus sit. Sed quomodo ex ipsorum verbis colligis, magistratum misericordem esse debere? Sic enim scribunt illi pag:70. Si a Deo vindictam expetere in adversarios non licet, quomodo vindicare apud magistratum licebit? cum Deus sit & misericors & iustus, Magistratus verò neutiquam misericors esse poterit, nisi iniustus alteri parti esse velit. Certè ex his verbis contrarium potius aperte colligitur. Ad hunc enim modum argumentantur adversarii tui. Si non licet vindictam a Deo petere, qui misericors summo iure est, quantò minùs a magistratu petere licebit, qui misericors esse non debet? Misericordem autem magistratum esse non debere, ex eo demonstrat, quod oporteat magistratum omnino iustum esse. Iniustus autem alteri parti erit, si misericors fuerit. Itaq̄, apparet, Racovienses non affirmare solum, sed etiam contendere, magistratum iustum esse debere, tantum abest, ut, iniustum esse oportere, dicant, ut tu eos respiciendo dicentes faciebas. Et sanè valde mirum est, te*

Palæologi
calumnia.

Palæologus
supinus.

Palæologus
nihil ad rē
loquitur.

*hac in re ita supinum fuisse, ut nec verba ipsorum at-
tenderis, nec mentem perceperis, apertissimamq; eo-
rum argumentationem minimè animadverteris.*

*Quid, quòd ea, quæ ad Racoviensium dictum refutan-
dum deinde attulisti, nihil prorsus ad rem faciunt,
cum neq; id refutent, quod illi dixerant, neq; id, quod
tu eos dixisse putaveras? Ea enim omnia huc tendūt,
ut probent, magistratum neutri parti esse iniurium,
si, ut suum utriq; reddatur, curat, & idcirco aliquid
ab una, tamquam non ipsius, auferri iubet, & alteri
dari, cuius est revera. Nam etsi hoc ad id refutan-
dum pertinere videtur, quod re ipsa Racovienses di-
centes faciis, magistratum scilicet iniustum esse oport-
tere, tamen, cum rationem, quare id dixissent, non
refutes, quippe qui nec in magistratu misericordiam
unà cum perfecta iustitia esse posse, nec, ut magi-
stratus misericors sit, non oportere, probes, nihil
verè agis, & incassum multa verba fundis. Nam,
te illud nequaquam refellere, quod ipsi revera dixe-
runt (quamquam etiamsi refelleres, id non tibi, sed
casui potius tribuendum esset) ex eo intelligi potest,
quòd in nullo ex exemplis a te allatis aliquod mise-
ricordie vestigium apparet.*

XXI.

*Iam demonstratum est, quantum adversarii tui
in eo ponant, quòd a Deo vindictam petere non lice-
at, ut hac ratione, ne a magistratu quidem eam pe-
tere licere, ostendant. Ut igitur id probent, non solum
pag: 70. ut visum fuit, ab eo argumētum ducunt, quòd
pro inimicis Deum orare debeamus, sed etiam ibidem
ab exem-*

Ab exemplo ex sacris litteris petito argumentatur, ubi Iacobus, & Iohannes apostoli vindictam a Deo petere cupientes contra eos, qui Christum hospitio recipere noluerant, repressi sunt a Christo & obiurgati. 1. Hic tu adversarios reprehendis, & pag: 281. ais, nullo modo ex hoc sequi, apostolos non debuisse suas opes repetere apud magistratum, quas rapuisse iniqui, quasi verò hoc illud sit, quod ex predicto exemplo ipsi concludunt. cum tamen ne illud quidem sit, quod ex eo, quod inde concludunt, confirmare demum querunt. Quandoquidem aliud est sua per magistratum repetere, aliud vindictam, id est ultionem iniuriarum per magistratum expetere. Docendum tibi fuerat, desiderium illud duorum fratrum non pertinuisse ad vindictæ petitionem a Deo, & ita iurè adversarios tuos reprehendises.

2. Sed fortasse id te præstitisse putas, cum paullo ante ais, ideo non rectum fuisse istorum apostolorum desiderium, quia volebant auctoritate sibi concessa ad destructionem uti, cum tamen ea ad edificationem illi a Christo data fuisset. Ex hoc enim (si id verum est) non obscure colligitur, nò de vindicta a Deo petenda, sed de auctoritatis iam concessæ abusu ibi actum fuisse. Verùm quomodo probas, Christum tantam auctoritatem iam Apostolis dedisse, ut ignem etiam de celo ad homines perdendos quandocumque ipsis libuisset, devocare possent? Id ego sanè, vel aliquid simile nusquam lego. Quapropter, cum duo illi apostoli, Christum interrogantes dicant, Domine

Z 2

vis di-

vis dicamus, ut ignis descendat de cælo, & consumat illos? non est intelligendum, illos a Christo petiisse, ut sibi concederet, ut potestatem, quam iam habebant, ea in re uterentur, vel eum rogasse, num iuberet, aut vellet id fieri, sed perinde esse, ac si dixissent, Permittite nobis, aut mandas, ut Deum oremus, ut ignem de celo mittat, qui istos consumat? Vel, lubesne, aut permittis, eiusce rei nunc data nobis potestate, ut ignem de celo devocemus ad ulciscendam iniuriam, qua isti te afficiunt? Quod re ipsa idem est, ac si vindictam a Deo ipso petiissent. Nec verò Elias, quem imitari apostoli isti volebant, potestate iam sibi concessa ignem de celo devocasse, dicendus est, sed precibus id a Deo obtinuisse. Et si enim in ipsa historia precum non fit aperta mentio, tamen verba illa, Descendat ignis, &c. precationis vim habere censenda sunt. Quòd si, cum scriptum sit, eundem Eliam Achabo dixisse, Vivit Iehova Deus Israelis, in cuius conspectu sto, si erit annis his ros, & pluvia, nisi iuxta oris mei verba, preces Deo ea de re Eliam adhibuisse intelligendum est, non autem, potestate iam sibi tradita id effecisse, ut Iacobus testatur, cum tamen precum nulla prorsus fiat mentio, quinimmo ex sermonis hebræi proprietate ita accipi verba possint, ut iussum omnino declarent, multò magis id intelligendum est, ubi eius verba, tamquam a precante dicta, accipi possunt.

2 Reg: 1.

1 Reg: 17.

1.

Iac: 5. 17.

3. Sed alia præterea ratione adversariorum ex exemplo isto argumentationem reprehendis. An enim,

nim, causam, quòd illi eos recipere noluisent, non
 tanti fuisse, ut idcirco duo isti apostoli desiderio illos
 perdendi teneri debuissent. Et mox subiicit, Si quis,
 inquit, noluerit vos recipere, excutite pulve-
 rem de pedibus vestris terræ illius in qua illi
 habitant, in testimonium, quod nihil quod ad
 illos pertineat, sit vobiscum. Non dicitur, per-
 dite illos vos. Hic primùm obiter inconstantia tua
 notanda est. Nam, ut supra vidimus, alibi, id est pag:
 263. præceptum istud Christi apostolis datum, ut pul-
 verem de pedibus excuterent in testimonium, &c. i-
 ta interpretari, ut inde colligas, Apostolos futuros
 testes coram Deo contra Iudæos violatores Legis.
 Hic verò testimonium intelligi, quòd nihil cum apo-
 stolis esset, quod ad illos pertineret. ut & nos antea,
 contra interpretationem illam tuam, Christi verba
 intelligenda esse diximus. Deinde verò animadver-
 tendum est, te in eo lapsus esse, quòd in exemplo, de
 apostolis ipsis, qui vindictam cupiebant, non receptis,
 agi putas, cum tamen de Christo ipso non recepto a-
 gatur, nulla ipsorum apostolorum ratione habita.
 Quod & Christi increpatio ostendit, cum ait, se non
 venisse, ut homines perderet, sed ut servaret. Ad i-
 psam enim ulciscendum noverat Christus, in eam co-
 gitationem duos illos fratres devenisse, ut ignis de
 celo inhospitales illos homines consumpturus devo-
 caretur. Etenim, si dixeris, si ita res se habeat, exem-
 plum ad rem nostram accommodatum non esse, Nos
 enim de vindicta loqui pro se ipso expetita, exem-

Palæologi
 inconstan-
 tia.

Palæologi
 lapsus.

plum verò de vindicta pro alio desiderata, Respondebo, immo tantò accommodatius esse, id est ad id probandum, quod Racovienses querunt, aptius, quantò tolerabilius est pro alio, quàm pro seipso, vindictam contra quempiam a Deo petere. quemadmodum ex his intelligi potest, que non multò ante de eo, quod inter inimicos nostros, quod ad orandum pro ipsis attingit, & alios scelestos homines intersit, disputatum a nobis est. Postremò (atq; hoc precipuè ad reprehensionem tuam refellendam pertinet) considerandum est, exemplum istud non tam propter factum ipsum, quàm propter Christi verba, ut etiam ab aliis fit, sine dubio ab adversariis tuis allatum fuisse. Neq; enim Christus discipulos illos propterea obiurgat, quòd vindictam nimis gravem ob levem causam expeterent, id quod neq; ex verbis, neq; ex sententia ipsius colligi potest, sed simpliciter, quòd eam vindictam expeterent. & ratio, quam adiungit, non minùs in gravioribus, quàm in levioribus causis locum habet. Non negabo tamen verba ipsius non ad omnem vindictam excludendam, sed ad capitalem pertinere. de qua potissimùm, quòd apud Christianos locum habere non possit, hic disputant Racovienses. quemadmodum ex verbis illis apparet, que statim post allatum, explicatumq; exemplum addunt, Et illi scilicet erunt filii Dei perdendo animas quas Christus servatum venit?

Palzologi
calumnia,

Vnde constat te calumniari, cum pag: 280. obiectio-

nem (quam vocas) ipsorum 22. tuis verbis, ut soles, confingens, ex prædicto exemplo eos ita concludentes inducis, Ergo non licet se coram magistratu offerre, & petere sua rapta a prædonibus. Quid enim, si iam illi prædones de scelere sive hoc, sive alio simili, ita ut eis pœna ampliùs augeri non possit, convicti fuerint? Quid, si prædones ipsi evaserint, bona tamen, quæ rapuerant, magistratus ope recuperari possint? Quid deniq̄, si, quantumvis accusati, & convicti, nihil omnino pœnarum sint daturi præter ipsam rerum raptarum restitutionem, idq̄, vel propter insignem minimequæ dubiam magistratus clementiam, vel quia illius loci leges, dummodo rapta restituantur, nullam pœnam raptoribus decernant, vel quia id in eius voluntate positum esse velint, qui rapinam passus fuerit, usq̄, ea restitutione contentus futurus sit, vel quamcumq̄, aliam ob causam? An non vides, fieri posse, ut quis sua a prædonibus rapta coram magistratu petat, & tamen nulli capitale periculum creet, nec capitalem vindictam, immo ne vindictam quidem ullam contra aliquem expetat? Falsò igitur, & per calumniam, ut dictum est, Racoviensibus tribuisti, quòd ex exemplo illo, ex quo ipsi nihil nisi vindictam (maximè capitalem) per magistratum expetere non licere concludere volunt, colligi posse dicant, non licere coram magistratu se offerre, & sua a prædonibus rapta repetere.

XXII.

Palæologi
lapsus.

Adversarii tui, ut probarent, Christum æternum regem, & sacerdotem esse in Ecclesia absq̄ successore, pag. 72. caput 7. epistola ad Heb. citaverant, ubi inter alia dicitur, Christum habere sacerdotium ἀπαρὰ Βασιλευ, quam græcam vocem dixerant ipsi id significare, id est sine successore. 1. Hoc tu pag. 286. reprehendis & adversarios rogas, ut addiscant, antequam loquantur, & non obscure (quod alibi sepe facis) ignorationem lingue græcæ illis obiicis. & tamen nec, quid aliud significet ea græca vox, doces, & interim, illud ipsum, quod adversarii dicunt, eam significare, satis aperte concedis. Etenim turpi lapsu, dum reprehendere Racovienses in animo habes eius rei causa, quod ex æterno sacerdotio, & regno Christi, in quo successoribus non est locus, non rectè id, quod volunt, colligant, nec, quid sit sine successore esse, rectè percipiant, eos reprehendis, quod Christum regem, & sacerdotem esse dicant, qui successore careat. Nam quid attinet de ipsa voce ἀπαρὰ Βασιλευ verba facere, cum certissimum sit, eam idem significare, quod, si latinè dici posset, significaret Intransmissibile, id est eiusmodi, ut ad alium non transmittatur? Quod quid aliud est, quàm in eo non dari successorem? Quid igitur tibi vis, cum græcarum litterarum inscitiam tuis adversariis ascribis? Nonne tu ipse ex loco illo, Christum nullum successorem habere, colligi posse, demonstras, cum pag. 287. ita scribis? Nullum igitur habet successore.

successorem, quoniam nunquam moritur: suc-
 cessor autem datur & mortuo & repulso. *Quam-*
quam antecedentia verba, ad que ista referri de-
bent, que sunt illa, Ergo illum, de quo ibi agit,
&c. adeo sunt typographi culpa (ut arbitror) deprava-
vata, ut satis intelligi nequeant. Verum ex aliis ver-
bis tuis, que postea recitabimus, te id sentire, quod
diximus, valde perspicuum erit. Hic autem animad-
vertendum est, te dicere voluisse, cum Christus num-
quam moriatur, certum esse posse, eum nullum ha-
bere successorem, cum certum sit, ipsum nec repul-
sum fuisse, nec repellendum fore, successor autem aut
mortuo, aut repulso detur. Quod quam recte a te ex-
pressum fuerit, ceteri iudicabunt. Certè, nisi hoc pa-
cto ex ingenio verba tua suppleamus, atq; interpre-
temur, ineptissime locutus esse videri poteris, qui ex
eo solo, quod Christus non amplius moriatur, con-
cludis, eum nullum habere successorem, & tamen in-
terea ipse fateris, non mortuo tantum, sed repulso
quoq; successorem dari. Fateris igitur, Christum nul-
lum habere successorem. Idq; sine dubio ex loco ab
adversariis citato prebari concedis, ut mox apertius
constabit. Quid igitur tibi vni? Cur adversarios tuos
ob id ipsum & reprehendis, & simul irrides? At di-
ces, In hoc ipsos reprehendo, quod non intelligunt,
quid sit, Christum non habere successorem, & qua-
lem vim hæc verba habeant. Iam hoc, Paleologe,
longè aliud est, nec cum eo, quod tuæ reprehensionis
initio dicebas, ullo modo consentit.

2. Sed videamus, cur adversariis obiicias, quòd non intelligant, quo sensu dictum fuerit, Christum successorem non habere. Nam inquis eadem pag. 287. non ob id nullum habet legatum in sua Ecclesia, & qui reconciliet Deo homines, ut ex filiis iræ faciat filios amoris Dei, & ex mancipiis principis huius mundi, reddant mancipia regni Christi. & qui regat populum sanctis legibus? Et mox. Est igitur regnum & Sacerdotium Iesu Christi ἀπαράβατον, quoniam nec in aliam tribum, nec in aliam familiam, nec in aliam personam, vel ob mortem ut Davidis & Aaronis, vel ob repulsam ut Saulis & Eli, quam in Iesu Christi familiæ Davidicæ, tribus Iuda, personam, hoc sacerdotium & regnum coniectum à Deo patre est, sed non est hoc regnū & Sacerdotium ἀπαράβατον ratione legatorum & ministrorum, qui pro domino agant. Quasi verò negetur a Racoviensibus, Christum suos legatos, & ministros, qui pro ipso agant, in Ecclesia habere. Sed aliud est esse regem, aut sacerdotem, aliud legatum, aut ministrum. Habent & mundani ipsi reges (nam hinc de regno potissimum queritur) suos legatos, qui regis legati dicuntur. non tamen sunt ipsi reges. Ita Christus suos legatos in Ecclesia habet, non tamen sunt ipsi Ecclesiæ reges. qui verò est hodie, aut umquam fuit, qui se Christi ecclesiæ regem merito nominare queat. Immo quis est ex i-

psis

psis regibus, qui Christi nomen profitentur, quem, si ecclesie Christi regem appellare velis, non sit id ægerimè laturus? Non negant igitur hoc loco Racovienses, vel legatos suos Christum in Ecclesia habere, vel in ipsa Ecclesia inveniri posse, qui alioqui sint reges. sed negant, ullum inveniri, aut esse posse, qui ipsius Ecclesie sit rex præter unum Iesum Nazarenum, qui Christus propterea est appellatus. Sed dices. Quorsum hæc, cum hic quærat, utrum homo christianus magistratum civilem gerere possit? Respondeo, non id hoc loco quæri, sed illud, utrum quisquam Ecclesie rex sive ex toto, sive etiam ex parte præter ipsum Christum esse possit, ut postea docebimus, & cur hac de re a Racoviensibus disputatum fuerit, ostendemus. Nunc, te eorum mentem non percepisse, eosq; sine causa reprehendisse, indicare satis habui.

3. Illud sanè miratus sum, te tam facile adversariis concessisse, ex eo epist. ad Heb. loco probari, Christi Iesu regnum $\alpha\pi\alpha\rho\alpha\delta\alpha\tau\omicron\nu$ esse, cum ibi de sacerdotio tantum agatur. Quod etiam si cum eorum, quos adversus te defendendos suscepi, reprehensione coniunctum videatur, tamen reticendum non censui, ne lector, me in eundem errorem (si tamen error est) vobiscum incidisse, putaret. Nec verò opus est, ut hac de re aliud dicam, eaq; in medium asseram, quæ ad te, & illos excusandos pertinere possent.

Quoniam Racovienses pag. 76. dixerant, in testamento novo nusquam ne unum quidem verbum ostare de tortoribus, carceribus, crucibus, & flagellis, quæ

lis, quorum scilicet in Ecclesia usus esse deberet, ex quo concludi posse sperabant, ista omnia ex Ecclesia exterminanda esse, tu pag. 290. illorum obiectionem 23. fingens, eos affirmantes facis, illud ex testamento veteri non esse recipiendum a christianis, cuius mentio nulla fiat in novo. 1. Vbi non animadverti rei, de qua agitur, circumstantias, quæ in causa sunt, ut non possit, nec porro debeat ex ipsorum argumentatione universalis ista propositio concinnari. Idcirco enim, cum prædictarum rerum in testamento novo nulla fiat mentio, non sunt illa ab Ecclesia recipienda, quia in testamento novo de iis, quæ ad Ecclesie gubernationem pertinent, verba fiunt, quia Christi ecclesia leges suas a legibus synagoga Mosaicæ distinctas habet, quia denique multa in testamento novo de Ecclesia dicuntur, quæ cum istis rebus non bene convenire videntur. Hæc cum eo iuncta, quod earum nulla mentio inibi fuerit facta, id efficiunt, quod istud per se efficere forsitan non potuisset. Atque horum omnium rationem in argumentatione sua concludenda Racovienses habuisse, confitebitur quisquis vel oscitanter ea perlegerit, quæ in eorum scripto proximo antecedunt.

2. Quamquam non video, cur universalis propositio illa, quam tu adversarius falso per errorem ascribis, si rectè intelligatur, tantopere sit reprehendenda. Multa enim sunt, quæ in novo testamento continentur quidem, sed non explicatè, & disertè, verùm vel sub involucro quorundam verborum quodammodo

dammodo latent, vel ex sententia aliorum manifesta necessario proficiscuntur, vel ex totius doctrine ratione aperte colliguntur. Quidquid igitur neque explicatè, & disertè, nec ullo præterea ex prædictis modis in novo Testamento continetur, quamvis id in Testamento vetere scriptum sit, non tamen a christiana ecclesia omnino est recipiendum, id est nihil cogit, ut ea, si nolit, illud recipiat. Si ad hunc modum propositio nem istam interpretemur, non crediderim, eam ab homine verè christiano falsitatis condemnari posse. Meminisse autem debemus eius, quod a me supra non uno in loco disputatum fuit, leges morales veteris Testamenti, sub novo Testamento nulla ex parte cessasse. adeò ut ea omnia quæ in veteri testamento de moribus præcepta sunt, ea quoque in novo præcepta fuerint, quamvis aliquantò plura, & perfectiora sint novi Testamenti mandata, quàm veteris. Quocirca, cum aliquid in veteri Testamento præceptum invenitur, quod ad mores propriè pertineat, etiamsi illud in novo Testamento expressum non fuerit, tamen servari debet ab homine christiano, qui eam rationem universæ Testamenti novi doctrine esse novit, ut plus etiam, quàm in veteri Testamento mandatum fuisset, præstari in moribus velit. Hinc apparet, quomodo, & quatenus non inutile nobis futurum sit vetus Testamentum, etiamsi historias, & vaticinationes omnes, quæ nobis cognitu utilissime sunt, inde expungerentur. quæ tamen omnino, quamvis moralia planè inutilia forent, conservandæ essent, & propter

pter illas ipsum vetus Testamentum, quod ubiq; ferè alterutras cum præceptis, aut monitionibus ad mores pertinentibus admistas habet. Itaq; nullo profecto pacto rectè concludis, cum pag: 291. ais, si, quidquid non est in novo Testamento, etiamsi in vetere sit, tollendum est, tolli debere ipsum testamentum vetus totum. Ista enim propositio, quocumq; tandem sensu, qui planè ineptus ac ridiculus non sit, enunciata fuerit, ad ea tantùm referenda est, quæ ad præcepta pertinent. quibus sublatis, adhuc vaticinationes, & historie remanent, quæ totum ferme volumen occupant. Exemplum porro, quod deinde afferis de legibus non contrahendi matrimonii in quibusdam gradibus cognationis, aut affinitatis, meæ & sententiæ, & propositionis illius interpretationi nihil obest. Ad mores enim eæ leges pertinent, & ad honestatem, quam, ut dictum fuit, multò maiorem sub novo, quam sub vetere Testamento esse decet. & idcirco, quamvis eadem leges in novi Testamenti scriptis expressæ non sint, tamen pro expressis habentur. Nam, si turpitudinis illius, quam ipsa humana ratio in quibusdam cognatis, aut affinibus mulieribus sibi matrimonio iungendis esse animadvertit, in Testamento vetere habitata ratio fuit, & propterea interdictæ in eo coniunctiones istæ fuerunt, multò magis eiusdem turpitudinis in novo Testamento est habenda ratio, & idcirco coniunctiones illæ non tolerandæ.

XXIV.

Commodissimam adversarios tuos reprehendendi occasionem tibi nactus esse videris, quia dixerint.

rint, Christum præcepisse, ut sui de mundo exirent. Itaq; pag. 320. ais, nusquam legi dictum fuisse Christianis, ut de mundo fugerent. Hoc enim (inquis) est seipsum occidere & vita præsentis privare. Et statim adiungis, Quis igitur est istæ v&sanus, qui quod nusquam extat citat, & quod aliter dicitur a Paulo allegat pro Christi dicto. 1. Verum quàm futilis est ista tua reprehensio! Quis enim tam parum exercitatus est in lectione Testamenti novi, qui nesciat, huic voci Mundi, plures notiones subiici apud Apostolos, & Evangelistas. Duae autem sunt præcipue. Vna est, cum ipsos homines, eorumv& convictum significat, Altera, cum homines impios, aut carnales, eorumv& studia, aut cogitationes designat. Priore notione dixit Paulus Corinthiis ea verba, Alioqui deberetis de mundo exire. quem locum videris ad redarguendos adversarios tuos tacite attulisse. Atqui ipsi non hac notione, sed posteriore vocem Mundi in suis verbis extulerunt, ut plus satis apertum est. Iam, si id quaris, ut locus proferatur, ubi disertè scriptum extet, oportere nos de mundo exire, valde iniquum te præbes. præsertim cum adversarii tui non verba citent, sed sententiam urgeant. Quod ipse probè nosti, qui non verborum, sed sententiæ in ipsis reprehendendis rationem habuisti, cum id, quod ipsi dixerant Exire de mundo, tu, ut reselleres, recitans, Fugere de mundo, dixeris. Quod gravior lapsus tuus videtur, cum non verba ipsa, sed mentem adversariorum spectaveris, & tamen, quo sensu

1. Cor: 9.

Palæologus
lapsus.

sensu vocem Mundi usurpaverint, non animadvertis, quamvis tu ipse eodem loco, eodem, quo ipsi, sensu eam vocem extuleris. Etenim paullo ante dixeras, omnibus Christianis præceptum fuisse, ut putarent, se mortuos esse mundo. Ex quibus verbis tuis adeò præterea adversariorum dictum confirmatur, ut meritò te ipsum resutasse dici possis. Nam profectò, qui putat, se mortuum esse mundo, is (quantum in se est) de mundo exit. Nonne Paulus dicit, sibi crucifixum, esse mundum, & se mundo? Quid hoc (quæso) aliud est, quam exire de mundo? Nam si, ut ipse ait, is exit, seu fugit de mundo, qui seipsum occidit, & vita præsentè privat, Mundi scilicet voce in priorem illum sensum accepta, ut Mundus homines ipsos, eorumve convictum significet, cur non dicetur is de mundo exisse, qui hominibus impiis, atq; carnalibus, vel potiùs eorum studiis, atq; cogitationibus mortuus sit, Mundi voce posteriore sensu illo usurpata? Nonne idem Paulus ait, Iesum Christum dedisse se pro peccatis nostris, ut nos eriperet ex præsentè sæculo nequam? Eripi ex sæculo, & Exire de mundo nonne idem sunt? An non adversarii tui hæc eadem prorsus intellexerunt, qui ad seipsos explicandos ad hunc modum pag. 80. sunt locuti? nec se configurare huic sæculo, sed exire de mundo, illique crucifigi, ne cum eo pereant, præcepit. I nunc, & vesanum nomina scriptorem istum, quia scilicet perverse Pauli mentem interpretatus fuerit.

Palæologus
seipsum
refutat.

Gal. 6. 14.

Gal. 1. 4.

2. Nam quod illi opponere videris, non Christum, sed apostolos, maximè Paulum, ista præcepta dedisses, ad eò est frivolum, ut supervacaneum sit illud resellere. quasi verò Christus per os apostolorum suorum locutus non fuerit, vel ipsi, cum eiusmodi præcepta dederunt, ex suo ipsorum sensu, propriaq; auctoritate sint locuti. Quid, quod Christus ipse testatus est, se apostolos suos, qui exemplar quodammodo in plerisque omnibus cæterorum Christi discipulorum sunt, de mundo selegisse? quod tu ipse alibi ita interpretaris, ut que hic dicitur, resellere existimari debeas. Sic enim

Ioh: 15. 19.

Palæologus
sibi con-
trarius.

ai p. 308. De mundo suos Apostolos dicit Christus & Paulus nos selectos fuisse, quoniã ab omnibus: mundi & carnis fructibus: subtrahiti, subditus Deo ut fructibus spiritus incumbamus. Vbi sanè, & nos a mundo separatos esse debere, ideoq; de mûdo exire & Christũ ipsum id curasse, contra quàm hic scribas, & sentias, non obscure affirmas. Cũ tu inter alia, que in priore scripto tuo attuleras ad probandum, hominem christianum non modò posse, sed etiam interdum debere arma contra hostes capere, non semel repetiisses, debere nos, nisi virtutis desertores esse velimus, tutari nos, nostraq;, quorum curam nobis Deus commendasset, hucq; pag: 23. sententiam illam (Pauli, ut videtur) detorquisses, quòd, qui suorum curam non habent, infidelibus sunt detiores, de quibus alibi accuratiùs agemus, Cum, inquam, hæc scripseris, unde colligitur, te proditoris, & astorgiæ eos insimulare, qui nullo modo bella car-

XXV.

i Tim: 5. 8.

nalibus armis gerere volunt, adversarii tui sub finem
 sue responsionis, sermone ad Christum converso, multa dicunt, quae his paucis summatim comprehendendi
 possunt, In te Christe haec probra iaciuntur. Nam si
 isti verè argumentantur, tu maximè proditor & astorgus
 fuisti, qui odio habere parentes, eosq; deserre, abnegare uxorem, & liberos propter nomen tuum iussisti. quin & nos ipsos abnegare, odioq; habere, atq; ad extremum mori, & animam perdere, ut tibi vivamus, voluisti. Hec autem dicentes, ut patet, ostendere voluerunt, non quidem Christum astorgiam aliquam praecepisse, sed maximam praecepturum fuisse, si vera esset argumentatio tua. 1. Attamen tu per manifestam calumniam ipsis obiicis, quod Christum astorgiam docere dicant, atq; adeò ipsorum dictis contra ipsos uteris, qui tantopere hostium dilectionem ex Christi disciplina urgeant. Eos autem ad hunc modum loquentes inducis, obiectione 33, pag. 328. Atqui Astorgian concionatur, & commendat hominibus Christianis Christus, cum dicit patrem, matrem, &c. & in responsione multum laboras, ut probes, Christum suos dilexisse, quasi id negent adversarii. Deinde addis, Christum quidem velle, ut, cum amor erga nos, nostraq; non potest cum eo amore convenire, quo Deus vult, se, sua, & suos amari, aversemur amorem nostri, & Dei amorem sequamur. non tamen hoc esse astorgiam introducere, sed veram storgen statuere, Deumq; ut det, praeceteris omnibus amandum proponere. Itaq; imprudens

Palæologi
 calumnia.

Palæologo
 adversus
 seipsū argu-
 mentatur.

imprudens contra teipsum argumentaris. Nam hoc illud est, quod adversarii tui intellexerunt, propterea scilicet non esse (ut tibi videbantur) astorgos, & proditores illos, qui, ut se, suaq; defendant, arma non capiunt, nec hostes interficiunt, quia multo præstantiore amore, ac fidelitate, quàm ea sit, quàm sibi, suiq; debent, adducti id faciunt, nempe eâ, quæ ipsi Deo debetur, qui per os Christi suis inimicis benefaciendum esse monuit, eosq; amandos, nobisq; id mandatum esse voluit. nec umquam postea, ut pro nobis, nostrisq; defendendis arma caperemus, hostesq; interficeremus (quod cum mandato isto omnino pugnat) vel iussit, vel ulla ratione permisit. Quemadmodum nec astorgi, nec proditores sunt illi, qui omnia sua, seq; ipsos spernunt, & odio habent, ut Christo serviant, eiusq; Evangelio obediant. Quamquam hoc ipsum amare inimicos suos, eiusq; bene facere præcipua pars est eius servitii, quod Christo debemus, & Evangelii obedientie, estq; discipulorum Christi maxime propria & peculiaris quedam nota.

2. Quenam est igitur altera hîc mirabilis calumnia tua, cum ais, Racovienses antichristianismi, & gentilismi mandatum esse dicere, minùs cætera omnia amare, quàm Deum ipsum! In quo illud perpendendum est, quodd, ne planè calumniari videreris, dum ea recenseres, quorum amor minoris faciendus sit, quàm amor ipseus Dei, versutè simul, atq; ridiculè inimicos inter ipsa numeras, quos scilicet Racovienses plus, quàm Deum ipsum, amari a nobis vellent.

Palæologi
calumnia.

Palæologi
versutia
ridicula.

quasi verò inimici ex numero earum rerum sint, quæ ad eò nobis sunt caræ, ut periculum esse videatur. ne quando præ illis Deum contemnamus, quemadmodum sæpe præ liberis, uxore, parentibus, amicis, & aliis eiusmodi rebus contemnimus.

XXVI.

Sed iam eò ventum est, ut ex iis reprehensionibus, quas nobis diluendas esse putavimus, una tantummodo reliqua sit, quæ maioris momenti ipsa sola, quàm ceteræ omnes, esse videri queat. quippe quam tu plus, quàm ceteras omnes, urgeas, & ex qua sola (ut ita dicam) titulum libro tuo facere volueris. Eam autem idcirco omnium postremam diluendam mihi sumpsi, quòd nullis certis locis tue responsionis contineatur, sed per universum scriptum quodammodo vagetur, & ad extremum potissimum a te inculcetur. Ea est, quòd turpiter, ac miserè decipiantur Racovienses, qui nolint, ulla ratione homini Christiano licere civilem magistratum gerere. De veritate huius reprehensionis mihi exactè inquirendum non est, cum non hic sit disputationis vestræ scopus. Siquidem, ut supra demonstratum fuit, non de magistratus officio est quæstio vestra, sed de privatorum. nec sanè opus fuerat aliam disputationem de magistratu instituire præter hanc, Vtrum tanta sit magistratus auctoritas, ut eò iubente, aut concedente, possit quisq; Christi discipulus iure bellum gerere, & hostes bellando interficere, aut vim vi repellere, & suarum iniuriarum pœnas ab inimicis expetere, eosq; ulcisci, etiamsi alioquin hæc omnia homini Christiano inter-

no interdicta fuerint. Nam, si qua sunt ex istis, quae velimus etiam sine magistratus auctoritate fieri a quolibet privato Christiano homine iurè posse, quid (quæso) attinet de magistratu querere? Quamobrem id tantum agam, Primum ut ostendam, non id sentire Racovienses, quod tua reprehensio indicat, & idcirco ea in parte reprehensionem tuam minus veram esse demonstrarem. Deinde ut gravissimam quamdam criminationem, quam cum ipsa reprehensione coniungis, accuratè diluam.

Dico igitur, non eam esse Racoviensium mentem, ut hominem Christianum a civili magistratu gerendo penitus excludere velint. Quod tamen te existimasse, complures tuæ responsionis loci, iudicio meo, perspicuè docent. Quamquam, utcumq; tu eorum verba interpretatus fueris, non erat hæc res silentio prætereunda, sed, quid Racovienses in suo scripto de civili magistratu scripserint, diligenter perpendendum, ut si qua fortasse sinistra, id est non vera opinio de ipsorum sententia in re tanti momenti in legentium animis hæreat, ea stirpitus, si fieri possit, inde evellatur. Itaq; affirmo, a Racoviensibus non negari Christiano homini civilem magistratum gerere licere, eumq; summum etiam regem, & monarcham esse posse. Sed hæc duo negant ipsi. Vnum est, Ecclesie Christiane regem alium esse posse præter ipsum Iesum Christum, Alterum, eum, qui Christianus esse velit, humanum sanguinem fundere posse, sive privatus sit, sive etiam magistratum gerat. Posterius

hoc an rectè ab ipsis negatum fuerit, nec ne, non est meum iudicare. nec sanè est, quòd de veritate huius questionis hoc loco solliciti simus, cum, ut dictum fuit, ea ad disputationem ab initio inter vos institutam non ita pertineat, ut sine eius cognitione tota de re decidi, & optimè diiudicari non possit. Primum autem illud, ut rectissime negatum est, sic etiam ad disputationem vestram maximè pertinet, ut statim planum faciemus. 1. Dicit enim aliquis, Quid attinebat, Racovienses in suo scripto urgere, neminem præter Christum ipsum christianæ ecclesiæ regem esse posse? Nam quis est, qui aliter sentiat? aut quid tandem hoc, ut intelligamus, homini privato, qui christianus esse velit, nec bellum gerere licere, nec suas iniurias ulcisci, etiamsi auctoritate magistratus id facere possit? Nullus quidem est, qui neget, neminem præter Christum ipsum christianæ ecclesiæ tamquam ecclesiæ (sic enim intelligimus) regem esse posse, sed tamen tantò maiorem id urgendi causam habent Racovienses. Quandoquidem ex eo id probare volunt, quod maximè contendunt. Nam, si ecclesiæ christianæ nullus terrenus rex datur, sed tantummodo cælestis Christus, primùm id necessariò sequitur, ecclesiam Christianam, in terris licet degentem, terrenum tamen regnum non habere, & proinde christianorum possessionem, & bona non terrena, sed cælestia esse. Ex quo consequitur, hominem christianum pro istis terrenis omnibus conservandis nihil laborare debere, & indignum planè esse, ut pro ipsis defendendū,

dendis, inter quæ propria ipsius vita numeranda est, ulli mortalium damnum aliquod, aut perniciem asferre curet. præsertim cū hæc alioquin homini christiano penitus fuerint interdicta. Deinde, si christiana ecclesia, quatenus ecclesia Christi est, neminem, nisi Christum, pro rege agnoscit, satis intelligi potest, nullam esse tantam in terris potestatem, quæ homini christiano id concedere possit, quod Christus ipse negavit, vel cuius auctoritate id christianus homo facere possit, quod alioquin facere prohibetur. Quocirca, cum Christus homini christiano privato vindictam interdixerit, non potest magistratus ullus eidem mandare, aut permittere, ut se ulciscatur. nec, si is alioquin ulcisci suas iniurias non potest, sua auctoritate efficere, ut possit. Hinc verba illa Racoviensium in extrema pag: 69. Hoc iussu Christi faciendum, illud iussu Magistratus: hoc in gratiam Christi, illud in gratiam Magistratus. Quis sanus mente, non dico fide, talia portenta vera esse credet? Et illico ea verba adiungunt alibi a nobis recitata, O hominum cæcitatem, quæ cum sua quærit, ea quæ sunt Christi, & sua in eo bona non videt, cum pro carne & terræ pugillo certat, &c. quæ verba, ut antecedentia ad posteriorem effectum, sic ipsa ad priorem respiciunt, quos ex eo, quod christiana ecclesia nullum regem præter Christum agnoscat, manare diximus. Propterea igitur pag: 71. ea verba Racoviensium leguntur, In Ecclesia enim Christi, ut solus Christus est Rex,

qui nullo unquam gladio pugnavit, vel contra hostes dimicavit: Ita nec suis illum tradidit, sola excommunicatione relicta, &c. & paullo post, Quod si ergo nunc aliquis vel Regem (quales erant typici ante Christum) vel sacerdotem introducere velit in Ecclesiam Christi (de politis enim nihil loquimur) is proculdubio Christum regno, sacerdotioque spoliatur, cum hæc non amplius in unum aliquem transcant, &c. *Quis tam stupidus esse potest, ut ex his Racoviensium verbis non intelligat, ipsos negare, non quidem hominem christianum magistratum, aut regem esse posse, sed ipsius Christi ecclesie regem, Christive in eo regno successorem ullum dari? Iam verò, quod alibi aut dicunt, aut dicere videntur, christianum hominem magistratum esse non posse, id ita intelligendum est, ut homini christiano non liceat talem esse magistratum, quales sunt plerique alii, id est qui ea faciat, quæ ceteri faciunt, eaque sibi licere existimet, quæ ceteris licita esse creduntur. atque id præcipue, ne putet, se humanum sanguinem fundere posse. Hoc ipsos sensisse, docent aperte hæc illorum verba pag. 74. Parere Magistratui Christiani iubentur & timere Magistratum, non autem gerere aut eius officio fungi, ut addicat aliquos morti vel decollet fontes. Vides qua ratione hic Racovienses negent, aut potius negare videantur, christianum hominem magistratum gerere posse. nempe quia nolunt, ei licere quemquam morti addicere, &*

fontes

fontes decollare. Nec verò aliter sentire debemus, quia pag: 76. ea ipsorum verba legantur, Verum christiano viro, qui ovis esse debet, mundum, urfos, lupos, sues regere ut non licet, ita etiam si maximè velit, non potest. quasi hìc manifestum sit, eos affirmare, nullo modo christiano hominì licere alios homines regere, & sic magistratum esse. Namq; diligenter animadvertendum est, eos verbum Licet hoc loco (si modò sic ipsi scripserunt) novo quodam sensu usurpasse, ut scilicet idem significet, ac si dixissent, Non videtur consentaneum, sic enim allegoria etiam, qua utuntur, postulare omnino videtur, non autem ut id significet, quod significare solet, id est Non iure conceditur. Planum autem hoc fit ex eo, quòd nulli dubium esse potest, alio sensu hìc ab ipsis dictum fuisse, non licere christiano viro mundum regere, alio verò, eum non posse. Atqui, christianum hominem non posse mundum regere, apud ipsos nihil est aliud, quàm, iurè id fieri ab ipso non posse. Igitur, non licere eidem mundum regere, aliud sine dubio significat, quàm eum non posse iurè mundum regere. Nam, non posse christianum hominem mundum regere, idem Racoviensibus significare, quod iurè id ab ipso fieri non posse, ex rationibus constat, quibus illud confirmare student, ostendentes, si id facere velit, ad ea illi esse deveniendum, quæ Christus nobis interdixit. quasi dicant. Posset quidem homo christianus mundum regere, si in eo regimine Christi præcepta negligere vellet. sed quoniam nullo iure homini christiano

stiano Christi præcepta negligere conceditur, pro-
 pterea minimè potest homo christianus iurè mun-
 dum regere. Itaq̃, dum aiunt, ut viro christiano mun-
 dum regere non licet, sic, etiamsi maximè velit, eu-
 non posse, nihil aliud dicere volunt, nisi, quemadm-
 dum minimè consentaneum videtur, ut vir christi-
 nus, qui ovis est, mundum, id est lupos, & alias bestias
 impuras atq̃ immanes regat, sic etiam ipsâ experi-
 entiâ compertum iri, id sine Christi præceptorum
 contemptione præstari non posse. Non tamen negant
 Racovienses, si quis Christianus inventus fuerit, qui
 citra violationem mandatorum Christi id præstari
 queat, quin iste iurè mundum regere possit. Nec enim
 ipsum regimen per se ullo modo vituperant. sed pro-
 pter mundi malitiam, non autem propter ipsius regi-
 minis naturam non vident, quomodo, eo retinendo,
 possit quis simul veri Christi discipuli officium retine-
 re. nec porro quamvis dissentaneum videatur, ut o-
 vis lupos regat, illi ve præsit, idcirco hominem chris-
 tianum perditos ipsos atq̃ profligatissimos homines
 regere, iusq̃ præesse iurè posse, aut negant, aut in du-
 bium revocant, si ceteroquin omnia sint consenta-
 nea. & Christi præceptis nulla vis fiat. Hæc est omni-
 no Racoviensium mens hoc loco. quo tamen iudicio
 meo nullus est in toto eorum scripto magis aptus ad
 persuadendum, ipsos sensisse, non licere homini chris-
 tiano civilem magistratum gerere inter non chris-
 tianos. Id enim disertè dicere videntur, quia (ut di-
 ctum est) in verbo Licere usurpando, nova quadam
 ipse

ipsi licentia sunt usi. Qui locus si non esset, ego sanè facile credidissem, eos in universo eo sermone, quem de magistratu habuerunt, nihil aliud sensisse, quàm id, quod in ipso initio dixerunt, & quasi totius disputationis summam quamdam proposuerunt, neminem videlicet, ut sapius diximus, Christi ecclesie, tamquam ecclesie, regem esse posse, præter unum ipsum Christum. Ex quo tamen loco id de Racoviensium mente colligi posse videtur, nihil esse, quod prohibeat, verum Christianum populi aut christiani, aut non mali & perversi regem, ac magistratum esse, non quidem, si christianus populus sit, tamquam christiani, sed simpliciter tamquam populi.

2. Hinc autem perspicitur, quanta sit illa calumnia, qua huius de magistratu disputationis occasione adversarios premis, dum ad finem pag. 284. ita scribis, videmini in hoc tendere, ut sublato magistratu gladii ex orbe Christiano, cogantur Christiani homines, qui causas habent, ad vos solos recurrere. & pag: 311. Curigitur vos invidere videmini aliis alterum illud ministerium gladii, quod Deus voluit esse dignius vestro? Et deniq; pag: 320. Sed isti homines modo suo cerebello satisfaciant, & curent destrui magistratum gladii, ut ad ipsos cognoscendæ omnes Christianorum lites devolvantur, parum curant quid & unde & quomodo dicatur. Itaque confidenter innocentes homines in iniustissimam invidiam, tamquam si iustissima esset, vocare tentas? Nam

Palzologi
calumnia.

tas? Nam quomodo cuiquam videri de ipsis id, quod dicitur, potest, cum, ut demonstratum fuit, ipsi nec Christianum hominem civilem magistratum gerere, nec Christiano populo praeesse posse negent? Sed fac negare. Nonne eadem ratione negant, se, qui Christianos se esse, aut certè esse velle profitentur, magistratum civilem gerere posse? Quomodo igitur huc videntur tendere, ut ad ipsos solos in civilibus causis a Christianis hominibus decurratur? Et, si hoc non est magistratum civilem gerere, quomodo alii negare possunt id, quod sibi permittunt? Quòd si alii non negant de causis civilibus cognoscere, quomodo sperare possunt, ut ad ipsos solos earum cognitio devolvatur? Quid porrò dicemus, cum ais, videri ipsos aliis invidere gladii ministerium, quod Deus voluit esse dignius ipsorum ministerio, quod verbi est? Nam quid aliud hoc sibi vult, quàm eos videri cupere, ut ipsi gladii ministerium habeant, quod alios non sine animi sui molestia habere vident, aut certè non posse pati, ut alii gladii ministerium habeant, & ita se honoratiores sint? Verùm quomodo hoc videri potest, si & gladii ministerium, quatenus a verbi ministerio distinguitur, illos alios habere posse non negant, nec se magis, quàm alios, illud habere posse affirmant? immo, quatenus illud aliis adimunt, multò magis sibi ipsis adimunt, quatenus verò concedunt, sibi ipsis minimè concedunt? Certum est enim, ut dixi, eos nulla ratione concedere, ut quis Ecclesiae dominetur præter ipsum Christum, & propterea negare, in Ecclesia, tamquam

tamquam Ecclesia, ullos esse gubernatores, aut magistratus, sed apostolos tantum, prophetas, doctores, & pastores. ut legitur pag: 73. Vnde satù constare potest, ipsos nihil dubitare, quin ecclesiastica ministeria a ministeriis civilibus sint separata aded, ut qui ecclesiasticum ministerium habeat, civile habere nequeat. Ex quo consequitur, cum ipsi verbi ministerium habeant, quod proculdubio ecclesiasticum ministerium est, eos sibi ipsis nulla ratione concedere, ut civile ministerium habere possint. Quocirca non est, quòd sperent, ex ipsorum doctrina de magistratu civili, etiamsi recepta esset, ad se gladii potestatem devolutum iri, nisi prius verbi ministerium deponant. quod non dubito, si ii sunt, quos se esse profitentur, & me credere charitas iubet, quin multò pluris faciant, quàm totius terrarum orbis imperium.

Hec sunt, quæ a te in Racoviensium scripto minus rectè reprehensa fuisse, docere volui. Alia multa iniuriâ a te in illis reprehenduntur, sed quia vel leviora sunt, vel de iis fortasse commodiùs infra agatur, idcirco præmittenda hoc loco esse duxi, & ad tertiam responsionis nostræ partem transeunlum.

RESPON-

RESPONSIONIS

AD IACOBUM PALAEOLOGUM

pro Racoviensibus

PARS TERTIA.

IN tua, Palaeologe, ad Racoviensium scriptum re-
 sponcione nec semel, nec leviter conquestus es, quod
 ipsi in eo scripto ad rationes, & argumenta scriptu-
 re auctoritate innixa, quibus sententiam tuam de
 bello a Christiano homine gerendo confirmaveras,
 nihil ferè respondissent, quamvis illud adversus sen-
 tentiam tuam scripto similiter expositam ex profes-
 so conscripissent. Quamobrem, tametsi hac tua que-
 rela, quemadmodum in superiore parte attigimus
 iniusta videri possit, tamen, ne conquerendi amplius
 ullam causam habeas, aut certè ne mihi id ullo pa-
 cto obiicere umquam possit, quod illis obiecisti, ut ab
 ipso initio pollicitus sum, hac tertia meæ responsionis
 parte, si non omnia, potiora saltem, quæ tu ad sen-
 tentiam illam tuam confirmandam attulisti, resu-
 tare constitui. Enitar certè, & spero, Deo adiutore,
 non inanem operam, & laborem nostrum esse futu-
 rum. Nec solùm ista resutare conabor, sed ea etiam
 quæ ad alterum caput disputationis vestræ, de quo
 in posterioribus scriptis explicatiùs disputatum est,
 nominatim pertinent, id est ad confirmandum, lice-
 re homini Christiano per magistratum suas iniurias
 ulcisci.

Alcisci. & primum de priore capite, deinde de poste-
 riore agemus. Et quia ad nonnulla iam ex tuis argu-
 mentis, atq; rationibus ad utrumq; caput spectanti-
 bus in superioribus disputationibus responsum est, hic
 ad ea respondere non erit necesse, præsertim verò ad
 illa omnia, quæ ex veteris testamenti testimoniis aut
 tacite, aut aperte a te ducta fuere. nam & iam sa-
 tis ostensum est, Christum præcepta dedisse a Mosis
 præceptis diversa, & hac eadem de re in proxima,
 id est postrema huius operis parte nonnihil dicemus,
 dum, te in discrimine Legis, & Evangelii a scopo
 multum aberrare, planum facere conabimur. Ad eas
 tantum rationes respondebimus, quibus probari cre-
 di, in iis ipsis nominatim, de quibus controversa-
 mur, nullum inter Mosem, & Christum discrimen
 esse, & Christum, vel quod ad bellum gerendum, vel
 quod ad forensia iudicia attinet, eorum, quæ Moses
 antea statuerat, sive sub Lege iussa, permissave e-
 rant, nihil mutasse, rationes interea, quibus gene-
 ratim Christi præcepta a Mosis præceptis non differ-
 re, nec aliquid diversum a Mose Christum mandas-
 se, demonstrare tentas, tamquam eas, de quibus vel
 satis iam disputatum fuerit, vel postea disputandum
 sit, minimè attingentes.

I. Prima ratio, quæ sese nobis diluendam offert,
 qua probari sortasse credis, non posse tantum, sed e-
 tiam debere hominem Christianum bellum iniuste
 illatum sustinere, ea est, quam ex iis, quæ antea di-
 sputaveras, colligis, & tamquam præludii cuiusdam
 conclusio-

CAPVT
 I.

conclusionem, ante propositam questionem explicanda pag. 5. *At enim, cum in bello iniuste illato sustinendo agatur de tutandis & suis propriis, & patrie bonis virtutis, & iustitiae publicae desertorem esse illum, quod id facere negligat.*

Hec ratio nullius est ponderis. Virtus enim ista iustitiaque publica christianae virtuti, divinaeque iustitiae posthabenda est. At Christiana virtus, ut supra dictum fuit, est, se, suaque omnia non tanti facere, ut pro iis conservandis cuiquam damnum aliquod, aut perniciem afferatur, ut evenire necesse est in gerendo cum hoste bello pro iis tutandis, quae eis invadere tentat. & breviter christiana virtus est, iniuriam patienter ferre potius, quam sese ulla ratione ulcisci. Sed mundus, & cum eo hac in parte Palaeologus hanc pro virtute vera nondum agnoscit. immo eam non contemnit modo, atque deridet, sed etiam, tamquam insigne vitium, damnat, atque reprehendit. Orandum est Deus, ut & tibi, & illis mentem illustret, & a terrena prudentia ad sapientiam caelestem vos aliquando traducat, novosque homines faciat. Iam vero divina iustitia omnino postulat, ut, quando Deus nobis caelestium aeternorumque bonorum spem fecit, haec terrena atque caduca pro nihilo habeamus, praesertim ipsius causa. Qua de re maxime tunc agitur, cum de obedientia agitur, quae illi praestari debeat, nec ulla re magis eius gloria a nobis amplificatur, quam eius praceptorum conservatione. potissimum vero, si, ut illa conservemus, eiusque obediamus, non tantum alia nostra

nostra omnia, sed ipsam quoq³ vitam nostram nihil³ estimemus. Precipit autem Deus, quemadmodum sepius dictum est, ut inimicis nostris bene faciamus. tantum abest, ut eos aut cedere, aut interficere, ut in bello sustinendo sit, nobis permisso esse voluerit. nedum id ab ipso mandatum fuerit, ut scilicet nos nostraq³ tutemur, quorum curam in se universam reiici voluit, & hac in re precipue fidei, atq³ obedientie nostrae erga se publica & manifesta indicia extare. 1 Pet: 5. 7.

11. Sequitur ratio quaedam ex Iohannis Baptiste verbis desumpta, qui interrogatus a militibus, quid ipsi facere deberent, respondit, Ne quem concutiatis, ne quem calumniemini, & contenti estote stipendiis vestris. Ex hoc enim responso apparere a³, Iohannem illud genus militiae approbasse, in quo ad defensionem imperii alieni, & ad repellendum, atq³ invadendum hostem, & cadendum, aut occidendum arma, mercede accepta, gestarentur. Quod certe non fecisset, si hac facere non licuisset. cum (inquit) sanctus esset vir & Spiritu sancto plenus, adhuc ex utero matris suae, & quo maior nullus erat inter natos mulierum, nisi unus Rex Israel Iesus Christus. Hac a te scripta leguntur pag. 13. Luc: 3. 14.

Perfacile dissolvitur tota ista argumentatio tua, si consideretur, etiamsi evangelica disciplina multa non permittat, quae legalis disciplina permittebat, tamen Iohannis Baptiste officium non fuisse ali-

Bb

quid

quid mutare eorum, quæ sub Lege erant, quippe cum hoc munus ipsius Iesu Christi proprium esset, qui primus omnium caelestem quamdam doctrinam multo, quam ea, quæ ante ipsum in Dei populo fuerat, perfectiorem mundo traditurus erat, quam ante ipsius prædicationem ipsi etiam Iohanni prorsus incognitam fuisse, credendum est, tantum abest, ut eam ipse publicare debuerit. Erat quidem magnus Iohannes, & spiritu sancto plenus, & quo maior propheta nondum extiterat, Sed adhuc tamen sub Lege erat, terrena loquebatur, nec per se, id est sine Christo caelestis regni erat particeps, adeo ut minimus eius regni ipse maior esset. Breviter, etiam si Iohannes ipse per se divina voluntatis sub Evangelio scientissimus fuisset, tamen non ipsius, sed Christi erat hominum mentes nova atque admirabili Evangelii doctrina illuminare.

Ioh: 1. 8. Nam, ut ait Evangelista, Non erat ille lux, &c. Cum igitur milites interrogassent Iohannem, quid facere deberent, satis habuit is, qui viam tantummodo paraturus Domino venerat, monere eos, ut ex Legis præscripto viverent, præsertim cum de æternæ salutis via nihil interrogassent, sed tantum dixissent, Et nos quid faciemus? etiam si tu scripsis eos petiisse, ut viam salutis sibi aperiret. Quam in re mirabili techna usus esse videris, & Viam salutis dixisse, ut imprudens lector æternam salutem intelligeret, quemadmodum usus loquendi sub Evangelio postulat, & interim tamen tu falsitatis convinci non posses, sed, si quis tibi obiiceret, nullam salutis mentionem

Mat: 11. 11.
Luc: 3. 1.
Palæologi
techna.

onem fieri apud evangelistam, responderes, verum id quidem esse, sed te sententiam non verba retulisse, Ex precedentibus autem manifestum esse, interrogationem istam ad minas Iohannis respicere, quæ venturam iram omnibus, nisi resipiscerent, minabatur, & omnem arborem non ferentem fructum cædendam, & in ignem mittendam esse dicebat, Quocirca, cum milites, postquam alii interrogassent, Quid ergo faciemus? interrogant ipsi, Et nos quid faciemus? certum esse posse, eos unâ cum aliis interrogasse, quid sibi faciendum esset, ut ab ira illa, & clade futura servarentur. requæ de huius salutis via locutum fuisse. Concedatur istud tibi. Sed interim fallacia, quæ in verbis tuis subest, animadvertatur, & firmum, ratumq; sit, milites istos nequaquam de via æternæ salutis interrogasse. Nam nec sanè de vita æterna, deq; tam amplo Deo obedientibus præmio proposito quidquam aperte locutus est Iohannes. Quare nec etiam ea præcepta attigit, quæ ad vitam æternam contendentium propria sunt. Nihil autem dico, quod, cum evangelista milites separatim a reliquo populo interrogantes inducat, & illos publicanus quodammodo pares faciat, qui & ipsi seperatim interrogant, satis intelligi potest, genus vitæ militare non minùs periculosum, nec magis Deo probatum fuisse, quàm publicanorum, qui vix sine Dei offensione suum vitæ genus retinere ullo modo poterant. Quamquam, si milites id facerent, quod militibus illis præcepit Iohannes, nullum periculum

esset, ne militia eos ad Christi mandata violanda adigeret. Quamvis enim (ut tu quoque observasti) cum Iohannes illis præcipit, ne aliquem concutiant, non de hostibus, sed de aliis, qui hostes non erant, loqui censendus sit, videntur tamen ea verba ita universè concepta fuisse, ut postea suo tempore, quemadmodum prophetarum verba solent, non aliter, ac sonant, accipi possent, & idcirco, ne hostes quidem ipsos concutiendos esse, & porro militiam ipsam planè abiici debere, intelligeretur.

III. Sed eodem loco simul addis, & Iohannem, & Christum (quamquam de Iohanne id aperte non explicas) tributum approbavisse, quod Romanis pendebatur pro alendo milite intra Iudæam contra ipsam Iudæam, ne scilicet rebellaret. De Iohanne, ut dictum fuit, curandum non est. Quod ad Christum attinet, fateor, me paullo hebetiorem esse, nec videre, quomodo Christus tributum approbando, id est illud (ut tibi quidem videtur) Romanis, seu Cesari solvendo, & ut solveretur, dignum esse affirmando, militiam in suis approbet, vel etiam permittat. Primum enim haud verisimile est, universum Iudææ tributum pacis tempore alendo in ea provincia militi servisse. Quinimmo crediderim, eo tempore haud sanè magnam eius partem in eum usum conversam fuisse. Deinde, etiamsi militum stipendia totum tributum absumpissent, tamen, postquam tributum exactum erat, pecunia Cesaris fiebat, & cum militibus stipendia solvebantur, quamvis ex eadem ipsa pecunia

nia solverentur, quam populus publicanis dedisset, tamen perinde erat, ac si ex ipsius Caesaris thesauro pecunia fuisset deprompta. idq̄, affirmo verum futurum fuisse, etiamsi tributum istud univ^{er}sum nominatim ad militem alendum fuisset imperatum, nisi velimus, nihil prorsus pecuniarum, præter Iudææ tributi pecuniam, Casarem habuisse, unde eius provincia militibus stipendia solveret, eamq̄, pecuniam nullo modo in alios usus, præterquam alendi milites, potuisse converti. Sed sac postremo, ita esse, ut modo dixi, non solum tributum istud univ^{er}sum nominatim propter alendos milites imperatum fuisse, sed etiam sine eo tributo militem in ea provincia a Casare ali non potuisse, num propterea militiam approbat is, qui eiusmodi tributum solvit, aut solvendum esse dicit? Regibus, ac principibus solvi tributa imperata debent, quamcumq̄, tandem ob causam illa imperent. Sicut enim ipsis parere debemus in iis omnibus, quæ Dei mandatu non adversantur, sive ipsi boni sint, sive mali, ita iisdem tributa pendere omnino debemus, cum tributum pendere per se nulla ratione divinis præceptis repugnet, sive bene, sive male ipsi eo tributo utantur. Debitum est enim omnino tributum principi, ut Paulus docet, & est tamquam æs alienum nostrum cum ipso principe. Quare ea pecunia, quam ad tributum pendendum exponimus, etiam antequam tributum pendamus, nostra censenda non est, sed ipsius principis. Bona enim nostra intelliguntur, deducto ære alieno. Præterea quero abs te, quid

Rom: 13. 6,
& 7.

facere, aut dicere Christus debuisset aliter, quam dixit, aut fecit, si militiam minimè probasset. Numquid vel ipse tributum non pendere, vel, ne alii penderent, suadere debuisset? Atqui hoc nihil planè fuisset. nam vel nihilominus eam pecuniam princeps extorsisset, vel illi armata manu fuisset resistendum, & ita in illud ipsum incidendum, cuius vitandi causa tributum negatum esset, immo in tantò maius malum, quantò gravius est committere delictum, quam non impedire, ne committatur, & regi, ac principi suo damnum aliquod asferre, quam hosti. Adde, quòd, cum dicimus, bellum gerere, seu militare homini christiano non licere, non de rege, aut principe, seu magistratu, sed de privato loquimur. Quapropter, etiam si Christus, dum vel ipse tributum (ut tibi placet) ad alendum militem solvit, vel, ut solvatur, aliis precipit, videri posset consentire, ut is, cui tributum solvitur (magistratus scilicet) bellum gerere, & militiam instituere posset, nec tamen christianus non esse, aut esse desinere, tamen non idcirco privato homini concederet, ut bellare, vel militare posset, & nihilominus christianus esse. Huc accedit, quòd non omnia, quæ christiano homini facere non licet, sunt per se ipsa mala, & reprehensione digna. Alioquin nullo pacto multa, ut fecit, per Mosem concessisset Deus, quæ per Christum interdixit, ut quidem nos sentimus, & supra satis ostendimus. Quocirca, quamvis apud nos dubium non sit, quin privatus homo, si bellum gerat, aut militet (nisi fortasse eiusmodi militia

litia esset, quæ terrori tantummodo incutiendo inseruiret) a Christi regno excludendus sit, tamen, si alioqui iustum sit bellum, iustaq; militia, & ab omni scelere aliena, non dicetur iste ex sententia nostra malum aliquod committere, aut reprehensione dignus esse, nisi quatenus interim se pro Christi discipulo venditare vellet. & propterea nihil necesse fuit, ut Christus, quacumq; sibi oblata occasione, militiam, aut bellum reprehenderet, vel minimè se approbare ostenderet. Sed satis fuit, & iam præcepta dedisse, quibus ista suis interdixisse merito dici posset, & nihil deinde aut dicere, aut facere, unde colligeretur, milites, & bellatores ipsius discipulos, & regni celestis participes esse posse, præsertim cum pro eo tempore, quo in terris versatus est, tametsi caelestem illam suam doctrinam mundo exposuit, tamen non ita aperte eam explicavit, ut post suum in caelum ascensum per apostolos suos fecit.

IV. Ex iis, quæ hæcenus disputata sunt, responsio ad id colligi potest, quod dicitur, aut dicere vis, Cum Christo nulla umquam præterea occasio data fuerit loquendi de bello, aut de militia, aut de iure armorum, & prædictis occasionibus sibi oblatis, ita, ut visum est, se gesserit, & potius ista omnia approbaverit, quam reprehenderit, concludendum omnino esse, si de ipsis illi ex proposito questio proposita fuisset, ipsum fuisse responsurum, ea cunctis licere. Namq; ex supra dictis patet, nec fuisse istas occasiones aliquas de istis rebus loquendi, nec Christum aliquid istorum

ſuo factō, aut dictō comprobāſſe, præſertim ita, ut privato cuiquam ea licere indicaverit, multò autem minùs diſcipulis ſuis, nec ullam cauſſam fuiſſe, cur, etiamſi iſta nulla ratione approbāda cenſuiſſet, tamen vel ab iis faciendis, aut dicendis, quæ dixit, & fecit, abſtinere debuiſſet, vel iſta reprehendere, aut vituperare. Cæterùm, quid Iohannes, cum publicanis, & militibus ea dixerit, quæ dixit, eadem ſibi propoſita quæſtione, reſponſurus fuiſſet (nam de Iohanne quoq; idem urges) laborandum nobis non eſſe, ex ante dictis intelligi poteſt. Quare, ſi quid præterea argumenti ex iis, quæ dixerit, aut non dixerit Iohannes, a te ductum fuerit, non erit, quòd aliquid ampliùs reſpondeamus.

V. At verò pergens, pag: 14. duorum exemplum affers, qui arma tractarent, quorum evangelica hiſtoria meminit, & eos laudat, nec tamen, ut arma deponerent, ullus Apoſtolorum eos monuiſſe legitur.

2. Vnum exemplum eſt centurionis illius, cuius puerum Chriſtus ſanavit. quem (aũ) a fide in te ſummè commendat. ſed quòd geltaret arma, & pro Romanis militaret (occifurus, ſi quis aut rebellaret, aut impreſſionem in Romana caſtra, faceret) non vituperat. Exemplum hoc vel ex eo nullius ponderis cenſeri debet, quòd centurio iſte Ethnicus erat, necdum ad Ethnicos Evangelii prædicatio translata fuerat, nec ulli Ethnicò Chriſtus ipſe unquam viam ſalutis annunciavit. Quæ igitur cauſſa erat, cur Chriſtus eius militiam vituperaret? quali

verò

Mat: 2.
Luc: 29

verò tunc temporis Ethnici quoq; regni caelestis capaces haberentur, & periculum esset, ne populus, audiens istius in se fidem a Christo vehementer commendari, iam ipsum caelestis regni participem esse crederet, & propterea, illius exemplo, eius regni participes arma gestare, & militare iure posse, sibi persuaderet. Itaq; etsi illum Christus a fide in se summè commendat, non tamen idcirco, in Dei regnum iam illum ingressum fuisse, affirmat, sed tantummodo, ea in re eum admiratus, Israelitarum incredulitatem tacitè notandi, ac vituperandi occasionem nactus est, & simul prædicendi, futuram, ut Gentes in caelestere regnum asciscerentur, Israelitæ verò inde in imas tenebras eiicerentur. Nec verò, etiamsi ea centurionis fides in homine Israelita fuisset, is tamen vel non dignus, qui a Christo laudaretur, vel iam caelestis regni particeps fuisset. Quandoquidem fides ista, quamvis laude dignissima, non tamen ea fides erat, quæ Dei filios per Christum efficit. Neq; enim ex eo, quòd centurio ille crederet, Iesum Christum divina vi præditum esse adeò, ut absens quoq; ægros solo iussu sanare posset, continuo sequitur, illum ei fidem in salutis æternæ via iam habuisse, aut omnino habiturum fuisse, eiq; per omnia obtemperaturum. Nam, quòd àis, Apostolorum neminem istum centurionem monuisse, ut arma deponeret, quid (quæso) id tandem est? Numcubi saltem legis, vivum centurionem istum fuisse, cum Apostoli Evangelium ipsis quoq; Gentibus prædicare cœperunt? Desine aliquando Palæologos

Palæologus
Ineptus.

ineptire. & tibi cum hominibus, non autem cum trun-
cis, & stipitibus (ut tu in extrema pag: 311. adverfa-
rios tuos appellas) rem esse interdum cogita. Quod si
hæc de Cornelio centurione dixisses, de quo alibi ait,
Petrum non coegisse illum, ut centurionis munus de-
poneret, non tam ineptè locutus esses. tam verò nihil
neccesse fuit, Petrum cogere Cornelium munus illud
centurionis deponere, etiamsi munus ipsum centuri-
onis omnino, & per se (quod tamen, paci præsertim
tempore, ut tunc erat, non putaverim) Christi præ-
ceptis repugnasset. Sed satis fuit (ad hoc scilicet, ut e-
um per baptismum Ecclesiæ aggregandum censeret)
ex spiritus sancti dono illi cælitus demisso animad-
vertisse, illum prædicationi suæ fidem adiunxisse, &
Christo Iesu sese obedientem præbere decrevisse. Nā,
quid post baptismum Cornelius fecerit, non narra-
tur, nec in munere illo perseverasse legitur.

2. Alterum exemplum est Iosephi ab Arimathea,
qui decurio (inquis) Romanus erat, Iudæus gen-
te, qui consultor in senatu de vita & nece ho-
minum, & miles inter Romanas acies versaba-
tur. Turpis, isq; multiplex lapsus tuus est hic Palæo-
loge. Primum enim credidisti, Iosephum istum mili-
tem fuisse, nempe quia in vulgata Latina editione
apud Marcum, & Lucam legisti, eum fuisse decurio-
nem. Sed quomodo non animadvertisti, apud Lati-
nos Decuriones appellari non eos modò, qui equestri-
bus decem militibus præsumt, sed municipales sena-
tores quoq;? Num fortasse, novo & inaudito exem-
plo, enni-

Palæologi
Lapsus mul-
tiplex.

Mar: 15. 49.
Luc: 23. 50.

plo, eandem vocem duplici sensu, eodem tempore usurpatam fuisse, existimasti? Cur tu id fecisti, quod in Racoviensibus pag. 273. reprehendis? Cur, inquam, exemplaria græca (homo præsertim græcus) non consuluisti? In græcis enim codicibus pro eo, quod in latinis est Decurio, utrobiq; Βδλευτῆς legitur. quæ vox nullo modo militarem decurionem significare potest. Sed quid dico? Consuluisi tu omnino Græca exemplaria, ut ex eo apparet, quod consultorem in senatu Iosephum fuisse ais, ubi nomen Βδλευτῶν sine dubio exprimere voluisti. atq; ita deinde in alium errorem lapsus es, quod, eundem Iosephum & militem, & consultorem simul in senatu fuisse, ex sacra historia colligi putasti, cum tamen nihil, quod huc pertineat, de eo amplius dicatur, nisi eum fuisse Βδλευτῶν, sive, ut latinus interpret vertit, Decurionem. Sed tu nimirum (nescio quo pacto) Græcam cum Latina appellatione coniunxisti, & Iosephum, tamquam diversis appellationibus, non decurionem tantum, sed Βδλευτῶν quoq; nominatum fuisse somniaisti. non animadvertens interea, quàm parum verisimile sit, Iudæum hominem, divitem, & gravem in ipso Iudæorum senatu consultorem, sive Senatorem, militem inter Romanas acies (ut ipse loqueris) versatum fuisse, & decem tantum equitibus præfuisse, ut nomen ipsum Decurionis indicat, quamvis non desint, qui integræ turmæ decurionem præfuisse velint.

Mat: 27. 57.

Mar: 15. 43.

VI. Concludis tandem, & pag: 15. ais, quæ supra dixeris, christiano homini satis esse debere, ad intelligendum scilicet, id verum esse, quod contendis, proferimus cum Christus nusquam aut in bellum, aut militiam, aut in arma inuectus fuisse legatur. cum tamen inter hæc omnia viveretur eo tempore, & in illis defendendis ageretur, quæ aliena erant, & Romani invaserant, & Iudæi contra Iudæos pro Romanis militarent. quod (ais) gravius quiddam est, quam id quod proponitur: An liceat scilicet christiano homini, militare militiam sumptis armis ut defendat suam vitam, suas opes publicas & privatas, suam libertatem publicam & privatam, suam pacem publicam & privatam contra hostes invadere volentes & rapere aliena. Quod si (inquis) illa a Christo reprehensa non sunt, multò minus hæc reprehendi debent.

Si quis ea legat, quæ scribis, & historiae illius temporis cognitionem non habeat, credet fortasse, Christi ætate in illis regionibus, in quibus ipse versabatur, id est in Iudæa, & Galilea omnia armis perstrepuisse, & bella perpetuò gesta fuisse. nam quid aliud est inter bella, & arma vivi, quod tunc ibi factum fuisse ais, nisi bella continenter geri, & undiq; arma personare? Quod tamen falsissimum esse, omnes notunt, qui eorum temporum historiae prorsus non sine ignari. Credet similiter, si quis tibi fidem adhibuerit, milites, qui in Iudæa aiebantur, ferè omnes Iudæos fuisse. Quod tamen mihi nullo modo fit verisimile.

mile. immo crediderim, per paucos fuisse Iudeos milites, qui tunc ibi sub Romano imperio stipendia facerent. Cum enim, ut ipse ait, potius contra ipsos Iudeos, quam externos aliquos hostes, milites in illa provincia alerentur, credendum omnino est, exceptis admodum paucis, de quorum etiam fide minimè dubitandum aliqua singulari de causa videretur, nullos Iudeos fuisse. Et sanè, nisi is Lucæ locus esset de militibus ad Iohannem Baptistam accedentibus, quos Iudeos fuisse necesse est, vix ullum Iudeum in ea militia fuisse, ausus essem affirmare. Quæ cum ita se habeant, quid oportuit Christum vel in bella, quæ nullæ erant, vel in militiam, & arma invehî, quæ ab iis, ad quos eius prædicatio pertinebat, vix tractabantur? An non sine ulla vel necessitate vel causa se Romano præsidio suspectum planè reddidisset, quod idcirco militem nullum esse debere dixisset, ut præsidio militari amoto, vel sui Iudæi faciliùs rebellare possent, vel ipse Iudææ dominatum occupare, præsertim cum propter nomen Messie, id est Regis, quod ipse non renuebat, iam suspectus haud omnino iniuriâ esse posset? Satis, ut supra dictum est, Christo fuit ad suos discipulos a bello, armorumq; tractatione deterren-
 tos, illis præcipere, ut inimicis benefacerent, & alia eiusmodi mandata dare, quibus, quantumvis iusta ab-
 stinendi causa esse videatur, efficacius ista interdiciuntur, quàm, si quis nominatim in ipsa in-
 veberetur.

Luc: 3. 14o

VII. Addis postremò Christi exemplum, qui, sicuti
 antea

antea minatus fuerat, armis carnalibus, postquam in
 celum ascendit, regnum suum recuperaverit. eoq̄ ex-
 plicato, epilogum adiungis omnium hæcenus dicto-
 rum. ex quibus, & ex iis præsertim, quæ Christus, dum
 hic esset, se facturum comminatus est, concludis, Chri-
 stum bellum iustum approbavisse, arma pro iustitiæ
 defensione gestanda esse, censuisse, & armis perse-
 quendos eos, qui vel nostra auferre tentarent, vel
 ablata restituere nollent, suo exemplo significasse.

Ad reliqua omnia, præterquam ad ipsius Chri-
 sti factum, modò responsum est. Ad Christi verò fa-
 ctum, quatenus de contumacibus Iudeis, supremam
 potestatem adeptus, dignas pœnas sumpsit, satis res-
 pondimus primæ partis cap. 2. Quatenus verò antea,
 se id facturum, quod fecit, minatus est, quid attinet
 respondere? Nam certè, si ex ipsa facti executione
 nihil ad tuam sententiam stabiliendam elicere po-
 tueris, ut prædicto loco me demonstrasse confido, multò
 minùs ex comminatione elicies. Quamquam non
 pauca sunt, quæ in universo isto facto longè aliter se
 habent, ac tu narres, unde, multò minùs etiam re-
 eo adiuvari, constare potest, quàm hucusq̄, constite-
 rit. Sed ea, si opus videbitur, in sequente responsio-
 nis nostræ parte explicanda reservamus. Quod verò
 in epilogo isto, plus colligendo, quàm antea speraveras,
 ais Christum non fuisse usquam vocatum, aut dictum
 legislatorem, & nusquam legi, aliquid illum in Dei
 lege per Mosem lata immutasse, ex quo, si verum es-
 set, causa tua mirum in modum iuvari videretur.

iam ad

iam ad hoc pluribus in locis responsum est, præsertim
verò primæ partii cap. 7. ad finem. Et iam huius par-
tii initio prædixi, me ad ea, quæ vel tacitè, vel aper-
tè ex veteri testamento argumenta protulisses, nihil
ampliùs hoc loco responsurum.

II X. Sequitur mirabilis quedam argumentatio
tua, quæ, si quis animum advertat, integras quinque
paginas, & eo ampliùs occupat. Incipit enim pag.
18. ab illis verbis, Sed in exemplo Christi, &c. &
durat usq; ad verba illa, Sed iam redeo, &c. pagi-
nâ 23. In qua argumentatione explicanda præter
errores alios non paucos, quorum pars aliqua for-
tasse infra a nobis indicabitur, ita te ipsum implicas,
ut, quid tibi velis, ipse prorsus nescire videaris. quem-
admodum quilibet facillè animadvertet. Primum e-
nim ais, aliquando evenire, ut ministri verbi fiant
ministri gladii a Deo. Deinde ostendis ex Paulo, mi-
nisterium gladii a Deo esse, & magistratui gladium
gestanti omnes parère debere. Hinc inseris, si quis
minister verbi ad ministerium gladii a Deo vocetur,
debere illum parère. alioqui aut cogitabit, ministe-
rium gladii non esse ministerium Dei, aut putabit,
se, quamvis magistratui gladium gestanti obedire
debeat, posse tamen Deo ipsum a ministerio verbii
ad ministerium gladii vocanti minime obedire. Atq;
hic exemplis aliorum munerum, ad quæ Deus homi-
nes vocat, qui, si non paruerint, peccant, ostendis,
posse Deum ad gladii munus, quod ab ipso proficisci-
tur, ministrum verbi vocare, istumq; nisi obediat,
peccatu-

peccaturum, nisi velimus verbi ministrum singulare aliquod Deo non obediendi privilegium habere. quod tamen contra omnino esse, Pauli verba demonstrare ais, quibus ab obligatione obediendi magistratui gladium gestanti nemo prorsus eximitur. Igitur (inquis) si minister verbi a gladii ministro ad gestandum gladium ob commodum reipublicæ sine verbi ministerii impedimento vocatus fuerit, obedire debet. Quamobrem (infernus) multò magis Deo ipsum ad gladii ministerium vocanti parendum illi erit. Quòd si (postremo ais) minister verbi ad patriam sustentandam a gladii ministro vocatus, obedire debet, quid faciendum (tua ipsius verba recito) erit civibus, quibus dicitur: si curam suorum non habent sunt infidelibus deteriores, & qui si Magistratui gestanti gladium, iubenti non parent, iustè secundum leges Dei occidendi sunt, ne sine causa & frustra Magistratus gladium gestare videatur?

En tibi quàm paucissimis verbis potui comprehensa explicatio tua tam admirabilis argumentationis. Cuius explanationis, & ipsius argumentationis turpissima vitia, tamquam ea, quæ per hanc earum synopsis quamdam omnibus patere possunt, non est, cur amplius explicare curemus. Sed tantummodo, quoniam, si qua vis in argumentatione ista est, ea universa in eo consistit, quòd magistratui gladium gestanti omnes parère debemus, quamquam ad hoc per ea, quæ supra disputata sunt, abunde responsum est.

sum est, tamen non abs re erit hoc quoq³ loco eadem de re aliquid dicere.

1. Igitur ex mente ipsorum Ratoviensium in eorum scripto pluribus in locis, præsertim verò pag. 74, & 76. apertissimè exposita, atq³ adeò ipsorum nomine dico, & unà cum Paulo, Petro, Iuda, & aliis sacris scriptoribus palàm profiteor, magistratui sive gladium gestanti, sive minùs, si aliquid fieri iubeat, ab homine Christiano omnino parendum esse non secus, atq³ si Deus ipse iuberet, dummodo id, quod iubet, Dei præceptis iam per Christum, apostolosq³ illius nobis traditis minimè adversetur. usque adeò, ut ne ipsi quidem vitæ nostræ, ut magistratui obediamus, parcendum nobis sit, sive is bonus sit, sive malus, sive tyranus, sive iustus princeps, sive fidelis, sive infidelis. At verò, si aliquid iubeat, quod prædictis divinis præceptis contrarium sit, tunc universa scriptura, ratione, hominum consensu approbante, dico, palàmq³ profiteor, qualiscumq³ ille tandem sit, ei minimè obediendum esse, etiamsi alioquin (ut uno verbo dicam) totus mundus periturus esset. Quocirca, quidquid & hic, & alibi, sæpissime de magistratu disputas, qui quibusdam Christi præceptis comprehensus non fuerit, deq³ obedientia, quæ illi debetur, tantopere urges, id omne supervacaneum in hac questione est, utrùm homini Christiano, qui privatæ conditionis sit, iubente, aut permittente magistratu, arma capere, bellum gerere, & hostes interficere liceat. nec aliquid ages umquam, nisi prius ostenderit,

Rom: 13.
Tit: 1.
1 Pet: 2. 13.
2 Pet: 2. 10
Iud: 8.

nihil horum omnium Christi, & apostolorum eius
 præceptis ullo modo adversari. Id autem te minime
 facturum esse, & penitus mihi persuadeo, & ex illis
 quæ supra disserui, satis constare arbitror. Cetera
 quæ in tua argumentatione continentur, ut dictum
 est, nullam vim omnino habere possunt. 2. Nam
 quis est, qui neget, si Deus aliquem ad gladium ge-
 standum vocet, eum protinus obedire debere? Quis
 porrò nescit, etiamsi Deus iuberet, ut parentes ipsos
 nostros interficeremus, nihilominus parendum nobis
 esse? Nihil deniq; hic efficit Palæologe, nisi in iis ca-
 sibus, de quibus ambigitur, istam Dei vocationem, &
 iussum manifestè demonstras. 3. Iam verò, quod
 ait, dictum esse, eos, qui suorum curam non habent
 infidelibus esse deteriores, tametsi per ea, quæ in hu-

1 Tim: 5. 8. ius cap. initio dicta fuere, satis responsum esse vide-
 tur, tamen considerandum præterea arbitror, quo
 sensu, & qua de re agens, ea verba scripserit Pau-
 lus, ex quibus ista sententia colligi videtur. Loque-
 batur Paulus de viduis, quæ paullo ante dixerat, si
 filios, aut nepotes haberent, addiscerent primùm pi-
 etatem exercere in propriam familiam. quò sine du-
 bio respiciens, ait deinde, eam viduam fidem abne-
 gasse, & infideli deteriorem esse, quæ suorum, ma-
 ximè verò domesticorum, curam non haberet. Pro-
 pterea græca illa verba, εἰ δ' ἔτις non sunt conver-
 tenda Si quis autem, ut a vetere interprete factum
 est, vel Quòd si quis, sed Quòd si qua, ut alii omnes
 fecerunt. ut non sit universalis quedam sententia
 ad omnes

Palæologi
 error.

ad omnes cives pertinens, quemadmodum tu, non rectè locum perpendens, putasti, sed singularis de viduis, quæ filios, aut nepotes habent. Quæ tamen sententia, si ad alios quoque trabenda est, in eundem sensum profectò est accipienda, quo prolata fuit. Cum igitur cura, quam eo loco Paulus intelligit, nihil aliud esse possit, nisi educatio, & institutio, quid commune habere potest cura ista: quam universam Deus hominibus commendavit, cum defensione ab hostibus, quæ cum vindicta necessario coniuncta est, quam sibi integram Deus reservavit?

Rom:12.19

IX. Sed ad tributum pendendum reverteris, & ais, cum Paulus dicat, omnino solvenda esse vectigalia non solum propter iram, sed etiam propter conscientiam, & Romani ex vectigalium solutione colligerent vires, & arma ad defendendum imperium, manifestum esse, hunc Pauli sensum fuisse, ut si (inquit pag. 24) Pilatus, aut quivis alius, qui Pilato in magistratu successit, iussisset ut omnes cives Romani sumerent arma, & starent ad mœnia ad repellendum & occidendum hostem, si aliter reiici ex mœnibus non posset, quod ipse Paulus inter alios, ut pareret suo magistratui, accepisset arma & pro mœnibus steterisset, invasisset quæ & repulisset hostem, ne suo magistratui infideliter suam operam navaret & Deo inobediens esset.

Rom:13.5
& 7.

1. Ad hanc argumentationem tuam iam satis responsum est per ea, quæ ante disseruimus. Nam, si,

Cc 2

ut de-

ut demonstratum fuit, ex approbatione tributi pendendi non sequitur militia approbatio, etiamsi omnino propter alendum militem tributum pendetur, multò minùs ex eo, quòd quis tributum pendere debere dicat, aut vectigal solvi, quod militi alendo inserviat, sequetur, istum ipsum, si fuerit iussus, militem futurum, & arma contra hostes sumpturum. Non enim omnia omnibus conceduntur, aut idem omnibus licet. 2. Verumtamen verba argumentationis tuæ recitare volui, ut in ipsis ea perpendantur si aliter reiici ex mœnibus non posset. Nam ex istis verbis colligi potest, te ipsum non tanti facere magistratus mandatum de capiendis armis ad repellendum hostem, ut semper isti mandato parendum sit, sed tunc demum, cum aliter, quàm armis, repelli hostis non potest. Quòd si dicas, tua ista verba ad verbum Occidendi tantummodo, quod antecesserat, referenda esse, ut sententia illorum sit, tunc demum ab iis, qui urbem defendunt, occidendum esse hostem, si aliter reiici a mœnibus non possit, rogo, cur istam quasi moderationem, & distinctionem in occidendis hostibus adhiberi velis. Nonne, quia mandatum Dei extat, Ne occidito, & pluris Dei mandatum fieri debere censes, quàm magistratus iussum, qui fortasse iussit, ut hostes omnino occiderentur, vel saltem nullius moderationis, aut distinctionis, dum iuberet, ut arma contra hostem caperentur, nec meminit, nec rationem habuit? Atqui, si ita est, ut divinum mandatum de non occidendo, quidquid iusserit magistratus,

gistratus, adhuc vigere velis, eiusq² rationem habendam esse statuas, ab occidendo homine hoste planè abstinendum erit. In eo enim mandato homicidium planè interdicitur. Nam, si dicas propterea occidere hostem licere, quia ex sacra veteris testamenti historia constat, mandatum illud ad hostes non porrigi, iam confiteberis ipse, aliunde, quàm ex magistratus auctoritate, pendere, ut hostes interficere liceat. Deinde, si veteris testamenti exempla attendenda essent, & ex temporis, ac iuris illius ratione de occidendis hostibus statuendum, nihil ista tua moderatione, aut distinctione opus esset. Non enim sub veteri testamento tunc demum hostes in prælio occidere licebat, cum aliter vinci, aut repelli non poterant, sed omnino eos occidere iurè quisq² poterat, nisi aliter expressè a Deo mandatum fuisset. Ex quibus omnibus apparet, te tibi ipsi non constantem, ac te ipsum refellentem, statuere, nec magistratus iussum divina præcepta privatis data tollere, nec amplius testamenti veteris ius, atq² exempla, quod ad hostes interficiendos attinet, attendenda esse.

Palæologus
sibi nō con-
stat, & se-
ipsum re-
fellit.

X. Ex iis, quæ scribis totâ pag. 26, & 27, & in initio 28. argumentatio quedam tua colligitur, quæ, ex ipsis verbis tuis concinnata, huiusmodi est. Apostoli Petrus, & Paulus optimi Christi gloriæ assertores disertè præcipiunt, ut magistratui omnes obediant, nec ullam mentionem faciunt exceptionis alicuius, quam fecerit Christus in aliqua parte legis divine in parendo magistratui gladium gestanti. Ergo Chri-

stus nullam legem tulit de bello, aut de armis, sed omnia ad legis Dei olim per Mosem latae praescriptum integra reliquit.

1. Ad argumentationem istam sic respondeo. Vt certum esset, Christi discipulos non debere arma contra hostes capere, etiamsi magistratus id iuberet, quamvis, magistratu iubente, olim sub Mosaica lege arma contra hostes capi deberent, nihil opus fuit, vel ipsum Christum disertè, & nominatim praecipere, ne magistratui hac in parte obtemperaretur, vel, si hoc ipse praecipisset, eius apostolos, dum, ut magistratui obtemperetur, praecipiant, istius exceptionis mentionem facere, aut alibi usquam eam commemorare. Satis enim fuit, ut non semel dictum est, Christum (quod & fecit) praecipere, ut inimicis bene fieret, & alia mandata dare, ex quibus iniurias suas nullo modo ulcisci licere, apertum esset, praesertim cum ius arma contra hostes capiendi sub ipsa lege Moysis non ex magistratus auctoritate, sed ex ratione universae illius religionis, & ex antiquissimo ac manifesto Dei concessu penderet. Quocirca, religionis ratione sub Christi evangelio mutata, & concessione illa divina novo precepto dato, revocata, quid attinebat magistratus ullam rationem habere? Itaque, apostoli praecipunt, ut magistratui omnes obediant, nulla usquam mentione facta, ne id fiat, cum iubet, ut arma contra hostes capiantur, quia certum est, eiusmodi preceptum semper ita accipiendum esse, ut interim propter magistratus mandata Dei mandata non negligantur.

pligantur, sed hæc illis perpetuo anteponantur. 2.
 Quinimmo, cum tantopere urgent apostoli, ut magi-
 fratibus obtemperetur, eisq̄, quantumvis malis, mi-
 nimè resistatur, novum simul Christi mandatum de
 summa iniuriarum patientia, ac tolerantia non ob-
 scurè inculcant, & in armis capiendis sub Evangelio
 non idem licere significant, quod sub Lege licuit. Ne-
 què enim crediderim ego, sub Lege Mosaica Dei po-
 pulo non licuisse, cum alienigenæ tyranni alicuius
 servitute premerentur, sese armis, si potuissent, in li-
 bertatem vindicare, & ipsum tyrannum interficere,
 præsertim si tyrannus ille ipsos ad divinas leges vio-
 landas adigere voluisset. Historia libri Iudicum
 multis exemplis id docere potest, potissimum verò ex-
 emplo eius, quod fecit Ehud, & Iael uxor Heber Ke- Iud: 3^o
 nai, quorum ille Eglonem Moabitarum regem, hæc 4^o
 verò Ziseram ducem exercitus Iabini Chananeorum
 regis, qui Israelis populum servitute premebant, do-
 lo interemerunt.

Certè hodie, eius, quod olim sub Lege liceret,
 obtentu, non contra alienigenas modò, qui per vim
 imperium occupaverint, sed contra proprios & na-
 turales reges, ut se in divini cultus libertatem popu-
 lus vindicet, arma ab ipso capi posse, receptum iam
 ferè videmus. Atqui hoc pernegant apostoli, dum po-
 testatibus omnibus, sive bonis, sive malis neutiquam
 resistendum esse præcipiunt, & satis apertè docent,
 vitam potiùs ipsam esse deserendam, quàm aliquid
 contra eos, qui dominantur, tentandum, nedum ar-
 ma ad-

ma adversus ipsos capienda, etiamsi alioqui causa iustissima videretur, & sub Mosis lege Deo probatum fuisse constaret. tantum abest, ut præceptione ista parendi magistratui ea omnia confirmet, quæ in armis capiendis sub Lege Mosis fieri, aut poterant, aut etiam debebant.

Act: 23. pag: 28, & 29. XI. Ad apostolorum facta postmodum venis, & Pauli factum narras, quo omnino probari existimas, tanti apostoli exemplo licere homini christiano armis sese cum inimicorum pernicie defendere. Quod factum cū a te fideliter, quod ad propositam questionem attinet, exponatur, hinc illuc repetere non est necesse. sed satis est ostendere, quàm Pauli exemplum istud longè ab eo absit, quod querimus. Cum enim nec Paulum ipsum arma sumpsisse appareat, nec milites, qui eum ad Felicem præsidem deducebant, quemquam, ut ipsum defenderent, interfecisse, aut vulnerasse, aut percussisse contigerit, quid tandem ex facto isto ad id probandum, quod queris, elicere potes? At enim ais, si coniurati illi, secum alios acceptis, Paulum adorti fuissent, sine dubio, milites, qui ipsum deducebant, pro eo defendendo, contra istos pugnatueros fuisse. Quin etiam inquis, Existimo Paulum Civem Romanum inter Romana constitutum arma, Romanis ipsum defendentibus, contra sicarios Iudæos, ne omnino proditor sui & sociorum videretur, sibi non defuturum fuisse.

1. Non animadvertis Paleologe, quàm frustra recum

cum istas rationes deputes. Nam, quod ad milites at-
 tinet, quidquid illi fecissent, nulla prorsus Pauli cul-
 pa fuisset, qui, se eo praesidio armari, nequaquam cu-
 raverat (quod tamen tu, non levi sanè errore, eum cu-
 rasse affirmas pag: 213. idq; non obscure repetis pag:
 239.) sed tantummodo per sororis filium adolescen-
 tem tribuno insidias sibi paratas significari voluerat.
 quas insidias vitandi causa satis fuisset, si tribunus
 eum numquam ad populum produxisset, sed castris
 inclusum tenere perrexisset. nec sanè aliud adole-
 scens ille a tribuno petierat, nisi, ne postero die, id li-
 cèt ludæis rogantibus, Paulum ad populum produce-
 ret. Deinde, cum Paulus Dei spiritum ducem suarum
 actionum haberet, eventus rei omnino consideran-
 dus est, non autem id, quod evenire potuisset. Dei au-
 tem consilio sine dubio factum est, ut coniurati illi
 Paulum adorti non fuerint, nec ullum periculum
 Pauli causa aliquem cadendi extiterit. Sed nec ullo
 pacto erat verisimile aliter futurum, cum coniurati
 illi homines minimè militares vix numerum qua-
 draginta excederent, milites verò ad Pauli custodi-
 am, dum deduceretur, adhibiti quadringenti septu-
 aginta essent. praesertim quòd vix facta erat coniu-
 ratio, cum Paulus deductus est. Quare, etiamsi Paulus
 ipse curasset, ut praesidio illo militum armaretur, nec
 eventus, sed id, quod evenire potuisset, spectandum
 esset, quorum utrumq; ut ostendimus, falsum est, ta-
 men nulla ratione dici posset, Paulum in periculum
 milites illos adduxisse quemquam sui causa caden-
 di, sed

Palæologi
 error.

di, sed tantummodo coniuratos illos ab incepto penitus absterrere voluisse.

Palæologi
āncogitan-
tia,

2. Nam quid dicam de eo, quod ipsum Paulum, si coniurati eum adorti essent, facturum fuisse existimas? Qua ratione (quæso te) non defuisset sibi Paulus, id est, ut interpretari est necesse, ipse quoque armis inimicos suos repulisset? Num fortasse armatus erat Paulus, & apostoli arma gestare consueverant? Num arma ex manibus alicuius ex illis militibus extorturus erat, ut & ipse pugnaret, nec, ut aiunt, sui ipsius, & sociorum proditor videretur? Sed quomodo vel id fieri poterat, vel armatum fuisse Paulum, credendum est, cum ipse vincetus duceretur ad præsidem? Certè de Pauli vinculis cogitare tibi non succurrit, cum ista scriberes. alioquin a tuis istis mirabilibus coniecturis abstinuisses. Verùm quid præterea insulsius, quàm pro facto ponere id, quod ex coniecturis tantùm colligi dicatur, & eiusmodi coniecturis, quæ non dicam incertissimæ sint, sed ne coniecturæ quidem appellari mereantur, quippe quæ potius rationes sint, quibus in omni facti specie, ubi, an arma capere liceat, dubitari queat, te uti posse speras? An non idcirco arma contra hostes invadentes capi & posse, & debere credis, quia, qui aliter facit & sui, & suorum desertor, ac proditor sit? Quid igitur attinuit, ut probares, arma contra hostes capi ab homine christiano iurè posse, historiam narrare, unde, Paulum, si casus quidam incidisset, arma adversus inimicos suos sumpturum fuisse, nulla præterea alia coniectu-

coniectura suadente concludatur, nisi hac, quòd aliqui sui ipsius, & sociorum proditor visus fuisset? Iam ratio ista quanti aestimanda sit, ex iis intelligi potest, quæ & paullo ante, & ab initio disputata sunt. Ut nulla prorsus causa fuerit historiam istam commemorandi. tantum abest, ut ea, tamquam Pauli factum tuam sententiam confirmans in medium afferri potuerit. Et tamen tu ad finem argumentationis tue inde ductæ, in extrema pag: 29. hæc verba scribere non dubitasti, Mihi planè videtur hoc Pauli factum plus valere debere, apud Christianum hominem, quàm omnium quorumvis hominum incertæ sententiæ. Qua in re quàm confidenter te gesseris, nemo facile dixerit.

Palæologi
confidētia

XII. Postremò, antequam ad ea respondeas, quæ tuæ sententiæ opponi posse videntur, statim post modò recitata verba tua, ex tribus, quæ ab adversariis concedi existimas, eam confirmare conaris. Ais enim, illos concedere videri, licere homini Christiano excubias agere, tributa, quibus alitur miles, solvere, & alium, qui sui loco militet, & gestet arma, conducere.

1. De tributorum solutione, supra satis explicatum est. 2. De excubiis verò, quanam adversarium tuorum sententia aut aliquando fuerit, aut etiamnum sit, non ausim affirmare. Hoc tantum dicam, me credere, eos minimè tibi concessuros, excubias ullas homini Christiano agere licere, quæ, nisi interficere, aut ferire hostes liceat, nullæ sint futuræ. Quod

re. Quod tu quoque cum suspicatus esses, aggressus es demonstrare, nihil impedire, quominus christiano homini excubias agere liceat. Itaq; pag. 31. ais, malum esse non posse vigilare ad mœnia pro defensione patrie, quin simul malum sit, malum declinare. Sed hoc non est. Igitur ne illud quidem. Et quasi aliquod dubium esset, ne homini christiano malum declinare liceret, christi ipsius, & apostolorum Petri, & Pauli exemplis id confirmare voluisti. quibus expositis, & argumentatione tua conclusa, addis, Ad quid enim diceremus: Ne nos inducas in tentationem, sed libera nos a malo, si prudentes & scientes studere debemus ut in mala incidamus? Quis umquam credidisset, ex precatione dominica, in qua petimus a Deo, ut sic nobis nostrorum in se delictorum veniam det, ut nos iis, qui in nos deliquerint, veniam damus, argumentum duci posse ad probandum, nobis licere eos, qui in nos delinquant, id est hostes nostros ulcisci? Hoc primus, ut arbitror, tu nos Paleologe docuisti, qui dormiens id vides, quod alii vigilantes ne suspicantur quidem. Sed ad rem. Declinare malum utiq; licet, sed non cum Dei mandatorum contempione. Aliter, ut mortem saltem, si non alia minima mala, vitaremus, & idolis sacrificare, & christo maledicere, eumq; abnegare liceret, immo & Deum ipsum. & stulti fuerunt ii omnes (qui tamen præ ceteris fidelibus ex sacrarum litterarum sententia ab universa Ecclesia commendantur) quos miserrimè mori potius voluisse constat, quam

quàm aliquid istorum facere. Quòd si mori satius est, quàm vel minimum Dei mandatum transgredi, sequitur, non posse nos ita malum declinare, ut interim aliquod Dei mandatum transgrediamur. Quocirca, etiamsi tibi concedatur, idem esse Vigilare, ne in malum aliquod incidas, & Malum declinare, tamen certissimum erit, non posse quemquam ita vigilare, ne in malum aliquod incidat, ut interea divinum aliquod mandatum transgrediatur. Ex quo consequitur, illas excubias, sive pro patrie defensione, sive pro quacunq; re alia, agere christiano homini non licere, quæ cum hostium plagis, aut interitu sint coniunctæ, id est, quæ eò tendant, vel ex quibus facile consequatur, ut hostes cædantur, aut interficiantur. Et quia, nisi excubiæ eiusmodi sint, ut ex iis facile hostium plagæ, aut interitus consequatur, nihil inde elicere potes ad sententiam tuam confirmandam, propterea futilis atq; inanis redditur argumentatio tua.

3. Restat tertium de aliquo pecunia conducendo, qui pro te militet. Hoc iurè fieri posse, crediderim adversarios omnino concessuros, dummodo rectè intelligatur. Ut scilicet conductio ista non sit voluntaria, nec propriè conductio, sed pecuniæ solutio a magistratu imperata, qua alius conducitur, qui pro te militet, id est id faciat, quod tu facere recusas. Nam istud idem est, quod imperatum tributum pendere, quod, quamcumq; tandem ob causam imperatum a summo magistratu fuerit, non modò ab homi-
ne christi-

ne christiano pendi posse, sed etiam omnino debere, supra ostensum fuit, nec tamen inde ullo modo sequi, ut ea facere homini christiano liceat, propterq; tributum illi fuerit imperatum.

Ab argumentis, & rationibus pro tua sententia afferendis ad obiecta, sive obiectiones quasdam adversariorum (ut eae in tui scripti marginibus appellantur) id est eorum, qui tecum non sentiunt, dilue- das pertransis, quas nec propositi, nec muneri mei est a tuis responsionibus vindicare. Tantum, si quid, dum respondes, dictum a te fuerit, quod tuam sententiam confirmandi praeter ea, quae antea attulisti, vim aliquam habere videatur, id, quemadmodum propositum fuit, diligenter refutare conabor.

XIII. Igitur ex responsione tua ad quintam obiectionem pag: 42, & 43. hoc argumentum pro sententia tua elici potest. Omnes Christiani, tam boni, quam mali, populus Dei sunt, sicut erat populus Israeliticus. Ergo poterit Christianorum magistratus unà cum populo christiano iurè bellum gerere pro tuendis finibus imperii sui, non secus atq; id iurè facere poterat unà cum ipso populo magistratus populi Israelitici.

Hoc argumentum duplici ratione potissimum non rectè conclusum est. Primum enim falsum cense- ri debet, omnes Christianos, sive bonos, sive malos, perinde Dei populum esse, ut populus Israeliticus erat. Israeliticus enim populus universus non nomine tantum, sed re ipsa Dei populus erat. Suum enim po- pulum

populum ipse Deus eum millies appellat, & filium ad eum suum primogenitum vocat, quamvis (ut ipse ait) esset maxima pars malus. At nusquam reperies, omnes Christianos, bonos, & malos, Dei populum apud sacros scriptores vocari, nedum ut ipse Deus eos vocet. Ii enim demum inter eos, qui Christiani nominantur, ex Dei populo sunt, qui ipsi per Christum obediunt atque confidunt, ob idque non mali sunt Christiani, nam & christiani verè isti sunt. Ceteri, ut nomine tantum sunt christiani, sic ex Dei populo non sunt revera. Vocat quidem Petrus apostolus eos, ad quos scribit, Dei populum, verum, non ad malos, sed ad bonos Christianos se scribere, ipse testatur, cum ait, ab illis Christum diligere, atque in eum credi. Deinde, ut Israelitici populi exemplo iuste bella geri possint ab aliquo populo pro tutandis finibus, non satis est, eum Dei populum esse, sed necesse est prater ea, ut ei a Deo regio illa, cuius fines tutari velit, eamque sibi conservare, donata fuerit, & tamquam propria possessio, data, ut terra Chanaan ipsi populo Israelitico fuerat. Christianus populus nullam hic in terris regionem habet propriam, sibique a Deo assignatam, sed perpetuo peregrinus est, & in terra aliena. Quare non est, quod quis dicat, eum vel debere, vel posse arma capere pro finibus suis tutandis, quos hic nullos habet. Cælum petit populus iste, quemadmodum olim Israeliticus populus terram Chanaan petebat. Hæc est illi a Deo possessio assignata. Pro hac sibi conservanda, & re ipsa plenè possidenda belligerandum illi est, &

Exod: 4.

22.

1 Pet. 2. 10

1. 2.

est, & quibuscumq; eam sibi quavis ratione eripere conantibus fortiter resistendum. Sed, ut alibi dictum fuit, nec isti sunt homines, nec humanis armis bellum istud geritur, sed demones sunt, & cupiditates male, quæ non nisi divinis armis superari, ac vinci possunt.

XIV. In responsione ad obiectionem septimam pag: 45. sic ratiocinariis. Cum pax est fructus belli, Christianus licere sibi putabit frui pace, fructu scilicet belli, & bello exorto fugiet? ut in bonis scilicet sit amicus, in malis verò amicitia desertor? At ubi nam erit charitas publica, ubi mandatum Dei: diliges proximum tuum sicut te ipsum?

Quamquam ad universam hanc ratiocinationem tuam satis per superiora responsum esse videtur, tamen quedam pauca, quæ magis propriè huc spectent, addenda censui. 1. Dico igitur, cum pax fructus est belli, id planè ex accidente fieri, non autem ullo modo ex natura rei, cum naturâ pax bellum antecedit, bellum autem ipsam pacem funditus evertat, atq; aboleat. Vnde constat, vix pacem belli fructum dici posse, aut ne vix quidem.

2. Quod ais de homine christiano, qui putet sibi licere pace frui, quæ belli sit fructus; & interim bello exorto fugiat, id ridiculè a te dictum est. quasi homo christianus, cum pax est, data opera pace fruatur, & a pace fruenda honesta aliqua ratione abstinere possit, & non necessariò unà cum aliis, nisi gravissimè in Deum, & homines peccare velit, ei pacis fructus sentiendus

Palzology
ridiculus.

tiendus sit. Quocirca futile planè illud est, quod addis, non debere eum, qui in bonis amicus sit, in malis desertorem esse. hoc enim ad eos pertinet, qui sua sponte aliquorum amici sunt, ut eorum bonis fruantur. Præterea istæc humana iustitia est, cui divina perpetuò anteferri debet. quæ, ut supra expositum fuit, ab homine christiano private conditionis bellum geri non debere, manifestè docet. 3. Idem dico de publica charitate, quam urges. Hæc enim publica charitas non tanti esse debet, quanti charitas ipsius Dei, qui per Christum iubet, ut iniuriarum omnium patientissimi simus, sibiq; nos, nostrosq; ulciscendi curam penitus relinquamus.

4. Sed quid dicam, quòd Dei mandatum de diligendo proximum, sicut seipsum, ad bellum gerendum, & hostes interficiendos accommodas? Quis tui ingenii acumen non admiretur, præsertim cum mandata dilectio ista ad hostes ipsos porrigatur, quos, sicut nos ipsos diligere debemus, quippe qui & ipsi Proximè nomine censeantur? Ergo, si tibi credimus, proximum interficiemus, ut mandato de proximo diligendo satisfaciamus. Quis tam stupidus est, qui hæc duo simul consistere non posse, non planè agnoscat? Neq; enim, si quis arma adversus invadentes hostes capere, eosq; interficere negligat, suorum proximorum intersector dici potest, etiamsi certissimum esset, nisi id faciat, futurum, ut hostis cives omnes trucidet, unde concludi debeat, istum effugere non posse, quin proximos occidat, aut hostes arma capiendo, aut ci-

Rom 13. 8.

ves ab iis abstinendo, prestare autem hostes, quàm ci-
 ves occidere. Quandoquidem tunc demum is, qui ho-
 micidium, cum posset, non prohibuit, particeps illius
 homicidii dici potest, si id nulla cum iuris, & divina-
 rum legum offensione facere potuit. At si vel minima
 ex parte ius laedendum, aut divina præcepta negli-
 genda fuerunt, tunc nullo prorsus pacto illius homici-
 dii reus dicendus est. Quòd si nos ipsos interfici per-
 mittere potiùs debemus, quàm vel minimum pecca-
 tum admittere, minimumve Dei mandatum trans-
 gredi, cur, ut alii interficiantur, permittere non pos-
 sumus, & debemus potiùs, quàm ipsi quemquam in-
 terficere, quod gravissimum peccatum est, & cum di-
 vino mandato manifestè pugnat? Non sunt facienda
 mala, ut eveniant bona, multò minùs, ne eveniant
 mala. Deo est cura ista tota relinquenda evitandorum
 malorum, cum id a nobis, nisi aliquod malum
 perpetremus fieri non potest. Nec umquam homo chri-
 stianus in angustias istas coniicitur, ut aliquid mali
 perpetrare ei sit necesse. sed semper in eius potestate
 est nihil prorsus mali admittere, nec ullum ex divinis
 mandatis negligere, si, uti debet, pluris iustitiam, &
 Deum ipsum facere velit, quàm cetera omnia. Ex
 quo intelligi par est, quòd in præposterè ii se gerant, qui
 arma adversus eos, qui dominantur, capiunt, ut
 (quemadmodum aiunt ipsi) Dei cultum, ac religio-
 nem tueantur. Ut enim Deum colere possint, Deum,
 quantum in ipsis est, dedecorant, & stultè ipsius Dei
 aperta mandata contemnunt. quasi verò quisquam
 sit, qui

Et, qui nobis, ut Deum colere possimus, eripere queat, dummodo omnia potius perpeti, quam Dei cultum abiicere parati simus. Quis verò Dei cultus præstantior, quam vitam ipsam negligere, atq; profundere, ut ne minima quidem in re contra facias, ac Deus fieri iussit? Si igitur is, qui tibi in terris dominatur, prorsus iubet aliquid, quod Dei mandatis adverse- tur, morere potius, quam illi obtemperes, & ita Deum maximè coles, non autem armis vim, quam tibi facere conatur, repellere tenta. istud enim non quidem Dei cultum defendere est, sed suam ipsius vitam, aliq; huius mundi bona conservare velle.

Verùm ad te redeo, qui, tamquam id, quod contendis, iam planissimum feceris, hoc loco in eos, quæ arma capere, & insultantes hostes repellere, atq; interficere recusant, non secus inveheris, ac si pessimi omnium hominum forent, eosq; pag: 46. nefarios, proditores, desertores, infidos appellas. sed & antea quod pag: videlicet 32. eiusmodi homines impios prorsus, & christiano nomine indignos esse dixeras. Miser nescis, cuius spiritus sis. Ergo homines innocentissimos, qui ipsi mori malunt, quam alios damno afficere, quiq; sua sponte, ut Deo obediant, tamquam oves, atq; agni sunt, quos lupo invadat, hos, inquam, tu istorum turpium scelexum insimulare non vereberis? Vide quid agas. Nam profectò, nisi respiscis, graves pœnas istarum blasphemiarum in Dei cultores ipsi Deo dabis. Quid enim ampliùs conviciorum in illos iacere posses, si tibi constaret, eos præ ignavia, & timiditate

miditate a belligerando abstinere? Nunc, quando certum esse potest, nec ipse, nisi omnem prorsus pudorem exuere velis, id negare sis ausurus, plerosq; saltem ex ipsis, quominus arma capiant, non nisi religione teneri, etiamsi in maximo errore versarentur, nonne planè immeritò turpissimis istis nominibus eos appellares? Resipisce igitur aliquando, & bellum eo modo, quo potes, cum sanctis Dei gerere desine.

XV. Dum obiectionem, quam facis, adversariorum decimam diluere conaris, huiusmodi argumentationem pro sententia tua nectis pag: 51. Christus, **Luci 22. 36.** cum iam in Iudeorum manus tradendus esset, monuit discipulos suos, ut non ampliùs, sicut antea iusserat, sine gladio essent, sed gladium, vendita tunica, emerent. nempe quia & ipsum pater deserturus erat, & ipse illos. Igitur idem monere censendus est, ut, Deo precibus, & pœnitentia placato, gladio adversus hostem nos armemus, cum id magistratus iubet.

Hæc tua argumentatio non una de causa ineptè conclusa est. Primùm enim figuratum sermonem Christi non intelligis, qui nihil aliud monere vult, quàm summum periculum impendère. Atq; hoc loco libet ex bibliis, quas Vatabli vocant, aureolam ad Christi verba annotationem, quales ferè sunt in illis bibliis, describere. quæ sic habet, Hac parabola significat Christus impendère magnum periculum, ut si quis præfidiis humanis uti voluisset, nihil consultiùs facere potuisset, quàm sibi parare gladium, vel vendito pallio, si aliunde
non

non posset. *Haftenus annotatio.* Patet autem, in hunc sensum Christi verba accipienda esse, quia alioqui, si, ut tu putas, verè monuisset Christus discipulos, ut sese armarent, id est, ut tu interpretaris, legitima praesidia sibi pararent. an non prorsus inanis fuisset monitio ista? Nam quenam legitima praesidia sibi parare poterant, cum magistratum sibi insensum haberent, immo magistratus potissimum is esset, a quo illis metuendum erat? Num voluit Christus, ut sui discipuli contra ipsum magistratum armis sese defenderent, & hoc legitimum praesidium esse statuit? Certè ex interpretatione tua istud omnino consequitur, quod, quàm sit absurdum, & iis contrarium, quae alicubi in hac disputatione ipse scripsisti, quivis facile iudicabit. Illud etiam, quod, duobus gladiis a discipulis ostensis, vel indicatis, dixit Christus, Satis est, demonstrat, aliud Christum sensisse, quàm ipsa verba sonent. quod quia discipuli non intellexerant, nec, ut intelligerèt, multùm intererat, propterea ita respondit Christus, & ansam ulterius querèdi illis praecidit. Interim tamen, se aliud dicere voluisse, quàm illi existimassent, docet. Nã, si revera de gladio ipso sibi comparando, quemadmodum illi putabant, locutus fuisset Christus, numquam dixisset, duos gladios esse satis, cum illi multò plures essent & unicuiq̃, ex ipsis, qui gladium non haberet, ut vendita tunica, eum emeret, ea Christi verba praecepissent. Deinde non vides, ex ipsis verbis tuis, Christi praecipuum istud tunc demum locum habere, cum quis ab ipso Christo deservitur.

Palzologus
absurda
dicit, & si-
bi ipse ad-
versatus.

ritur. Atqui nemo affirmare potest, etiamsi hostem videat, aut sentiat in se irruentem, a Christo se desertum fuisse. Vivit enim hodie perpetuo, & regnat Christus, nec amplius, ut tunc fecit, ad tempus moritur, & suos deserit. Quare nullum argumentum ex isto precepto duci potest ad arma hodie a Christi discipulis contra hostes capienda. Et, qui, cum privatus sit, ea capit, nec ab ipso Deo illa iam antea sibi ad gestandum, usque ferendum tradita habet, satis ostendit, vel se arbitrari, Christo se curæ non esse, vel Christi presidio se parum considerare.

XVI. Ad id prædicto loco, charitatem inter Christianos minimè simulatam esse debere, ut Paulus precipit. Ex quo sequitur, charitatem hominis christiani in patriam suam non debere esse simulatam. Quid autem (inquit) simulatum magis quam temporibus serenis omnem speciem amoris in patriam, cum forte necesse non est, declarare, & tempestate exorta nolle sumere arma, & si sumas, nolle illa vibrare in hostem, sed verlarì in militia veluti insensibilis truncus, qui publicis malis non commovetur, nec avertere malum publicum conetur?

Hæc ratio tua abunde supra confutata est, cum charitati publicæ Dei ipsius charitatem antefereudam esse diximus. Nec eiusmodi rationibus tuis aliquid unquam efficies, nisi prius, testimonia adversariorum diluens, doceas, sub Evangelio a Deo vetitum non esse, ne hostes armis repellamus, etiamsi id
sine

sine ipsorum pernicie fieri nequeat. Præterea animadvertendum est, hominem christianum, quemadmodum, ut dictum est, nullam in terris possessionem habet, sic etiam revera nullam hinc patriam habere. Non enim (ait scriptor ille divinus) habemus hinc civitatem permanentem, sed futuram inquirimus. Quare non est, quod ad hominem christianum attinet, hæc patriæ charitas admodum urgenda, quasi propter patriæ salutem ius aliqua ex parte violari posse videatur, atque, ut patriam servemus, nihil non fieri debeat. quod fortasse concedi posset, si veram hinc patriam haberemus. Sunt igitur ab homine christiano pro patriâ ea omnia faciendâ, quæ Christi legibus, unde omne ius nobis petendum est, minimè adversantur. Nec ulla ferè inter patriam, aliosque locos differentia constituenda est. nisi quod, si cetera omnia prorsus sint paria, paullulum quid præ ceteris locis patriæ concedere licebit. Alioqui facillimè fieri poterit, ut homo christianus alia loca patriæ suæ anteferre debeat, & præ illis patriam contemnere. Id quod homini politico vix, aut potius nullo pacto conceditur, quippe qui patriæ charitate nullam maiorem habeat, tamquam is, qui patriam istam, de qua loquimur, pro vera patriâ agnoscit, adeo ut præ illa suas ipsius voluptates, ac commoda omnia, famam denique, & vitam ipsam negligere, ut equum, sic gloriosum sibi esse existimet. At homo christianus, qui cælum ipsum pro patriâ habet, & cuius πολιτεύμα, quemadmodum Paulus ait, in cælis est, sæpissime vel

Heb: 13, 14.

Phil: 3, 20

minimum ex hominibus divinis & celestibus, hoc est ex suis veri civibus, quantumvis alioqui extraneum, universae terrae patriae merito anteponet. se autem ipsum, suamque non propter terrenam patriam, sed propter caelestem, ubi opus fuerit, planè despiciet.

2. Similitudo, sive exemplum, quod addis de succurrendo, ne navis dissolvatur, quodque novae cuiusdam rationis loco esse potest, adeò nugatorium est, ut nihil supra. Nam quomodo probas id, quod ita constanter affirmas, si homini christiano licet succurrere, ne navis, quae, carinam resutâ, submergitur, penitus dissolvatur, eidem licere contra navem exurere volentes cum eorum detrimento, opem ferre? Certè eius, quod in posteriore parte exempli impedire potest, quominus homo christianus opem ferat, hoc est aliorum detrimenti, nulla ne umbra quidem in priore parte apparet. Quocirca valde mirum videri debet, te nihilominus ista duo paria facere ausum fuisse.

Patrologi
mira audacia.

3. Ceterum, quòd arma sumere, nec ea (ut ais) in hostem vibrare nolle tantopere damnas, ne in eo quidem tecum omnino sentio. Fieri enim potest, ut ad territandum dumtaxat, & ab incepto hostem absterrendum repente arma a populo capiantur, cui si armatum eodem consilio, de quo planè constet, christianus homo sese adiungat, non video, cur damnandus sit. Potest etiam fieri, ut homo christianus arma, magistratu iubente, sumat, publicè antea protestatus, se in hostem iam iam urbem invadentem minime percussurum, sed tantummodo, quatenus ceteroquin licuerit,

licuerit, seipsum, aliosq; defensurum, idq; satis magistratui esse videatur. Nam, si id præster, quod dixit, reprehendendus non videtur. præsertim, si ex eo, quod arma sumat, certum sit, eum non plus periculi vitæ suæ perdendæ subiturum, quàm, si ea sumere negligeret. Nec enim temere homini christiano vitæ pericula adeunda sunt, ipsiusq; iactura facienda. sed tunc demum, cum Dei gloria, proximiq; salus id postulat. Hæc autem idcirco homini christiano concedo, quod non ipsa arma manibus tenere, sed iis aliquem ferire illi interdicitur. nec porro eorum consilium laudo, qui ne ad canes quidem, aut lupos, aliasve feras bestias pro sua vitâ tutanda feriendas gladium secum habere sustinent, cum tamen iidem innocentissimas pecudes ad se earum carnibus alendos iugulare, aut iugulandas curare non dubitent. Superstitio semper vitanda est, tamquam ea, quæ religioni, ac pietati verè sensim, nisi diligentissimè caveatur, ruinam struit. Præstat tamen perpetuò inermem esse, & se sive hominum, sive ferarum omnibus iniuriis exponere, quàm armis ad homines feriendos ulla ratione abuti.

XVII. Pergis autem, & pag: 52, & 53, si rectè mentem tuam percepi, ita argumentaris. Ut hostis, qui nostras aedes ingressus uxori, & filiabus virginibus vim facere tentat, deterreatur, & a malo inferendo desistat, licet obiurgare, inclamare opem, socios adsciscere, de iniuria, quæ tibi infertur, docere, & turbas excitare. Ergo & manum admovere, & verberibus iniuriam inferentem repellere, & si

verbera non profint, ad ferrum tandem confugere licebit. Ut autem consecutionem istam probes, aistorum omnium eandem rationem esse. Quòd si arma ad repellendum, id est, nisi aliter ab iniuria facienda desistere nolit, feriendum, & occidendum hostem capienda non sunt, ne malo resistatur, nec etiam aliquid istorum faciendum erit. nam ubiq; malo resistitur.

Respondeo primùm, causam, sive rationem, cur hostis a nobis occidendus, aut feriendus non sit, non eam solam esse, quod malo resistere non debeamus, vel, Mat: 5. 29. ut apertiùs loquar, non ex eo solo præcepto, ne malo resistamus, colligi, hostem a nobis occidendum aut feriendum non esse, sed ex aliis etiam, in quorum verbis non perinde ludere, & cavillari potes, atq; in istis Rom: 12. 17
& The: 5. 15 facis. lubemur enim, ut unum tantùm commemorem, nullo modo malum pro malo reddere. Qui ea omnia facit, quibus hostis ab iniuria inferenda deterreri possit, nec tamen interea eum vel ipse ferit, vel feriendum curat, nihil mali pro malo reddit. At is, qui, ut iniuriam non patiat, arma ad occidendum, aut feriendum hostem capit, profectò, non dicam malum pro malo reddit, sed, quod multò plus est, ad evitandum malum prior ipse malum inferre studet. Deinde, etiamsi nullum præterea præceptum extaret, nisi illud de non resistendo malo, dico, illum, qui omnia tentat, unde hostis ab iniuria inferenda deterreri possit, nisi illi manus asserat, aut asserendus curet, nihil adversus præceptum illud committere, nec malo resistere

resistere ea ratione, quam Christus sine dubio intellexit. qui, ut alibi docuimus, eo præcepto non omnem resistantiam, quæ malo homini fiat, sed eam, quæ ultionem, seu vindictam coniunctam habeat, interdicerere voluit. Itaq; ex vi præcepti illius rectè concludetur, non licere hostem armis repellere, hoc est eum, nisi aliter ab iniuria abstinere velit, ferire, atq; interficere. nec idcirco tamen sequetur, eum obiurgare, clamare, terrorem illi incutere, & eiusmodi alia facere non licere. illa enim vindictam, sive ultionem continent, hæc verò minimè. Non necesse autem fuit ea omnia singulatim, diligenterq; examinare, quæ tu homini christiano licere pro concessio sumis. Nam satis est, ex sacris litteris regulam statuisse, qua non de iis tantùm, sed de aliis eiusmodi omnibus, quæ excogitari possunt, iudicari queat. Ea est, Homini christiano malum pro malo reddere, seq; ulla ratione ulcisci non licere. Quæ huic regule non adversabuntur, ea omnia concessa erunt nobis. Quæ verò cum ea non convenient, prorsus interdicta censebuntur.

XII X, Sequitur eadem paginâ 53. mirabilis quedam responsio tua ad testimonia adversariorum, quæ pro sententiæ tuæ confirmatione habenda est. An enim, Etiam si extaret præceptum aliquod à Christo datum de nonsumendis armis, tamen non debere præceptum istud plus stabilitatis, aut ponderis habere, sive, ut tu loqueris, maius esse, quàm præceptum a Deo datum de Sabbati die servando. Sed, Christo ipso docente; præceptum istud Dei tunc lo-

cum non

cum non habet, cum de servanda anima agitur. Ergo nec Christi præceptum, si quod esset, de non capiendis armis, tunc locum habere censendum foret, cum de animis servandis ageretur, ut scilicet agitur, cum hostis nos, nostraq̄, invadere conatur.

Atqui, Paleologe, si rectè argumentatus es, ubi-
tuncq̄, de anima servanda agetur, nullus divinis præ-
ceptis erit locus. Itaq̄, ipsa etiam idola, Deo post ha-
bito, colere, ut cætera omittam, tunc licebit, immo
verò opus erit, cum alioquin anima aliqua peritura
fuerit, id est aliquis mortem obiturus sit. Quinetiam,
si Christi verba ex ipsius factis interpretanda sunt,
non necesse erit de vita alicuius agi, sed, dummodo
de sanitate agatur, satis erit. Nam, ut, in die Sab-
bati homini alteram manum aridam habenti eam
sanam reddere sibi licere, demonstraret Christus, ea
verba de diei Sabbati observatione dixit. Qualem i-
gitur Dei cultum argumentatione ista tua nobis ob-
trudis, qualemvè Dei mandatorum conservationem
esse debere statuis, si nec Deū colere, nec eius manda-
ta servare tunc debemus, cū, si id fiat, de vita, aut sa-
nitate alicui periclitandum est? Itane, quasi per cu-
niculos quosdam, universam religionem subruere
tentas? Nam quī fit, ut non videas, Christum, cum
ægroto in die Sabbati sanaret, nihil fecisse, quod
verbis Legis de sabbato servando rectè interpretatis
adversaretur, nec illum exceptionem aliquam ad
præceptum illud attulisse, cum dixit, licere Sabba-
tis animam servare, cum de eiusmodi operibus id
præceptum

Matth. 4.
Luc: 6, 9.

preceptum minimè loqueretur? Nonne ipsi Iudæi, qui, ut, ipse ais, preceptum istud admodum superstiosè servabant, suum tamen unusquisq; asinum, & bovem, qui in puteum decidisset, protinus die Sabbati extraherent? Mirùm sanè est, te, qui tam acriter contendis, Christum, quod ad præcepta attinet, Legis simplicem interpretem fuisse, in præcepto Legis de Sabbato servando plus, quàm interpretem, egisse, & exceptionem quamdam illi adiunxisse, affirmare. Nam, si interpretis nomen tam latè patere velis, ut ista etiam comprehendat, quibus de eo, quod interpretandum est, detrahatur, nulla causa erit, cur non concedas, Christum, quàmvis simplicem Legis interpretem, præceptis Legis quædam addidisse. quod tamen in universa disputatione audacter negas. Quandoquidem non modò eadem ratio est detractionis, quæ additamenti, sed multò plus præcepti auctoritatem convellere videtur is, qui ei aliquid detrahit, quàm qui addit, immo, qui detrahit, aliqua ex parte præceptum verè labefactat, qui verò addit, potiùs illud magis confirmat. Itaq; te non satis tibi ipsi hac in re constitisse, non iniuriâ dici posse crediderim. Præterea dic, quæso te, qualemnam putas, adversarios tuos existimare, Christum legem tulisse de non capiendis armis? Numquid non animadvertis, ipsos contendere, eum eiusmodi legem tulisse, qua aperte interdicitur, ne arma ad feriendos, & occidendos hostes capiantur, tunc etiam, cum maximè nos laedunt, & vitam eripere conantur? Quomodo autem, si eiusmo-

Luc. 14. 5.

Palæologi
inconstan-
tia.

si eiusmodi lex lata esset, posset ei accommodari exceptio ista, Nisi si de servandis animis agatur, cū ipsius salutis rationem haberi nō debere, in ipsa lege expressē cautum fuisset? Quamquam satis esset, legem Christi extare, quæ simpliciter vetaret, ne arma contra invadentes hostes caperentur. Semper enim, cum hostes nos invadunt, de salute periclitamur. Quamobrem, si exceptio ista admittenda esset, tota lex subverteretur, nec ei ullus locus esse posset. Et tu sine dubio ista exceptione tua efficere vis, ut, etiamsi lex de non sumendis armis a Christo lata esset, tamen contra invadentes hostes eas semper sumere non liceret solū, sed etiam opus esset. Postremò, quid tu præceptum servandi sabbati, quod umbratile, & temporarium erat, cum solidis & sempiternis Christi mandatis confers, & si quid ex eo a Christo detractum fuerit, a nobis de ipsius Christi mandatis aliquid eadem ratione detrahi posse, concludis? Quid tu nos Christo exæquas, immo verò anteponis, & eandem auctoritatem, quam ille in Mosaicis legibus habuit, nobis in ipsius legibus tribuis? An nescis, Christum tantò Mose præstantiorem esse, quantò præstantior est is, qui domum aliquam extruxit, quàm ipsa domus, & filius, quàm servus, & is, qui domui præpositus est, quàm is, qui in ipsa domo famulatur.

2. Iam, quòd ex iis, quæ supra dixeris, hic colligis, Christum dixisse, ut quedam animæ omnino serventur, unde concludis, si hoc de privatis rebus, & privatis hominibus dixit, multò magis de magistratu, & patria

Heb: 9. 1.
&c.

Et patria idem dicturum fuisse, ne diligentius huius
 tue argumentationis futilitatem explicemus, satis
 est, ostendisse, te pessimè tantam istam curam, quæ a
 nobis animarum servandarum haberi debeat, ex
 Christi verbis collegisse. ex quibus nullo modo conclu-
 di potest, vel minimum quidem Dei mandatum posse
 infringi, tunc etiam, cum de anima servanda agitur.

3. Quare, quod ais, cum animæ, quas servare de-
 bemus, servari non possunt sine perditione illarum a-
 nimarum, quas, ut servemus, nobis mandatum non
 est, debere nos potius has perdere, quàm, ut ille pere-
 ant, permittere, hoc, inquam, a te ineptissimè conclu-
 sum fuit, cum nec ullæ sint animæ, quas, cæteris post-
 habitis, omnino servare debeamus, sed omnes nobis,
 cum id sine alicuius divini mandati violatione fieri
 potest, servandæ sint, & quamvis Deus non inserit, ut
 omnino quasdam animas servemus, tamen per Chri-
 stum mandaverit, ut nullas omnino perdamus. Ex
 quo fit, ut privati homines, quibus gladius a Deo da-
 tus non est ad perdendos eos, qui malè faciunt, si
 Christo, Deoq; obedire velint, vel cum totius mundæ
 salute, ne unam quidem, eamq; minimam animam
 perdere ulla ratione possint.

Hæc erant serè, quæ mihi adversus ea, quæ in
 priore tuo scripto ad tuam de bello a christianis ho-
 minibus gerendo sententiam confirmandam attule-
 ras, dici posse videbantur. Animus autem erat ea
 quoq; refutare, quæ in posteriore scripto ad idem pro-
 bandum vel tacitè, vel apertè dixisti. Sed nihil mihi
 huc

huc pertinens in eo animadvertisse sum visus, quod privata refutatione indigeat, quodq; vel a te iam in priore scripto dictum non fuisset, vel a me in superioribus disputationibus abunde confutatum non fuerit. Quare ad alterum universæ disputationis caput veniendum est, & , quam vim ea argumenta habent, quibus, vindictam acceptarum iniuriarum homini christiano expetere ope magistratus licere, ostendere conatus es, diligenter inspiciendum.

CAPVT
II.

Iam verò, antequam aliud agamus, animadvertendum est, te non uno in loco, ut supra ex parte visum est, adversarius obviare, quod omnia iudicia Christianis interdicta esse velint, & sua per iudices repetere nulla ratione illis concedant. Quod tamen ego ipsos sentire, non putaverim, sed tunc demum ista Christiano homini haudquaquam permittere, cum vindictæ expetitionem quoquo modo coniunctam habent. quemadmodum satis constare videtur ex eo, quòd pag: 62. cum dixissent, iudicia, seu lites iudiciales piis interdictas esse, illico addunt verba illa, ut statim ex ipsis Christi verbis & Apostoli etiam audiemus. Christi enim verba, ut alibi a nobis demonstratum fuit, de non retalianda iniuria omnino agunt, nec aliter adversarii tui ea ubiq; accipiunt, sed semper, vindictam per iudices expetendam iis interdictam esse, aiunt. ut patet ex illis, quæ modò recitatis verbis statim subiiciunt, Post hæc nec vindicandum esse ullo modo sive per se, sive per iudices docet, &c. Et pag: 63. Ad hæc expressis

expressis verbis vindictam per iudices expectandam verat. Nam cum dicit: Si quis velit tecum iudicio contendere, &c. *Pag: verò 65. in ipso sic initio loquuntur.* Deinde verò & hoc expende quid esset ad rem, præcipere ut alteram maxillam obvertat, ut scilicet gravius quam pro una a Magistratu puniretur accusatus, & dare adversario pallium ad momentum, ut statim illud repeteret per Magistratum, cum eius infamia & vindicta graviore. *& pag: 69.* Mercedem quoque illis repositam in cælis (non apud Iudices si se ulciscantur per eos) toties ingeminat, ne præ hac terrena illius obliviscantur. Et filii quidem huius seculi hanc præcipuam esse reputantes, quia de illa cælesti nihil sciunt nec cogitant, nihili faciunt illam centupli mercedem, pluris æstimantes, si talionem per Iudices extortam receperint. *Et deniq; pag: 70.* Summa verò hæc fit: Si à Deo vindictam expectare in adversarios non licet, quomodo vindicare apud Magistratum licebit? *Ex quibus omnibus Racoviensium verbis apparet, eos non modò Christi præceptum, quo suam de litibus iudicialibus sententiam confirmare student, ita accipere, ut tunc locum habeat, cum de vindicta, & talione agitur, verùm etiam nihil aliud urgere, nisi homini christiano vindictam, seu talionem per magistratum expectare non licere. quæ satis, superq; esse videntur ad demonstrandum, ipsorum sententiam de litibus foren-*
sibus eam

sibus eam esse, quam supra diximus, nec negari ab ipsis, tunc posse christianum hominem sua per magistratum repetere, cum id sine ultione, & pœna aliqua alicui infligenda fieri potest. Nam, quod eius quoque

Luc: 6.30. Christi præcepti meminerunt, quod est apud Lucam de non repetendis sibi ablatiis ab eo, qui abstulit, & ad iudicia illud quoque retulerunt, in quo tamen nullius ultionis, aut talionis repetendæ fit mentio, sciendum est, ipsos Christi verba de rebus violenter, aut certè per manifestam malitiam ablatiis accepisse, vel teipso teste, ut perspicuum est ex iis, quæ scribis pag: 237. & 238. quod ipsorum verba sanè docent. quæ sic habent pap: 63. in fine, Et adhuc apud Lucam apertè dicit, res ablatas ab adversario non repetendas. Certè per iudices intelligit, quod sub lege licuit. Nam si non liceret per teipsum repetere, quanto magis per Iudices, quibus adversarii malicia patefacienda foret, & cum eo contendendum. Atqui, cum de rebus per violentiam, aut manifestam malitiam ablatiis repetendis agitur, tunc necesse est ferè, ut de ultione simul, ac pœna agatur illius, qui abstulit. Atque huc necessariò referenda sunt Racoviensium verba, quæ, concludentes, statim subiiciunt, Non esse ergo licitam piis provocationem ad iudices, quod sub lege singulis licuit, apertè hic Christus docet. Quod verò attinet ad Apostoli verba, fateris ipse, ibi de iniuria, & fraude agi, ut ex iis apparet, quæ scribis pag: 161, & 162. quod sanè indicare videntur apertè ea, que

que postmodum ab apostolo subiiciuntur, Sed vos iniuriam facitis, & fraudatis. Quamquam tu ita ¹ Cor. 6. 8o Pauli monitionem illam accipis, ut non a litigando, & suis per iniuriam, & fraudem sibi ablati per magistratum repetendi, sed ab alienis magistratus operandi Corinthios deterrere velit. Immo ex Pauli verbis rerum suarum per iniuriam ablatarum apud magistratum repetitionem confirmari velle videris. qua de re postea videbimus. Adversarios autem tuos Pauli verba ad ultionem per magistratum expetendam retulisse, inde constare potest, quod pag: 64. eorum verborum sententiâ recitata, statim subiungunt, Et alias ultionem Deo commendandam, non alicui homini, docet. Ceterum, quod supra dicta pag: 62. non solum dicunt, lites iudiciales piis interdictas esse, sed ob eam causam iuramentorum forensium nullum usum futurum aiunt, unde perspicuum esse videtur, omnes prorsus iudiciales lites piis interdictas esse, ipsos censuisse, Considerandum est, eius, quod frequentius evenire solet, habitam ab illis fuisse rationem. Vix enim (præsertim in certis quibusdam regionibus) suum per iudices repeti, & litigari posse videtur, quin simul adversæ parti alicuius gravioris mali periculum creetur. Non igitur dubito, quin Racovienses non omnes iudiciales lites, omnem rerum suarum per iudices repetitionem Christianis interdici existiment, sed illas tantum, quæ ultionem quamdam secum coniunctam habeant. Quod si tamen omnes interdictas esse velint (id quod ut credam,

credam, adduci prorsus nequeo) ego id tantum, quod iam pridem dixi, defendendum mihi suscepi. His ad hunc modum explicatis, nunc ad tua pro contraria sententia argumenta veniamus.

Mat: 5. 22.

Ioh: 18. 23.

1. Primum igitur pag: 37. per magistratum malo resisti posse, nequaquam id Iesu prohibente, ex eo ostendere conaris, quod Iesus dixit, Obnoxius erit iudicio, & alibi ait, testimonium perhibe (ad dis tu autem de tuo Et accusa) de malo, & illa quoque verba protulit, ne quando tradat te adversarius iudici. Post quæ verba addis, Eo pertinent & sequentia (videlicet post præceptum illud Non resistere Malo) ne patiamur trahi in iudicium ab eo, cui abstulimus sua, ne cogamur iudicio confecto perdere & sua & nostra, Et ne ab illo expectemus vocari in ius, cui onus aliquod contra ius imposuimus: Ne cogamur per iudicem eandem quæ aliis intulimus mala in duplum referre. Hactenus verba tua. Ex quibus sine dubio, quemadmodum ex pluribus posterioris tui scripti locis apparet, & quæ in margine hoc loco adscripta sunt, demonstrant, id potissimum probare in animo habes, Christum iudicia non abrogare, sed approbare. 1. Et quamquam in prima responsioni nostræ parte cap: 5. satis disputatum est, locorum, quos hic citas (præter illum testimonium perhibe de malo) vel te ipso teste, eum sensum esse, ut humana & civilia iudicia iis minime confirmantur, tamen quia nos ea a Christo approbari ultro concedimus, tamquam

tamquam si id rectè a te, iis citandis, probatum fuisset, dicimus, istud nihil ad rem facere. Etsi enim Christus politica iudicia approbat, id est suis dictis civilem magistratum confirmat, non tamen ei, qui iniuriam passus est, ope magistratus vindictam expetere, atq; ea ratione Malo resistere permittit. Sed tantum ipse magistratui, vel ex officio, vel si is tamen qui laesus est, accuset, aut alius quispiam deferat, in eum vindicare concedit, qui alteri iniuriam fecit. 2. Nec verò, cum ait, ne quando tradat te adversarius iudici, eius, quod fieri ab homine christiano iure possit, sed eius, quod a quovis homine fieri contingat, rationem habuit. 3. Cum autem ait, testimonium perhibe de malo, etiamsi coram magistratu uterq; esset (si modo pontifex ille magistratus, qualem hoc loco intelligere debemus, censendus est) non tamen magistratus rationem aliquam habuit Christus, cum ad eum modum ei, qui se percusserat, respondit, quasi dicere voluerit: Hic coram magistratu me accusa, si malè locutus sum. Nam quomodo accusationi locus esse poterat, si cum ipso magistratu ea verba fecerat Christus, propter quæ ille ipsum ceciderat? Nonne perspicuum est, Testimonium perhibe de malo, eo in loco nihil aliud esse, quàm, Doce, cur malè sim locutus? Namq; Docendi vim, præsertim apud eundem Evangelistam, alibi quoq; verbo μαρτυρεῖν inesse, quod verbum in vulgata editione est Perhibere testimonium, inter alios demonstrat locus ille, Non Ioh:7.7.

Palæologi
confiden-
tia,

Palæologi
incogitan-
tia,

ego testimonium perhibeo de illo, quod opera eius mala sunt. Ibi enim sine dubio Testimoniū perhibeo idem valet, quod Doceo, & demonstro. nā simplex de suis malis operibus Iesu testimoniū parvi fecisset mundus, nisi simul, id ita se habere, Iesus aperte ostendisset. Propterea tu ea, qua soles, confidentia & hic, & pag. 153, & 236, & 248. tamquam ab ipso Christo dictum, verbum Accusandi eius verbis admiscuisti, immo pro verbo Perhibendi testimonium substituisi, ut scilicet, accusare coram magistratu per Christum licere, confirmares, nihil interim animadvertens, non de qualibet accusatione hic queri, sed de ea tantum, quæ sui ulciscendi gratia instituitur. qualis certe non fuisset ista, cum Christus suum illum percussorem, a quo accusari debuisset, nec ulla ratione laesisset, nec ipsi percussori laesse visus esset, sed dumtaxat summo sacerdoti superbe nimis respondisse.

II. Quoniam, ut supra monuimus, ex iis, quæ Paulus priore ad Corinthios epistola cap. 6. scribit, colligere videris, licere Christiano homini per magistratum res suas sibi per iniuriam ablatas repetere, nec ullam distinctionem adhibes, an id cum pœna, aut detrimento auferentis fiat, nec ne, sive utrum cum ultione aliqua id sit coniunctum, an secus, opere pretium erit ostendere, ex Pauli verbis nihil tale colligi posse. Pag. igitur 161. breviter ais, Paulum eo in loco nihil aliud agere, nisi ut eos reprehendat, qui aliena in iudicio petebant, & suis rebus fraudare alios tentabant. Pergens autem in initio pag. 162. hæc verba

verba scribis. Hic est sensus verborum Pauli, quibus legitimus Magistratus & legitima iuris dicendi forma suffragio Pauli confirmatur, & dicitur sua defendere, ne alieni illa rapere, per iniuriam debeant, & per legitimum Magistratum sibi addicere, quærere & satager e licere christiano homini. *Iam verò finge, sensum verborum Pauli eum esse, quem supra dixeras, quomodo (queso) audes affirmare, Paulum hæc dicere? Nam quæ conclusio fuerit ista? Non licet aliena in iudicio petere, & suis rebus alios fraudare. Ergo sua in iudicio, ne per iniuriam rapiantur, defendere, & sibi addicere per legitimum magistratum licebit. Certè hac eadem ratione sic concludere poterimus. Non licet extra iudicium aliena rapere, vel rapta retinere. Ergo sua extra iudicium, ne rapiantur, defendere, & rapta repetere licebit. Quamquam tu, ut vidimus, non quidem ex Pauli verbis id, quod quærri, consequi ais, sed (ut nimirum de audacia tua multò evidentius constaret,) in eius verbis id dici affirmas. Præterea, qua ratione defendere potes, Paulum ibi non quidem lites illas simpliciter detestari, sed aliena in iudicio petentes damnare, cum ea verba, dicat? Quare non magis iniuriam accipitis? Quare non magis fraudem patimini? Hinc enim apparet, eum velle potius, ut quis & iniuriam, & fraudem sibi fieri sustineat, quàm, ut litiget. Itaq; necesse est, istum, quem a litigando dehortari vult, in hæc difficultates coniectum esse, aut certè con-*

Palæologi
audacia,

vici posse, ut aut litiget, aut iniuriam, fraudemq; patiatur. Hoc autem neutiquam de eo dici potest, qui aliena petit, sed de eo dici necesse est, a quo aliquid vel petitur, vel aufertur. Hoc ipse animadvertens, conatus es verba Pauli ita interpretari, ut non ad rem presentem, sed ad id, quod fieri, nescio quomodo, posset, accommodentur. Sic enim ais, Qui cum inter duo mala constitutus, perdere sua bona & rapere aliena, potius sua perdere deberet, quam aliena rapere, oblitus legum christianarum cum periculum nullum sit ut perdat sua, conatur rapere aliena. Atqui hoc tuo commento nihil aliud agis, quam ostendis, Paulum de istiusmodi homine in predictis verbis loqui non posse, cum tu hominem istum in nullo periculo esse dicas perdendi sua, & Pauli verba, ut paullo ante dictum est, de eo manifestè agant, qui iniuriam accipere, & fraudem pati possit, & sic suis bonis periclitetur. Præterea vix umquam contingere poterit, ut quis inter hæc duo mala sit constitutus, ut vel aliena rapere, vel sua perdere cogatur? Unusquisq; enim in civili ac privata vita, (nam extra hos fines saltem vagari Pauli oratio non debet) si velit, vel sua conservare posse videtur, etiamsi aliena non rapiat, vel nullo modo, ne aliena quidem rapiendo, sua conservare.

Palæologo
sidiculus.

Quocirca ridicula planè ista tua verborum Pauli interpretatio censi debet. At enim (dices) Paulus ea verba addit, Sed vos iniuriam facitis, & fraudatis, & hoc fratribus. ex quibus apparet, eum non de

non de iis loqui, qui in periculo essent perdendi sua, sed de iis, qui alius, quod suum erat, eriperent. Respondeo, Paulum de utriusque locutum fuisse, nam utrique in Corinthiorum ecclesia erant. & quia ad utrosque simul scribebat, propterea inter ipsos minime distinxisse, sed, tamquam unum quempiam hominem, totum illud Ecclesie Corinthiorum corpus considerasse. Cum igitur in ea ecclesia essent, qui iniuriam, & fraudem non quidem in iudicio, sed privatim fratribus facerent, & rursus, qui, ne iniuriam, & fraudem paterentur, ad iudices decurrerent, utrosque unica appellatione complectens, hos primum reprehendit apostolus, & dicit, satius esse, ut damno afficiantur, quam ut cum fratribus litigent. deinde illos, tacite a minore ducto argumento, acriter increpat. Ac si diceret. Si illi inter vos digni sunt reprehensione, qui non potius damnum equo animo ferunt, quam ut cum fratre litigent, quanto magis alteri illi ex vobis reprehendendi sunt, qui damno fratres afficiunt? Et sane vehementer culpandi estis, postquam inter vos non tantum iniuriarum impatientes reperiuntur, sed etiam ipsis fratribus inferentes iniuriam. Hanc Pauli mentem esse consitebitur (credo) quisquis rem ipsam, & apostoli verba paullo diligentius expenderit.

III. Ex iis, quae pag. 236, & 237, scribis, hoc tuum argumentum aperte colligitur ad probandum, licere homini christiano alterum de iniquitate coram magistratu accusare. Cuicumque licet provocare, ei-

dem de iniquitate alterum coram magistratu accusare licet. Sed homini Christiano licet provocare. Igitur homini christiano alterum de iniquitate coram magistratu accusare licet. Ut autem tui argumenti propositionem probes, ais, provocationem nihil aliud esse, quàm accusationem ad superius iudicium (sic enim loqueris) de iniquitate iudicis. Assumptionem verò Pauli exemplo confirmas, qui Cæsarem appellavit. Affers præterea Apostolorum exemplum, qui dixerunt, magis obediendum esse Deo, quàm hominibus, Nam, cum hoc dicerent (inquis) ad superius tribunal provocaverunt.

Act: 25. 31.

Act: 5. 29.

Ista tua argumentatio pluribus de causis nihili est faciendâ. Primùm enim illud animadvertendum est, etiamsi probares, posse hominem christianum accusationem de iniquitate alterius coram iudice instituire, non tamen necessariò aliquid contra Racionis sententiam, quam nos defendendam suscepimus, probatum iri. Potest enim fieri, ut quis alterius iniquitatem ad magistratum deferat, & tamen nullam interim vindictam expetat, nullumq; illi periculum creet. Exemplum ex iis peti potest, quæ alibi supra de rebus suis a prædonibus ablatiis per magistratum repetendis disputavimus. Et sanè in ista iniquitatis accusatione, quam tu provocationi inesse vis, nec vindicta expetitur, nec alicui ullum periculum creatur. ut mox videbimus. Nam quid deinde est, quod ais, provocationem nihil aliud, quàm accusationem esse ad superius iudicium de iniquitate iudicis? Est

ius? Est quidem provocatio instituta, ut, si quis a iudice contra se iniquam sententiam latam esse arbitretur, ea ut revocetur, curare possit, non tamen, vere ac proprie loquendo, iudex iste in provocatione coram superiore iudice iniquitatis accusatur, nec contra ipsum iudicium aliquod instituitur. Sed id tantum queritur, ne eius sententia stet, & ut causa coram alio tribunali cognoscatur. Eventus autem provocationis id manifestè ostendit. Nam, etiamsi a superiore iudice inferiori sententia revocetur, & rescindatur, non tamen inferior iudex ob eam rem ulla ratione punitur, aut ullum ex ea re damnum sentit. Cum iudex ob sententiam iniquè latam, sive dolo malo, sive per imprudenciam id fecerit, accusatur, & punitur, non per provocationem ad superiorem iudicem illud fit, nec (nisi fortasse, cum de ipsius dolo agitur) donec provocationi est locus, sed contra ipsum iudicem, qui iniquam sententiam tulit, nominatim iudicium instituitur, cum iam eius sententia in rem iudicatam transit, ex qua lesus quis se esse sentiat. Hec dum a te non animadvertuntur, in turpe erratum es lapsus, provocationem inquitens nihil aliud esse, quam accusationem ad superius iudicium de iniquitate iudicis. Ex quo apparet, argumenti tui propositionem non modò a te probatam non fuisse, sed etiam falsam esse. præsertim, quatenus ea ad propositam questionem de vindicandis per magistratum iniuriis pertinere possit.

Iam assumptio etsi vera est, tamen, perperam omnino

Palæolog
erratum.

Palæologi
erratum.

erratum.

omnino tu eam probare tentasti. Quare, quod ad disputationem ipsam attinet, ea pro falsa haberi potest. Nam quid habet commune Pauli appellatio cum provocatione, de qua in tuo argumento agitur? Neque enim Paulus de iudicis alicuius iniquitate conqueritur, tamquam iniquam sententiam contra se tulerit, quippe cum nulla adhuc sententia in eius causa a quoquam lata fuisset. Sed tantummodo, tamquam minus competentes iudices, eos, qui sibi propositi erant, reiecit, & unum Cæsarem pro competente sibi iudice agnoscit, eumque appellat. Sed tu nimirum, verbi

Palæologo
decipitur. Appellandi ambiguitate deceptus, inter appellationem, & appellationem non distinxisti. Appellat is, qui sententiæ iam a iudice inferiore latæ, tamquam iniquæ, stare non vult, & a iudice superiore causam suam cognosci petit. & de hac appellatione, seu provocatione loquitur argumentum tuum. Appellat is etiam, qui ante iudicium cœptum, non a sibi proposito iudice, tamquam sibi minus competente, sed ab aliquo etiam causam suam vult cognosci, ad quem propriè causæ cognitionem pertinere contendat. & hæc fuit appellatio Pauli, cum Cæsarem appellavit. Propterea, antequam ea verba protulisset, Cæsarem

Act: 25. 10. appello, sic locutus fuerat, Ad tribunal Cæsaris sto. ibi oportet me iudicari. Nec verò Paulus, cum Cæsarem appellavit, sua sponte id fecit, idve sibi precipuè proposuit, ut iniquum iudicium vitaret, nedum ut de iniquitate iudicem aliquem accusaret, sed (ut ipse & confiteris simul, & urges) id instinctu spiritus sancti

sancti factum est, ut ea ratione Paulus Romam per- Act: 23. 11.
 duceretur, atq; ibi, quemadmodum dominus Iesus illi
 prædixerat, de ipso Iesu testaretur, idq; sub iniquis iu-
 dicibus, ut eventus manifestè comprobavit. eorum e-
 nim iussu tandem interfectus est. Et certè, si Paulo
 suum ipsius commodum propositum fuisset, haud ve-
 risimile est, eum Cæsarem appellaturum fuisse. hæc e-
 nim ratione videre poterat, se a Festo responsum il-
 lud accepturum, quod accepit, Cæsarem appellasti,
 ad Cæsarem ibis, & vix futurum, ut liberaretur.
 quod alioquin facile fieri posse apparebat. ut res ipsa
 ostendit. Nam & rex Agrippa dixit, Dimitti po- Act: 26. 32.
 terat homo hic, si non appellasset Cæsarem.

Quid autem est, quod ais, Apostolos ad superius
 tribunal provocasse, cum dicerent, Deo magis obedi-
 re oportere, quàm hominibus? An non hic error est
 nulla prorsus excusatione dignus? De nullo enim iu-
 dicio loquuntur Apostolorum verba, sed tantùm de
 imperio. Ut non modò provocationis, sive appellatio-
 nis, de qua loquitur, argumentatio tua, nullum in i-
 psorum verbis indicium extet, sed ne alterius quidem
 illius, de qua paullo ante egimus, & ita nihil penitus
 ad id, de quo argumenti tui assumptio loquitur, ex-
 emplum istud Apostolorum pertineat.

Palæologi
 error.

IV. Sed video, magnum aliquod momentum ti-
 bi ad vindictam per magistratum expetendam in eo
 inesse videri, quod ais, Paulum minatum magistratui
 fuisse, qui se Romanum civem contra leges Romanas
 virgæ percuti, & cædi iussisset. Non enim solùm pag-

239. id affirmas, ubi argumenta profers mentis Pauli in iudiciorum materia, sed idem quoq; antea pag. 231. obiter affirmaveras, addens expressius, Paulum ibi minari, se delaturum iniuriam ad magistratum superiorem.

Paleologus
hallucina-
tur.

Atqui, Paleologe, insigniter hac in re hallucinaris. Neq; enim Paulus aliquid minatur. & eius verba, ex quibus tu eum minari colligis, aliò, quàm, quò tu putas, referuntur. Sunt autem ea verba Act. 16. v. 37. Cum enim Paulus, & Silas Philippis, postquam magistratum iussu virgis cæsi fuissent, in carcerem coniecti essent, miserunt magistratus lictores ad carceris custodem, iubentes, ut eos dimitteret. Quod audiens Paulus, etsi iam divina ope unà cum Sila liberatus erat, sic eis dixit, Cæsos nos publicè indemnatos homines Romanos miserunt in carcerem, & nunc occultè nos eiiciunt? Non ita, sed veniant ipsi, & nos eiiciant. Vbi (quæso) hinc mine apparent, præsertim deferendè iniuriam ad superiorem magistratum? Ego sanè nihil aliud video, quàm Paulum noluisse, se, & Silam occultè dimitti, sed, quemadmodum publicè, tamquam fontes aliqui ac malefici, cæsi, & carcerati fuissent, sic etiam publicè, tamquam insontes, liberari. ut ipsorum innocentia patefieret, ne alioqui Iesu Christi nomen, cuius ipsi legati erant, malè audiret, & Evangelicæ prædicationis cursus per ipsos institutus ea ratione impediretur. quod ut facilius obtineret, iniuriam sibi, & socio factam commemoravit, & quòd cives Romani

Romani essent, addidit. Nam certum erat, hoc audito, plus etiam, quam ipse petiisset, magistratus illos prestituros, qui, etiamsi planè compertum habuissent, Paulum iniuriam suam numquam delaturum, tamen, cum iam ipsi per se eum unà cum socio dimitendum censuissent, deinde verò, propterea quòd cives Romani essent, haud leviter se errasse, animadvertissent, omnino, ut errorem suum aliqua ex parte emendarent, id, quod petitum a Paulo fuerat, ipsi sua sponte fecissent. præsertim, cum citra Pauli ipsius delationem superiori magistratui omnia, quæ gesta erant, patefactum iri, admodum verisimile esset. qui civibus Romani gravem factam iniuriam, nec ulla ratione (ut ita dicam) correctam non planè impunitam esset relicturus. Nullæ igitur prorsus sunt hinc Pauli minæ, sive verba, sive sententiæ spectes, quamvis tu, ne tibi usquam hac in parte sis dissimilis, satis confidenter Paulum, se iniuriam sibi factam delaturum, comminantem facias.

Palæologi
confidentia.

V. Verùm quid dicemus de tua illa argumentatione, quæ pag: 246. continetur? Ais enim, Si pro inflicto colapho, si pro everfis bonis, si pro vi non licet ad iudicem accedere Christiano homini, nec licebit Christiano homini in his causis, iudicio præfidere. Quod enim non licet petere non licet reddere, & frigeret Iudex si nullus ad iudicem accedere posset.

Certè, cum iam sæpissime, qualia sint argumenta tua, experti simus, non ampliùs mirari debemus,
te ita

te ita pueriliter argumentari. 2. Primum enim, quod affirmas, non licere reddere id, quod petere non liceat, quis unquam tibi istud concedet, qui noverit, Deum posse eos, qui iniuriâ nos ledunt, ulcisci, cum tamen nobis a Deo contra ipsos vindictam petere non liceat, ut a nobis supra, quidquid tu adversus hanc certissimam veritatem attuleris, demonstratum est? Præterea, an non ipse pag: 252, 253, & 254, aperte fateris, per Christi præcepta nobis præcisam esse viam decurrendi ad magistratum, si eum, qui nos laeserit, facinoris in nos admissi pœniteat? Quid igitur, si iste nihilominus a nobis accusatus fuerit, & in vindicta a magistratu contra eum petenda nos ipsi persistamus, numquid propter eius pœnitentiam non poterit magistratus in eum vindicare? & cum nos peccemus, & iuste coram Deo non possimus adversus istum iniuriæ, qua nos affecit, ultionem a magistratu petere, ipse quoque magistratus peccabit, nec iuste coram Deo poterit ab isto nobis factæ iniuriæ pœnas sumere, eumque pro merito ulcisci? Profectò, si ita rem se habere velis, tu is es, qui magistratus gladium gestantis auctoritatem labefactas, eamque otiosam atque inutilem reddis. Vix enim invenietur, quomodo eam exercere possit, si omnes impunè habituri sunt, quos admissi facinoris pœniteat, id est, ut ipse pagina 252. tua verba interpretaris, qui ab se offenso dicant per pœnitentiam, Parce mihi. Huc accedit, quod magistratus eum puniens, qui in alterum iniurius fuit, non illi tantum, qui iniuriam accepit, sed

reipublice

Palzo: aut
seipsū re-
fellit, aut
absurdissi-
ma dicit,
& in eo i-
pso peccat
quod ad-
versariis
objicit.

Ioh: 18. 23.

ponsonis ad adversariorum obiectionem 15. An enim ipsum Christum iniurie accusasse illum, qui se coram pontifice cecidisset, quod scilicet sine causa id fecisset. Nam (inquis) cur me cædis est, sine causa cædis. Quod si Christus ipse magister noster, & exemplar, ad quos nos conformare debemus, de iniuria accusavit, cur nobis idem facere non liceat.

Equidem nescio, an meritò reprehendendus sim, qui huiusmodi tua argumenta commemorem. Quis enim ūquam præter te vel somniasset quidem, Christum accusare, quia dicat alicui coram magistratu (si tamen magistratus erat, ad quem scilicet eius rei cognitio spectaret) se propter aliqua verba, quæ dixisset percutienti, Si bene locutus sum, cur me cadit. Numquid isto pacto, atq; istiusmodi verbis accusatio institui solet? An non admonitio, & reprehensio potius censenda est unà cum sui extra iudiciali quadam defensione coniuncta? Nonne is, qui eum percusserat, unus e ministris illius magistratus erat, unde ab ipso magistratu percussus videri poterat, ut nullus accusationi locus esset? Quid (quæso) efficere in animo Christus habuisset, istum accusando? Num verisimile erat, magistratum illum iniquissimum & ipsi insensissimum ipsius accusationem suscepturum, eiq; ius redditurum, præsertim contra ministrum suum, qui etiam sui causa id fecerat, propter quod accusaretur? Adde quòd, ut modò, & ante submonimus haud verisimile est, ad magistratum istum, hoc est ad summum sacerdotem, eiusmodi causarum cognitionem

gnitionem spectasse, sed presidem, quiq̄ ab ipso iudices delegati essent, de iniuriis privatorum ius reddere consuevisse.

VII. Eadem pag. 248. denuo argumentaris, & ais, "Si licet mihi ea quę volens do mutuo, sperare tempore constituto, inter me & illum cui meam pecuniam dedi, recipere, cur non debeo sperare ea quę mihi per vim sunt ablata, per accessum ad Deum, hoc est, Magistratum vicarium Dei recuperare?"

Egregia sanè argumentatio, & duarum rerum tamquam similitum, ingeniosa collatio. Quasi verò cum mutuo datum recipitur, aliquo vel levissimo quidem damno is, qui acceperat, afficiatur, quemadmodum gravissimo is affici solet, ex cuius manibus per vim ab ipso ablata magistratus ope recuperantur. Nemo enim nescit, quàm graves raptoribus sint constitutæ pœnæ præter ipsarum rerum raptarum restitutionem, præsertim verò hac ætate nostra, in qua pleriq̄ in locis vel propter simplicissima eaq̄, admodum levia furtiva homines, magistratu iubente, suspenduntur. Quòd si tamen contigerit, per vim rapta, magistratus ope, sine raptoris damno recuperari posse, eiusce rei causa ad magistratum accedere licere, ut alibi dictum fuit, & ipse concedo, nec adversarii tui negant.

IX. Supra visum est, te iniurias per magistratum ulcisci licere, ex eo argumentatum fuisse, quòd Christus apud Matthæum ea verba dicat, ne quan-

Matth. 23.

do te tradat adversarius iudici. Ad quod brevissimè respondimus, Christum ibi non de eo, quod fieri debeat, sed de eo, quod fieri contingat, verba facere. Nunc alia ratione ex universa admonitione illa argumentaris. pag. enim 252. av, Christum eo loco indicasse, offenso semper licitum esse accessum ad magistratum, cum non moneat offensum, ut parcat, nec ad iudicem accedat, sed offendentem, ut acceleret satisfacere pro iniuria illata.

Hæc tua argumentatio ex simplici coniectura ducta, nihili est æstimanda. & fallacissima est coniectura ista. Quandoquidem non, ubicumq̄, aliquid dici convenienter potuisset, ibi etiam dictum est, quamvis verissimum sit. Sed necesse est, ut dici non solum potuerit, sed etiam debuerit. Quid, quod nullo pacto consentaneum erat, ut Christus eo loco offensum moneret, ne ad iudicem accederet? Nam ibi de iis tantum agebatur, quæ ad præceptum non occidendi aliquo modo pertinerent, & propterea non de offenso, sed de offendente verba fieri debebant. præsertim, cum de offenso infra proprio loco agendum esset, ubi videlicet de lege talionis sermo futurus erat. nec tractationes istas confundere decebat. Quod tumimè vel animadvertens, vel certè cogitans, ineptam istam tuam coniecturam ex Christi verbis duxisti.

Palcol: incogitãtia.

Luc: 17. 3,
& 4.

IX. Pergis autem, & eadem pag: 252. ita reipsa argumentaris. Christus apud Lucam monet, ut fratri offendenti, si eum iniuriæ nobis factæ pœniteat, ignoscamus, Ergo, si eum non pœniteat, poterimus non ignoscere,

gnoscere, & proinde ad magistratum iniuriæ nostræ vindicandæ causâ accedere. Atq; eadem pag. & pag. seq. affirmas, hanc esse legem charitatis latam a Christo omnibus Christianis, ut tunc demum ab ulciscenda per magistratum iniuria abstinemus, cum facinorosum admissi in nos facinoris pœnitet.

Hic Palæologe graviter es lapsus, qui non animadverteris quo sensu Christus apud Lucam dicat, ignoscendum, sive, ut ibi scriptum est, dimitendum esse fratri pœnitenti. Non enim de non vindicanda tantum iniuria ibi agit Christus, sed etiam, idq; præcipuè, de non reiiciendo aliquem, tamquam minimè verum fratrem, omnino loquitur. quemadmodum Matthæi locus cap: 18. qui Lucæ loco, ut ex antecedentibus apparet, sine dubio respondet, manifestum facit. Sic enim apud Matthæum Christus loquitur, Si peccaverit in te frater tuus, vade, & corripe eum inter te, & ipsum solum. Si te audierit, lucratus es fratrem tuum. En tibi, quid potissimum sit apud Lucam pœnitenti fratri ignoscere, sive dimittere. nempe illum pro vero fratre agnoscere, qui antea non erat, id est, per peccatum suum esse desierat. Siquidem ista apud Matthæum verba, Si te audierit, lucratus es fratrem tuum, non tam consecuti effectus, quàm officii admonent. Perinde est enim, ac si dictum foret, Si te audierit, cum operâ tuâ factum sit, ut frater tuus verè denuo extiterit, eum complectere, nec ampliùs illi negotium faceße. Itaq; sicut verba illa apud Lucam, Si peccaverit in te

Palæologi
lapsus.

frater tuus, increpa illum, & si pœnitentiam egerit, idem prorsus declarant, quod illa apud Matthæum, Si peccaverit in te frater tuus, vade, & corripue eum inter te, & ipsum solum. Si te audierit, sic neceſſe est, ut, quæ utrobique statim inferuntur, & imperfectum sermonem concludunt, eamdem sententiam contineant, & idcirco idem re ipsa fit apud Lucam Dimitte illi, quod apud Matthæum Lucratus es fratrem tuum. Fateor igitur, si quis in nos iniurius fuerit, & a nobis privatim monitus, nolit peccatum suum confiteri, & emendare, nos non modò posse, sed etiam debere illi non dimittere, ut a contrario sensu ex Christi verbis apud Lucam colligi potest, id est, ut ex Matthæo liquet, non debere nos eum pro vero fratre agnoscere. Sed quid faciendum est? Illud nimirum, quod ibidem apud eundem Matthæum dilucidè Christus explicat. Monendus est iste iterum, adhibito adhuc uno, aut altero teste. quòd si ne tum quidem resipuerit, ecclesie illius loci res tota patefacienda est. Cui si iste morem gerere noluerit, tum nobis, tamquam membrum a reliquo corpore separatum, est habendus. & hoc est Illi non dimittere. Quocirca tantum abest, ut ex domini Iesu verbis apud Lucam colligi possit, nos posse ad civilem magistratum eum deferre, qui, cum nos iniuria affecerit, resipiscere nolit, & illum puniendum curare, eaque ratione iniuriam nobis ab eo factam sarcire, ut si, quemadmodum fieri decet, Matthæus interpres adhibeatur, inde omnino colligi debeant, in non remittenda

tenda iniuria non posse nos ulterius progredi, quam, ut eum, qui nos iniuria affecit, ad ecclesiam deferamus, & si peccatum suum agnoscere recuset, pro fratre amplius non habeamus.

Erras igitur vehementer, cum verba Christi apud Lucam ad aliquam offense condonationem accommodas ab ea condonatione separatam, quæ illi (ut ita dicam) non condonationi opponitur, de qua apud Mattheum agitur. Certum enim esse debet, Christum condonationem istam suis verbis completum fuisse, de quæ ea potissimum egisse. Alioqui sequeretur, nos nullo modo condonare iniurias posse, aut saltem debere, nisi iniuria afficientem pœniteat. quod & falsissimum est, & a te ipso, ut statim videbimus, negatum. Nam quod in initio pag. 253. non obscure inter condonationem, quæ corde fit, & eam, quam extrinsecam reconciliationem appellas, distinguere videris, & tacite verba Christi apud Lucam ad extrinsecam tantummodo istam reconciliationem refers, quasi Christus offendentis pœnitentiam non ad cordis interiorem, sed ad externam condonationem concedendam requirat, quam externam condonationem in eo potissimum consistere vis, ne offensus, sui ulciscendi gratia, ad magistratum accedat, totum, inquam, istud nulla ratione admitti potest. Primum enim Christi verba generalia sunt, & indistinctè prolata. nec de tua ista distinctione quidquam alicubi apparet. Inquit enim simpliciter, id quod dicitur, Dimitte illi. quæ verba sine dubio omnem condonationem

nationem complectuntur. Deinde distinctio ista tua rationi minimè est consentanea, duplici de causa.

Vna causa est, quòd nemo ex corde remittit, qui extrinsecus non reconciliatur, ea præsertim ratione, quam ipse hoc loco intelligit, id est, qui a magistratu adeundo contra offendentem non abstinere, quemadmodum, ut manifestissimas huiusce rei rationes omittam, ex eo ipso loco apparet, ubi Christus monet, ut unusquisque fratri suo ex corde iniurias condonet, quem tu ad distinctionem istam tuam confirmandam attulisti. Is est in extremo 18. cap. Matthæi. Etenim in parabola illa, ex qua Christus monitionem suam derivat, cuiq; ipsam accommodat, servus ille conservum suum sibi paucillulum pecuniæ præ illa, quam ipsi dominus sibi ab eo debitam condonaverat, debitum in carcerem conici curavit, nec inde exire permisit, donec debitum solveret, quod audiens dominus, condonationem suam revocavit, istumq; servum tortoribus tradidit, usquequo id omne, quod sibi debebat, exolveret. Et Christus statim addit, Sic & pater meus cælestis faciet vobis, si non remiseritis unusquisque fratri suo de cordibus vestris. Ex quo perspicuum est, servum istum non remisisse ex corde. Vnde verò id colligitur, nisi ex eo, quòd factis ius suum est persecutus, & externam, sive extrinsecam istam tuam reconciliationem non præstitit? Immo istud est ex corde, sive ex animo non remittere, Factis scilicet ius suum persequi. Itaq; is, qui ex corde condonat, ei opponitur, qui

externa

externis factis non reconciliatur. apparet enim istum, si dicat se iniuriam condonare, ex animo non loqui. tantum abest, ut ex corde facta condonatio ab externa reconciliacione distinguatur, & ab ea seiungi possit, ut tu gravissimo errore satis aperte asfirmas. Nec verò est, quòd dicas, istum, qui offensus est, ab externa, quam tu intelligis, reconciliacione, nisi offendentem pœniteat, abstinere (ipsa tua verba adscribam) non propter se, sed propter disciplinam, quam tenentur tueri omnes. Hic enim adhuc gravius, id est periculosius erras. Nam, si istud verum est, non modò poterit offensus offendentem istum accusare, atq; ut in eum per magistratum vindicetur, curare, sed etiam omnino debet. quo, ut alibi diximus, nihil iniquius excogitari potest.

Palæologi
error.

Palæologi
error.

Altera caussa, cur distinctio ista tua reiici debeat, est, quòd ex ea sequitur, licere quidem eum, qui nos offenderit, ad magistratum deferre, sed non, si prius eum sui facinoris pœniteat. Cuius tamen diversitatis nulla ratio reddi potest. præsertim, si tibi ipsi constare velis. Si enim idcirco licet offenso offendentem accusare, ut publica disciplina conservetur, certe, cum de publica disciplina conservanda non minus in eo puniendo agatur, quem facinoris pœniteat, quàm eo, quem minimè pœniteat, nulla inter utrumq; quod ad ipsos accusandi potestatem attinet, differentia esse debet. Nam quid (obsecro) facinorosi pœnitentia, id est ab eo ipso, quem suo facinore maxime læsit, veniæ petitio ponderis habere potest

ad legalem vindictam reprimendam? Certè nullam. Docere nos hoc debet id, quod in Israelis populo ex divina lege per Mosem lata fiebat, & iure civili Romanorum, ut arbitror, receptum est. Sub lege quidem Mosaica non modò venie imploratio ab eo, qui maximè læsus fuerat, sed ne ipsa quidem venie impetratio aliquid proderat, quominus de delinquente pœne in ipsa Lege constitutæ sumerentur, atque hoc idem hodie multis in locis fit. Idemquè crediderim in publicis iudiciis, de quibus paulo ante locuti sumus, iure civili constitutum esse. Quamvis enim ei, qui iniuriam accepit, satisfactum fuerit, non tamen reipublica est satisfactum. Vbi verò est illa tanta Dei iustitia, quam tantopere alibi urges, ut mali malè pereant, & vindicentur malefacta, nec, cum ea de re agitur, proximi dilectionis ulla ratio habeatur, ut legitur libri tui pag. 271. si solâ delinquentis pœnitentiâ, id est venie petitione, fieri vis, ut is, contra quem delictum commissum est, non possit curare, ut delinquens puniatur? Nec verò hæc idcirco a me dicuntur, quia in eo te reprehendam, quòd velis, aliquando ad magistratum acceptæ iniurie vindicandæ causâ accedere non licere, in quo etiã te vehementer laudo, sed ut ostendam, te ipsum hac ratione axiomata tua quædam, contra quæ supra disputatum est, convellere, & doceam, nullam distinctionem a te adhiberi rectè posse inter eum, a quo peniam petit is, qui ipsum offendit, & e-

um, a quo non petit, quod attinet ad accusationem coram magistratu instituendam, & quando omnino concedis, alterum accusare non debere, alteri quoq; accusare non licere, concedendum tibi esse, demonstrarem.

X. Ex iis, quae pag: 267. scribis, huiusmodi tuum argumentum elicitur. Paulus monet, ut a Christiani christianus magistratus constituatur in Ecclesia, qui querelas audiat Christianorum, qui ab aliis Christianis rapinis, & fraudibus offensi fuerint, iisq; ius reddat. Igitur Paulo auctore, christiano homini acceptae per rapinam, aut fraudem iniuriae vindictam per magistratum expetere licet. 1 Cor: 6

Duobus potissimum modis ostendi potest, ista tua argumentatione nihil effici, quod Racoviensium sententiae repugnet. Primum enim, etiamsi, ut supra disputatum fuit, dubium esse non videatur, quin in iis litibus, de quibus eo in loco Paulus loquitur, de fraude vindicanda ageretur, non tamen in eiusmodi causis a Christianis hominibus iudicium ferri, simpliciter laudat Paulus, sed comparatè. Siquidem, ut ante ostendimus, damnat omnino Paulus tales lites, praesertim inter Christianos, & potius iniuriam, & fraudem patienter ferendam esse docet, quam harum rerum causa litigandum. Itaq; eius sententia est, Si quis nihilominus pati iniuriam, & fraudem nolit, atq; a litigando abstinere, praestare saltem sub iudicibus christianis & fidelibus litigare, quam sub infidelibus. Atq; idcirco rectè a Racoviensium scriptore

pag: 643

pag: 64. & 77. dictum fuerat, propter impatientes de iudicibus in ipsa ecclesia deligendis Paulum locutum fuisse. Deinde animadvertendum est, cum de fraude, aut rapina, quam quis passus sit, iudicabit in ecclesia Christi christianus iudex, eum in sententia ferenda christiane aequitatis, atq; clementiae fines praeteritum non esse, & satis habiturum, si is, qui rapinam, aut fraudem fecerat, quod vi, aut dolo alteri abstulerat, id universum restituat. neq; id fortasse perpetuo, sed tum demum, si ex ea restitutione summa restituentis inopia, quae ante ablationem non esset, consecutura non sit, cum interim is, cui restituendum fuerit, commodè vitam transigere queat, etiamsi aut partem, aut totum etiam id, quod suumerat, non recuperaverit. Aliam praeterea poenam fraudis, aut rapinae nomine iudex iste neutiquam reo infliget. Ex quo sequitur, actorem nihil tentasse, quod Christi praecepto, quod extare Racovienses contendunt, de non ulciscenda per magistratum iniuria, ullo modo adversetur, & propterea ipsorum hac de re sententiae repugnare censendum sit.

XI. Ex supra dictis patet responsio ad id, quod pag: 276. ex Christi praecepto Mattb: 18. colligi, de quo antea egimus. ubi modus praescribitur agendi cum fratre, qui in nos peccaverit: Nam, cum Christus dicat, si iste alioqui resipiscere nolit, deferendum esse ad ecclesiam, Ergo (inquis) vindicare licet per Ecclesiam, quod per nos non licet.

Patet, inquam, ex supra dictis ad tuam istam argumentati-

gumentationem responſio, cum certum ſit, Eccleſiam non vindicaturam iniuriam alicuius ad ſe delatam ulla ratione, quæ cum Chriſti præceptis de iniuriis non retaliandis planè non conſentiat, ſed tantummodo curaturam, ut is, qui iniuriam fecit, tum demum eam reſarciat, ſi id ſine eius magno malo fieri poſſit. Sed quid dico? quaſi verò in ea Chriſti præſcriptione aliquid inſit, quod ad iniurias aliqua ratione vindicandas ullo modo pertineat. Certum eſt enim, Chriſtum, eum agendi modum cum eo, qui in nos deliquerit, præſcribendo, nullam proſus rationem iniurie noſtræ vindicandæ habuiſſe. ſed tantummodo, ut ille reſpiceret, nos verò charitatis officia illi præſtaremus, & interim eccleſia, ſi opus eſſet, perpurgaretur, curarè. Nam quantus eſt error ille tuus, qui verbis, quæ prædicto loco ſtatim addis, continetur. Ea ſunt, Deferre enim ad Eccleſiam erat eius, qui culpam & offenſam non poterat concoquere. Dupliciter omnino hic erras Paleologe. Primum, quòd, ut ſatis apertè antea ſeceras, his verbis tacitè affirmas, de modo acceptam iniuriam ulciſcendi in Chriſti præceptione agi. Deinde, quòd, dum expreſſè hic eius rei rationem affers, ex præceptione miſiſionem facis.

Palzologi
error du-
plex.

Prius erratum vel ea Chriſti verba ſatis coarguunt. Si te audierit, lucratus es fratrem tuum. ex quibus apparet, Chriſtum, ut diximus, admonitione ſua curare, non ut offenſo ſatiſſiat, ſed ut offendens offenſi operâ, ac diligentia reſpiciat. Nec verò mu-
tatur

tatur hic Christi admonitionis finis, cum offendentem, qui privatim monitus resipiscere non vult, ad ecclesiam tandem deferri iubet. Immo tum maxime id, quod diximus, curat Christus. Nam, qui, vel eo solo, quem offendit, vel altero præterea, duobusve aliis monentibus, non movetur, movebitur fortasse, si tota ecclesia eum moneat, ipsaq; hortante, resipiscet. Quod si non faciat, non tamen quidquam fieri vult Christus, quo vel is, qui offensus fuit, iniuriam suam ulciscatur, vel ipse offendens a resipiscendo retrahatur. Nam quis futurus est, qui gravissimam aliquam iniuriam acceptam, sese probe vindicatum esse existimet, si is, qui ei iniuriam fecit, pro alieno ab ecclesia habeatur. Vbi etiam observandum est, Christum non ipsi ecclesie disertè præcipere, ut iniuriosum istum non resipiscentem a sui consortione separet, atq; excludat, quasi hanc poenam, qua aliqua ratione iniuria vindicetur, & ei, qui eam accepit, satisfiat, isti infligi velit, sed ad ipsum offensum verba sua dirigere, ac dicere, sic tibi, sicut ethnicus, & publicanus. Ex quo certum esse potest, potius offensum admoneri, ut supra etiam factum fuerat, quid eius officii sit, quam aliquid ecclesie contra offendentem exequendum præscribi. Iam verò nulla commodior, aut aptior ad istum ab errore suo retrahendum, adq; resipiscentiam invitandum ratio excogitari posse videtur, quam, si tantisper, dum resipiscat, a reliquorum societate separetur, & interim, ut Paulus monet, non pro inimico habeatur, sed, ut frater, moneatur. Nam, ut ibidem

Paulus

Paulus indicat, facile ipsum pudebit, & tandem, si sanabilis fuerit, ad pristinam mentis sanitatem revocabitur. Vide, quid tu ipse, qui hoc loco, vindicari in istum, affirmas, non omnino tibi constans hac de re scripseris pag: 283. in initio, & tota etiam pag. 282. Et hæc quidem, quod attinet ad prius erratum tuum.

Palæol: nō
omnino
sibi con-
stat.

Alterum tuum erratum ex eo manifestè coarguitur, quòd Christi verba in universa illa monitione non permittentia sunt, sed præcipientia. Vade, & corripe, Adhibe tecum, Dic ecclesie, Sit tibi, &c. Quocirca, etiamsi iste, qui iniuria affectus est, culpam (ut tu loqueris) & offensam optimè concoqueret, ea tamen omnia facienda essent, quæ ibi Christus monet, & iste nihilominus iniuria se afficientem ad ecclesiam deferre deberet, nisi priùs vel sibi soli, vel alteri secum, duobusve monentibus auscultasset. Perperam igitur dictum a te est, deferre ad ecclesiam eius fuisse, qui offensam concoquere non posset, quasi ei, qui concoquere posset, vel deferre non liceret, vel certè deferendi nulla necessitas incumberet.

XII. Eadem pag: 276. ad finem hæc tua verba leguntur, Si licuit Petro non cedere Ananiæ, id quod Ananias donaverat, licebit etiam cuivis non cedere raptori absque iure suum pallium. Atq; idem repetis pag: 322.

Vix dici potest, quàm insulsa sit hæc argumentatio tua, quotq; manifesti errores, ac fallaciæ in ea contineantur. Primùm in eo vehementer erras, quòd ais, Petrum quiddam Ananiæ non cessisse, cum in ipsa historia

Palæologi
error.
Act: 5.3, &c

historia nihil aliud dicatur, nisi Petrum Ananiae eius gravissimum peccatum acriter exprobrasse, qui venditi praedii, tamquam integrum pretium, partem tantummodo quamdam ad pedes Apostolorum deponens, spiritui sancto, vel potius spiritum sanctum mentitus esset, eiq; dixisse, non hominibus, sed Deo ipsum mentitum fuisse. Non igitur repetiit, seu non cessit quidpiam Petrus Ananiae, neq; id curavit, ut integrum venditi ab ipso praedii pretium in Apostolorum, & Ecclesiae manus deveniret. sed tantum, ut eius ingens scelus patefieret, ne aliquis in illis Ecclesiae ininitis cum spiritu sancto quodammodo ludere, sequé pro eo, qui non esset, Ecclesiae, atq; adeo ipsi Deo venditare absvesceret. Deinde erras, quod affirmas, Ananiam aliquid donasse praeter id, quod dedit. Credis enim, eum praedii venditi integrum pretium donasse. quod tamen aliter se habet. Namq; aliud est donare, aliud se donare profiteri. Ananias integrum venditi praedii pretium donare quidem se professus est, non tamen donavit. Atq; eius peccatum non in retinendo eo, quod iam donasset, sed in profitendo, se id donare, quod non donabat, fuit. Propterea verbum $\nu\omicron\sigma\phi\acute{\iota}\zeta\epsilon\delta\varsigma$, quo bis in ea historia utitur Lucas, potius Seponendi verbo utrobique interpretandum est, quam Fraudandi, & legendum potius Seposuit de pretio, & Seponere de pretio, ut doctissimis viris visum est, propria & simplici verbi significatione retenta, quam Fraudavit de pretio, & Fraudare de pretio, ut veteri interpreti placuit, translaticia & figurata,

Palaeologi
error.

figurata, licet usitata, significatione ascita. Syriacus quidem interpres priore loco verbo, quod simpliciter accipere, seu tollere significat, posteriore vero, verbo, quod abscondere declarat, usus est. Non fuit autem predictus tuus error silentio pretereundus, ut tantò magis alter appareret, quem ante notavimus, ex quo solo manifeste vanitatis tua argumentatio convincitur, id est, Petrum ab Anania nihil repetiisse, sive illi non cessasse, evidentius constaret, cum aliquid ab eo repetendi, sive illi non cedendi nullum ius, aut causam haberet. Hoc dico, quia alioquin haud ignoro, quò minor ipsius Ananiae aliquid dandi obligatio fuisset, eò magis ab ipso ad raptorem argumentum ducere te rectè potuisset.

Verùm fac, Ananiam integrum venditæ possessionis pretium Ecclesiæ donasse, & Petrum ex eo nihil ei cedere voluisse. Nonne considerandum est, qua ratione id factum fuerit? Quomodo igitur non cessit Petrus Ananiae reliquum illius pretii? Num simpliciter id repetendo? Atqui hoc nihil ad rem facit. Nemo est enim qui neget, licere a raptore ea, quæ rapuit, simpliciter repetere. Num per vim ipse exigendo, & auferendo? At primùm hoc manifestè falsum est, cum nec ipse Petrus illi ullam vim adhibuerit, nec verisimile sit, pretium illud integrum ab Ecclesiâ unquam receptum fuisse. ut nihil dicam, quòd in historia eius rei nulla fit mentio. Deinde, si per vim Petrus ipse eam pecuniam abstulit, certè, si eius factum in exemplum trahere velis, & rectè argumentatio-

nem tuam concludere, poterimus & nos ipsi a raptore nostra, quæ rapuit, per vim auferre, quod tamen fieri non posse, ipse concedis, sed per magistratum id fieri vis. Numquid fortasse Petrus magistratum aliquem adiit, & eius opem ad pretium illud integrum consequendum imploravit? Sed quem, rogo, cum ibi nullus nominetur? Deum fortè dices. Sed unde istud colligitur? Num ex eo, quòd Ananias repente concidit, atq; expiravit? Quasi verò Deus Ananiam interimere, Petro ad se propter integrum prædii illius pretium consequendum minimè confugiente, non potuerit, aut quasi ex Ananiam morte factum sit, ut pretium illud integrum ad Apostolorum manus pervenerit. Quid, quòd ipse tibi istud subtersugium eripuisti, cum paulo post pag: 277. dixisti, Deum Petri factum approbasse? Nam hoc profectò significat, non quidem Deum aliquid fecisse, unde Petri ad ipsum confugientis petitioni satisfactum fuerit, sed ipsum Petrum id fecisse, quod volebat, Deum autem ipsius factum Ananiam morte comprobasse. Sed fac rursus, Petrum Dei opem ad consequendum pretium illud implorasse (quo tamen nihil ineptius, aut absurdius dici potest) quid inde sequetur? Certè nihil aliud, quàm nos posse Dei opem implorare, ut ea recuperemus, quæ raptor nobis abstulerit. At non idcirco concedetur nobis contra raptorem civilis magistratus opem petere. Nam, si dicas, Petrum ideo ad Deum confugisse, quia Deus ipse tantùm in ea causa iudex esse poterat, ad civilem magistratum alioquin accersurum

furum, si civilis aliquis magistratus fuisset, qui ius in ea causa reddere potuisset, hoc ad excipiendum quidem fortasse aliquid valere potest, sed ad probandum, prorsus nihil. Nimis enim longè petitum est, & non probabili aliqua coniectura, verùm inani dumtaxat quadam opinione nititur, aded ut istud non conicere sit, sed divinare velle. Quocirca ex eo nullo modo effici potest, perinde censendum esse, ac si Petrus ad civilem magistratum accessisset, & proinde Petri exemplo nobis ad civilem magistratum accedere licere. nedum, ut eiusdem exemplo acceptæ iniuriæ vindictam per civilem magistratum nobis expetere liceat, quemadmodum probandum tibi est, sicut Petri, & Ananiæ historiam istam, quam attulisti, ad rem pertinere velis. Itaque tandem vides, universam argumentationem tuam, uti prædixeram, insulsam omnino, atque erroris plenam esse.

XIII. At verò nihil tibi fecisse videbare, nisi Racovienses suomet gladio (quod aiunt) iugulare tentasses. Nam, cum ipsi pag: 71. dixissent, per excommunicationem, quam Christum in Ecclesia constituisse volunt, hominem non tortori, sed Satanae tradi, non ex aliqua politia, sed e celo excludi, non denique temporali morti, sed eterne addici, tu pag: 284, & 285. ex hoc ita reipsa argumentaris. Si homini christiano verbi magistratum eiusmodi gerere licet, quo anima vincitur, flagellatur, occiditur, & non corpus terrena vita, sed anima vita eterna privatur, Ergo christiano homini licebit ad istum magistratum

Gg 2 accedere,

accedere, & sui iuris conservandi causa, ab eo petere, ut in eos, qui id meriti fuerint, istam potestatem exerceat. Quamobrem, si quis iniuriam passus fuerit, iure poterit curare, ut is, qui se iniuria affecit, nisi peccatum suum emendet, excommunicetur, id est tortori Diabolo tradatur, & æterna morte occidatur. quandoquidem, qui in peccato perseverat, meritus est, ut excommunicetur. Quòd si ita res se habet, multò magis homini christiano licebit ad gladii magistratum accedere, ut ipse sua repetat, is verò qui abstulit, si obedire nolit, tradatur lictori, & tamdiu in carcere teneatur, donec reddat ultimum quadrantem. Quandoquidem hæc sine dubio illis sunt minora, & in his minùs leditur proximus, & ipsa charitas, quàm in illis. propter quam proximi, & charitatis lesionem non dubium est, quin Racovienses hæc fieri posse negent.

Hæc argumentatio tua ex adversariorum dictis derivata non rectè conclusa est. idq; quatuor potissimum de causis. Vna est, quòd, quamvis adversarii tui, cum de excommunicatione loquuntur, iis verbis utantur, quæ supra commemoravimus, non tamen intelligendum est, ipsos sentire, per ipsam excommunicationem, sive ipsius excommunicationis vim hominem æternæ morti addici, vel etiam alia fieri, quæ ibi dicuntur, sed tantummodo, per excommunicationem declarari, aliquem æternæ morti addictum esse, & in illa mala incidisse. Nec sanè inter ipsos Romanæ ecclesiæ theologos deesse arbitror, qui de excommunicatione

communicatione ita sentiant, quamvis easdem locutiones, quibus usi sunt Racovienses, in ipsius vi explicanda & ipsi usurpent. Illud certum est, eos, qui a Romana ecclesia desciverunt, omnes ita sentire, & tamen ab eiusmodi locutionibus non abstinere. nec id quidem iniuriâ. Non solum enim in sacris litteris usitatum est, ut verba non rem ipsam, quam propriè designant, sed eius rei declarationem significant, verum etiam, cum de iis agitur, quæ ab excommunicatione non longè absunt, nempe de sententiis a iudice ferendis, (est enim excommunicatio sententia quædam lata) proprium quodammodo videtur ista loquendi figura uti. Hinc Iustificare pro Iustum pronunciare, seu declarare, & ex altera parte Impiificare (sic enim propriè sonat vox hebræa) pro Impium declarare, seu pronunciare. ut Deut. 25. v. 1, & Proverb. 17. v. 15. Quinetiam in eo ipso, quod in Lege evangelicæ excommunicationi planè respondere videtur, id est in separandis leprosis a reliquo populo hac phrasi perpetuò utitur scriptura. Toto enim cap. Levit. 13, ubi ea de re agitur, pro eo, quod est Sacerdos eum pollutum, seu contaminatum declarabit, aut pronuntiabit, scriptum est in hebræo codice. Sacerdos eum polluet, seu contaminabit. quod etiam plerumq; in locis a veteri Latino interprete retentum est. ut v. 11, 20, 25, 27, & 30. Quemadmodum ex altera parte ibidem passim legitur Mundare pro Mundum pronunciare. Quid, quòd, cum de ipsa excommunicatione agitur, eadem locutio usurpatur? Nam illud, quæ-

Mac:18. 12. cumq; alligaveritis, nihil aliud esse videtur, quam
 Quaecumq; ligata esse pronuntiaveritis. Quod si mi-
 Ioh:20.23. nus hoc concedatur, Certè verba illa, quorum reti-
 nueritis (peccata) retenta sunt, idem, ut plerisq;
 placet, significant, quod Quorum peccata retenta es-
 se pronuntiaveritis, &c. quod ad excommunicationem
 accommodari posse, nemo negaverit. Id sanè
 plerosq; sensisse, vel illud demonstrat, quod locus iste,
 tamquam superiori respondens, in omnibus latinis
 codicibus in margine annotatus fuit. Itaq; satis con-
 stat, te iniurià Racoviensibus obiecisse, idq; tanto pe-
 re, ut facis, a pag:281. usq; ad pag: 287. exaggerasse,
 & pag:301, & 313. repetuisse, quod per ipsam excom-
 municationem animam occidi velint. Et quamvis
 fortasse, cum eorum verba id præ se ferant, dici pos-
 sit, te calumniatum non fuisse, insignis tamen hic pla-
 nè fuit error tuus, quod ex consuetudine loquen-
 di ipsarum sacrarum litterarum ea interpreta-
 tus non fueris. Atq; hæc, quod attinet ad primam
 ex illis quatuor causis. que sola satis esse potest ad u-
 niversam argumentationem tuam dissolvendam. Sed
 tamen de reliquis videamus.

Palæologi
 error.

Altera igitur causa illa est, quam ipsi Racovi-
 enses eadem pag:71. afferunt. nempe in excommuni-
 catione locum esse respicientie, qui nullus est, cum
 quis a civili magistratu punitur. Ex quo etiam supe-
 rior causa confirmatur, & apparet manifestè, Raco-
 vienses, cum dixerunt, per excommunicationem a-
 nimam occidi, nihil aliud sensisse, quam declarari,
 sis, qui

si u, qui excommunicatur, in eo statu perseveraverit, animam eius perditum iri. adeo ut ne planè quidem iam occisam esse declarari velint. Ridiculum autem prorsus illud est, quod pag: 286. ais, quod excommunicati anima per pœnitentiam reviviscat, id beneficium esse temporis, & animæ ipsius, non autem ab excommunicationis natura proficisci. Ridiculum, inquam, omnino est istud, si alioqui, per excommunicationem verè animam occidi, ponatur. Nam, si excommunicatio iam planè hominis animam occidisset, ut civilis gladius corpus occidit, quid vel animæ natura, cum anima nulla esset, vel temporis beneficium prodesset? Igitur, si eius, qui excommunicatur, anima, etiamsi eam occidi velimus, reviviscere potest, certum esse debet, per excommunicationem non ita occidi animam, quemadmodum per civilem gladium occiditur corpus. quare non mirum esset, si privato homini id curare concederetur, hoc verò minimè. Nam quod ais, eum, qui excommunicatus fuerit, sè paullo post moriatur, Racoviensium iudicio in Tartara precipitari, idq; scilicet vi excommunicationis fieri, non ita se habet. semper enim resipiscere potest. Quare, non quia excommunicatus fuit, sed quia non resipuit, in Tartara detruditur, & omnino eius anima interimitur. Potest autem is, qui excommunicatur, si velit, vel in ipsa excommunicationis sententia ferenda resipiscere, & ita animam suam omnino conservare. Quod longè aliter est in iis, qui a civili magistratu morti addicuntur. c corpora enim sua nul-

Palæol-ri-
dulus.

lo pacto ipsi servare possunt. Et ita inter utramq; rem apertissima differentia est, eaq; maximi momenti, ut nullaratione ab una ad alteram per similitudinem argumentum duci queat. nedum ut, quia earum altera, quae minus detrimenti proximo allatura est, tentari potest, multò magis alteram tentare liceat, ut ex argumentatione tua, si ea admittenda esset, omnino sequeretur.

Sequitur tertia causa, quae ex iis colligi potest, quae supra differuimus, ostendentes, delationes, quae fiunt ad ecclesiam, non eò tendere, ut is, qui desertur, puniatur, & multò minùs, ut delator suas iniurias ulciscatur, aut, quod suum est, repetat, nec voluntarias, sed necessarias esse. Quocirca falsum est id, quod in argumentatione tua assumis, & tamquam ex Rationensium sententia proficiscens, pag: 384. his verbis scribis, Licere Christianum hominem ad huiusmodi (verbi Dei) magistratum accedere, conquiri & petere sua bona, ut sibi reddatur de iure quod fuerit per vim ablatum, & si non fuerit redditum occidatur ille morte aeterna. Hoc, inquam, prorsus falsum est, cum in eo ad ecclesiam deferendo, qui, si resipiscere nolit, excommunicandus est, nihil istorum a deserente queratur, sed tantummodo Christi praecepto obtemperetur. quod aliò respicit, quàm, ut deserenti isti satisfiat. Eò enim respicit potissimùm, quemadmodum alibi dictum fuit, ut is, qui desertur, vel resipiscat, vel ex ipsis Christi cœtu eiiciatur, & excludatur. Quamobrem,
quidquid

quidquid ea in re agitur, quod ad deferentis commo- dum, & satisfactionem pertinere queat, id totum ex accidente est, & idcirco nulla hoc loco eius ratio est habenda.

Restat quarta causa. Ea autem est, quod falsum est illud, quod in argumentatione tua pro concesso sumitur, aut certè, ut sumatur, necesse est, Racovienses idcirco negare, homini christiano ad civilem magistratum suarum iniuriarum ulciscendarum gratia accedere licere, quia hoc contra christianam charitatem sit, contraq; Christi præcepta de dilectione omnium, & alia eiusmodi. quemadmodum ex iis colligitur, quæ scribis statim post paullo ante recitata verba tua. & ex verbis illis pag: 285. Quoniam, inquietis, hæc sunt contra charitatem. exq; iis, quæ ibidem contra ipsos disputas. ubi tandem pag: 286. ita concludis, Quare si hoc in Ecclesia Christiana esse non potest, ne violetur charitas, nec illud eadem ratione esse poterit, quoniam magis per illud violatur charitas. Falsum, inquam, hoc est, cum ista nec sola, nec potissima ratio sit, cur Racovienses id negent. Potissima enim ratio est, quia id nominatim a Christo interdictum fuit, cum de Legis præcepto agit, Oculum pro oculo, dentem pro dente. ut supra satis demonstratum est. Quocirca, etiamsi in excommunicatione persequenda plus lederetur proximus, quam in civili magistratu ulciscendæ iniuriæ causa adeundo, & nihil præterea es-

set, quod suadere non videretur, si illud concessum est, hoc quoque concessum esse debere, tamen nihil ratio ista contra adversarios tuos valeret, qui non rationibus, sed expresso Christi mandato nituntur. contra quod nullae rationes quidquam possunt. nec ullo modo licet, etiam (ut leguleii loquuntur) ex maiori parte rationis, ab eius concessione, quod nulla ratione fuerit interdictum, ad concessionem eius, quod plane interdictum fuit argumentari.

Spero, me id satis prestitisse, quod pollicitus fueram, & non indiligenter ea examinasse, quae toto tuo libro attulisti ad probandum, licere homini christiano per magistratum iniurias suas ulcisci, & poenas ab adversario expetere. nec alicuius momenti ea esse, demonstrasse. Cumque nihil praeterea in hac tertia mea responsionis parte exequendum restet, iam reliquam quartam, Deo annuente, aggrediar.

RESPONSIONIS

AD IACOBUM PALAEOLOGUM

pro Racoviensibus

PARS QUARTA.

Siquis, Paleologe, quot hæcenus, tecum disputan-
 do, certissima errata tua ostenderit, animad-
 verterit, vix fieri posse existimabit, ut aliqua adhuc
 patefacienda restent. Et tamen tot adhuc supersunt,
 ut si omnia hîc congerere velim, eaq; unicuiq; ma-
 nifesta facere, hoc responsionis huius meæ addita-
 mentum potius, quàm pars, universa reliqua respon-
 sione maius futurum sit. Quare, ut ab ipso initio sum
 pollicitus, insigniora tantummodo quedam colligam,
 & patefaciam. Insigniora autem ea appello, que
 vel crassiora sunt, licet minus periculosa, vel maio-
 ris momenti esse videntur, & facile incauto lectori
 perniciem allatura. Rogo autem te, ne vel hoc fa-
 ctum meum ægrè seras, vel nimia mei ipsius opinio-
 ne id a me fieri existimes. Nam nec tibi nocere ani-
 mus est, & me hominem eumq; vulgarem esse, atq;
 idcirco non tantum errare, sed sepe etiam, ac gra-
 viter errare posse, satù perspectum habeo. Sed, cum
 multos esse animadvertorim, qui tibi in rerum sa-
 crarum cognitione plurimum tribuunt, adeò ut,
 quicquid de religionis nostræ placitù a te dictum fu-
 erit.

erit, faciliè arripiant, & inter ea, quæ a te affirmantur, pleraq; mihi esse videantur non modò falsa, sed etiam vehementer perniciofa, quorum in libro tuo, contra quem calamum arripui, non semina tantùm sparseris, sed plantas quoq; ipsas non paucas confeceris, haud quidem ut te lederem, sed ut aliis opem ferrem, auctoritatem istam tuam minuendam hac ratione esse censui, paratus equo animo a te vicissim publicè argui, sicubi lapsus fuisset deprehensus fuero. Et si enim nullum periculum est, ne auctoritas mea alicui imponat, quippe quæ nulla sit, & porrò vix ulla causa esse videatur, cur id facias, meq; hac in re quodammodo imiteris, tamen æquum est, ut si, dum te reprehendo, temere ipse, quæ reprehensione digna fuerint, effutiero, temeritatis meæ pœnas luam. Sed iam ex reliquis insigniora quædam errata tua enumerare, & quàm paucissimis verbis poterò, in apertum producere instituo.

I.

Palæologus
de Christo
exiliter
sentit.

Mac: 16. 18.

Ais in priore scripto, pag. 5. Iesu Christi nomen Dei ecclesiam nobilitasse. Ex quo apparet, quàm exiliter de Christo sentias, & quantum illi adimas. quasi verò Iesus Christus Ecclesiam iam constructam invenerit, & non ipse eam construxerit, atq; fundaverit. quod tamen disertè satis ipsemet testatur in-

quiens, Tu es Petrus, & super hanc petram ædificabo ecclesiam meam. Erat quidem ante Iesu Christi adventum Dei ecclesia, sed non eadem, quæ fuit postea. Itaq; non priorem illam nobilitavit Iesus Christus, sed aliam ipse, Deo mandante, formavit.

quanti

quam, ut vides, suam etiam appellat. quippe cuius non modò dominus sit factus, sed conditor etiam fuerit. Omnia enim per ipsum facta sunt, & sine ipso factum est nihil, quod factum sit, omniaq; per Iesum Christum Deus condidit, & creavit.

Ioh: 1. 3.
Eph: 3. 9.

Pag. 7. ita scribis, Missus Iesus Christus à Deo patre, tanquam propheta ille suscitatus ex fratribus Israelitici populi, ut audiretur a populo, & abs quo moneretur populus de voluntate Dei, quæ erat ut ipsum Iesum pro Rege acciperent, eius ductum sequerentur, sperarentque per ipsius Iesu ductum & auspicia libertatem, quam perdiderant, recuperatum iri, receptus non est à populo: ut autem melius susciperetur, prænuncius missus erat Iohannes.

II.

Quatuor (ni fallor) in hisce verbis errata tuaprehenduntur. 1. Primum illud est, hanc Dei de Iesu voluntatem fuisse, ut ipse Iesus eiusmodi rex populi esset, cuius auspiciis ex Romanorum servitute populus eximeretur, & quem ante ipsius mortem pro terreno suo rege populus agnosceret. Hunc autem errorem non uno in loco libri tui modò apertius, modò obscurius inculcas. Ex quo, ut cætera omittam, id consequitur, vel Iesum populi Dei regem hæcenus revera non fuisse, vel, si revera Iesus rex populi Dei aut est, aut fuit, ex accidente quodammodo, quod ad regnandi saltem rationem attinet, id factum esse, non autem ex Dei proposito immutabili. Quorum

utrum-

utrumq³ quàm non modo falsum, sed perniciosum sit, non est hic demonstrandi locus. Satis erit per ea, quæ mox dicentur, errorem istum tuum manifestè coarguere.

2. Alterum igitur erratum tuum in prædictis verbis est, Iesum monuisse populum, se esse regem istiusmodi. Id enim numquam fecit. quod tamen sæpissimè fecisset, si ea voluntas Dei fuisset. atq³, ut id facere consueverit, omnino ferunt verba tua. Nam ubi nam scriptum est, Iesum dixisse, se a Deo missum esse, ut populum Israeliticum ex Romanorum servitute liberaret? aut quando umquam Iesus, se hic in terris, præsertim ante mortem suam, terrena ratione super populum ex Dei voluntate regnare debere, præ se tulit? Dices, ut ex sequentibus verbis tuis aperte colligitur, hoc ab ipso factum esse, ubicumq³ docuit, se esse Christum. Christus enim nihil aliud est, quàm Rex. Hæc ratio nihil valet. Nam rex quidem erat Iesus a Deo super populum constitutus, non tamen ut terrena ratione regnaret, sed cælesti. quod demum post ipsius mortem & fieri debebat, & reipsa factum est. quemadmodum ex pluribus sacrarum litterarum testimoniis apparet, præsertim verò ex eo, quod scriptum est Petrum populo dixisse, Hunc Iesum resuscitavit Deus, cuius nos omnes testes sumus. Dexterâ igitur Dei exaltatus, & spiritus sancti promissione accepta a patre, effudit hoc, quod nunc vos videtis, & auditis. Non enim David ascendit in cælos. dicit autem ipse

Act: 2. 32:

tem ipse, Dixit Dominus domino meo, sede a dexteris meis, donec ponam inimicos tuos scabellum pedum tuorum. Certissimè ergo sciat omnis domus Israel, quia & dominum eum, & Christum fecit Deus hunc Iesum, quem vos crucifixistis. En tibi, quid sibi vellet Iesus, cum se Christum esse dicebat. & qua ratione a Deo rex super populum constitutus fuisset. Hoc tu ipse fortasse animadvertens, hanc scilicet regnandi rationem, quam sacrae litterae Iesu post mortem tribuunt, a terrena valde diversam esse, novum regnum, id est diversum ab eo, quod ei ante mortem donatum a patre fuerat, Iesum post mortem, & per mortem accepisse somniasti. ut ex iis perspicuum est, quae scribis in initio pag. 16. & ad finem pag. 91. Qua de re infra pluribus agemus. Praeterea, etiamsi Iesus nonnumquam, se Christum esse, vel dixerit, vel non negaverit, non tamen aperte, ac disertis verbis ea de re populum monuit. quippe quae aliter, quam verbis, patet facienda, & confirmanda foret. Immo legimus, ipsum Iesum ante mortem discipulis suis severè interminatum esse, ne ulli dicerent, ipsum esse Christum.

3. Quare vix dici potest, quantum a scopo aberres, vel potiùs, quam turpiter hallucineris, cum eadem paginâ 7. aii, Iesum docendo (verbis videlicet) se esse Christum, suo esse perfunctum officio visum fuisse, & nihil aliud ante mortem tam sedulo omnibus inculcasse, quam, quod ipse esset Christus.

4. Tertium erratum tuum est, quod aii, Iohannem missum

Mat: 16. 26

Mar: 8. 30.

Luc: 9. 21.

missum fuisse, ut Iesus pro rege, qui populo libertatem, quam perdididerant, restitueret, melius susciperetur. Quod profecto necesse esset, si ei rei Iesus a Deo destinatus fuisset. Missus enim fuit Iohannes, ut de ipso testaretur. Atqui nihil tale de Iesu testatus est Iohannes. Ex servitute quidē eius ope populum eximendū, & in libertatem vindicandum esse, re ipsa est testatus. Verūm alia fuit ista servitus, istaq; libertas, quam tu hoc loco sine dubio intelligis. Peccati ea servitus fuit, ex qua per Iesum populus eximendus erat, & in spiritus libertatem vindicandus. idq; ipse quoq; deinde pag: 8. agnoscis in illi verbis, cuius opera si populus illum recepisset, condonationem peccatorum impetrare à Deo potuisset. Itaq; dicebat

Ioh: 1. 29. Iohannes, illum esse Dei agnum, qui mundi peccatum auferret, atq; ipsum eum esse, qui spiritu sancto baptizaret. De terrena autem Iesu regnandi ratione, deq; populo e Romanorum servitute eius ope liberando, ne verbum quidem Iohannes fecisse legitur. Nam, quod de ipso similiter ais, docuisse illum, Iesum esse Christum, hoc primū, ut diximus, nihil ad rem facit. Deinde neq; ex professo, neq; omnino apertè id dicebat Iohannes, sed interrogatus, an ipse esset Christus, negabat, seq; ante Christum missum fuisse aiebat.

Ioh: 1. 20. 5. Quocirca hic quoq; turpiter erras, cum ais, Iohannem, docendo, Iesum esse Christum, officio suo perfunctum fuisse, visum esse, & nihil ante Iesu mortem tam sedulò omnibus inculcasse, quam ipsum Iesum esse Christum. Quamvis enim Iohannes multa de Iesu

de Iesu diligenter testaretur, quæ Christi futura erant propria, tamen id plerosq̄ latebat, nec ipse vel Christi nomen ipsum urgebat, vel de Iesu regno disertis verbis docebat. quod tamen ad rationem tuam concludendam necessariò requiritur.

6. Quartum erratum, quod ex supra recitata verbis tuis, iis præsertim, quæ sequuntur, adiunctis, satis apertè colligitur, est, Non solùm voluntatem Dei fuisse, ut Christus hic in terris ante mortem super Israeliticum populum regnaret, eiq̄ libertatem, quæ paullo ante perdiderat, restitueret, nec solùm ea de re populum ab ipso Iesu admonitum fuisse, sed etiam, ut id populum moneret, potissimùm, ac præcipuè Iesum a Deo fuisse missum. Nam, si hoc verum est, igitur, cum Iesus apud Marcum, & Lucam ait, se propterea egressum esse, & missum fuisse, ut prædicaret, & regnum Dei evangelizaret, id dicere voluit scilicet, se a Deo fuisse missum, ut omnibus palàm denunciaret, se esse illum, qui rex Israelis a Deo in terris constitutus ex Romanorum servitute populum liberaturus esset, Et quia non modò apud utrumq̄ evangelistam ibidem dicitur, Iesum & in Capernaum, & in reliqua Galilea id fecisse, ad quod se missum esse dixerat, verùm etiam ex pluribus aliis locis colligitur, eum & in Iudæa, & in Galilea, idq̄ in singulis urbibus, ac vicis prædicasse, & evangelium regni annunciaisse, apostolosq̄ suos ad Dei regnum prædicandum misisse, necesse est, ut universam illam regionem eo rumore impleverit, si se regem agnovissent, prope-

Mat: 1. 38

Luc: 4. 42

Mat: 9. 35

Luc: 8. 1-

9. 20

diem futurum, ut ipsius ductu Romanorum iugum excutere possent. Atqui, si ita res se haberet, quomodo non statim oppressus fuisset? quomodo, inquam, eum locorum præfecti tulissent? Nonne Iudæi, qui ab ipso ferè eius prædicationis initio illi insensi fuerunt, utq; eum perderent, quæsierunt, eiusce rei modum, atq; rationem, in promptu habuissent? & tamen testantur Matthæus, & Marcus evangelistæ, cum iam in Iudæorum manus Iesus traditus fuisset, quæsisse principes sacerdotum, seniores, & universum confesum, ut per falsos testes Iesum interimerent, & testimonium ex multis testibus sibi consentaneum invenire non potuissent. Nam quid opus fuisset falsis testibus, aut quomodo testes non convenissent, si publicè Iesus se pro eo rege iactasset, quem tu dicis, & reipublicæ statum se mutaturum dixisset? Accusarunt quidem Iudæi Iesum, quòd diceret, se Christum, id est regem esse, neq; id ipse aut coram pontifice, aut coram præside negavit. sed non propterea vel populum Iesus pervertebat, vel Cæsari tributa solvenda esse negabat, ut & Iudæi illi obiiciebant, & omnino verum fuisset, si se talem regem dixisset, qualem tu opinaris.

Luc: 23. 15. Liqueat autem, Pilatum præsidem, Iesum innocentem esse censuisse. Ex quo apparet, eum intellexisse, ac deprehendisse alio sensu, quàm Iudæi dicerent, & tu Iudæorum lorum hac in parte similis, affirmas, non negatum fuisse a Iesu, se Iudæorum regem esse. quæ tamen simplex appellatio tanti apud ipsum fuit, ut veritus sit, ne fortè Cæsarem sibi inimicum redderet, si Iesum absolvisset,

Mat: 26. 59.
& 60.

Mat: 14. 55,
& 56.

Luc: 23. 2.

Luc: 23. 15.
&c.

Palæolog 6
Iudæorum
similis.

Ioh: 19. 13.

absolvisset, & ob eam causam eum tandem Iudæis crucifigendum tradiderit.

Sequitur ridiculus quidam error tuus pag: 12. I-
bi enim ais, novum dilectionis genus Iesu Christi fu-
isse erga discipulos suos, ut eos multis discriminibus
obiiceret, quemadmodum ipse a patre novo amoris
genere periculis, & morti expositus fuisset. Quod
quàm rectè a te dictum fuerit, aliorum erit iudici-
um. Sed ibidem affirmas, hoc esse illud genus dilectio-
nis, de qua novum mandatùm Christus se discipulis
suis dare dixit, ut ipsi scilicet se diligerent, sicut ipse
eos dilexisset. Ergo, si vera loqueris, Christi discipuli
ex ipsius Christi mandato alii alios discriminibus
obiicere debebant, atq; ea ratione potissimum novo
illi mutue dilectionis ad ipsius imitationem Christi
præcepto satisfacere. Potuitne aliquid insulsius dici?
Certè longè aliter & ipse Dominus sua verba expli-
cat, & Iohannes eius apostolus ea se interpretatum
fuisse ostendit. Ille enim sic discipulos suos monet.
Hoc est præceptum meum, ut diligatis invicè, Ioh: 15, 12.
sicut dilexi vos. Maiorem hac dilectionem ne-
mo habet, ut quis animam suam ponat pro a-
micis suis. Hic verò ait. In hoc cognovimus I Ioh: 9, 14.
charitatem, quoniam ille animam suam pro
nobis posuit, & nos debemus pro fratribus a-
nimas ponere. Non igitur fratres discriminibus
obiiciendo, sed pro ipsis moriendo, Christum imitari
debeant eius discipuli, eiusq; de mutua dilectione
novo mandato satisfacere.

IV.

Eadem pag: 12. ais, cum Iohannes predicaret, sedecim ferme annos intercessisse, ex quo Iudæi ex liberis servi facti essent Romanorum. & pag. 14. scribis, cum Christus interrogatus fuit, utrum Cæsari solvere tributum liceret, ante septem & decem annos Iudæos liberos fuisse. Verum in posteriore scripto pag: 172. affirmas, cum Christus longiorem illam conditionem, de qua apud Matthæum habuit (quod inter utrumq; ex prædictis temporibus factum fuit) Iudæam iam pridem Romanorum provinciam fuisse factam ad minimum ab annis viginti. Quare necesse est, vel, que antea dixeras, falsa esse, vel id verum non esse, quod postea dixisti.

Palæologus
sibi non
constat.

V.

In fine pag: 13. & initio 14. sic scribis, Iesus autem Christus interpellatus ut solveret tributum, quo alebatur miles & civis & peregrinus intra Iudæam contra Iudæam, ne rebellaret, persolvit. Locus autem, unde id probari existimas, est sine dubio apud Matthæum cap: 17. circa finem. Sed falsus es opinione tua. non enim de tributo ibi agitur, quo aleretur miles, sed de dimidio sicli Sanctuarii, quod ex Legis præscripto Israelitæ censiti pendebant, ut habetur Exod: 30. 13. idq; vel ex eo patet, quod nihil aliud ibi dicitur, nisi, eos, qui didrachma accipiebant, venisse ad Petrum, eiq; dixisse, Magister vester non solvit didrachma? tantumdem enim valebat dimidium sicli Sanctuarii, quod didrachmum ipsi Deo dari, sive offerri dicebatur, ut prædicto loco in Lege apparet. Sed idcirco fortassis de tributo

tributo aliquo, quod Principi penderetur, ibi agi credidisti, quia mox Christus ait, Quid tibi videtur Simon? Reges terræ a quibus accipiunt tributa, vel censum? &c. Cum tamen hæc ipsa, & sequentia Christi verba aperte doceant de censu, qui Deo solveretur, ibi actum fuisse. Sic enim a simili argumentatur Christus. Reges terræ tributa, aut censum non a filiis, sed ab alienis exigunt. Ergo Deus quoque non a filiis, sed ab alienis censum exigit. Ex quo sequitur, nos, qui filii Dei sumus, esse liberos ab hoc censu solvendo. Ad se enim, & Petrum sine dubio totum sermonem accommodat, ut ex sequentibus verbis apertum est, Ut autem non scandalizemus eos, vade, &c. Quod si alia ratione Christi verba explicentur, nihil dicetur, quod cum explicatione nostra, quam aliorum quoque esse credimus, comparatum, frigidissimum non sit, immo plane falsum atque ineptum esse non constet. ut infra, dum suo loco explicationem tuam examinabimus, aperte conici poterit.

Vt supra visum est, in initio pag: 16. & ad finem pag: 91. ait, Iesum Christum per mortem novum regnum quasiisse, & recepisse. Videndum est autem, quid Novi regni nomine intelligas. Nam, si diversam regnandi rationem ab ea intelligis, qua ante mortem regnare debuerat, quasi antea terrena ratione regnare debuisset, postea vero celesti, vel non terrena tantum, sed etiam celesti regnaverit, iam hoc ex iis, que ante disputata sunt, falsum esse apparet. cum sa-

ri ostendimus, nec verum, nec verisimile esse, Christum Iesum, ut terrena ratione ante mortem regnaret, a Deo missum fuisse. Quòd si novi regni nomine non diversam regnandi rationem, sed regnum super novum populum, nempe super Gentes intelligis, hoc similiter falsum esse, ex iis, quæ ante disseruimus, aliqua ex parte constare potest. Cum enim, ut visum fuit, Iesus missus non fuisset, ut re ipsa ante mortem regnum aliquod administraret, etiamsi per mortem regnum Gentium postea adeptus esset, non tamen per mortem novum regnum acquisivisse dici posset, cum antea nullum haberet. Nam, si dixeris, destinatione Iudæorum regnum antea habuisse, respondebo, destinatione pariter ante mortem Gentium regnum illi datum fuisse, ut ex innumeris veteris Testamenti locis manifestum est. Nec vero ipsa iura Iudæici regni, quod Petro apostolo, ut vidimus, teste, post mortem obtinuit (nulla enim adhuc, cum Petrus ea verba dixit, Gentium ratio ab ipso habebatur) ante mortem aliter habere potuit, quàm sub conditione, si Dei patris mandatis paruisset, & opus perfecisset, quod ipsi perficiendum ab eo datum fuerat. Inter cætera verò Dei patris mandata illud acceperat precipuum, ut animam suam poneret, eam iterum sumpturus. Quamobrem, ut dictum est, etiamsi per mortem Iesus Gentium regnum fuisset adeptus, tamen nullo novo regno per mortem auctus fuisse dici posset. Atqui falsum est, Iesum per mortem Gentium regnum adeptum fuisse. Illud enim revera non antea

Act: 1. 32.
 &c.

Ioh: 10. 17.
 & 18.

est

est adeptus, quàm eius Evangelium, post ipsius mortem ab Apostolis prædicatum, publicè a Iudæis reiectum fuit. Ut ex iis intelligi potest, quæ scribit Paulus ad Rom. cap. 11. & ex aliis divinis testimoniis. Sed id apertius demonstrandi nunc tempus esse non videtur. Itaq; ad alia transeamus.

1. Etenim errore errorem cumulando, eâdem pag. 16. aseris, Iesum Christum post mortem regnum illud, ad quod accipiendum inermis ante missus fuerat, carnalibus armis recuperasse, id est, ut seq. pag. te explicas, Romanorum armis. Nam quomodo istud verum esse potest, si regnum illud, quod ante mortem Iesus accepturus venerat, terrenum & aspectabile regnum fuerat, ut non dubium est, quin ipse velis? Numquid Christus post captam & excisam a Romanis Hierosolimam, Iudæosq; per orbem terrarum dispersos terrena ratione super Israelis populum manifestè regnavit? Certè si id factum fuisset, non ita ut fecerunt, ei perpetuò hæctenus reluctati fuissent miseri Iudæi. qui tantum abest, ut post ingentem illam cladem eum pro Christo agnoverint, ut eum multò magis spreverint, ab ipso cladem illam immisam fuisse neutiquam sentientes. Quid, quòd, ut ex Petri

Act: 2. 16.

verbis illis perspicuum est, Iesus & dominus, & Christus factus est a Deo, & quidem Israelis populi, simulatque in celum assumptus est, & sic antequam Romani Hierosolimam vastarent? Vnde constat nullo modo dici posse, Iesum Christum armis carnalibus Romanorum, regnum suum recuperasse. Et sanè,

H b †

quicquid

Palgol: se-
ipsum re-
fellit.

quicquid Iesus per Vespasianum, & Titum contra Iudeos est executus, non ad recuperandum regnum, sed ad ostendendum, se iam regnum accepisse, & ad inimicos suos, accepto regno, ulciscendos pertinet, ut ipsemet tua dicta refellens satis apertè confiteris, dum ad hanc rem parabolam illam ipsius Iesu accommodas, de qua Luca cap. 19. Ibi enim de eo est sermo, qui, iam accepto regno, iussit produci, & ante se occidi inimicos suos, qui ipsum super se regnare noluerant. quam parabola partem potissimum huc pertinere vis, ut ex iis constat, quæ leguntur libri tui pag. 8, 90, 96, & 98. 2. Atq; ex prædictis patet, quam nugatorius sit ille tuus duplex Christi ad regnum accessus, unde Christi ex agno in leonem mutationem illam tuam hausisti, aut certè ad eum accommodasti, quæ tantas turbas dedit. qui tamen accessus revera nullus fuit. Ut enim ex prædicta parabola illa Luca cap. 19. intelligi potest, numquam Iesus Christus vel per se, vel per alios, regni sui accipiendi gratia, ad populum accessit, sed a populo, cuius ipse civis erat, discedens, in longinquam regionem, hoc est in cælum, ibi civium suorum, populi inquam, regnum, ad quod iam destinatus fuerat, accepturus, profectus est, quo accepto, eos ex populo severè est ultus, qui ipsum super se regnare noluerant, id est non modò eum pro designato rege non agnoverant, sed ne ipsorum rex umquam esset, omnino decreverant, & quantum in ipsis fuerat, etiam curaverant.

11X,

1. Turpis autem est lapsus tuus, cum pag. 17. parabolam

bolam invitatorum ad nuptias ita ad istum tuum duplicem Christi ad regnum accessum accommodas, ut posteriorem tunc significari dicas, cum invitati omnes venerunt. Nam ex Matthæo apertissimum est, antequam ii, qui venerunt, invitati essent, iam regem illum, qui nuptias faciebat filio suo, missis exercitibus suis, perdidisse illos, qui ipsius nomine invitantes interfecerant, eorumque civitatem incendisse. quod res ipsa clamat de Iudeorum divina eaque insigni punitione, ac dissipatione, ob idque de Hierosolymitano excidio dictum fuisse, quo non modò posteriorem Christi ad regnum accessum, sed ipsam regni recuperationem contineri vis. 2. Quinetiam ipse, te ipsum refutans, missionem illam exercituum, & que sequuntur, posteriorem accessum ad regnum esse ait. Sic enim a te scriptum est pag. 16. De posteriori accessu ad regnum, qui fuit veluti leonis, ita scribitur: missis exercitibus suis perdidit homicidas illos, & civitatem illorum succendit. Apparet igitur, vel te ipso teste, accessum posteriorem (quem tu appellas) Christi ad regnum suum, iam extitisse, iamque regnum (ut tibi videtur) a Christo recuperatum fuisse tum, cum invitati omnes ad nuptias venerunt. immo antequam invitarentur. Ex quo certum esse debet, per eam parabolæ partem istum posteriorem Christi ad regnum accessum minimè significari.

Sed alius ibidem gravis error tuus deprehenditur. Nam sic se habent verba tua. Hunc accessum

Hh s

ad re-

Matthæo 22. 7.
&c.Palæologus
seipsum
refutat.

IX.

ad regnum & posteriorem & priorem nuptias appellant Evangelistæ. Et priorem quidem cum nullus ex invitatis accedere ad nuptias vellet, posteriorem vero cum invitati omnes properarent, ita ut vis facta fuerit in foribus a multitudine ingredientium, & hi primi ingressi domum nuptiarum sunt, qui violentiores & audaciores erant omnibus. *Apud nullum enim ex evangelistis nec istius invitatorum ad nuptias proparationis, nec vis in foribus factæ, nec aliorum, quæ adiungis, ulla sit mentio. sed sunt somnia tua, quæ pro evangelistarum testimoniis affers. Verum quid dico, apud nullum ex evangelistis ista tua commenta legi, cum solus Matthæus parabolam invitatorum ad nuptias exponat? Lucas quidem invitatorum parabolam narrat, nuptiarum tamen nullam mentionem facit, sed cœnæ tantum. Et tamen tu Evangelistas nominas. Sed concedatur sanè tibi iste figuratus loquendi modus, ut, quod unus tantum evangelista scripserit, ab evangelistis scriptum fuisse dicatur, nec inter tua errata a nobis numeretur.*

Palzol: E-
vāgelistis
sua som-
nia affin-
git.

Luc: 14.

16.

- x. 1. Eādē pag. 17. ais, Christum Iesum ad nihil aliud venisse, præterquam (tua verba recito) ut declararet populo se fuisse a Deo institutum hæredem regni. Quod quàm a veritate alienum sit, ii omnes animadvertent, qui meminerint, ipsum Christum Iesum, se ad quedam facienda venisse, sepius affirmasse, idemq; eius apostolos testatos fuisse,
- quæ

que nullo pacto ista declaratione comprehensa sunt. præsertim apud te, qui eam ita accipere videris, ut non latè pateat, sed id tantùm significet, ac complectatur, quod verba ipsa sonant. Inspiciantur hi loci, Matth. cap. 5. v. 17, cap. 9, v. 13, cap. 18. v. 11, & cap. 20. v. 28, Mar. cap. 1. v. 38, Luc. cap. 4. v. 18, & cap. 12 v. 49, Ioh. cap. 9. v. 39, cap. 10. v. 10, & cap. 12. v. 46, & 47, 1. Tim. cap. 1. v. 15, Heb. cap. 9, v. 11, & 1. Ioh. cap. 3, v. 5, & 8, & cap. 5. v. 20. Ex quibus locis, & aliis similibus satis constare potest, Christum Iesum ad aliud etiam venisse, quàm ad declarandum, se heredem regni institutum a Deo fuisse. 2. An non tu ipse pag. 7. confiteris, Iesum Christum missum fuisse a Deo tamquam prophetam? Atqui aliud profectò est propheta munus, quàm populo declarare, se regni heredem a Deo institutum esse, etiamsi id verissimum sit. & que tu Iesum Christum, tamquam prophetam, præstitisse pag. 9. & deinceps narras, ab ista declaratione longè sunt diversa. Namquè inter cetera pag. 11. scribis, Iesum Christum leges divinas repurgasse, idq; proprium munus prophetarum fuisse. Quid enim leges divinas repurgare cum declaratione ista commune habet? aut quis unquam, munere declarationis istius munus divinarum legum repurgandarum omnino contineri, dicat? Nihil autem dico, quòd tantum abest, ut Iesus Christus ad nihil aliud venerit, quàm ad declarandum populo, se regni heredem a Deo institutum fuisse, præsertim eo sensu, quo tu hereditatem, & re-

Palæol: se-
ipsū refel-
lit.

gnum istud intelligis, ut ne ad id quidem revera venerit, sive a Deo missus fuerit. ut ex iis, quæ antea disputata sunt, facile intelligi potest.

XI.

Pag. 18. ais, Christum minatum fuisse, se armis expulsurum eos, qui regnum per vim possidebant, & sibi restituere volebant. Nec dubium est, quin Iudeos intelligas. Sed quam ratione dici potest, Iudeos regnum, quod Iesu Christi erat, per vim possidisse? Num, quia illum super se regnare volebant? Quasi verò quicumq; legitimam regem agnoscere recusat, ipse illius regnum per vim possideat, maximè autem, si iam alium regem agnoscat, ut certè Iudæi faciebant, qui tunc temporis Cæsarem pro rege agnoscebant, & nullum alium præter Cæsarem se regem habere affirmabant. Atq; hinc apparet, quàm futile illud sit, quod ais, & iam a nobis reprehensum est, Iesum regnum suum recuperasse. Propterea enim istam recuperationem commentus es, quia Christi regnum a Iudæis iniuste detentum fuisse existimasti, e quorum manibus vi, atq; armis per Romanos illud Christus extorserit.

XII.

In fine pag. 36, & seq. initio Christi præceptum de obvertenda altera mala dexteram percutienti, & si qua sunt eiusmodi, ita interpretaris, ut dicas Christum plus præcepisse, quàm fieri velit. & ais, In iis enim sententiis illud Christum spectasse apparet, quod vulgo inter mercatores dicitur? Iniquum petas ut æquum impetres. Nihil indignius dici potuit. Tunc Iesum Christum veracissimum

Palæologo
Christum
unū senti-
re, aliud
loqui affar-
mat,

num & simplicissimum mercatorum mendacium at-
 q̄, impostorum similem facere audes, & eadem arte
 in suis præceptis dandis, qua illi in suis mercibus ven-
 dendis solent, utentem? Tune a Dei filio iniqua præ-
 cipi vel dicere, vel certè dicere videri non exhorre-
 scis? An non vides, quanta fenestra ad omnem Chri-
 sti disciplinam in dubium revocandam, atq̄, adeò
 subvertendam patefiat, si eum alicubi plus præcipe-
 re per suam fuerit, quàm revera fieri velit? Non
 igitur iniquum petiit Christus, ut æquum impetra-
 ret, cum malam dexteram percutienti alteram quo-
 que præbendam esse dixit. sed, ut alibi disseruimus,
 quemadmodum ex antecedentibus, exquæ subiecta
 materia apparet, tunc demum præcepto suo locum
 esse vult, cum alioquin necesse esset, iam sibi insti-
 tam malæ dexteræ plagam aliqua ratione ulcisci.

Quia sunt, qui sententiæ tuæ de bello a Christia-
 nis gerendo vaticinationem illam Esaie, & Michææ
 opponant de convertendis gladiis in vomeres, & lan-
 ceas in falces, Tu pag: 38. respondens, ais, argumen-
 tum istud non esse ad propositum, quoniam (inquis)
 sententiæ Esaie eo pertinet, ut significetur,
 cum filius hominis miserit Angelos suos ut
 auferant de regno suo omnia scandala & o-
 mnes facientes iniquitatem, nullum fore usum
 armorum, cum nulli erunt filii carnis & filii
 spiritus inter quos bellum geri sit necesse, sed
 omnes erunt filii Dei. Errores, qui hæctenus in tuis
 verbis continentur (quæ enim dicis nec cum prophe-
 tarum,

Palæologo
 Christum
 iniqua præ-
 cipientem
 facere vi-
 detur.

XIII.

zarum, nec cum Christi mente consentiunt) quia tibi cum aliis quibusdam non antiquis tantum, sed recentioribus quoque Christianis sunt communes, hoc locum me non attingentur. Verum pergens ais, Sed antequam illud tempus veniat, oportere gladium non converti in falcem, nec lanceas in vomeres, quomodo enim dicere posset: tunc eritli præsens adesset? & non levabit gens contra gentem gladium, & non discent ultra bellum, in futurum si iam præsens quod promittit extaret. Quasi verò vel Esaias nunc loquatur, & vaticinetur, aut saltem post Christum exhibitum locutus, & vaticinatus fuerit, vel Esaiæ dictum ad ipsius Esaiæ tempora ab illis, qui & illius, & Michææ verba tibi opponunt, accommodetur, aut accommodandum sit, si ad rem loqui velint. An non apertissimum est, Esaiam, & Michæam multis seculis ante Christum extitisse, & vaticinatos fuisse, & ad ea tempora ab istis adversariis tuis utriusque vaticinationem accommodari, quæ post Christum exhibitum fuerunt, ita ut omnino ex ipsorum etiam interpretatione, quæ tuam sententiam de bello a Christianis gerendo profusus convellit, uterque vates de re futura, non autem præsente loquatur? Vix sanè crediderim, puerilius, aut turpius erratum hoc tuo aliud inveniri posse.

XIV.

Ad finem pag: 40. affirmas, præceptum circumcisionis, & alia eiusmodi, quæ tu legalia appellas, propter quæ, tamquam materia quadam, præputiati a Dei populo separabantur, non a Iesu Christo, sed a

Deo

Deo Patre Iesu Christi sublata fuisse a præputiato-
rum humeris. Hoc manifestò falsum est, & porrò di-
centem Christi gloriæ odio excæcatum prodit. Neq̃
enim rei summa indignitas aliter me loqui permit-
tit. Quid enim? Nonne apud Paulum ad Ephesios
scribentem eo ipso in loco, ubi maceriæ, quam tu ipse
commemorast, fit mentio, hæc verba leguntur? Nunc
autem in Christo Iesu vos, qui aliquando eratis
longè, facti estis prope in sanguine Christi.
Ipse enim est pax nostra, qui fecit utraq̃, u-
num, & medium parietem maceriæ solvens i-
nimitias in carne sua, legem mandatorum in
decretis evacuans, ut duos condat in semeti-
pso in unum novum hominem, faciens pacem,
& reconciliet ambos in uno corpore Deo per
crucem, interficiens inimicitias in semetipso.
Quis tam bardus est, qui, hæc legens, Christo tribui
non intelligat circumcisionis, aliorumq̃, ceremonia-
lium præceptorum abolitionem, atq̃, ea ratione Gen-
tium, ac Iudeorum coniunctionem? Quòd si hæc eadem
Deum Christi patrem fecisse, alibi scriptum est, quid
hoc ad rem facit? Nam quis est, qui neget omnia, que
Christus fecit, a Deo patre per ipsum facta fuisse?
Nec tu modò, Deum patrem ista fecisse ais, sed diser-
tè, Christum fecisse negas.

Ut Iesu Christi ipsius testimonium eludas, qui co-
ram Pilato apertè professus est, regnum suum non es-
se de hoc mundo, & ostendas, ex hoc minimè probari,
Christi regnum mundana, id est terrena ratione hic
in terrie

Palæologus
Christi
gloriæ o-
dio excæ-
catus.

Eph. 2. 14.

XV.
Ioh. 18. 36.

in terris non administrari, ais, Christum nihil aliud dicere voluisse, quàm, se non fuisse declaratum regem ab hominibus, hoc est ab ipsis Iudæis, quorum rex erat, sed a Deo patre. idq̄ scribis pag: 43, & 44. atq̄ idem in posteriore scripto repetis, pag: 230. Sequentibus autem Christi verbis interpretationem tuam planè confirmari existimas, dum inquit, Si ex hoc mundo esset regnum meum, ministri mei decertarent, ut non traderer Iudæis. Ais enim, Nam si hoc factum fuisset (id est, si Iesus rex ab ipsis Iudæis fuisset declaratus) armati circumsteterent illum Iudæi sui, qui defenderent ne in Iudæorum hostium veniret potestatem, se autem declaratum fuisse Regem à Deo patre, &c.

1. Ista tua ratiocinatio prorsus inepta est, & Christi verba, quæ tibi sapere opinaris, ea maxime tibi adversantur, communemq̄ antecedentis ipsius Christi dicti interpretationem verissimam esse demonstrant, tuam verò falsitatis manifestè coarguunt. Si enim Iesus rex hîc in terris terrena ratione regnaturus vel ab hominibus, vel a Deo declaratus fuisset, certè, ut ipse ait, eius ministri certassent pro ipso, ne traderetur Iudæis, & ab ipsis, sive ipsorum operâ interficeretur. Hæc enim cum terreno regno hîc in terris administrando omnino pugnant. Quamvis igitur Deus ipse tantùm Iesum filium suum terrenum regem declarasset, tamen vel per homines, vel per ipsos angelos, si opus fuisset, e Iudæorum manibus Iesus ereptus esset. Nec verò necesse est, ut, si quis hu-

mano auxilio ad regnum aliquod obtinendum uti
 velit, ab ullis hominibus, nedum ab iis ipsis, quorum
 rex esse querit, antea rex declaretur, ut sensus ipse
 communis docet, & tot exempla ostendunt eorum,
 qui armato milite regnum aliquod sibi a nullis homi-
 nibus antea concessum occuparunt. Nullam autem
 rationem Christum in suis verbis eius rei habuisse,
 quod ab ipsis Iudæis rex declaratus non fuisset, vel id
 satis ostendit, quod ait, ministros suos, si suum regnum
 de hoc mundo esset, curaturos, ne Iudæis traderetur.
 Nam quid opus fuisset curare, ne Iudæis traderetur,
 si ipsi Iudæi eum regem declarassent? Itaq; potius di-
 cere debuisset, non quæsituros Iudæos, ut ipsum per-
 derent. 2. Nam, quod tu, hoc sentiens, ita Christi
 verba interpretaris, ut dicere voluerit, suos Iudæos,
 id est illos, qui ipsum regem declarassent, defensuros,
 ne veniret in potestatem aliorum Iudæorum hostium,
 id adeo frigidum est, adeoq; ipsis Christi verbis inde-
 finite prolatis repugnat, immo seipsum evidenter re-
 fellit, ac destruit, ut lectorem ea de re leviter monu-
 isse sit satis. Caterum, ne quis falso me tibi ascribere
 putet, quod ex verbis Christi nolis colligi, vel ratio-
 nem administrandi regni ipsius non esse mundanam,
 vel in hoc mundo illud non administrari, ea hic sub-
 iiciam, quæ concludens scribis prædicta pag: 44. Ver-
 ba igitur (inquis) illa sonant unde habuerit Ie-
 sus Christus regnum, a Deo scilicet patre &
 non ab hominibus, non autem de regni admi-
 nistratione, aut de loco ubi regnet.

XIV.

Sed quid illud est, quod ibidem antea dixeras, Deum in hostium manu Iesum Christum deserere voluisse, quia volebat, ut implerentur dicta prophetarum? quasi Deus ipse ad prophetarum dicta suam voluntatem accommodet, & non ipsa prophetarum dicta ex Dei voluntate pendeant, ipsiusque voluntas sint. Non enim id a figurata aliqua loquendi ratione dictum fuit, sed maximè propria. Cum enim videas, quàm vehementer sententiæ tuæ, quod Deus Iesum misisset, ut, hic in terris existens, super populum regnaret, sive ab ipso populo pro rege agnosceretur, prophetarum de Christo prædictiones repugnent, conaris, quantum potes, persuadere, duplicem quamdam voluntatem in Deo fuisse. & voluisse quidem Deum, ut Christus, hic in terris manens, populi regnum obtineret, sed tamen voluisse etiam, ut prophetarum dicta implerentur, quæ Christum in manu hostium deserendum esse ferebant. Itaque ex Iehova Deo nostro vero atque omnipotentè Iovem fictum illum Gentium, vel potius poetarum deum facis, qui sepe satis quibusdam cedat, & contra suam ipsius voluntatem id velit, quod ipsa ferunt.

Palzology
ex Iehova
Iovem fa-
cit.

XVII.

1. Scribis pag: 48. post Iuliani imperatoris tempora ortum fuisse bellum inter imperatores Arrianos, & Homousianos. Et tamen post illa tempora non legitur, alios imperatores eodem tempore fuisse, inter quos istud de religione dissidium esset, præter Valentinianum patrem, & Valentem fratres, quorum hic Arrianus, ille verò Homousianus erat, itemque Valentinianum

tinianum filium, qui aliquandiu Arrianus, & maior
 rem Theodosium, qui perpetuo Homousianus fuit,
 quibus omnibus intermixtus quodammodo fuit Gra-
 tianus, qui Homousianus fuisse traditur. inter quos
 tamen bellum aliquod extitisse non narrant histori-
 ci. Nam de Maximo, qui, Gratiano interempto, im-
 perium occupavit, quiq; Valentiniانو adhuc Arria-
 nis favente, Homousianum se professus est, nihil atti-
 net dicere. Is enim Tyranni potius, quam Imperato-
 ris locum obtinet. 2. Non potest autem turpis & vi-
 soria ista tibi ullo modo condonari, cum eam i-
 bidem ad alium maioris momenti errorem stabili-
 endum adhibeas, & ex bello, quod inter Arrianos, &
 Homousianos imperatores ortum fuerit, inferas, sy-
 nodos ecclesiasticas, quæ antiquitus caverunt, ne chri-
 stiani militarent, huc respexisse. ne scilicet christiani
 suæ factionis sub imperatore contrariæ opinionis ar-
 ma sumerent, non autem sensisse, non licere Christi-
 anis, eo quod christiani essent, militare, & arma tra-
 ctare. Et hæc quidem errata tu i ex iis selegimus, quæ
 in priore tuo scripto animadvertimus. Quæ deinceps
 notabimus ex posterioris scripti erratis selecta erunt.

1. Igitur pag: 87. affirmas, Apostolos de Iohanne
 credidisse, eum esse Eliam secundum personam. Id
 quod tamen nusquam apud evangelistas vel scriptum
 est, vel indicatum. Immo ex eo, quod apud Matthe-
 um, & Marcum legitur, Apostolos interrogasse Chri-
 stum, quid illud esset, quod Scribæ dicebant, Eliam
 venturum esse, & ex Christi responsione, qua eos do-

XIX.

Match. 17.

10.

Mat: 9. 12.

cuit, Eliam iam venisse, quod (inquit Mattheus) de Ioanne Baptista eum dixisse illi intellexerunt. ex his, inquam, perspicuum est, Apostolos antea de Iohanne Baptista, quòd Elias aliqua ratione dici posset, ne cogitasse quidem. 2. Nam, quod ibidem ais, Iesum Christum, quasi Apostolos scilicet ab ipsorum errore retrahentem, dictum prophetae non ad Eliæ personam, sed ad officium pertinere dixisse, id manifestò falsum est. Quinimmo ex Christi verbis, nisi id nimis absurdum visum foret, facile potuissent Apostoli suspicari, Ioannem Baptistam secundum personam Eliam fuisse. Simpliciter enim, Eliam iam venisse dixerat.

XIX.

Pag: 89. ad finem ais, Iesum Christum post mortem, & resurrectionem fuisse pastorem duorum ovilium. Hoc cum ipsius Iesu Christi verbis manifestè pugnat. Is enim ait, Et alias oves habeo, quæ non sunt ex hoc ovili, & illas oportet me adducere, & vocem meam audient, & fiet unum ovile, unus pastor. Vnius igitur, non duorum ovilium Iesus Christus pastor post resurrectionem est factus, licet unum istud ovile ex duobus, quorum, dum separata erant, ipse numquam simul pastor fuit, quod ammodo constat fuerit. Te autem sentire, ut verba tua sonant, etiam postquam eorum pastor est factus, duo ovilia permansisse, ex iis, quæ infra dicenda sunt, facile apparebit. Nec verò est, quòd dicas, ovile esse unum non ratione ovium, sed ratione pastoris, ut ex iis convinci potest, quæ scribis in initio pag. 289. Nam Christi verba disertè unum ovile, & unum pastorem
separa-

separatim nominant, & utrumq³ futurum prædicunt.

Ex iiii, quæ scribis pag: 94. aperte colligitur, te affirmare, in sacris litteris hoc dictum inveniri, Cum hostis armatus & fortis (Satan scilicet, ais) fuerit iudicatus, ego traham omnia ad me ipsum. 1. Quod tamen nusquam scriptum est. 2. Quinetiam non rectè a te coniunguntur duo illi loci Matth: 12. v. 29, & Ioh: 12. v. 32. (nam & uterq³ simul in margine adscriptus est) cum in priore de re iam gesta, in posteriore verò de re mox futura agatur, ut quilibet legens animadvertet. 3. Quid, quòd in duobus istis locis nec simul, nec separatim hostis armati & fortis fit mentio? Namq³, apud Mattheum Fortis tantum commemoratur. apud Iohannem verò nihil prorsus ea de re dicitur. 4. Quid, quòd ne usquam quidem? Tantum enim apud Lucam cap: 11. v. 21. Fortis armatus nominatur, nulla Hostis facta mentione. 5. At postremò in eo graviter erras (unde etiam fit, ut dictum ipsum de Forti armato nullo modo rectè explices) quòd similitudinem pro metaphora, seu translatione accipis. Nam is fortis armatus non erat Satan, sed ei Satanus assimilatus est. Vide quot errores (tot scilicet ferè quot sunt ipsa verba) paucissimis tuis verbis contineantur, & quàm negligens, vel potiùs nimium audax in sacrorum scriptorum, atq³ aded ipsius Iesu Christi dictis tractandis meritò dici possis.

Verùm tot erratis tuis non contentus, hoc quoque ad-

XX.

Palæologo
in Christi
dictis tra-
ctandis ni-
mium au-
dax.

XXI.

que adiungis. quòd ibidem non obscure Satanam Principem novi regni appellas, contra quem Iesus Christus aliquid post mortem egerit, idque ex ipsius Christi verbis omnino colligis. Nam cuius novi regni fuit Satanus post Christi mortem princeps? Suine, an Christi? Si sui dicas, id palàm falsum est. Tantum enim abest, ut Satanus post Christi mortem regnum aliquod novum sit adeptus, ut suo principatu magna ex parte exutus fuerit, & foras eiectus. Sin autem Christi, Dico, ex ipsius verbis, cum Satanam mundi huius principem appellet, id colligi non posse. Mundi enim appellatione nullo pacto novum aliquod Christi regnum intelligi potest. sed vel homines carnales intelligere necesse est, qui, dum carnales sunt, Christi regnum nec vetus, nec novum esse possunt, postquam verò spirituales sunt facti, eorum Satanus nullo modo princeps est, vel intelligendi sunt homines universi ac generatim, potissimum autem Iudæi (hi enim Mundi nomine significari apud Evangelistas solent) qui sanè novum Christi regnum dici nequeunt, non autem Gentiles aut soli, aut precipuè, quos, ut coniiici potest, tu novum Christi regnum appellas, quod post mortem adeptus fuerit. Quamquam ne hoc quidem rectè a te fieri, supra satis demonstratum fuit.

xxii. Eadem pag: 94. hæc tua verba leguntur. Apocalypsis ita ait. Ecce vicit Leo de tribu Iudæ, radix (hoc est residuus ex gente) Davidis, ut aperiat librum & solvat septem signacula eius.

Colos: 2. Adde ex Paulo, & postquam aperuit suffixit librum

brum cruci, quoniam erat contrarius nobis. Mirificus omnino es Paleologe in sacris litteris interpretandis, earumq; locis conferendis, ac coniungendis. Nam, modò vel umbra aliqua similitudinis appareat, statim tu locos, tamquam eadem de re loquentes, simul nectis, atq; conglutinas. Quamquam hic ne levissima quidem umbra alicuius similitudinis conspicitur. Nam quid prorsus commune habet locus ille Apocalypsis cum Pauli loco? 1. In Apocalypsi libri fit mentio, Apud Paulum autem chirographi. 2. In Apocalypsi de eo, quod factum in caelo fuerit, Apud Paulum verò de eo, quod in terra sit factum, est sermo. 3. Ibi de eo agitur, quod post Christi resurrectionem, & in caelos ascensum extiterit, Hic verò de eo, quod in eius morte extitit. 4. Ibi id commemoratur, quod Christus fecerit, Hic autem id, quod a Deo patre est factum. Non enim, Christum cruci chirographum illud affixisse, ait Paulus, ut tibi videtur, sed Deum. 5. In Apocalypsi deniq; de nova quadam scriptura, aut certè non ante Christum, sed per ipsum Christum publicata agitur, Apud Paulum verò de vetere, etiam ante Christum, iam publicato scripto verba fiunt. Quis est autem, qui, si animum advertat, non perspiciat, Paulum loqui de populi Israelitici obligatione in ceremonialibus praeceptis servandis, quã Deus per Christum sustulit? Verùm, istuc Apocalypsis locum pertinere nulla ratione posse, constat. Alibi autem aliquantò exactiùs de eo Pauli loco infra a-

genus. unde, quam modò diximus, eius veram sententiam esse, planissimum fiet.

XXIII.

Mat: 16. 28. Pag: 98. ad facultatem aditi (ut tu loqueris) a Christo magistratus, adq̄ ulciscendi hostes de iniuriis illatis sine vitio potestatem quædam ipsius Christi verba refers, quæ apud Matthæum sic se habent, Amen dico vobis, sunt quidam de hic stantibus, qui non gustabunt mortem, donec videant filium hominis venientem in regno suo.

Mat: 17. 1. Mar: 9. 2. Luc: 9. 28. 1. Fœdè hoc loco lapsus es Palæologe, cum aper-
tum sit, Christi verba ista ad suam in monte transfigurationem, magnificamq̄ illam sue gloriæ patefactionem tribus ex suis discipulis exhibitam (quod ante istius facultatis, & potestatis tempus factum est) referenda esse. Id enim vel ex eo liquet, quòd statim eius trasfigurationis narratio subsequitur, tempore etiam apposito, quod inter verba illa, & ipsam intercessit. idque non modo apud Matthæum, sed apud Marcum quoq̄, & Lucam. qui Lucas narrationem istam ita auspiciatus est, Factum est autem post hæc verba ferè dies octo, & assumpsit, &c. Unde perspicuum omnino esse videtur, proximè antecedentium Christi verborum eventum, atq̄ executionem ea narratione contineri. Non posse autè Christi verba ad id referri, quod tu affirmas, id satis demonstrat, quòd apud omnes evangelistas, qui ea recitant, constanter legitur, quidam de hic stantibus, sive, aliqui hic stantes. Nam, si id intellexisset, quod tu ais, sine dubio Multi, aut tale quid dixisset,

non autem Quidam, sive Aliqui. 2. Hoc ipse animadvertens, non veritus es Christi verba, dum ea recitas, corrumpere, & pro Quidam, quod est apud Mattheum, Multi substituere, atq; supponere.

Pal: Christi verba corrūpit.

Aseri pag: 99. Christum postremis temporibus non sumpturum vindictam (tuis verbis udor) ab hostibus, qui sunt extra Ecclesiam, sed ab iis, qui, cum intra castra Christi essent, dictis invenientur professi Christum, factis autem peccati militiam. XXIV.

1. Hec tua assertio compluribus sacrarum litterarum locis planè adversatur, ex quibus manifestum est, Christum ultima illa die de illis omnibus saltem pœnas sumpturum, qui ad pœnitentiæ prædicationem divinitus institutam respiscere, & ipsi Christo obedire noluerint, oblatamq; sibi per eius evangelium Dei cognitionem respuerint. quorum ingens numerus extra Christi castra semper fuisse, omnino deprehenditur. Ex locis autem prædictis duos tantummodo hîc notabimus, quos veritatis studiosus lector consulere poterit. sicut sunt Act. 17. v. 30, & 31, & 2 Thess: 1. v. 7, & c. Quid, quod tu ipse tibi parum constans pag: 278. in ipso initio hæc de Christo verba scribis? Quin & postremo tempore repurgabit regnum suum, non solum ab alienis sed etiam à domesticis minus sibi obtemperantibus lervis & pœnis damnabit mortis. Vides, te hîc, quod attinet ad Christi iudicium postremo tempore exercendum, nullam inter alienos, & domesticos differentiam constituere. Superiore autem loco sic distinguendum

Palæologo parum sibi cōstat.

esse ais, ut in priore quidem iudicio Christus alienos
 & tantum ultus fuerit, in posteriore verò solos domesti-
 cos ulturus sit. Qua de re iterum aliquid dicendum
 nobis erit.

XXV.
 Mar. 6. 23.

Christi verba illa, Si lumen, quod in te est,
 tenebræ fuerint, tenebræ ipsæ quantæ? de E-
 vangeliū doctrina accipis. eaq; pag: 111. ad hunc mo-
 dum explicas, Hoc est, si tu in tenebris es & do-
 ceris non doctrinam lucis sed hominum & te-
 nebrarum, nonne duplices erunt tuæ tenebræ,
 non simplices?

Hæc tuâ Christi verborum interpretatio, atq;
 explicatio inepta prorsus censerī debet. Primum
 quia ex antecedentibus, & subsequentibus patet, Chri-
 stum de hominis animo, ac studio loqui, ut pleriq; om-
 nes animadverterunt, nec ulla ratione, si explana-
 tio tua admittatur, sit hæc pars cum reliquo eius ser-
 mone cohesura. Deinde quia Oculi sive metaphora,
 sive similitudo nullo pacto fert, ut hîc de Evangelii
 doctrina agatur, quæ non in nobis, ut oculus, sed ex-
 tra nos est, aut certè non, ut oculus, nobis innascitur,
 sed aliunde proficiscitur. Potest quidem Evangelii
 doctrina lumen, seu lux per translationem appellari,
 sed hoc loco nomen Lumen ipsum oculus, aut certè
 oculi lucem manifestè significat, non, qua oculus illu-
 minatur, sed, qua ipse corpus illuminat. Dictum enim
 ante fuerat, Lucerna corporis est oculus, Nam,
 quod tu, ut pag: 177, & 178. apparet, ad Ecclesie cor-
 pus Corporis translationem, aut similitudinem refers,

eius corporis oculus doctrina Evangelii sit, id ridiculum planè est, cum Christus privatos, ac singulos non obscure moneat, si quis velit corpus suum lucidum habere, curandum illi esse, ut oculus suum simplicem ac purum habeat.

Palæologus
ridiculus.

Quoniam videbas, quantum sententiæ tuæ, quòd Christus apud Matthæum cap: 5. nihil aliud fecerit, nisi Scribarum, & Phariseorum totius serè legis divine falsas interpretationes, inutiliaq; additamenta respuerit, ea ipsius Christi verba repugnent, quæ leguntur apud eundem Matthæum in initio cap: 23. ubi disertè Christus turbæ, & discipulis suis præcipit, ut omnia servant, & faciant, quæ Scribæ, & Pharisei ipsis dixerint, Quoniam, inquam, hoc videbas, propterea pag: 116. totis viribus conaris ostendere, Christum de sola recitatione ipsorum Legis verborum, & prophetarum locutum fuisse, cum ait, Scribas, & Phariseos in cathedra Moysis sedere. Erat enim (ait) mos in synagoga Seniorum conscendere Scribas & Pharisæos pulpitem seu cathedram, & inde recitare aut Mosen (id est legem Moysis) aut vatum scripta: deinde descendere & assidentes, aut stantes in cœtu partem quam recitaverant interpretari. Hæc indicat Lucas Act: 13, si addas cap. 23. Matthæi, Super cathedram.

XXVI.

1. Triplex hic erratum tuum deprehenditur. Primum enim in eo erras, quòd non intelligis, quid sit sedere in cathedra Moysis, nec planè metonymicam locutionem

locutionem esse animadvertis, sed vocem Cathedram propriè accipis. (quid enim alioqui pulpiti, seu cathedrae, quam Scribae, & Pharisei conscenderent, in explanatione ista tua meminisse attinebat?) quasi verò Scribae, & Pharisei in Mosis cathedra sedisse dici nequeant, nisi veram aliquam cathedram conscenderint, & non manifestum sit, Cathedram, inq; ea sedere, in Christi verbis docendi munus significare, sive id fieret stando, sive sedendo, sive cathedram aliquam veram ascendendo, sive æquum locum unà cum audientibus servando. Mitto autem, nec tibi errati loco duco, quod, etiamsi Christus de vera cathedra locutus esset, non tamen continuò sequeretur, in eam Scribas, & Phariseos ascendisse, immo vix in cathedram ascenditur, quodq; si in ista tua sive cathedra, ut tu eam appellas, sive suggesto Lex, aut vatum scripta recitabantur tantum, planè verisimile est, id non sedendo, sed stando factum fuisse. & tamen Christus non solum Cathedram nominat, quæ idcirco sic vocatur, quia in ea sedetur, verum etiam disertè sedendi in ea mentionem facit.

2. Secundò erras, quia ipsorum Phariseorum munus fuisse ai, legem Mosis, aut vatum scripta in synagoga recitare. quòd planè falsum est. neq; enim Pharisei, tamquam Pharisei, aliquo proprio munere in synagoga fungebantur. Sed tamen, tamquam Pharisei, suos discipulos, & sectatores habebant, qui tunc temporis maxima pars populi erant. quibus ipsi Mosis legem interpretabantur, & in Dei voluntate
cogno-

cognoscenda, quemadmodum olim Moses universo populo, præibant, ac duces erant. Propter quam causam, eos sedere in Mosis cathedra, dixit Christus.

3. Tertio erras, quòd Scribarum, & Phariseorum morem istum aliquam Mosis, aut prophetarum e superiore loco partem prælegendi, deinde verò paricum cæteris loco in synagogis interpretandi, ex iis indicari putas, quæ scribit Lucas Act. cap. 13. si illæ addantur, quæ sunt apud Mattheum cap. 23, Super cathedram, &c. Lucas enim nihil aliud indicat, nisi, in synagogis Legem, & prophetas legi consuevisse. quod etiamsi cum iis, quæ apud Mattheum scripta sunt, coniungatur, tamen nihil præterea efficitur, quàm Scribas, & Phariseos in synagogis Legem, & prophetas legere solitos fuisse. Nam, quòd deinde separatim eodem in loco partem, quam recitaverant, interpretarentur, de hoc nihil dicitur, nec eius rei ullum ibi vestigium apparet. Immo, quod Lucas ait, post lectionem Legis, & prophetarum misisse principes synagoge ad Paulum, & Barnabam rogatum, ut, si quid haberent dicendum, quo populum cohortarentur, dicerent, satis apertè ostendit, post Legis, & prophetarum lectionem, nullam separatam eorum explanationem in synagogis audiri consuevisse. Quare non solum in testimoniis pro opinione tua citandis, sed in ipsa opinione, quam de antiquo illo more habes, te vehementer deceptum fuisse apparet.

4. Cæterum ex ante recitatis verbis, ac sententia tua

ria tua constat, te, in illa cathedra, quam Scribas, & Phariseos in synagoga conscendisse vis, nihil aliud ab ipsis prælectum fuisse, constituere, quam ipsa Legis verba, aut prophetarum. id quod apertius sequentibus ibidem verbis inculcas. An enim Igitur nihil consueverant prælegere, nisi ipsissima legis & vatum simplicia verba, &c. At verò in paraphrasi illa tua pag. 207. ita scriptum est, Audistis etiam dictum a Scribis & Phariseis, in synagoga ex cathedra, ubi legitur lex populo & prophetarum sententiæ audientibus senioribus: Proximum tuum amato & inimicum tuum oderis. At ego vobis dico, &c. Itaque, necesse est, aut hic, aut ibi te vehementer errasse, cum verba illa, & inimicum tuum oderis, non modò non sint ipsissima Legis, aut vatum simplicia verba, sed, si tibi credimus, merum Scribarum, & Phariseorum commentum, atque ad Mosis legem additamentum fuerit. Sed nimirum voluit Deus, ut ex ipsis verbis tuis contra te ipsum evinceretur, sententiam illam, Odio habebis inimicum tuum, eiusmodi esse, ut id ipsum omnino in Lege, aut prophetis scriptum extare, meritò dici possit, & porrò, te ipso teste, Christum Matth. cap. 5. ipsam Legem, aut prophetas reformasse constaret.

Palæologus
seipsum
refellit.

XXVII:

1. Sed quid dicam, quòd eadem pag. 116, cum videres, sententiæ tuæ de interpretatione verborum Christi, Super Cathedram, &c. nimis efficere, quòd Christus nihil ibi dicat de pravis Scribarum, & Phari-

& Phariseorum Legis interpretationibus, quas cavendas esse moneat, in explanatione quadam paraphrastica eorum verborum istud idem de tuo addere non dubitasti, & ita eum dicentem fecisti? secundum autem opera, aut interpretationes illorum, nolite facere. Nam unde additamentum istud tuum, aut interpretationes illorum, expiscatus es? Nihil enim in ipsius Christi verbis de ista eius mente apparet. Dices (ut ex iis, quæ mox subiicis, conici potest) Ex loco illo, ubi Christus affirmat, Scribas, & Phariseos sua traditione Dei mandatum irritum fecisse. Verum, an non satius est ita eius verba interpretari, ut nullo additamento sit opus? 2. Præterea locus ille minimè ad rem facit. Aliud est enim legem Dei interpretari, aliud proprias traditiones docere. 3. Adde quòd is locus de una quadam tantummodo Scribarum, & Phariseorum traditione, deq; uno Dei mandato loquitur, nec colligi inde potest, Scribas, & Phariseos propter traditiones suas mandata Dei destruxisse, ut tu, singulari numero nimis audacter in pluralem converso, ibidem Christum loquentem inducis. Sed in prima huius laboris nostri parte ad eiusmodi locos, qui pro tua interpretatione confirmanda afferri possent, satis responsum est.

Pag: 120. de iis verba faciens, quæ Christus Mat: **XXIIX.**
cap: 5, Mosis præcepta tractando, concionatus est, ita scribis, Hæc cum Apostolis acta in principio, quo Iesus Christus iniiit propheticum munus
ampliori-

Mat: 19. 6.
Mat: 7. 19.

Palæolog
confiden-
tia.

amplioribus verbis explicata sunt præsentibus Scribis ipsis & Phariseis à Iesu Christo.

Mirror, te ista scripsisse, cum nusquam legatur, Iesum Christum, præsentibus Scribis, & Phariseis ea, quæ in illa concione dixit, nisi minima ex parte, docuisse, tantum abest, ut amplioribus verbis coram illis ea explicaverit. Sed hoc fortasse præter id, quod ab evāgelistis scriptum est, tibi divinitus patefactū fuit.

Mirabile commentum omnino illud tuum est, quod legitur: pag: 142, & 143. & repetitum ex parte invenitur pag: 227, & pag: 228. An enim, Scribas, & Phariseos, quod ad iuramenta attinet, duo populum docuisse, Vnum, iuramenta illa, Per cælum, Per templum, Per altare nihil esse, si non observaretur iuramentum, propterea quòd Lex de Dei nomine loqueretur, hîc verò nullum esset Dei nomen, Alterum, quòd, si quis iurasset per aurum templi, vel per donum, quod esset super altare, reus esset periurii, nisi tantumdem solveret. & pag. 227. ais, ideo Scribas, & Phariseos iuramenta istiusmodi approbasse, quia sic non poterat populus peierare sine certo lucro Scribarum, & Phariseorum.

XXIX.

Non spero, me posse omnia errata explicare, quæ hoc tuo commento continentur. 1. Primùm enim fieri non potest, ut ratio, quam Scribæ, & Pharisei afferrent, cur iurare per templum, iurare per altare (nam in iureiurando per cælum, ut alibi vidimus, falsus es opinione tua) nihil esse statuerent, ea esset, quod in his iuramentis nulla Dei nominis mentio fieret.

eret. Nam hæc eadem ratio valuisset ad demon-
strandum, iuramenta illa, Per aurum templi, Per
donum, quod est super altare, nihil similiter esse.
quandoquidem ne in istis quidem Dei nomen nomi-
nabatur. quæ tamen iuramenta eos magni fecisse,
cum ex Christi verbis manifestum est, tum ipse, ut
vidimus, vehementer affirmas. 2. Deinde nullo pa-
cto est verisimile, Scribas, & Phariseos id constitu-
isse, quod dicis, debere eum, qui iurasset iuramenta
ista, si periurus esse nollet, solvere tantundem, quan-
tum erat illud, per quod iurasset. Nam nulla prorsus
eius rei ratio apparebat, quam tamen tu, in iura-
mentis approbatis, id est, ut servari deberent, consti-
tuto, manifestam, ac necessariam fuisse dicere videri
in illis verbis pag. 227. Approbant Scribæ &
Pharisæi iuramenta privatorum maximè illa,
quibus per aurum templi, per dona quæ erant
in altari Dei, iurabatur. Ita enim peierare non
poterat populus sine certo lucro Scribarum
& Phariseorum. Cur verò? An non potuisset quis,
si ea iuramenta non servasset, periurus & esse, & si-
mul haberi, & tamen non cogi ad tantundem sol-
vendum, quantum illud esset, per quod iurasset? Nam
quid hoc cum illo commune habet? Num fortasse, cum
quis (exempli gratia) per aurum templi iurabat, si-
mul etiam promittebat, se, nisi iusiurandum servas-
set, tantundem soluturum, quanti esset aurum illud?
Certè in ipsius iurandi verbis, cuius tu initio pag.
143. nobis formam quamdam tradis, id neutiquam

Mat: 23, 16.
&c. 1

continebatur. Ad hunc enim modum iusiurandum conceptum fuisse aũ, Iuro per hoc aurum me nihil scire, aut me hoc perfecturum. Et sanè, si in ipso iureiurando id comprehensum fuisset, nihil fuisset opus, ut Scribæ, & Pharisei ipsi constituerent, debere istum iuramentum suum servare. &, si non servasset, nisi periurii reus esse vellet, illud, quod iam dictum est, solveret. quemadmodũ eos fecisse ex verbis tuis prædic: pag: 142. & 143. satis apertè colligitur.

Peizolog⁹
sibi parum
constat.

Ex quo etiam apparet, te tibi ipsi adversari, aut certè parum constare, qui deinde pag: 227. ut visum est, aũ, non potuisse istum peierare sine certo lucro Scribarum, & Phariseorum, & idcirco ipsos eiusmodi iuramenta approbasse. Nam, si sola approbatio iuramenti id per se ipsa efficiebat, nihil attinebat ea de re nominatim cavere. nec verum est. id a Scribarum, & Phariseorum constitutione profectum fuisse, ut tua verba præ se ferre videntur. 3. Præterea ab omni verisimilitudine longè abest, constitutum fuisse, ut is, qui per aurum templi iurasset, nisi periurii reus esse vellet, tantumdem solveret. Namq̃, omnino credendum esse videtur, aurum templi tãti fuisse, quanti nullius, aut paucissimorum universa bona vix esse possunt. ex quo factum esset, ut, dum Scribæ, & Pharisei nimium lucri captassent, nihil lucri ferè habuissent. 4. Huc accedit, quòd lucrum ex solutione eius, quod valuisset aurum templi aut donum, quod super altari fuisset, non Scribũ, & Phariseis, sed sacerdotibus accessisset. qua in re profectò aut ego vehementer

menter fallor, aut tu turpiter lapsus es. 5. Postremo, ut alia nonnulla errata in hoc commento, in eiusq; explicandi ratione tua reticeam, in eo valde reprehendendus es, quod tuorum dictorum, ne minima quidem ex parte, nullum omnino vel ex sacris, vel ex profanis scriptoribus testimonium citas, nullam rationem, nullum argumentum affers, & tibi modò dicenti, tamquam sanctissimo cuiquam oraculo, fidem vis adhiberi.

Palæologi
confiden-
tia.

Pag: 154. leguntur hec verba tua, Christus quoque cum Romanus magistratus tributum peteret interrogans suos: abs quibus Reges terræ accipiant tributum, à filiisne suis, an ab alienis? Hoc est, à civibus suis, an à provinci-
alibus? Et cum respondissent, ab alienis. Ergo, inquit, liberi sunt filii? Hoc est, cives non solvunt tributum civibus. Nam Romani cives ab omni tributo erant liberi. Innuit autem Iudæos & gentes paulò post unius fore civitatis cives, & unam gentem alteri non debere tributa solvere. Hoc est, magistratus conversos ad fidem non desinere Magistratus gladii & ministros Dei esse.

Mat: 17. 24.
25.

Quia, quid esset illud didrachmum, quod Christus solvit, ut alibi ostendimus, non asecutus fuisti, propterea Christi verborum eo loco sententiam nulla ex parte percepisti, atq; ea dixisti, quæ nec vera sunt, nec verisimilia, aliisq; præterea erroribus hunc tuum errorem, & eos, qui inde proficiscuntur, cumula-

lasti. 1. Primum igitur, quod ais, ibi magistratum Romanum tributum petiisse, ex eo, falsum esse, necessario consequitur, quod, ut supra disputatum fuit, didrachmum illud non reipublicæ, sed Deo, non ex imperatorum recente iussu, sed ex Dei ipsius antiquo decreto pendeatur. Vbi etiam animadvertendum est, didrachmi exactores illos Capernai fuisse, hoc est in Galilea. cuius regionis, imperatoris Romani concessu, tunc temporis Herodes Antipas religione Iudæus tetrarcha erat, ideoque princeps, ac dominus. nec verisimile est, si quid tributi ex ea regione imperator accipiebat, ut id suo nomine a privatis exigi curaret, sed ab ipso Herode accipere, cui tributorum ipsis privatis proprio arbitratu imperandorum curam relinqueret. 2. Sed quid est, quod deinde Filios in Christi verbis Cives suos, Alienos verò Provinciales interpretaris? Quis te allegoricas interpretationes sine ulla necessitate inducere uspiam docuit? Nam quid causæ erat, cur Christus istam sermonis obscuritatem, præsertim cum Petro discipulo suo loquens, affectaret, & cives Cives non appellaret? An non satis, superque obscuritatis in eo fuisset, quod, ut paullo post videbimus, Civium nomine non veros cives, sed allegoricos intellexisset? Ex quo etiam apertius fit, priorem istam allegoriam tuam, ut Filii regum sint ipsorum, id est (vide hinc novam aliam sermonis figuram) primariæ urbis cives, admitti non posse. neque enim in eodem verbo bis allegoria uti concessum est, nisi si quis consultò ita loqui velit, ut a ne-

mine

mine intelligi queat. 3. Ad hæc, ut verum sit, quod
 ais, Romanos cives ab omni tributo fuisse liberos, non
 tamen sequitur in omnibus, aut plerisque imperiis, &
 regnis idem observatum fuisse, ut dominantis, aut
 principalis urbis cives ab omni tributo conferendo
 essent immunes. quemadmodum Christi verba omni-
 no significant, si interpretatio ista tua allegorica ad-
 mittatur. 4. Præterea fac, Christum Filiorum re-
 gum appellatione, ipsorum cives significare voluisse,
 quid hoc ad rem? Nam quod ais, Christum innuisse,
 Iudæos, & Gentes paullo post unius socræ civitatis ci-
 ves, istud commune Iudæorum, & Gentium civita-
 tis ius non verum, sed allegoricum est. Atqui reges
 (si modo verum est, quod dicis) non allegoricos, sed
 veros cives suos a tributis pendendis immunes esse
 volunt. Itaque perit omnino, si interpretationem tuam
 amplectamur, Iesu Christi ratiocinatio. 5. Denique
 nulla ratione fieri potest, ut Christus id intellexerit,
 quod tu opinaris, cum nondum, ut ipse fateris, Iudæi,
 & Gentes unius civitatis cives essent, & Christus
 iam argumentationem suam locum reipsa habere o-
 stenderit, & se unà cū Petro iam ab illo didrachmo
 solvendo liberum esse significaverit, cum ait, Vt au-
 tem non scandalizemus eos, vade &c. Perinde
 est enim ac si dixisset, Nos quidem ab hac pecunia
 solvenda liberi sumus, & propterea id facere iurè o-
 mittere possemus. Sed tamen, ne istis simus offendicu-
 lo, rectè est, ut eam solvere non negligamus. Vade i-
 gitur, &c. 6. Quid, quod planè falsum est id, quod

affirmare es ausus, Romanos cives ab omni tributo fuisse liberos? quinimmo proprium civium Romanorum erat tributa in aerarium conferre? Id autem vel ex eo intelligi potest, quod, ut optimis lingue Latine, Romanaq; historiae auctoribus placet, vel tributum a tribubus, vel tribus a tributo dicta sunt. Ex cęsu enim Romę a singulis civib: tributim pecunia exigebatur, & hæc tributū est appellata. Quod etsi propter externis prædiis ditatum aerarium aliquando fieri desitum est, non tamen propterea lex ulla est lata, ne Respub: deinceps Romanis civibus tributum aliquod imperaret. nedum certū sit, sub imperatoribus cives Romanos ab omni tributo pendendo fuisse immunes. Quod cum ita sit, vides, quanta interpretationis tue verborum Christi sit ineptitudo. 7. Sed ne illud quidem laudandum est, quod, cum Christus solum Petrum interrogaverit, solusq; Petrus responderit, aliis nec discipulis, nec domesticis Christi presentibus, ut ex ipsa historia, præsertim verò ex ipso capitis sequentio liquere potest, tamen tu, Christum suos interrogasse, illosq; respondisse, affirmas. Supra minimè vitio versum, vel potius planè condonatum tibi fuit, quod Evangelistas fortasse pro Evangelista dixeris. Verum non idcirco tibi pro arbitrato in sacris testimoniis recitandis numerum pro numero substituere ubiq; conceditur. 8. Sed quid postremò dicam de tua ipsius explicatione interpretationis tue, ex qua colligitur, quod Iudæi, & Gentes paullo post futuri essent unius civitatis cives, id vel nihil aliud fuisse, vel cer-

vel certè, a Christo indicatum, nihil potiùs significasse, quàm, magistratus conversos ad fidem non desinere magistratus gladii, & Dei ministros esse? Quis ad hæc risum tenere possit? Pluribus autem, planè ridiculam explicationem istam tuam esse, docerem, & ad ea, quæ te responsurum arbitror, ipse prior responderem, nisi & iam satis in hisce tuis verbis examinandis immorati essemus, & periculum esset, ne calumniator aliquis reprehensionem nostram probatini tue, eius, quod probare intelligis, negationem esse interpretaretur, si, errorem tuum indicasse non contenti, vehemètiùs ea in re te exagitare pergeremus.

In explanatione eorum Christi verborum, Nolite thesaurizare vobis thesauros in terra, &c. itemq; illorū, Nemo potest duobus dominis servire, &c. turpis omnino est, isq; nocentiſſimus error tuus. Putas enim, Christum non simpliciter præcipere, ne ii, ad quos loquebatur, thesauros sibi in terra congerant, nec simpliciter monere, non posse illos Deo simul, & Mammonæ, id est terrenis divitiis servire, sed utrumq; comparatè ab eo dici. Itaq; pag: 177. sic Christum loquentem inducis, Studete rebus temporalibus, sed plus spiritualibus. Thesaurizate in terra, sed plus in cælo. Et pag: 178. sic vel Christum dicentem facis, vel ipse, ut tibi videtur, ex eius mente ratiocinaris, Quare si studes in Deum esse dives, primum locum da curæ cælestium rerum, secundum locum da terrestrium studio & labori. Ita & Mammonæ servies & Deo &

Palæologus
ridiculus.

XXXI.

Mat: 6. 19.

34.

habebis thesauros in terra & in cælo, si mammonam curaveris propter Deum, & terram colueris propter cælum.

Pal: Christi
sti verba
Pervertit.

Quid est Christi verba, interpretando, pervertere, si hoc non est? Christus disertè præcipit, non esse thesaurizandum in terra, monetq̄, non posse quemquam Deo, & Mammonæ servire, & tu tamen ais, illum sic præcipientem, ac monentem velle, ut in terra quoq̄, thesaurizetur, nec negare, quin & Deo, & Mammonæ servire quis possit. Quid non audebis in Christi præceptis, ac monitionibus corrumpendis, cum hæc ausus fueris? Nam, si unicum saltem Christi verbum protulisses, ex quo mirabilis ista eius mentis explicatio tua vel levisimè quidem indicaretur, ferri aliquo modo posses. Nunc autem, cum non modò eius mentem contra ipsius verba interpreteris, sed nihil alibi vel ab ipso, vel ab alio dictum ostendas, quod interpretationem istam tuam suadendi vim habeat, cumq̄, præterea ex aliis sacris testimoniis ea falsitatis apertè convincatur, & Christum, ut ipsa verba sonant, non comparatè, sed simpliciter locutum fuisse constet, nulla ratione excusari istæ tuæ audacia potest. Quid enim? An non (ut cætera omit-
am) hæc sunt verba Pauli apostoli? Habentes alimenta, & quibus tegamur, his contenti erimus. Qui autem volunt divites fieri, cadunt in tentationem, & laqueum, & desideria multa inutilia, & nociva, quæ mergunt homines in interitum, & perditionem. Numquid aliam
Christi

2 Tim: 6. 8.

in

Christi verborum interpretationem querimus, si modo ea ulla interpretatione indigent? Est autem tua ista audacia eò magis culpanda, quòd huius vitæ cõmodis inservit, & carni nostræ mirum in modum blanditur. ex quo perspicuum esse potest, unde ea profiscatur. Nam quid dicam, quòd, ut ex modo recitatis Pauli verbis intelligi debet, Christi verba ea ratione, qua tu facis, interpretanda esse docere, nihil aliud est, quàm homines in interitum ac perditionem demergere? Itaq; meræ nugæ sunt, quod ais, posse nos Mammonam curare propter Deum, cum Paulus planè homines a divitiis querendis absterreat. quippe quarum cura plena sit summi ac certissimi periculi. Si enim de cura tantum divitiarum propter ipsas divitias locutus esset Paulus, non periculi, sed presentis mali mentionem fecisset. nec dixisset, eos, qui divites fieri volunt, in tentationem, & laqueum incidere, sed iam intidisse. Quid, quòd apertissimum ex ipsius Christi verbis est, nullo pacto posse divitiarum curam cum Dei sincero cultu coniungi, idq; potissimum illum persuadere curasse? Nimirum, ne quis putaret, se posse eodem tempore & Deo, & divitiis servire, quamvis Deum interim divitiis antepone in animo haberet. Hoc apertè docet duorum dominorum similitudo, & verba significant, quibus in ea explicanda ipse Christus utitur, dum ait, necesse esse, ut unus ex duobus dominis odio habeatur, alter verò diligatur, unus retineatur, alter verò contemnatur. Sive igitur primum, sive secundum locum divitia-

rum curæ tribuere velimus, ea nulla ratione cum Dei servitio simul esse potest. 2. Quamquam tu alicubi iis verbis uteris, ut, modò Dei servitium non abiciatur, divitiarum curæ primum locum tribui posse, concedere videaris. ita te spiritus iste mundanus invasit, atq; occupavit, ita te falsa Christi mentis interpretatio, iustissimo Dei iudicio, errare compellit. Predictâ enim pag: 177. hæc tua verba extant, Sit igitur divitiarum temporalium studium, sed non sine spiritualium cura. Quis ex his verbis eam sententiam, quam modò diximus, non eliciat? Nonne

Palæol: nō
bene sibi
constat.

Sine præcipua spiritualium cura dicendum omnino tibi fuerat, si tibi ipsi saltem constans in eo esse perpetuò voluisses, ut ex Christi mente rerum spiritualium studium maius esse debeat, quàm temporalium? 3. Verùm hanc ipsam de Christi mente sententiam tuam non uno modo ipse damnas, atq; rejellis. Primùm enim pag. 179. illos duos dominos, quibus neminem servire posse, ait Christus contrarias leges, & mores habere confiteris. Ex quo ipse sic infers, Cùm enim studet uni obtemperare, cogitur alterum deserere, & cum cupit huic parere, facere non potest, quin alteri sit minus obsequens. Itaq; te ipso iudice, nullo modo divitiis servire possumus, quin Dei servitium relinquamus. quippe quòd duo sint domini contrarias leges, & mores habentes. Quæ ratio non præcipuum modò utriusq; servitium (quod ne duorum quidem consentientium dominorum fortasse dari poterit) sed unius quoque præci-

Palæol: se-
ipsum plu-
ribus mo-
dis refel-
lit.

recipuum, alterius verò secundarium penitus ex-
 audit. Deinde eadem pag. pergens aù, duorum do-
 minorum similitudinem a Christo allatam sic suo
 proposito ab ipso accommodari, ut velit dicere, eos,
 quibuscum loquebatur, non posse duabus rebus diver-
 sis intendere animum. Evangelio, & victui quotidi-
 no. Et statim subiicit. Ita Petrus: non est equum,
 inquit, nos derelinquere verbum Dei, & mi-
 nistrare mensis. Ac postmodum ibidem ita conclu-
 dit, Hanc ob causam Deus mandata cura E-
 vangelii Apostolis, ipse suscepit curam men-
 sarum, & esse veluti cocus & œconomus eo-
 rum. Si igitur Christus eos, quos docet, ne quotidi-
 ni quidem sui victus curam habere vult, sed eam u-
 niversam Deo commendare, quomodo suis verbis di-
 vitiarum temporalium studium illis permittit, dum-
 modo spiritualium maiorem curam habeant? Et sa-
 pe, cum omnino velit, Christum solis apostolis, &
 verbi Dei ministris eo in loco præcepta dedisse, quos
 hic, & alibi, præsertim verò in priore scripto,
 pag. 6, & in hoc eodem posteriore, pag. 101, & 102.
 ut propriorum bonorum curam relinquere, & vo-
 luntariè pauperes esse debere, mirum est, te adeò tui
 ipsius oblitum esse, ut iisdem Christi præceptis signifi-
 cari velis, thesaurizandum quidem esse in terra, sed
 ita ut plus thesaurizetur in cælo, & divitiarum ter-
 renarum curam propter Deum, & propter cælum ha-
 bendam esse. Sed legantur deniq; ea, quæ in Para-
 phrasi scripsisti in illa verba, Nemo potest duobus

Aq: 6. 2.

dominis,

dominis, &c. pag: 212, & 213, & te ipsum sententiam istam tuam, quòd ibi Christus Mammonam propter Deum curari velit, funditus evertere, apertissime constabit.

XXXII.

Palzologi
insultia.

Pag: 184. hæc tua verba extant, hoc regnum (Dei) duplicem habuit iustitiam: unam in Iudæis tantum ante mortem Christi condonationis peccatorum per resipiscentiam animi: alteram in non Iudæis, per imputationem iustitiæ per fidem, utrobique; tamen fides, sed hic cum maiore vi. Ex quibus aperte colligitur, te sentire, post Christi mortem (quamquam præ incuria ita loqueris, ut id ante Christi mortem factum esse omnino dicere videaris) non-Iudæis, sive Gentilibus per solam fidem sine animi resipiscentia imputatam fuisse iustitiam. Distinguis enim manifestè Iudæorum ante Christi mortem iustitiam ab hac, quæ postea non-Iudæis concessa fuit, hac potissimum ratione, quòd illa per animi resipiscentiam, hæc verò per fidem daretur. Nam, si ad utramque, adipiscendam animi resipiscentiam requisitam fuisse, dicere voluisses, sed ibi maiorem, vel magis præcipuè, quàm hic, certè, quemadmodum dixisti, utrobique fuisse fidem, sed hic cum maiore vi, sic etiam istud nullo modo reticisses.

1. Hæc opinio tua non solum falsa est, & sacræ litteris contraria, sed etiam planè perniciosa. Imputatio iustitiæ nihil aliud est, quàm remissio peccatorum, seu peccatorum (ut sic dixerim) non imputa-

tio, ut

ut ex iis evidenter apparet, quæ scribit Paulus ad
 Rom. cap. 4. dum ait, Davidem beatitudinem ho-
 minis in eo statuere, si Deus illi iustitiam imputet si-
 ne operibus. idq; ex eo probat, quod pronuntiaverit,
 illos esse beatos, quorum remissa sunt iniquitates, & Psal: 32. 17,
& c.
 peccatum illum, cui Dominus peccatum non imputa-
 vit. Ex quo consequitur, si Gentilibus iustitia impu-
 tata fuit, etiamsi animo non respiciissent, remissa, sive
 non imputata illis fuisse peccata, quamvis in ipsis pec-
 catis degentibus, & de vita emendanda nihil dum
 curantibus. Qua sententia nescio an nulla fœdior,
 aut detestabilior excogitari possit. cum vel ipsi sen-
 tentiæ communi pateat, nihil magis peccatorum condo-
 nationi adipiscendæ adversari, quàm, ne animo qui-
 dem a peccando desistere, nihilq; magis Dei rectitu-
 dini, veræq; iustitiæ contrarium esse, quàm, ut illi i-
 nesciat, qui improbus esse pergit, & nulla ratione
 respiciat. Sacræ porro litteræ manifestè docent, Iu-
 deis, etiam post Christi resurrectionem, peccatorum
 remissionem sine precedente pœnitentia non conti-
 gisse. Nam quid (obsecro) est illud? Pœnitentiam Act: 2. 38.
 agite, & baptizetur unusquisque vestrum in
 nomine Iesu Christi in remissionem peccato-
 rum. Quid item illud? Pœnitementi igitur, & cõ- Act: 3. 19.
 vertimini, ut deleantur peccata vestra. Et ne
 quis causetur, hæc Christi interfectores tantum,
 sive iis, qui in eius necem conspiraverant, dicta fuis-
 se, perpendantur verba illa, Hunc principem & Act: 5. 31.
 salvatorem Deus exaltavit dextera suâ ad dâ-
 dam

dam pœnitentiam Israeli, & remissionem peccatorum. Ex quibus satis constat, universo populo post Iesu Christi resurrectionem ea conditione remissionem peccatorum concessam fuisse, si pœnitentiam agerent. Meliore autem conditione hac in parte Gentiles fuisse, quàm ipsum Dei populum, nullo modo est verisimile. Sed ipsas quoq̃ Gentes sine præcedente pœnitentia minime iustitiæ imputationem adeptas esse, nullumq̃ hac in re inter ipsas, & Iudæos discrimen fuisse, id ostendit, quod scriptum est Act. 17. v. 18. Ergo & Gentibus pœnitentiam dedit Deus ad vitam. Nam ubi iustitiæ imputatio, hoc est, ut diximus, peccatorum remissio est, ibi quoq̃ vitam esse, necesse est. Vbi verò non est peccatorum remissio, ibi ne vita quidem esse ullo modo potest. Stipendia enim peccati mors. Non minùs autem Gentibus, quàm Iudæis unà cum fide in Iesum Christum pœnitentiam publicè commendatam ab ipsius Iesu apostolis fuisse, id planum facit, quod Paulus ait, se & publicè, & per domos docuisse testificantem Iudæis, atq̃ Gentilibus in Deum pœnitentiam, & fidem in dominum nostrum Iesum Christum. Fuit autem hæc inter Iudæos, & Gentes æqualitas in consequenda peccatorum remissione per pœnitentiam satis a Christo expressa, cum ait, Quoniam sic scriptum est, & sic oportebat Christum pati, & resurgere a mortuis tertia die, & prædicari in nomine eius pœnitentiam, & remissionem peccatorum in omnes gentes, incipientibus ab Hierosolyma.

Rom:6. 13.

Act:20.20,
& 21.

Luc:24.46

ma. Summam quidem prædicationis, quæ Gentibus contigit, pœnitentiam fuisse, aperte docet Paulus, cum Athenis in Areopago verba faciens, inter cætera inquit, Et tempora quidem ignorantix despiciens Deus, nunc annunciat hominibus, ut omnes ubique pœnitentiam agant. Sed nihil aptius ad ea omnia, quæ hucusq; a nobis dicta sunt, confirmanda ea oratione censeretur, quam dominus Iesus apud Paulum habuit. de qua ipse Paulus ad hunc modum. Dominus autem dixit, Ego sum Iesus, quem tu persequeris. Sed exurge, & sta super pedes tuos. ad hoc enim apparui tibi, ut constituam te ministrum, & testem eorum, quæ vidisti, & eorum, quibus apparebo tibi, eripiens te de populo, & Gentibus, in quas ego nunc mitto te, aperire oculos eorum, ut convertantur e tenebris ad lucem, & de potestate Satanæ ad Deum, ut accipiant remissionem peccatorum, & sortem inter sanctos per fidem, quæ est in me. Quibus domini Iesu verbis ex adiunge, quæ Paulus ipse illico subiicit, Vnde, rex Agrippa, non fui incredulus cælesti visioni. sed iis, qui sunt Damasci primùm, & Hierosolymis, & in omnem regionem Iudææ, & Gentibus annunciabam, ut pœnitentiam agerent, & converterentur ad Deum, digna pœnitentiæ opera facientes. Nam ex prædictis domini Iesu verbis perspicuum est, non minùs Gentibus, quàm Iudæis, pœnitentiam prædicatam fuisse, eamq; cum fide in ipsum

Act: 17. 30.

Act: 26. 15,
&c.

in ipsum dominum Iesum coniunctam, ad peccatorum remissionem. Sed, in pœnitentia agenda prædicationis summam constituisse, Pauli verba aperte docent. quibus ipse pro executione verborum Iesu Christi nihil aliud se fecisse commemorat, quàm, ut omnes pœnitentiam agerent, publicè monuisse. Per pœnitentiam igitur potissimum, tam Gentibus, quàm Iudæis, post Christi resurrectionem peccatorum remissio concedebatur. tantum abest, ut sine pœnitentia, sive animi resipiscentia, ut tu eam appellas, Gentibus iustitiæ imputatio contingeret, quæ, ut diximus, nihil aliud reipsa, quàm peccatorum remissio est. Sciendum est enim, fidem illam (nempe in Christum, sive in Deum per Christum) cui sacræ litteræ id tribuunt, ut per eam nobis iustitiæ imputetur, a pœnitentia separari non posse, cum Christus, sive Deus per ipsum, perq̃ eius ministros pœnitentiam præceperit, & non nisi pœnitentiam agentibus quidquam pollicitus fuerit. 2. Quamobrem gravis præterea est error tuus, qui putes eam fidem a pœnitentia se-
 iungi posse. Quamvis enim utriusq̃ separatim alicubi fiat mentio, tamen non ideo id fit, quòd fides in Christum separari a pœnitentia possit, sed ut sciat-
 ur, qualinam ea pœnitentia esse debeat, nimirum qualem Christus præscripsit. atq̃ etiam quia in Christum fides causa est, ut pœnitentiam illam agamus, in eaq̃ ad extremum usq̃ perseverare possimus. Pro-
 præterea Paulus, cum Athenis in Areopago, ut vidi-
 mus, dixisset, Deum omnibus hominibus ubiq̃ denun-
 ciare,

ciare, ut pœnitentiam agerent, statim illa verba adiecit, Eò quòd statuit diem, in quo iudicaturus est orbem in æquitate, in viro, quem definivit, fidem præbens omnibus, suscitans eum a mortuis. *Vides manifestè id, quod præcipuè Gentibus Deus prædicari voluit, pœnitentiam fuisse, cui tamen Christi cognitio, & ob id fides adiungitur. nempe quia huius voluntatis divinæ ipsa plenissimam fidem facit, adq̃ ei perpetuò parendum facillimè homines adducit. Hic autem error tuus inde necessariò profiscitur, quòd, quid sit fides in Christum, quidve credere, Iesum esse Christum, planè ignoras. Sed non est hic ea de re uberiùs disputandi locus.*

Act: 17. 31.

Cum pag. 218. adversario, id est Racoviensium scriptore (ut tu eum loquentem inducis) ad apostolica scripta provocante, tu vicissim provocas ad scripta prophetica, duo hinc errores tui satis apertè colliguntur. 1. Vnus est, de quo priùs agemus, quòd Apostolica cum prophetici scriptis non consentire tacite affirmas. Etsi enim hoc, quod ad propositam ibi questionem attinet, si rectè explicatum fuerit, nullo prorsus pacto perperam dictum censeari debet, videlicet, si intelligatur, aliam esse rationem humanæ beatitudinis, quam prophetae pro eo tempore populo proposuerunt, & scriptis suis complexi sunt, aliam verò eam, quam apostoli suis scriptis consignarunt, id est aliud prophetas, aliud verò apostolos Dei nomine hominibus præcepisse, si beati esse velint, tamen tibi perperam dictum existimari debet. quippe qui velis, nec

XXXIII.

Christum, nec Apostolos legulatores fuisse, sed Legū Dei (per Mosē scilicet iam antea late) vindices, & obscurorum locorum per loca manifestiora interpretes. Sic enim habent ipsa verba tua priore scripto, pag: 21. eademq; sententia ex aliis tuis verbis omnino colligitur. immo, nisi Apostolica scripta reiicere velis, ea ex universa, quam libro tuo comprehensus es, doctrina tua, necessariò elicitur. Certum est autem, tales quoq; prophetas fuisse. ob eamq; rem, si id verum est, quod de Apostolis affirmas, cum prophetici scriptis scripta apostolica in præceptis dandis planè consentire necesse est.

2. *Alter tuus error est, quòd scripta prophetica Apostolicis anteponenda censes, & non his, sed illis standum esse vis. Ex quo consequitur, apostolica scripta nonnulla continere, quæ admittenda non sint, aut certè suspecta meritò esse possint, quippe quæ non, ut scripta prophetica spiritu sancto dictante, edita fuerint. quemadmodum etiam satis intelligi potest ex ipsis verbis tuis. Ais enim, Et ego ad scripta prophetica [provoco,] quæ dictante spiritu sancto sunt ædita quasi verò scripta Apostolica, ad quæ provocantem prius feceras adversarium tuum, minimè spiritu sancto dictante edita fuerint. Qui tuus error qualis, quantusq; sit, a nobis latius hoc loco non explicabitur, sed unicuiq; iudicandum relinquetur. Nam, quod ibidem addis, & in quibus est vita æterna, ex quibus verbis similiter, quemadmodum apertum est, te affirmare, in prophetici scriptis vitam*
æternam

eternam esse, sic non admodum obscurum est, te negare, in apostolicis scriptis esse vitam eternam, quorum utrumq; eo sensu, quo a te dicta, aut indicata sunt, planè falsum est, hac de re, inquam, inferius aliquid explicatiùs dicemus.

Cum iis, quos modò notavimus, erroribus tuis il- XXXIV.
le mirum in modum consentit, qui pag: 222, & pag: 223. continetur, & a nobis primæ partis cap: 7. indicatus est. Apertè enim, si tibi tuq; doctrine fides adiungatur, ex prædictis locis colligitur Christum nihil dixisse, quod Deus antea alia ratione non dixerit, & que Deus ante Christum mandaverat, a Christo nullo modo mutari potuisse. Illud, ut alibi vidimus, aliis verbis comprehensum est prædictâ pag: 222. Hoc verò pag: 223. in illis verbis, Falsum igitur est Christum charitatem & patientiam (quamquam operarum incuriâ, que ab eo, qui errata collegit, minimè animadversa fuit, legitur, & charitatem patientiam) docere Magistratû, cum maior charitas aut patientia in Magistratu esse non debeat, quam Deus pater & maior domino nostro Iesu Christo, esse mandaverit.

Iam verò ex istis assertionibus tuis unum de quatuor, que statim dicam, necessariò concluditur, Aut Christum verè a Deo missum non fuisse, vereque Dei nomine locutum non esse, Aut manifestè constare, mandatum illi fuisse a Deo, ut nihil aliud omnino populum doceret, quàm id, quod iam antea divinitus doctus fuerat, Aut non posse Deum, vel non sole-

re ea, quæ semel mandavit, aut promisit, ulla ex parte unquam mutare, vel revocare, Aut deniq̄, perspicuum esse, Deum omnino decrevisse, ut ea omnia, quæ ante Christi adventum populum suum docuisset, prorsus immutabilia forent, adeò ut ne addi quidem illis unquam aliquid posset.

Primum falsissimum est, & propterea maximè impium. cum valde perspicuum sit, neminem unquam veriùs a Deo missum fuisse, quàm Iesum Christum, neminemq̄, veriùs, quàm ipsum, Dei nomine locutum esse, immo ipsum cæteris omnibus hac in parte non minùs, quàm in reliquis, longè antecessisse.

Ioh: 6. 38.
16. 27.

Nam quid illa sunt, Descendi de celo, Exivi a patre, & eiusmodi alia non pauca? quid aliud, inquam, sunt, quàm (si modò vera dixit Christus) apertissima & certissima testimonia, ipsum quàm verissimè, & singularissima quadam ratione a Deo missum fuisse?

Ioh: 14. 9,
& 10.

Quid item illa, Qui vidit me, vidit patrem, & Ego in patre, & pater in me est, ac pleraq̄ similia, quàm clarissima & firmissimæ testificationes, ipsum Dei nomine cum maximè verè, tum maximè

Ioh: 1. 18.
Col: 1. 15.
Heb: 1. 3.
Col: 2. 9.

propriè locutum fuisse? Quibus adde, quòd ipse in sinu patris esse dictus est, quòd Dei inconspicui imago appellatur, expressaq̄ forma substantiæ illius, quòd in ipso habitare scriptum est omnem plenitudinem divinitatis corporaliter, quòd deniq̄, ut alia pene innumerabilia testimonia reticeam, Deus ipse de celo sic de eo testatus est. Hic est filius ille meus dilectus, in quo mihi bene complacui. ipsum audite. Hæc au-

Mat: 17. 5.

tem

rem pauca testimonia ad rem tam manifestam, quã-
 que si quis neget, is, se christianum nullo modo esse,
 fateatur necesse est, confirmandam minimè attulif-
 sem, nisi quedam verba tua, que antea retulimus,
 te ea de re dubitare, suspicionem cuipiam iniicere
 posse, animadvertissem. Nam, si firmiter credis, Ie-
 sum Christum vere a Deo missum, vereque Dei no-
 mine locutum fuisse, quid hic attinet commemora-
 re, Deum patrem maiorem domino nostro Iesu Chri-
 sto esse. Quantòvis enim minorem Deo patre Chri-
 stum esse velis, tamen quidquid dixit Christus, Deus
 ipse pater dixisse censendus est. & propterea, quod
 attinet ad auctoritatem, quam Christus dicendi ha-
 beret, nulla prorsus istius (ut ita dicam) divinæ pa-
 terneque maioritatis ratio est habenda.

Sequitur alterum, quòd scilicet apertè constet,
 Christo a Deo mandatum fuisse, ne populum suum a-
 liud quidquam doceret, quàm illud ipsum, quod iam
 is populus divinitus doctus fuerat. Verùm quid us-
 quam ea de re apparet? aut quis est, qui se ex animo
 christianum esse profiteatur, qui id affirmare aude-
 at, immo verò non exhorrescat, cum Christus ipse &
 verbis contrarium testatus sit, & re ipsa aliud popu-
 lum docuerit præter id, quod antiquitus divina rati-
 one edoctus fuerat? Quod ex iis apertissimum esse ar-
 bitramur, que a nobis copiosè in prima huius respon-
 sionis nostræ parte disputata hac de re fuerunt.

Tertium erat, quòd Deus vel non possit, vel non
 soleat id, quod semel mandavit, aut permisit, ulla ex

parte umquam mutare, aut revocare. Prior huius dicti pars summam vel impietatem, vel ignorantiam adeo & praese fert, & revera continet, ut refutatione non egeat. Quid enim? an non potest Deus ad tempus aliquid velle, & non in perpetuum? Num forsasse inconstans, aut mutabilis erit, si, quae semel voluit, perpetuo etiam non velit? Atqui istud tunc deum verum esse posset, si, cum aliquid primum voluit Deus, id etiam perpetuum fore decrevisset. de quo mox videndum erit. Alioqui Deo minus, quam hominibus concederemus, quos certum est posse nullam inconstantiae, aut mutabilitatis notam, multa ad tempus tantum velle. & rursus eidem id adimeremus, ex quo maxime inter caetera apparet, ipsum esse unicum, & summum omnium rerum dominum, & cuncta pro arbitratu, atque imperio suo regere, ac moderari. Posterior autem eiusdem dicti pars plane falsa est, & falsitate sua prioris falsitatem aperte coarguit. Certissimum est enim, multa a Deo prius vel mandata, vel permissa fuisse, quae postea ab ipso mutata, aut revocata fuerunt. Et, ne longius abeam, praesertim cum tu ea neges, quae manifestissima sunt, & ipsum populum Hebraicum a ceremonialibus praeceptis liberatum fuisse, minimè concedas, qua tamen in re quantopere fallaris, postea videbimus, ne longius igitur abeam, dico, te ipsum confiteri, ante Christi mortem ex Dei lege non licuisse praeputiatis coniungi populo Dei, nisi circumciderentur, post mortem vero licuisse. ut ex his apertum est, quae scribis priore scripto pag.

40. Ex quo consequitur, ex eadem Dei lege non licuisse Iudeis ante Christi mortem cum præputiatis matrimoniâ contrahere, post verò licuisse, ut ipse fateri pag. 226. Et hæc, quod attinet ad Dei mandatorum immutationem. Quod verò pertinet ad permissionum revocationem, illud satis, superq̄, est, unde etiam erroris convinci manifestò potes, quòd, ut alibi observavimus, pag. 252, & 253. ea scribis, ex quibus omnino hæc sententia elicitur, ante Christum permissum fuisse, ut quilibet eum, qui se iniuria affecisset, etiamsi pœnitentiam ageret, per magistratum ulcisceretur, post Christum verò minimè. quippe qui hanc charitatis legem ipse tulerit, ne quis accedat ad magistratum, & se offendentem puniri curet, cum offendentem pœnitet admissi mali.

Restat quartum, quod erat, Deum evidenter decrevisse, ut, quæ ante Christi adventum populum suum docuisset, prorsus immutabilia permanerent, aded ut ne adiici quidem ipsis quidquam in æternum posset. quod non minùs falsum, quàm reliqua tria, censeari debet. Etsi enim multis in locis veteris testamenti Deus affirmat, ea mandata, quæ populo per Moysen aut iam dederat, aut tunc dabat, æterna esse debere, tamen (ut pervulgatas alias responsiones eorum omittam, qui mecum sentiunt, id est omnium ferme Christi nomen profitentium) Deus ita locutus est, non ut moneret, se numquam mandata illa mutaturum (quid enim hoc monere opus fuerat, etiamsi Deus id facere omnino decrevisset? an non satis fuisset illa

numquam mutare?) Sed ut populus numquam ea antiquata esse suspicaretur, nisi prius aliud ab ipso constitueretur, etiamsi nihil præterea de iis servandis ipse locutus fuisset. Itaque non sibi ea mutandi, sed populo (ex suo nimirum capite) mutata censendi viam præcludere voluit. Quid, quod possunt ea mandata (ut profecto Decalogi moralia sunt) eterna esse, & tamen iis aliquid adiici, quod tu Christum nullo pacto fecisse contendis? qua de re alibi supra satis disputatum est. Certè, quidquid in veteri testamento de non addendo legi Dei dicitur, id non ipsum Deum, sed populum respicit, ne scilicet populus ipse per se ita audax esset, ut legi divinæ quidquã adiiceret. Iamque tandem diiudicari potest, quid censendum sit de assertionibus illis tuis, cum ex iis quatuor, quorum unum saltem inde consequi necesse est, nullum vel maxime impium, vel omnino falsum esse non appareat.

XXXV.

At rursus modò notato errori tuo valde affinis est ille, qui ex iis verbis colligitur, quæ scribis pag: 225. Igitur & Paulus correxit Mosis legem. Est igitur lex Mosis non Dei, sed quiddam quale quale, quod sit cuiusvis illud emendare. Hinc enim manifestum est, te sentire, Paulum non divinum, sed vulgarem hominem fuisse nulla divinarum rerum singulari cognitione præditum. Nam certè, cum velis, siquid Paulus facere potuit, idem cuiusvis facere licere, apertè ostendis, te Paulum non pluris facere, quàm quemvis alium. Qua in re quàm graviter erras, qui Iesu Christi apostolos nullo propemodum numero

mero habeas, ii ex Christi nomen profitentibus videbunt omnes, qui iudaico spiritu excacati nō fuerint.

Pag: 226. dicis, vel potiùs dicere vis, expansa per XXXVI.
Christum Dei benedictione ad omnes gentes praputiatas, constituisse matrimonium inter ipsas, etiamsi altera pars noluisset credere, Iesum esse Christum. maximè cum (ipsa tua verba recito) nullum esset periculum ne pars credere nolens traheret partem credentem ad cultum aliorum deorū: cuius periculi causa divulsiones matrimoniorum inter Iudæos, & non Iudæos fiebant.

Hic nō video (quod & alibi supra indicavimus) quomodo adversus rationem, ipsamq; experientiam non graviter erres. Nam quæ causa est, cur, si alter ex duobus coniugatis, qui Iudæus non fuisset, facile alterum ad cultum aliorum deorum, præterquam unius Iehovæ, trahere potuisset, ut ipse & confiteris, & planè constituis, & sacræ litteræ testantur, cur, inquam, alter ex duobus coniugatis, qui christianus nō esset, sed idolorum cultor ad idola sua colenda alteram pertrahere nullo modo potuerit? Nam, si dicas, non posse eum, qui semel idola reliquerit, ad ea colenda amplius reverti, hoc fortasse verum videri posset, si de interiore dumtaxat cultu sermo esset. Nunc, quando idem hic præstat exterior, quod interior cultus, & de utroque est sermo, fatendum est, posse eum, qui idola colenda non esse agnoverit, ab eorumq; cultu se penitus separaverit, ad ea tamen colenda iterum reverti, & quapiam, licet iniusta, de causa id

facere, quod ipse minimè prober. Quod utinam & nostro, & antiquioribus seculis non tam frequenter ipsâ experientiâ comprobatum fuisset. Quamquam nihil prohibet, eum, qui semel veritatem agnoverit, iterum mendacio fidem adiungere. Multa enim sunt, quæ nos excæcandi vim habent. inter quæ omnium ferè sapientium testimonio mulierum amor præcipuum locum obtinet. Censet Paulus, imminente persecutione, satius esse cælibem vivere, ne sorte coniugis cura, & amor a recto cursu nos avocet, aut segnes ac timidos in divina obedientia, Evangeliiq; professione efficiat. Quot hodie vidimus, ac videmus inter eos, qui Christi nomen profitentur, qui, ut coniugi placeant, idola a quibus aliqua ratione semel desciverant, rursus colunt, ac venerantur? Adde, quòd Pauli sententia de non dirimendis fidelium & infidelium coniugiis nonmodò locum habere censenda est, ubi fidelis priùs infidelis fuerit, sed etiam ubi perpetuò fuerit fidelis. Itaq; crediderim, si contingeret, ut ex duobus matrimonio copulatis alter ex fidelibus natus semper in fide perseverasset, alter verò post matrimonium a fide descivisset, si unà habitare consentirent, alterum ab altero dimittendum non esse. Quod si concedatur, iam cessat caussa illa nullius periculi, ne fidelis ab infideli ad aliorum deorum cultum trahatur, quòd scilicet is, qui semel idola reliquerit, ad ea ampliùs colenda redire non possit. hic enim fidelis numquam idola reliquit. neq; ulla inter istum.

sum, & eum qui natus Iudæus fuerit, quod ad hanc rem attinet, differentia constitui potest.

Memini, me in prima huius disputationis nostræ XXXVII. parte non semel te reprehendisse, quòd quedam ad civiles causas pertinere diceres, non autem ad crimina, in quibus tamen de delictis agebatur, nec satis mirari potuisse, cur ita loquereris. At nunc video, unde factum sit, ut ita locutus fueris. Pag. enim 246. ais, Ius autem civile est omne ius præterquam de capite. Sed unde quæso istud tuum enunciatum deprompsisti? Nam Iuris civilis nomen propriè sumptum omne ius significat, quod proprium alicuius civitatis est. & cū ita simpliciter pronunciat, κατ' ἐφορὰν ius civile Romanorum declarat. Et quamquam, propriè loquendo, id ius, quod Romanorum est proprium, eo nomine intelligatur, tamen usus obtinuit, ut omne ius, quo Romani utuntur, ea appellatione plerumq; significetur, sive id ex peculiaribus populi Romani institutis profisciscatur, sive ex alterius cuiuspiam populi, vel etiam ex ipsius nature, & gentium placitis sumptum fuerit. Hac igitur nominis Iuris civilis notatione, quæ apud bonos auctores frequenter extat, illud ius quoq; comprehenditur, quod ad ipsa crimina, adeoq; ad capitales causas pertinet. nec enim minùs (verbi gratia) Iuris civilis Romanorum pars est lex Cornelia de sicariis, quæ, ut inquit Iustinianus, hominibus ultore ferro persequitur, quàm lex Falcidia, qua, ut idem ait, legatis modus impositus est. Est tamen alia in communi loquendi usu, & apud minùs probatos

Instit. lib
4. titulos
pub. iud. 2
lib. 2: tit
De lege
Falcia

probatos auctores non quidem Iuris civilis, ut arbitrator, sed causarum civilium significatio, ut Causarum civilium appellatione eae omnes causae intelligantur, in quibus de nullo delicto praecipue agatur, sive id capitale sit, sive minus. Quibus Causae criminales, seu Crimina opponuntur, easque causas significant, in quibus de aliquo delicto, quantumvis levi, praecipue agitur. Itaque vides, & secundum hanc, & secundum illam significationem te pessime ubique locutum fuisse, & hic eiusmodi notionem huic voci Iuri civili subesse affirmasse, quae ab omni cum loquentium, tum scribentium consuetudine maxime abhorret.

XXXIIX. Transtulit ad se (inquis pag: 250.) Enochum (Deus) ne malitia eius immutaret animum.

1. Hoc ex tuo, vel alio humano capite confictum est.

Haud paullo aliter auctor epistolae ad Heb: cuius haec

Heb: 11. 5. sunt verba. Fide Enoch translatus est, ne videret
Gen: 5. 24. mortem, & non inveniebatur, quia transtulit

illum Deus. ante translationem enim ipsius testimonium habuit, placuisse Deo. cui consentit egregius sane, quamvis non plane classicus, divinarum rerum scriptor, Iesus Sirachi filius. Non igitur, ne malitia animum eius immutaret, ut tu comminisceris, sed quia Deo carus erat, translatus est Enochus a Deo, & a morte conservatus. qua conservatione nihil erat opus, si id Deus cavere voluisset, ne Enoch malitia eius animum immutaret. Satis enim fuisset, si eum in hac mortali vita amplius esse non permisisset. nec tu profecto ad id declarandum, quod

Ecccl: 44. 15

49. 16.

eo loco

lo loco intelligi, ulla alia re opus habes. 2. Nec por-
 to leviter culpandus es, qui Enochi exemplum ibi at-
 tuleris, ubi de morte tantum a Deo immisa queri-
 tur. cum Enochus non modo, ut ipse fateris, ad Deum
 translatus fuerit, verum etiam, ut planè divinus
 scriptor ille testatur, idcirco translatus fuerit, ne
 mortem videret.

Pag. 256, ais, leges omnes virtutis, & vitii di-
 ctatas a Deo patre nostro non pertinere ad magistra-
 tus, qua magistratus sunt. Nam (inquis) non es-
 sent latae in homines sed in Deum. Est enim
 magistratus Deus in terra. Cum autem lex non
 sit lata iusto homini sed iniustis hominibus,
 videretur Deum posse iniustum esse, si leges
 iustitiae pro ipso Deo continendo in officio es-
 sent latae, &c.

Hic sanè, Palaeologe, videri studio importunè
 magistratibus asserendi ita abreptum fuisse, ut ex-
 estimationis de iudicio, constantiaq; tua nullam ra-
 tionem habueris. 1. Primùm enim, quod attinet ad
 iudicium, quid magis absurdum excogitari potest,
 quam, magistratum ita Deum in terra esse, consti-
 tuere, ut in munere suo exequendo errare nequeat,
 & ne ab ipso quidem Deo, qua magistratus est, ei le-
 ges imponi possint? eumq; (ut uno verbo dicam) ipsi-
 simum Deum facere? Est quidem magistratus Deus
 in terra, quatenus supremam inter homines potesta-
 tem habet, ipsiusq; Dei vicarius est. ex quo fit, ut ei
 sive iusto, sive iniusto resistere nullo modo liceat, nec
 eius

XXXIX

Palaeologi
 iudicium
 desidera-
 tur.

eius mandata negligere, nisi ea divina patefacte voluntati, præceptisq; nobis ab ipso Deo datis adverbentur. Sed, quòd pro ipso magistratu in officio continendo nullæ iustitiæ leges a Deo datæ fuerint, id verò & per se manifestè falsum est, & tu ipse (2. ut deinde de inconstantia tua agamus) eius contrarium paullo post fateri coactus fuisti. ac dixisti, Proposuit tamen Deus suis vicariis, ne prolaberentur, quasdam administrandi iuris præscriptiones, quæ ad privatos homines non pertinent, sed ad magistratus. Quod si fortè istas administrandi iuris, præscriptiones a iustitiæ legibus pro magistratu in officio continendo, aliqua ratione, quæ tibi quidem subtilis videatur, sed futillis revera, & planè ridicula sit, distingui velis, in eo saltem inconstantia crimem vitare non possis, quòd rationem, quam priùs attuleras, ut probares, a Deo nullas iustitiæ leges pro magistratu in officio continendo latas fuisse, quia scilicet, cum magistratus Deus sit, videretur ipse Deus iniustus esse posse, hanc, inquam, rationem postea nihili facis. Nam certè eadem ratione evincitur, Deum vicariis suis, id est magistratibus, nullas iuris administrandi præscriptiones proposuisse, ne prolaberentur. Alioqui, cum magistratus Deus sit, videretur ipse Deus prolabi posse.

XL.

Explicans pag: 257. quomodo, uti affirmaveras, nos non ita diceremur filii Dei, sicut Iesus Christus filius Dei dicitur, sic ais, Ipse enim, ut Rex & magistratus noster, post mortem declaratus cum
potentia

Palæologi
inconstan
tia.

potentia filius Dei, suscepto regno novo & rediens ex longa peregrinatione: Nos autem credendo ipsum Iesum esse Christum. *Ut cetera errata tua, que in hac a te inter nos & Christum differentia constituta continentur, reticeam, ut pote que longiorem disputationem requirant, illud unum, quod admodum proclive est, indicabo, te scilicet cum explicare debebas, quomodo nos filii Dei dicamur, unde fiat, ut eo perveniamus, explicasse, id est pro formali (quam vocant) causa efficientem dixisse. Neque enim ipsum credere, Iesum esse Christum, filiorum Dei appellationem in seipso complectitur, sed qui credit, Iesum esse Christum, is, quia sic credit, illud, sive illa statim consequitur, unde merito Dei filius dici potest.*

Diximus in secunda huius nostre responsionis parte, falso a te pag. 262. Racoviensibus obiectum fuisse quod dicerent, terram chanaanam mercedem a Mose servantibus legem Dei fuisse propositam. id tamen, quod eos dicere aiebas, falsum esse, a te ex parte demonstrari affirmavimus. Hoc enim facis in illis verbis ex Paulo desumptis, Nam si ex lege hæreditas Gal. 3. 18. iam non ex promissione. Verum quedam ibidem de tuo subiicis admodum perverse dicta. Ais enim, Terra autem Chanaan non est hæreditatis, sed promissionis. Quasi supra a te ex Pauli mente inter hæreditatem, & promissionem distinctum fuisset, & quasi, quidquid servata legis Mosaicæ merces est, hæreditatis quoque (ut tu loqueris) esse necesse sit.

sit. 1. An non manifestè Paulus in illis verbis hereditatem cum promissione coniungit, cum ex eo, quòd hereditas ex promissione pendeat, eam ex Lege esse negat? 2. An non tu ipse pag. 260. inter hereditatem, & mercedem apertè distinguis? 3. Quomodo autem, terram Chananeam hereditatis esse, prorsus negare es ausus, cum hereditas disertè in sacris litteris apelletur? Sed statim addis, ita ut non nisi impii eam attigerint. 4. Quàm rectè hoc ex ante dictis consequatur, aliorum erit iudicium. 5. At, quàm verum sit, ipse sententiam feres, qui illico subiicis, Vnde præter duos ob non servatas leges Dei, fuerint omnes ad unum cæsi in deserto a Deo. Nam, si violatores divinarum legum in deserto perierunt, quomodo soli impii Chananeam terram attigerunt? 6. Id saltem ex te scire velim, quomodo ex eo, quòd non nisi impii eam attigerint, inferas, legum Dei violatores in deserto periisse. Hæc duo sanè vel inter se omnino repugnant, vel certè alterum ex altero concludi nullo modo potest.

Palæologo
 sibi adver-
 sarur.

Lev: 20. 24
 Esal. 135. 12
 Heb: 11 8.

Palæologo
 seipsū re-
 fellit.

XLII.

Sed iam, seligendis erratis tuis, ad eum locum pervenimus, ubi omnium fortasse maximum, quodq; cæterorum magna ex parte fons, atq; origo est, multò quàm alibi, expressius habetur. Quamquam enim ex iis omnibus, quæ in hac tua cum Racoviensibus disputatione scripsisti, perspicuum est, te discrimen Legi? & Evangelii minimè intelligere. & passim ubique sententiæ tuæ propria & clarissima vestigia apparent, tamen id apertissimè, tamquam suo loco, in verbis

verbis consignatum est, quibus nominatim, quamnam inter Legem, & Evangelium differentiam constituas, explicare voluisti. Sic enim scribis pag. 264, & 265. Ego discrimen Legis & Evangelii aliud esse non intelligo, nisi in vocatione præputiatorum ad Ecclesiam, ut illi præputiati scilicet essent liberi & non sicut Iudæi sub iugo legis circumcisionis, Sabbatorum, purificationum, & cæterorum sacerdotii Aaronici, servirent Deo, sed cætera erant conformia: ut scilicet uterque populus collocaret spes suas in uno Deo, & in unum Iesum (qui receptus pro Christo, liberabat homines à ventura ira, crederet. In una lege virtutis & vitii, in uno præmio vitæ æternæ, in una obedientia erga Deum, in uno metu gehennæ, post hanc vitam contineretur. Nullum discrimen, inquam, invenio, inter hos duos populos, hoc est, inter legem & Evangelion, nisi quod Iudæi essent secundum carnem circumcidendi, præputiati non essent.

Antequam de re ipsa diligentius agamus, quædam examinanda sunt, quæ ad modum explicandæ sententiæ tuæ pertinent, atq; ea in re errores quidam, & inconstantia tuæ retegenda, ut simul etiã aliquatò clariùs, quid tibi velis, intelligi queat. 1. Primum igitur, cum discrimen Legis, & Evangelii explicandum proponas, id est, in quo lex per Mosem lata a Christi E-

vangelio differat, d'orum populorum, nempe Iudeorum, & Gentilium post Christum exhibitum differentiam explicas. quos etiam duos populos nomine Legis, & Evangelii videris intelligere, cum ais, inter hos duos populos, hoc est, inter Legem & Evangelion. 2. quod quàm sit absurdum, omnes facile iudicabunt. Nec sanè iste tuus plusquam figuratus loquendi modus tibi concedi ullo pacto potest, nisi intelligas, Iudeorum perpetuò Legem esse propriam, Gentilium verò Evangelium. 3. At hoc deinde cum eo pugnat, quod scriptum est a te pag. 289. Vbi disertis verbis duo evangelia diversa constituis, Vnum circumcisionis, alterum præputii. Ex quo apparet, te Iudæis quoq; Evangelium tribuere. Igitur, te ipso teste, in ipsis Iudæis utrumq; omnino considerandum est, Lex, & Evangelium, & quid eorundem Iudeorum respectu, Lex ab Evangelio differat, explicandum, si proposita de Legis, & Evangelii discrimine questio decidenda est, non autem de differentia tantum duorum populorum agendum. Nam hoc est potius utriusq; evangelii, quod tu, ut postea videbimus, somniasisti, quàm Legis, & Evangelii discrimen exponere. Sed tamen, quid de differentia duorum populorum scribas, videamus, atq; hac ratione simul sententiam tuam de discrimine Legis, & Evangelii inquiremus.

Ais, ut vidimus, præputiatis vocatos fuisse ad Ecclesiam, ut tamen essent liberi, & non, sicut Iudæi, sub iugo legis circumcisionis, Sabbatorum, purificationum,

Palæologo
pugnantia
scribit.

ficationum, & ceterorum sacerdotii Aaronici. & sic
 vis, Iud. eos istis omnibus servandis, etiam post Genti-
 um vocationem, fuisse obnoxios. 4. At verò alibi a- Palæologi
inconstan-
tia.
 liter loqueris. Prædictâ enim pag: 289. sic ais. Inter
 hæc, inquam, duo Evangelia hoc erat discrimi-
 nis quod illud (circumcisionis) erat servitutis,
 hoc verò (præputii) libertatis, & libertas qui-
 dem & servitus in circumcisione sola, & puri-
 ficationis ratione tota versabatur. Vides, te hîc
 Sabbatorum, aut, præter purificationes, ceterorum,
 que ad sacerdotium Aaronicum pertinent, nullam
 mentionem facere, additis etiam vocibus illis, Sola,
 & Tota, que sine dubio præter circumcisionem, & pu-
 rificationis rationem cetera omnia penitus exclu-
 dunt. 5. Quinetiam in iisdem ipsis ante recitatis Palæologi
inconstan-
tia.
 verbis nequaquam tibi constas, & hac de re tertio
 quodam modo loqueris. Nam in eorum fine, ut appa-
 ret, discrimen illud duorum populorum in eo tantùm
 fuisse vis, quòd Iudæi essent secundum carnem cir-
 cumcidendi, præputiati non essent. Quòd si dicas, te
 hoc loco per circumcisionem secundum carnem uni-
 versam legem Mosaicam intellexisse, quemadmodum
 non rarò Paulum fecisse, apertum est, Respondeo pri-
 mùm, id, ut omnes cognoscent, non rectè ibi factum a
 te fuisse, ubi paullo ante, de eadem re loquens, cir-
 cumcisionem pro ipsa circumcisione acceperas, eamq;
 ab aliis præceptis Mosaicis distinxeras. Deinde dico,
 non propterea finem tuorum verborum ipsorum prin-
 cipio consentaneum futurum. Neq; enim, que ab ini-

tio enumeraveras, circumcisio, Sabbata, purificationes, & reliqua Aaronici sacerdotii ea omnia complectuntur, quæ sunt in Lege Mosis, & a præputiatis servari opus non erat. nulla enim in his mentio delectus ciborum a Mose præscripti, qui numquam, nisi minima ex parte, præputiatis mandatus fuit, idq̃, ut
Rô: 14. 14. ex Paulo liquet, ad tempus. Namq̃, is planè nullum ciborum delectum agnoscit, & ipsas idolis sacrificatas dapes, modò id sine alterius offendiculo fiat, comedi posse concedit. quæ tamen unà cum suffocato, & sanguine ab initio præputiatis interdichte fuerant.

*1 Cor: 8. 7,
&c,*

Act: 15. 29.

Iam verò, etiamsi tam parum tibi constes, potest tamen ex dictis tuis colligi, te inter Legem, & Evangelium hoc pacto distinguere, Vt sub Lege solis circumcisis pars in Dei populo esset, sub Evangelio verò etiam præputiatis. & sub Lege quidem debuisse omnes, qui partem in Dei populo haberent, quidquid in ipsa Mosis lege mandatum erat, servare, at sub Evangelio eos tantùm, qui ex Iudaico sint populo. reliquos a ceremonialibus, (quæ vocare solemus) eiusdem legis mandatis liberos esse. Ceterùm, quod attinet ad moralia præcepta (sub quibus ea quoq̃, fortasse comprehendis, quæ iudicialia appellantur) omnia ab omnibus, nulla re addita, aut imminuta, ut in ea lege scripta sunt, servari debere. nec ullam prætereà inter Legem, & Evangelium differentiam sive in præceptis sive in promissis constitui debere.

Hæc tua de Legis, & Evangelii discrimine sententia duplici ratione reiicienda est, Primùm, quia magnum

magnum discrimen in eo statuit, in quo nullum est. Deinde, quia nullum agnoscit, ubi est maximum. 6. Nam (ut prius de priore ratione agamus) planè salsum est, quod ais, etiam sub Evangelio, & post præputiatorum vocationem Iudæos Lege circumcissionis, Sabbatorum, purificationum, & reliquorum Aaronici sacerdotii teneri. Ex Pauli enim verbum manifestum est, ista omnia non quidem a præputiatorum humeris, ut tu priore scripto in extrema pag: 40. loqueris, sed a Iudæorum sublata fuisse. Nec sanè a præputiatorum humeris ea auferri poterant, quæ iis nunquam imposita fuerant. Itaq; cum Paulus, ad Ephesios scribens, ait, Christum, ut Israelis populum, & Gentes unum faceret, legem mandatorum in decretis abolevisse, id non Gentium, sed Israelis populi respectu eum dixisse, necesse est. Quid enim attinebat legem istam Gentium ratione abolere, id est ea lege Gentes liberare, quæ nunquam ipsis lata fuerat? Breviter, si ea lex abrogata fuit, ut Paulus disertè affirmat, eâ ne Iudæi quidem teneri ullo modo possunt. Et certè, ut Gentes, & Iudæi unum fierent, aut utriusq; aut neutris lex ista in posterum imponenda erat. Apparet enim, Paulum non de simplici quadam istorum populorum unitate loqui, ut scilicet uterq; populus Dei populus esset, sed omnimodam unitatem intelligere, quæ etiam ex eo potissimùm proficiscatur, quod de lege ista factum est. ex cuius abolitione ipsos Iudæos reformatos fuisse, & novos homines factos, ipsa Pauli verba apertè testantur. Inquit enim,

Legem mandatorum in decretis evacuans, ut duos condat in semetipso in unum novum hominem, faciens pacem, &c. Quod si adhuc Iudæi eadem lege tenentur, certè eius abolitione nihil in ipsis novatum fuit. Idem apostolus, ad Colosenses hac eadem de re scribens, iis verbis utitur, quibus planum faciat, non Gentilibus, sed Iudæis ipsis legem istam abrogatam fuisse. Sic enim ait, Et vos, cum mortui essetis in delictis, & præputio carnis vestre, convivificavit cum illo, donans vobis omnia delicta. Hactenus de eo manifestè loquitur Paulus, quod Deus per Christum cum Gentilibus fecit. Deinde addit, Delens quod adversus nos erat chirographum per decreta, quod erat contrarium nobis, &c. Hoc verò non minùs manifestè ad ipsos Iudæos pertinet, quorum ex numero Paulus erat. & idcirco Nobis dixit, non autem Vobis, ut antea locutus fuerat. Nec aliud sibi vult Apostolus, quàm, cum populus Iudaicus, legem Mosis universam se servaturum Deo promittens, quasi proprio chirographo ad ceremonialia præcepta servanda ei se obstrinxisset, Deum ab ista obligatione per Christum populum istum manifestè exemisse, & chirographum propterea deletum ostentasse, ut creditores solent, cum debitores suos palàm obligatione solvere volunt, de qua per ipsorum syngrapham sibi ab ipsis traditam apertè constabat. Quomodo verò syngrapha, seu chirographum istud Gentibus contrarium esse poterat, cum Gentiles non modò numquam decreta

Col: 2. 13.

Rom: 24. 3.

creta illa, id est ceremonialia praecepta se servaturos promississent, sed neq̄, etiam ulla alia ratione ad ea praecepta conservanda obstricti essent? Decretorum enim nomine hîc omnino Paulum ceremonialia praecepta intellexisse, id planissimum facit, quod deinde concludens ait, Nemo ergo vos iudicet in cibo, aut in potu, aut in parte diei festi, aut neomeniæ, aut Sabbatorum, quæ sunt umbra futurorum, corpus autem Christi. Nam, si Iudæi ipsi, qui se hæc servare promiserant, eaq̄, servare debebant, Dei benignitate sunt ab ea obligatione liberati, qua ratione poterit quis Gentiles ad ea servanda adigere? Etenim aliàs quoq̄, eodem ferè modo argumentatus est Paulus, & Petrum reprehendens, dixit, Si tu, cum Iudæus sis, gentiliter Gal: 2, 14 vivis, & non iudaicè, quomodo Gentes cogis iudaizare? Atq̄, ex hoc ad Coloss: loco (si quis ea de re fortasse dubitat) quid item in epistola ad Ephes: significet lex illa mandatorum in decretis, perspicuū est. Quamquam in eo ipso loco apertissimum indicium extat, ceremonialia Legi praecepta ea lege significari, cum ibi, ut vidimus, affirmetur, eam a Christo abolitam fuisse. moralia enim Legi praecepta, ut alibi supra disputatum fuit, Christus nequaquam abrogavit. Appellantur autem ceremonialia praecepta Decreta, sive, ut Græca vox habet, Dogmata, quia non habent praecepta ista originem a natura, vel ratione ipsa, neq̄, iis, tamquam fundamento aliquo, nituntur, aded, ut cōvelli nequeant. sed ex sola voluntate præ-

cipientis omnino pendent, & propterea facile ex eiusdem voluntate tolluntur. Verbum enim græcum *ᾠουεῖν*, unde nomen *ᾠουα* formatur, sibi videri, seu Censere significat. Itaque ea præcepta, quæ ideo data suere, quia sic censuit is, qui præcepit, sicque illi visum est, rectè dogmata nominantur. Potuissem multò plura, immo ferè infinita asserere, ut demonstrarem, ceremonialia præcepta ipsis Iudæis abrogata fuisse; & nihil omnino, hac etiam in parte, inter ipsos, & Gentiles interesse. Sed hæc pauca ad veritatem istam confirmandam in præsentia satis erunt. Si umquam contigerit, ut librum tuum De duobus populis, cuius pag. 265, & 289. mentionem facis, & ad quem scripti Racoviensium auctorem reiicis (quem tamen librum numquam publicè editum fuisse arbitror) videre, ac legere possim, tunc fortasse plenius hac de re scribam, & quanto in errore verseris, in duobus istis populis sub Christo distinguendis planum facere conabor.

7. Illud tantùm addam, nihil, iudicio meo, perperam magis dici posse, quàm id, quod, ut supra monuimus, a te affirmatur, duo fuisse Evangelia, Vnum, quod prædicabatur ab apostolis, quos Iesus Christus ante mortem elegerat, Alterum, quod prædicabant Paulus, & eius socii electi a Iesu Christo, postquam ascenderat in celum, & hoc vocatum fuisse præputii a præputiatis populis, quorum intererat, illud verò circumcisionis, quòd Iudæis nunciaretur. quemadmodum pag. 289. disertè scribis. Nihil, inquam,

magis

magis perperam, iudicio meo, dici potest. Vnius enim tantum evangelii Iesu Christi, quod omni creaturæ, quæ sub cælo est, annuntiatur fuerit, quodq; tam ad Gentes, quam ad Iudæos pertineret, licet Iudæis primum, deinde Gentibus annuntiari deberet, novi testamenti sacra littera mentionem faciunt, & Iesus ipse Christus aperte testatus est, futurum, ut illud evangelium, quod ipse Iudæis, cum in mundo esset, annuntiabat, omnibus gentibus, & in universum mundum annuntiaretur. Quid tu (malum) igitur ais, duo esse, aut fuisse Iesu Christi evangelia? Numquid, ut Paulus inquit, divisus est Christus? Sed dices, Paulum disertis verbis inter evangelium circumcisionis, & evangelium præputii distinguere, cum, ad Galatas scribens, ad hunc modum loquitur, Sed e contra cum vidissent, quod creditum est mihi evangelium præputii, sicut Petro circumcisionis, &c. Hic autem solus locus est, unde sine dubio, istam duplicem evangelii Iesu Christi appellationem olim usurpatam fuisse, demonstrare te posse credidisti. atq; adeo in eo fortasse non istius appellationis tantum, sed ipsius quoq; de duobus evangelii opinionis tuæ potissimum fundamentum posuisti. 8. Atqui vix dici potest, quam turpiter hic lapsus fueris. Quis est enim, qui nesciat, Evangelii nomine sæpe apud eundem Paulum Evangelii prædicationem significari, sive, verbum Prædicandi, aut nomen Prædicationis nomini illi adiunctum subaudiri debere? Nam in ipso statim eius epistolarum initio, id est 1. cap.

Col: 1. 25.
 Mar: 16. 15.
 Rom: 1. 16.
 Mat: 24. 14.
 26. 13.

1 Cor: 11. 19.

Gal: 2. 7.

epist. ad Rom. v. 1. id manifeste deprehenditur. Quid enim aliud est ibi segregatus in evangelium Dei, quàm Segregatus ad prædicandum Evangelium Dei? Cui in eadem epistola hos duos locos adde, cap. 1. v. 9, & cap. 15. v. 19. atq; ex reliquis epist: de multis hos paucos a me selectos adiunge, 1. Cor. 4. v. 15, & cap. 9. v. 12, & v. 14. in illis verbis, de Evangelio vivere, 2. Cor. 8. v. 18, Philipp. 1. v. 12, & cap. 4. v. 15, 2. Thes. 2. v. 4, 2. Tim. 1. v. 8. Itaq; nemini dubium esse potest, quin, cum Paulus in epistola ad Gal. ait, sibi creditum fuisse Evangelium præputii, sicut Petro circumcisionis, nomina Præputii, & Circumcisionis non cum nudo nomine Evangelii, seu cum eo, quod id nomen per se proprie significat, sed cum nomine simul Prædicationis, quod subaudiatur, seu cum Evangelii prædicatione, qua ibi eo nomine significatur, rectissime coniungi posse. ut nihil aliud sit eo in loco, quòd creditum est mihi evangelium præputii, sicut Petro circumcisionis, quàm, ut in annotationibus Bibliorum Vatabli legitur, delegatam mihi esse provinciam prædicandi Evangelium apud Gentes, quemadmodum Petro apud Iudæos. Verùm hoc non solum fieri rectè posse, sed etiam debere, docent apertè verba consequentia. Illico enim per parenthesis, tamquam antecedentia sua verba explanans, subiicit Paulus, qui enim operatus est Petro in apostolatum circumcisionis, operatus est & mihi inter Gentes. Ex quibus verbis perspicuum est, in proximè antecedentibus,

tibus, nihil aliud dictum fuisse, quàm Paulo creditam fuisse a Deo prædicationem Evangelii inter Gentes, seu præputiatis, quemadmodum Petro inter circumcisos. Et statim addit, Et, cum cognovissent gratiam, quæ data est mihi, Iacobus & Cephas, & Iohannes, qui videbantur columnæ esse, dextras dederunt mihi, & Barnabæ societatis, ut nos in Gentes, ipsi autem in circumcisionem. Quæ verba similiter idem planum faciunt, ac simul ostendunt, nullam præterea differentiam inter Paulum, Barnabamq; & Iacobum, Petrum, sive Cepham, Iohannemq; in Evangelio prædicando fuisse, nisi, quòd illi Gentibus, hi vero Iudæis illud annuntiabant. Vnum igitur & idem Iesu Christi Evangelium & Gentibus, & Iudæis annuntiatum fuit, non autem duo diversa, ut ipse falsò arbitraris. quod tamen unum & idem Evangelium, quatenus Gentibus annunciabatur Evangelium præputii, quatenus verò Iudæis, Evangelium circumcisionis appellari potuit. quamquam, ut diximus, in illis Pauli verbis Evangelii nomen non ipsum Evangelium, sed Evangelii prædicationem omnino significat.

9. Sed iam tempus est, ut de altera causa agamus, propter quam de discrimine Legis, & Evangelii sententiã tuam reiiciendam esse diximus. Ea erat, quòd nullum sententia tua inter Legem, & Evangelium discrimen agnoscit, ubi est maximum. Quod antequam explicemus, sciendum est, in hac disputatione

sputatione, Legi nomine vetus ipsum fœdus, quod per Mosem, Evangelii verò novum, quod per Iesum Christum Deus cum populo suo sanxit, significari. Et quoniam utriusq; fœderis due sunt partes, una mandatorum, altera promissionum, hîc de mandatis potissimùm disputatur, quamquam de promissionibus simul propter summam, quam ipsæ cum mandatis convenientiam habent, necessariò agitur. Tu igitur inter veteris, & novi fœderis moralia mandata, de quibus præcipuè queritur, nullum prorsus discrimen constituis, nec porrò inter utriusq; fœderis promissa ullam differentiam agnoscis. Cum tamen valde multùm inter utraq; intersit. De moralibus mandatis visum est satis in prima huius responsionis nostræ parte. & ni (fallor) perspicuè demonstratum fuit, Iesu Christi plurima moralia mandata multò absolutiora, & perfectiora esse, quàm Mosis de iisdem rebus. Hîc igitur de promissis breviter agemus, atq; ostendemus, longe altera ab alteris differre, ut hac etiam ratione, mandata quoq; ipsa moralia, quorum servatorum potissimùm promissiones sunt præmia, altera ab alteris plurimùm distare constet.

Primùm igitur, ut id, quod diximus, ita se habere, in universum demonstremus, eum locum asserimus, qui est in epist. ad Heb. de Christo, Nunc autem melius sortitus est ministerium, quantum & melioris testamenti mediator est, quod in melioribus repromissionibus sancitum est. Ac deinde in eadem epist. illum, ubi dicitur, Legem nihil ad perfe-

Heb: 3. 6.

Heb: 7. 19.

ad perfectum adduxisse, sed id fecisse introductio-
nem, seu maius invectionem melioris spei, per quam
accedimus ad Deum. Legis enim nomine, ut (quem-
admodum dictum est) nos in presente disputatione
facimus, totum antiquum fœdus ibi auctor ille mani-
festè intelligit. quod alibi quoq; facit, præsertim ve-
rò in ipso cap. 10. initio, in illis verbis, Umbram e-
nim habens Lex futurorum bonorum. &c. Quæ
locus præterea id ipsum, quod supra dictos duos con-
firmare diximus, manifestè probat. idq; eò aptius,
quòd, quidquid bonorum habuit Lex, id umbram præ-
futuris bonis, quæ scilicet Evangelium allaturum e-
rat, fuisse dicit, vel futurorum bonorum in altera
illa vita Legem umbram tantùm habuisse, Evange-
lium verò ipsam eorum imaginem exhibuisse, non
obscurè affirmat. Hæc enim apertè ostendunt, non
solum, quæ promissa fuerunt in Evangelio bona, alia
fuisse ab iis, quæ promittebantur in Lege, sed etiam
longè alia. quemadmodum longè aliud est corpus,
quàm umbra, vel etiam ipsa rei effigies, quàm um-
bra quedam. Quod quamquam ex eo quoq; colligi po-
terat, quod in prioribus duobus locis affirmatum fu-
erat, meliora esse promissa novi, quàm veteris fœde-
ris, & per Evangelium meliorem spem inveciam fu-
isse, quàm per Legem, præsertim, si locorum simul i-
psorum circumstantiæ rectè perpendantur, tamen id
ex postremis huius verbis, atq; sententia aliquantò
clariùs & faciliùs percipitur.

Verùm ad ipsarum rerum utrobiquè promissarum
differentiam

differentiam explicandam accedamus. Non est autem opus hic rem diligenter pertractare. Sed satis est, inter utraq₃ promissa certum aliquod idq₂ insigne discrimen esse, ostendere. Atqui certum idq₂ valde insigne discrimen inter veteris, & novi sæderis promissa esse, id evidenter demonstrat, quod in veteris sæderis promissis nulla æternæ vitæ fit mentio, in novi verò ea potissimum commemoratur, atq₂ inculcatur. ita ut ipsa sola verè, & omnino promissa fuisse videatur. Quod de novi sæderis promissis asserimus, adeò manifestum est, adeoq₂ inter omnes constat, ut supervacaneum sit eius rei testimonia proferre. Quod autem de veteris sæderis promissionibus affirmamus, etsi multi hodie (nescio qua ratione) id constanter negant, verissimum tamen esse deprehendet, quisquis universam legem Mosis accuratè perlegerit. præsertim verò in iis locis, ubi ipse ex professo, & nominatim ipsas promissiones explicat, atq₂ enumerat, ut Exo: 23. Levit: 26, Deut: 7, & 28. Ibi enim nulla prorsus ratione vitæ æternæ inter cetera promissa bona recensetur, sed huius vitæ commodorum tantummodo fit mentio. Et tamen, si ea ad illius sæderis promissiones pertinuisset, non modò disertè in istis locis sine dubio commemorata esset, verùm etiam, tamquam id bonum, quod solum ceteris simul omnibus maxime præstat, multò diligentius, quàm reliqua omnia, exposita, atq₂ inculcata fuisset. Et sanè hæc sola ratio, quæ huius loci valde propria est, satis esse deberet ad demonstrandum, inter veteris sæderis promissa vitam æternam non numerari.

Ut tamen hac de re apertius constet, considerandum est, ex multis novi Testamenti locis perspicuum esse, vitam eternam, quamvis multo antea humano generi a Deo destinata, atq; decretam, a Christo Iesu tamen omnium primo Dei ipsius nomine verbis patefactam, & promissam fuisse. Primum enim Paulus, ad Timotheum scribens, ait, Dei gratiam datam quidem fuisse nobis in Christo Iesu ante tempora secularia, sed patefactam esse per illuminationem servatoris nostri Iesu Christi, qui (inquit) destruxit quidem mortem, illuminavit autem vitam, & incorruptionem per Evangelium. Et ad Titum scribens, ea verba protulit, in spem vitæ æternæ, quam promisit, qui non mentitur, Deus ante tempora secularia, manifestavit autem temporibus suis verbum suum in prædicatione, quæ credita est mihi, &c. Quid apertius dici poterat, ut intelligeretur, non ante fuisse a Deo patefactam vitæ æternæ spem, quam per Iesu Christi Evangelii prædicationem? At deinde Iohannes Apostolus in ipso primæ suæ epistolæ initio sic scriptum reliquit, Quod fuit ab initio, quod audivimus, quod vidimus oculis nostris, quod perspeximus, & manus nostræ contrectaverunt de verbo vitæ (& vita manifestata est, & vidimus, & testamur, & annunciamus vobis vitam æternam, quæ erat apud Patrem, & apparuit nobis) quod vidimus, & audivimus, &c. Hic manifestè Iohannes, de Iesu Christo, deq; eius prædicatione verba

2 Tim. 1. 10

Tit. 1. 2.

ne verba faciens, ait, per hanc vitam æternam, que prius apud Deum latebat, sibi, & aliis apparuisse. Idem eiusdem epist: cap: 2. v. 25. ita scribit. Et hæc est repromissio, quam ipse pollicitus est nobis, vitam æternam. Nam, de Filio, hoc est de Iesu Christo, vel de Patre, hoc est de Deo per ipsum Filium, seu Iesum Christum promittente loqui apostolum manifestum faciunt verba antecedentia, Si in vobis permanerit, quod audistis ab initio, & vos in Filio, & in Patre manebitis. Ex quibus etiam aperte constat, de Evangelii prædicatione ibi sermonem esse. Quod si ante Christum, eiusq; Evangelii prædicationem vita æterna a Deo, præsertim vero in fœdere, quod cum populo suo pepigerat, promissa fuisset, perperam eius vitæ promissionem eidem populo, ut ex verbo Nobis apparet, factam ad Iesu Christi tempora retulisset Iohannes, eamq; Evangelii prædicationi ascripsisset. Præterea in sacris novi fœderis litteris disertè scriptum legitur, Vitam æternam, quam dedit nobis Deus, in Dei filio esse, Vitam æternam donum Dei esse, quod is nobis per Iesum Christum dedit, Vnius Veri Dei, & Iesu Christi, quem ille misit, cognitione vitam æternam contineri, & alia eiusmodi non pauca. quibus aut dicitur, aut certè dicti videtur, sine Iesu Christo vitam æternam non dari. Id autem nullo modo factum esset, si ante Iesum Christum iam vitæ æternæ promissum extitisset, vetusque fœdus servantibus eius vitæ premium in ipso fœdere sanciendo constitutum fuisset. nisi velimus, in ipso

3 Joh: 3: 11.

Rom: 6. 23.

Joh: 17. 3.

in ipso antiquo fœdere Iesum Christum comprehensum esse, atq̄, ut vulgò & creditur, & iactatur, veteres illos per fidem in Iesum Christum, qui venturus erat, iustificatos fuisse dicamus. quo tamen nihil absurdius, aut a veritate magis alienum dici, vel excogitari potuit, cum Iesus Christus, quatenus, antequam nasceretur, promissus fuit, non in ipso antiquo fœdere per Mosem scilicet sancito (de hoc enim loquimur) sed in novi fœderis promisso fuerit comprehensus, & nullo pacto ad istud antiquum fœdus, sed ad novum prorsus pertineat, veteres autem, ut sensus ipse communis aperte docet, non fide novi fœderis, quod promissum tantum fuerat, & futurum erat, sed veteris, quod erat presens, quodq̄, cum ipsis a Deo fuerat percussum, conservatione, illiusq̄, divinæ benignitatis, quæ sub eo fœdere impertiebatur, participatione iustificati, & Deo cari fuerint. Id quod non sine fide quidem illis contingebat. sed longè aliud erat fides ista, quàm credere in venturum Christum. quod nunquam ad delenda peccata sua, seu iustificationem consequendam iussi sunt facere. Verùm confidentia, seu fiducia erat, quam in Deo collocabant, certaq̄, persuasio, & Deum esse, & se querentium eundem esse remuneratorem. quemadmodum in epist. ad Hebræos fides, sine qua fieri non potest, ut quis Deo placeat, descripta est. qua & veteres illi omnes, etiam ante per Mosem sancitum fœdus, iusti coram Deo sunt habiti, & nos ipsi habemur. Sed non est hac de re hoc loco accuratiùs disputandum, nec etiam val-

Heb:ii. 6.

de laborandum, ut ostendatur, priscos illos per fidem in venturum Christum minimè iustificatos fuisse, cum tu ipse (ut arbitror) non aliter sentias, & a communi errore hac in parte discedas.

Satis, ut videtur, probatum est, in veteri fœdere, quod per Moysen Deus cum populo suo firmavit, vitam æternam nequaquam promissam fuisse. Quinetiam nonnulla ex iis, quæ ad id probandum a nobis allata sunt, in universis veteris testamenti litteris id promissum iis, qui tunc erant, factum fuisse, non legi, **Ioh: 5. 39.** haud leviter sanè demonstrat. Quod idè dominus Iesus non obscure docuit, cum Iudæis ea verba dixit, Scrutamini scripturas, quia vos putatis in ipsis vitam æternam habere, & illæ sunt, quæ testimonium perhibent de me & non vultis venire ad me, ut vitam habeatis. Ex quibus non solum intelligitur, Iudæos quidem existimasse, vitam æternam in Moysi, & prophetarum scriptis contineri, id est eam illis promissam fuisse, qui inibi mandata servassent, rem tamen aliter se habuisse, verum etiam, quid omnino de veteri, novoq; fœdere, quod ad vitam æternam attinet, statui debeat, facile percipitur. Nempe, vitam æternam in veteri fœdere, ut dictum est, promissam non fuisse, nec in illius fœderis scriptis eam contineri, nisi quatenus in illis olim promissus, ac prænunciatus fuit Christus, deq; ipso illa testantur, ad quem hodie ire oportet, si quis vitam æternam habere velit. Ad Christum autem ire, quod Iudæi facere volebant, nihil aliud est, quàm ab ipso velle doceri, & porro

Et porro illi confidere, eiq; obedire. quibus rebus summa totius novi fœderis planè continetur.

10. Atq; hinc perspicuum esse potest, quàm turpiter erraveris, qui, ut supra indicavimus, pag: 218. dixeris, in prophetis scriptis esse vitam eternam, idq; ita dixeris, ut in scriptis apostolicis eam esse, negare videaris. Tua enim verba manifestè quodammodo cum Iesu Christi verbis pugnant, qui, ut vidimus, dixit, Iudæos putasse, se vitam eternam in scripturis habere. nam scripturarum nomine Christum prophetica scripta complexum fuisse, nemo negare aufit. Neq; enim simpliciter dixisset Christus, Iudæos id putasse, si id verum fuisset. Sed quia falsum erat, quemadmodum sequentia quoq; verba declarant, idcirco ad eum modum sine dubio est locutus. Nec verò dubium est (idq; omnibus locum ipsum inspicientibus apparebit) quin, cum affirmas, in prophetis scriptis vitam eternam esse, atq; eodem tempore eam in scriptis apostolicis esse negare videris, nihil aliud sentias, quàm divina præcepta, quibus servandis vita eterna comparetur, sive illa huius vitæ, in quibus eterna vita consistat, id est, quæ in quocumq; fuerint, is vitam eternam adepturus sit, hæc, inquam, omnia ex prophetis scriptis, tamquam ex fonte, petenda, & haurienda esse potiùs, quàm ex scriptis apostolicis, quæ tamquam rivuli quidam inde derivati existimari debeant. quæ quàm longè a veritate abhorreant, ex iis, quæ paullo ante disseruimus, intelligi posse arbitramur. Caterùm, etsi asserimus, vitam eternam in

vetere fœdere promissam non fuisse, sed promissum istud novi fœderis esse proprium, non tamen propterea eos, qui sub antiquo fœdere Deo confisi sunt, eiq̄ paruerunt, ab æterna vita excludimus. Nihil enim impedit, quominus Deus plus illis præstet, quàm promiserit. Meminisse autem oportet, Dei populum sub Lege puero heredi assimilari. Atqui puer heres, quanta sit, quæ sibi obvénit hereditas, nondum intelligit.

Gal: 4. 1. Nam & idem, ut Paulus, apud quem ista comparatio legitur, ait, quamvis omnium sit dominus, interim tamen nihil differt a servo.

Ex hac, quam nos satis probasse speramus, inter Legis, & Evangelii, scilicet veteris, & novi fœderis promissiones differentia, quòd in Lege vita æterna promissa non fuerit, in Evangelio verò fuerit, quæ sanè ingens censeri debet, ingens quoq̄, inter utriusq̄, fœderis mandata differètia necessariò manavit. Quandoquidè planè absurdum fuisset iisdem mādatis tam differentes mercedes adiungere, & non tantā inter mādata, quatenus rei natura, & ratio patitur, differentiam esse, quantam inter promissa, ita ut, qualia promissa sunt, talia etiā mādata esse appareat. Quapropter, cum veteris fœderis promissa ad huius vitæ cōmoda, terrenamq̄ felicitatem omnia reserrentur, nec ultra humanæ conditionis limites extenderentur, consentaneum fuit, ut mandata quoq̄ eiusdem generis essent, & partim ad corporis ipsius cultum pertinerent, partim in animo excolendo ultra id, quod ipsa humana ratio, nisi corrupta fuerit, dictare potest,

re potest, minimè progredierentur. & quemadmodum promissa illa maiore ex parte non veram aliquam & solidam, sed adumbratam quamdam atq; inanem felicitatem continebant, sic decuit, ex mandatis pleraq; esse, quæ adumbratam tantùm, & inanem quamdam iustitiam præscriberent. At verò, cum promissa novi fœderis, huius vitæ commodis spretis, celestem beatitatem nos sperare iubeant, & humanam conditionem omnino exuperent, conveniens planè fuit, mandata eiusmodi esse, ut, corporis curæ neglecta, hominis animum supra id, quod humana ratio per se dictare queat, excolerent, atq; persicerent. & quemadmodum hæc promissa veram prorsus ac solidam felicitatem complectuntur, sic sanè decuit, nihil penitus in mandatis esse, quod ad veram solidamq; iustitiam in nobis efficiendam non pertineret. Hinc igitur factum est, ut non modò cerimonialia omnia veteris fœderis mandata, novo fœdere sanciendo, tamquam umbra quedam, plena luce adveniente, evanuerint (quod profectò ad utriusq; fœderis maximum discrimen indicandum satis esse deberet) verùm etiam ipsa moralia præcepta, ut, exemplis ipsis allatis, supra demonstratum fuit, multò absolutiora, ac perfectiora reddita fuerint. Nec verò, cum tanta & in promissis, & in mandatis inter vetus, novumq; fœdus a nobis differentia statuitur, aliqua ex iis, quæ novi fœderis propria esse dicimus, in ipsis etiam antiqui fœderis scriptis indicata esse negamus, & ipsius vitæ æternæ, quæ Deo obedientibus

danda esset, sub obscuras significationes extare non confitemur. Immo, nihil ita novi fœderis proprium esse affirmamus, quin eius indicium aliquod in veteri testamento appareat. Nam, ut Erasmi viri (meo quidem iudicio) divinarum rerum scientissimi, atque hoc nostro, superioribusq; multis seculis planè incomparabilis verba hic adscribam, Quum vetus testamentum fuerit umbra, ac veluti progymnasma philosophiæ evangelicæ, maximè congruebat, ut nihil adferret Christus, cuius non aliqua vel umbra, vel scintilla præcessisset in veteris testamenti libris, quò propensior esset omnium fides ad rem non omnino subitam atque inexpectatam. Igitur quicquid Christus præstitit, promissum est sacrorum vatum oraculis: adumbratum est figuris, & carptim etiam expressum est, veluti subinæ promicantibus hinc, atque hinc scintillulis aliquot quæ lucem illam post erupturam orbi portenderent. Atque hoc tam præclaro tanti viri testimonio locum hunc concludere volumus, fusiùs fortasse aliquando, atq; exactiùs, Deo volente, de Legis, & Evangelii, seu de veteris, & novi fœderis discrimine pro rei amplitudine, ac dignitate disputaturi.

In Epist:
quæ in cal
N. T. trāsl.
folet appo
ni cuius i
nitiū est,
Quanquā
in rebus,
&c.

KLIII.

Iam alibi observatum est, ex doctrina tua necessariò consequi, non licere mitem ac clementem esse, iniuriarumq; patientem. Verùm, ne, quo id te sentire statueretur, solis consecutionibus perpetuò agendum esset,

dum esset, disertis verbis eam sententiam ex parte in responsione tua scriptam extare voluisti. Sic enim legitur pag. 276, Ergo non licet nostra, absque iure aliis rapientibus, concedere. 1. Quis verd umquam in Christiana religione eiusmodi decreta locum habere posse cogitasset, quæ propter eorum iniquitatem, atq; immanitatem quamdam ne in ipsis quidem ethnicis rebus publicis locum sint habiturae?

2. Sed opera pretium est videre, qua ratione tam iniquum decretum confirmes. Igitur post modò recitata verba tua statim subiicis, postquam ex re donata, non licuit aliquid aut subtrahere Ananiae, aut donare & non integrum dare Ecclesiae, plus enim est nostrum quod possidemus quam quod nobis pro dono offertur. Si in his verbis de eo loqueris, quod ipse Ananias iurè facere non potuerit, Primum, quid attinet donationis mentionem facere, cum nulla prorsus donationis rei iam donatae, seu partis eius, quam Ananias facere in animo haberet in ea historia mentio fiat? Deinde, quid hoc ad rem? Neq; enim queritur hic, quid raptori facere non liceat, sed ei, qui rapinam patitur. Sin autem de eo loqueris, quod aliis cum Anania facere non licuerit, quem locum hinc subtractio habere potest? Quod verò ad donationem attinet, non quidem non potuisse ex re ab Anania donata aliquid ipsi Ananiae donari, & non integrum id, quod Ananias donaverat, Ecclesiae dari, sed Ecclesiam ipsam ex eo, quod sibi Ananias donaverat, ipsi Ananiae aliquid

donare non potuisse, dicendum, & demonstrandum tibi fuerat. Quod si fortasse Subtrahendi verbum ad Ananiam refers, Donandi verò ad alium quempiam, ut, Ananiam quidem minimè iurè subtrahere, alium verò quempiam minimè iurè ipsi Ananie donare potuisse, dicere volueris, quamquam, quidquid senseris, male omnino sententiam tuam expresseris, pessimè tamen, ut omnes animadvertent, sententiam istam tuam expressisti. ac præterea in ea sola duovitia simul coniunxisti, quæ separatim in duobus aliis iam expositis animadversa fuere. Nam & plane extra rem de eo es loquutus, quod Ananie facere non licuerit, &, cum de ipsa Ecclesia, quæ Ananie, id quod ipse ex re iam donata subtraherat, donare non potuerit, verba facere debuisses, de alio quopiam verba fecisti. Adde, quod, etsi verissimum est, non licuisse cuiquam alicui ex eo, quod Ananias Ecclesie donaverat, vel potiùs se donare professus fuerat, aliquid ipsi Ananie donare, & non integrum Ecclesie dare, tamen hoc ex ipsa historia non liquet, ex qua sola tu universam hoc loco dicti tui confirmationem petis. 3. At deniq; concludens ais, Quare si licuit Petro non cedere Ananiæ, id quod Ananias donaverat, licebit etiam cuivis non cedere raptori absque iure suum pallium. Nihil hîc explico de insignibus huius tuæ argumentationis vitii. ea enim superioris partis posteriore capite abunde ostensa sunt. Sed dico, te perperam, aut certè ineptè ad hunc modum ex ante dictis inferre. Antea enim

non de eo, quod licuerit, sed de eo, quod non licuerit, actum fuit.

Supra visum est, te inter prius Iesu Christi iudicium, quod scilicet excidendâ Hierosolymâ exercuit, & posterius, quod ultimis temporibus exerciturus est, hoc discrimen constituere, quod in priore quidem hostes tantum, qui extra ipsius castra erant, ultus fuerit, in posteriore verò eos tantum, qui, intra ipsius castra se continentis, operati fuerint iniquitatem, sit ulturus. Sic enim te sentire, ex iis apertè constat, quæ leguntur pag. 99. Vbi etiam acerbè admodum huiusce rei occasione contra Racoviensium scriptorem inveheris, inquires, Quoniam autem hæc scriptor iste non secernit, ob hoc in multos & fœdos errores sordidæ ignorantiaë indices se & alios inducit. 1. Atqui tu ipse alibi hæc non secernis, & tibi ipsi manifestè contrarius, de priore iudicio agens, postquam dixisses, Christum primum omnium inimicos suos, qui noluerant ipsum regnare super se, interfici iussisse, in extrema pag. 277. statim adiungis, Deinde infideles dispensatores in partes dissecuit & abiecit a se. Ex quibus verbis perspicuum est, te asserere, in priore iudicio non in eos tantum, qui extra castra Christi erant, sed in eos quoq̄, qui intra ipsa castra degebant, ab ipso Christo animadversum fuisse. Rursus in posteriore, non in eos tantum, qui intra ipsius castra erunt, sed in eos quoque, qui extra fuerint, animadversurum esse Christum, satis apertè, ut alibi diximus, in iis

XLIV.

Palzolog
sibi cōtra-
rius.

verbis affirmas, quæ illico sequuntur, Quin & postremo tempore repurgabit regnum suum, non solum ab alienis sed etiam a domesticis minus sibi obtemperantibus & pœnis damnabit mortis. Immo ex his verbis non ineptè, ut arbitror, colligere quis possit, te in ea sententia esse, ut posterius Christi iudicium adversus domesticos quidem, sive eos, qui intra ipsius castra erunt, exercendum sit, sed præcipuè tamen, & magis propriè adversus alienos, sive eos, qui extra castra fuerint. aut certè, ut de his magis constare videatur, quàm de illis. Sic enim omnino significare videntur verba illa, non solum ab alienis sed etiam a domesticis, atq; hæc eius locutionis vis esse solet. Verùm, quod atinet ad posterius iudicium, supra satis inconstantia, errorq; tuus suo loco indicatus a nobis fuit. Hoc autem loco de iis, quæ ad prius iudicium pertinent, differendum videtur, & non solum ex eo, quòd tibi ipsi adverteris, sed alia etiam ratione demonstrandum, te in errore versari.

Maeth: 24.
425.

2. Et sanè, cum ais, Christum in priore iudicio in dispensatores illos infideles animadvertisse, non video, quomodo id cuiquam, qui sanæ mentis fuerit, probaturus sis. Certè in ea Christi parabola, ad quam te respexisse necesse est, servus ille, quem dominus super familiam suam constituerat, ut illis daret cibum in tempore, ipsius Christi ministrum significat. quem admodum ex eo patet, quòd universum sermonem illum Christus cum suis discipulis habuit. ad eos autem,

rem, quibuscum loquebatur, eam parabolam pertinere, & eorum monendorum gratia illam a Christo dictam fuisse, apertius est, quam ut negari ullo modo possit. Sed quid hac ratiocinatione est opus? Nonne in ea parabola dominus ille manifestè ipse Christus est? Ergo servus a domino illo super familiam suam constitutus, ut ipsius Christi minister sit, necesse est. Atqui, in priore suo iudicio Christum neminem ex suis ministris in partes dissecuisse, aut legimus, aut verisimile est. Quamquam ego propter sequentia verba (ut alii quoq³, senserunt) nihil dubito, quin verbum *διχόω* eo in loco non quidem in partes dissecare, sive in duas partes secare, ut verbum propriè significat, sed penitus separare declaret. Sed neq³ hac etiam, nec ulla alia poena quemquam ex suis ministris in priore illo iudicio Christus affecisse traditur.

Quid autem dicemus, quòd in iudicio isto, eiusque ordine explicando adhuc multipliciter laboris?

3. Primùm enim falsum est, quòd ais, Christum in isto iudicio primùm omnium curasse, ut ante se adducerentur inimici sui, qui ipsam super se regnare noluerant, eosq³ interfici iussisse. In eo enim loco, in quo solo apud evangelistas de interficiendis istis inimicis agitur, & quem tu legi iubes, in parabola, inquam, illa, quam Christum dixisse, narrat Lucas, Luc. 19. 13. homo ille nobilis, qui Christus est, accepro regno, antequam suos illos inimicos interfici ante se iussisset, iam servos suos vocari iusserat, quibus pecuniam,

tum peregrè ad querendum sibi regnum abiturus esset, ad negotiandum dederat, atq; eos pro meritis aut premio, aut pœna affecerat. quod sine dubio pars totius illius iudicii fuit. 4. Ex quo deinde sequitur, ibi revera (et si supra alicubi idem tecum sensisse videamur) de priore Christi iudicio non agi, cum, ut paullo ante dictum fuit, in eo iudicio de solis aperti inimicis suis Christus pœnas sumpsisset, nec præterea ulla præmia, aut certè non ea, quæ ibi intelligi possunt, in eo iudicio fidelibus, ut inibi appellantur, ac bonis servis suis dederit. 5. Adde, quòd homo ille nobilis, rex factus, postquam inimicos illos suos ante se adduci, atq; interfici iussit, nihil ampliùs fecisse legitur. & tamen tu confidenter, ut soles, non dubitas affirmare, post supplicium istud de suis inimicis sumptum, eum, id est Christum, infideles dispensationes in partes dissecuisse, quasi sic scriptum eodem loco extet. cum tamen eius rei ibi nulla fiat mentio, sed in altera tantùm illa parabola, quæ apud Mattheum extat, id a domino in servum, quem familie sue præfecerat, factum fuisse legatur, aut potiùs legi videatur. 6. Huc postremò accedit, quòd si parabolam istam cum ea, quæ est apud Lucam, coniungendum esse velimus, & utrobiquè de eodem tempore, eodemq; Christi iudicio agi, nihil est, cur supplicium de inimicis ante pœnas de infideli dispensatore sumptum fuisse, omnino statuamus, non autem postea. An non potiùs contrà fieri debet, cum iudicium de serpis, quibus pecuniam ad negotiandum data fuerat,

Palzologi
confidentia.

rat, ante inimicorum supplicium fuisse legamus?
Nam profecto ex eo cõicere licet, de domesticis pri-
us, deinde de alienis in universo illo iudicio actum
esse.

Alibi iam dixi, me vereri, ne tu, quidquid de XLV.
Christo post mortem magistratu facto dicas, ei re ipsa
hoc tempore, quod inter prius, & posterius eius iudi-
cium intercedit, magistratum adimas, id est eum o-
tiosum constituas. Me autem non male opinatum fu-
isse, ea demonstrant, quæ scribis pag: 278. ubi ais,
Christum muneris sibi post mortem delati neminem
reliquisse successorem, sed œconomum (ut ita dicas)
reliquisse patrem Deum, regni ipsius provinciam pa-
tre in se recipiente. & in eiusdem pag: sine, & seq. i-
nitio affirmas, Christum curam regni Deo patri
commendasse, quoad sibi omnia fuerint subiecta. Sed
pag: quoq; 280. in ipso initio leguntur de Christo hæc
verba tua, pro posteriore (munere) curando nul-
lum misit, quoniam satis erat pater Deus, qui
hanc curam susceperat in se solum.

Quamquam hæc tua de Christi regno, eiusq; re-
gni cura, sive administratione sententia adeo & e-
videnter falsa, & insigniter inepta, aut certè tibi ipse
contraria est, ut ad errorem tuum patefaciendum,
sic te sentire ostendisse, plus satù videri debeat, ta-
men quia ea simul & maximè detestabilis est (quippe
quæ omnis christianæ pietatis ruinam facillimè secum
afferat, inq; Christum, ac Deum ipsum planè sit iniu-
ria) & iam quorundam animos occupare cœpit, o-
pere

per e pretium erit, quàm brevissimè fieri poterit, errorem istum alia præstantiore ipsiusq; rei propria ratione detegere.

1. Dico igitur sententiam istam tuam, quòd Christus hodie regnum suum ipse non administret, vel ex uno libro Apocalypsis manifeste falsitatis convinci. in quo ferme universo, maxime verò a fine primi cap: usq; ad quarti initium, inducitur Iesus Christus ecclesie sue curam gerens, eamq; quam & in celo, & in terra habet, potestatem exercens. Cum enim, ut summo consensu ab antiquissimis sacrarum novi testamenti litterarum interpretibus, rerumq; ecclesiasticarum scriptoribus traditum est, visio, quæ in eo libro narratur, imperante Domitiano, ob idq; post Hierosolymitanum excidium contigerit, non est, quòd quis ea, quæ de Christo ibi dicuntur, ad illud tempus omnino referenda esse contendat, quòd Hierosolymæ excidium, & sic prius ipsius Christi iudicium antecessit. Hoc tu sine dubio perspiciens, omnium veterum auctoritate spreta, librum istum ante desolatam Hierosolymam scriptum esse vis. ad eò ut, quæ in eo de Babylonis ruina prædicuntur, ad eius urbis desolationem referas. ut ex iis patet, quæ leguntur ad finem pag: 320. 2. Qui insignis valde tuus error est, non modo quia in rebus historicis veterum & temporum, de quo agitur, proximorum auctoritati standum est, verùm etiam quia plurima de Babylone illa dicuntur, quæ nullo modo ad urbem Hierosolymorum accommodari possunt. & inter cætera, quòd iam haberet,

beret, vel habitura ante suum excidium esset regnum super reges terre, quod ex vino iræ scortationis eius bibissent, aut bibitura essent omnes gentes, quod cum illa scortati fuissent, aut scortaturi essent reges terre, quod igne comburenda esset, quod non esset futura amplius, quod denique antequam caderet, diceret in corde suo, Sedeo regina, & vidua non sum, & luctum non videbo. Præterea indubitatum esse debet, visionem illam, si non post excisam Hierosolymam, at certè paucissimis annis ante contigisse, ut septem illarum ecclesiarum, non tamquam planè recentium, sed tamquam iam dudum existentium, & Nicolaitarum heresis mentio inter alia apertè demonstrat. Atqui satù apparet, tot, tantaq; in ea visione, tanquam ante Babylonis illius ruinam futura, aut prædicta, aut ostensa fuisse, ut nullo modo tam brevi temporis spatio fieri potuerint. nec sanè, quomodo facta fuerint, ostendi ulla ratione potest. Est igitur, ut prædiximus, valde insignis hic error tuus, qui putes, Babylonis nomine in vaticinatione illa Hierosolymam significari. in quem errorem (ita gravis, ac manifestus est) nullo pacto incidises, nisi Christo post Hierosolymæ excidium regni sui curam adimeres. Ex hac enim sententia tua omnino sequitur, Iohanni visionem illam, in qua Christi regnum suum administrantis fit mentio, ante Hierosolymæ excidium apparuisse. Quod si ita esset, fieri non posset, quin in ea vaticinatione excidium istud prædictum fuisset. At, nisi Babylon ibi Hierosolymam significet, non est, ubi,

Apo: 17. 18.

14. 8.

17. 2.

18. 3.

2.

21.

7.

est, ubi, id prædictum in ea fuisse, vel leviter quidem suspicari liceat. Verùm ex hoc ipso, quòd, si visum illud Iohanni ante Hierosolymæ vastationem apparuisset, sine dubio ea in illo prædicta fuisset, quòdq̃, si ea in illo prædicta fuit, ut sub excidii Babylonici nomine id factum fuerit, necesse est, concludendum omnino tibi fuerat, non ante Hierosolymæ vastationem, sed post, Iohanni apparuisse visum illud. cum satis manifestum sit, ea, quæ de Babylone ibi prædicuntur, nulla ratione ad urbem Hierosolymam accommodari posse. Ex quo, ut dictum est, planè consequitur, Christum etiam post Hierosolymitanum excidium regnum suum per se ipsum administrasse, cum id faciens in ea visione apertissimè inducatur.

3. Sequitur, ut, quàm inepta, aut certè tibi ipsi contraria sententia tua sit, videamus, unde eius quoque falsitas liquidò constabit. Nam aut revera Christo ante Hierosolymæ excidium sui regni curam concedis, aut non concedis. Si non concedis, quomodo ea vera esse possunt, quæ multis in locis tantopere urges, atq̃ contendis de Christo, quòd post mortem, cum iam regnum, ad quod accipiendum venerat, novo regno addito, esset adeptus, ex agno leo sit factus, quòd gladii potestatem, tamquam magistratus, exercuerit, quòd inimicos suos, qui ipsum super se regnare noluerant, adduci, & ante se interfici iusserit, & alia eiusmodi, de quibus supra vidimus, quæ presentem omnino ipsius Christi sui regni curam declarant? Sin autem Christo ante excisam Hierosolymam, ut satis patet,

patet, sui regni curam concedi, quid causæ est, cur postea adimas, eamq; patri suo eum commendasse dicas? Num fortasse post illud tempus aliquò abiit Christus, unde regno suo administrando ipse sufficere non possit, vel ita aliquibus aliis in rebus occupatus est, ut huic muneri vacare nequeat? Num fortè dormit interea? Nam non ita te amentem esse crediderim, ut eum iterum mortuum esse dicas. Quòd si Christus non aliquò abire potuit, unde regno suo per se ipsum administrando par esse non possit, si nullis aliis occupationibus impeditur, si deniq; perpetuò & vivit, & vigilat, ineptissimum sanè est vel cogitare, eum post illud tempus sui regni curam patri commendasse. præsertim cum ea de re ne verbum quidem in divinis litteris extet.

Iam verò Christum aliquò abire non potuisse, unde suo regno per seipsum administrando satis esse non possit, id sanè demonstrat, quòd iam inde ab initio, cum hinc abiret, in cælum profectus est, in illud, inquam, cælum, quod oculis nostris non apparet, nec apparere potest, & supra omnes aspectabiles celos est. Nam, ipsum supra omnes celos iam tum ascendisse, Paulus apertè testatur. qui locus sine dubio omnium remotissimus a nobis est. Quocirca, si inde potuit Christus ipse regnum suum hic inter nos (de hoc enim ipsius regno loquimur) administrare, qui locus tandem erit, unde idem facere non possit? Quamquam ad ostendendum nullum esse tam remotum a nobis locum, unde Christus regnum suum inter nos

Ephesi: 4.
10.

administrare ipse non queat, satis est, Christum ipsum aliquando corpore a nobis absentem illud administrasse, & eius corporalem presentiam ad hoc, ut illud ipse administret, nequaquam requiri. Potestate enim planè divina ipsi concessa id factum fuisse, neceße est. Atqui eiusmodi potestas nullis locorum spatii includi, aut terminari potest. Hæc eadem potestas nos satis admonet, nullas esse alias tantas occupationes, quibus Christus, sui regni administratione neutiquam deposita, vacare non possit. Tamen si nihil insulsius excogitari potest, quàm, Christum regni sui curam abicere, ut aliis rebus vacet. Nec tu sanè istud vis. nempe qui illum, ut infra patebit, quiescere dicas. Alioqui potuisset fortasse aliquis pro te dicere, Christum quidem regnum suum administrare, sed illud quod in celis habet, non posse autem ipsum eodem tempore id, quod habet in terris, simul administrare. Quod tamen quàm ridiculè dictum censendum esset, cum ex iis, quæ dicta sunt, perspicui potest, tum per se quisq; facile iudicabit. præsertim, cum regnum, quod habet in celis Christus, ad eius, quod in terris habet, gubernationem omnino spectet, utq; hoc administrare queat, illud ei a Deo patre datum fuerit. Caterùm, ut vivere, sic perpetuò vigilare Christum, nemo (opinor) negaverit, qui meminerit de eo
 Heb: 7. 25. ab auctore epist. ad Heb. scriptum esse, quòd possit ad plenum servare eos, qui per ipsum accedunt ad Deum, semper vivens, ut interpellet pro eis, & pleraq; alia apud eundem scriptorem legerit, quæ Christum in celis

in celis perpetuò aliquid agentem, acturumq; demonstrant. quæ omnia unicâ illâ sententiâ ab ipso toties repetitâ, & variis modis explicata atq; inculcatâ comprehenduntur, Christum æternum, perpetuumq; sacerdotium in celis habere. Nam, quòd complures hodie hoc ad efficacitatem mortis eius, & sanguinis fusionis, quæ in æternum, ac perpetuò duret, prorsus referri volunt, in eo istos mirificè deceptos fuisse, vel id docere potest, quòd idem scriptor ait, oportuisse, ut Christus per omnia fratribus similis fieret, ut esset misericors & fidelis pontifex in iis, quæ Heb:2. 17.
 apud Deum, ad expianda peccata populi. nosq; non eum habere pontificem, qui non possit affici sensu infirmitatum nostrarum, sed per omnia similiter periclitatum citra peccatum. Quocirca monet, ut cum fiducia ad thronum gratiæ accedamus misericordiam consecuturi, & gratiam inventuri ad opportunum auxilium. Hinc enim manifestum est, Christum, quatenus est sacerdos, aliquid revera agere, immo expiationem, quam perpetuò facit peccatorum nostrorum, perpetuam quoq; ipsius presentemq; actionem secum coniunctam habere, ab eaq; iugiter proficisci. Quod nihil aliud est, quàm Christum perpetuam suorum curam habere, eosq; potentiâ suâ ab omnibus malis, quibus ira divina peccata punire solet, perpetuò defendere, ac conservare. Hæc autem ideo sub sacerdotii perpetui nomine explicantur (ipsius sanguinis fusione potissimùm viam ad appellationem istam aperiente) ut semper agnoscat, omne Christi nos 4. 15.
16.
 O O 2 guber-

gubernandi munus, & potestatem a Deo ipso proficisci, atq; pendere.

Sed iam videndum est, ecquid tu afferas ad probandum, Christum Deo patri regni sui curam commendasse, id re ipsa apud te est, Christo quiescente, Deum patrem eius regnum administrandum suscepisse. namq; hac ratione apertius adhuc de falsitate huius tue sententiae constabit. Afferas autem, quod

Psal: 110. 1. Deus pater Christo dixerit, Sede a dextris meis, donec ponā inimicos tuos, &c. Nam, cum in his verbis Christus a patre sedere sit iussus, idq; donec ipse ei omnes inimicos subiecerit, hinc credis demonstrari, Christum quiescere, & interim Deum patrem illius regnum administrare.

Iam verò (ut hoc primùm dicam) cum, ut ipse omnino concedere videris, Christus aliquando regnum suum per se ipsum administraverit, nec, ut ante ostendimus, ulla causa sit, cur ipse sua sponte ab eo administrando cessaverit, reliquum profectò est, si eum ab administratione ista cessasse velis, ut eum Deus pater ad tempus quodammodo exauctoraverit, id est aut vires, aut munus sui ipsius regni administrandi illi ademere, 4. quo nihil absurdius dici posse existimaverim. 5. Verùm, quando ita rem se habere intelligebas, haud satis rectè locutus es, cum dixisti, Christum sui regni curam Deo patri commendasse. Hoc enim non obscure significat, Christum sua sponte eo devenisse, ut vel nollet, vel non amplius posset suum regnum administrare.

Credis

Credis igitur, ut ad rem redeamus, Sede a dextris meis, donec, &c. nihil aliud esse, quam Dei patris iussum, ut Christus quiescat, dum ipse eius regnum administrat. Pag. enim 280. verborum istorum sententiam ad hunc modum reddis, Quiesce tu & sede. Ego cætera perficiam. 6. Atqui primum verbum Sedere, quamvis simpliciter prolatum, per translationem metonymicam non semper quiescere significat, sed interdum etiam regnare, & ius dicere. Deinde in verbis istis non simpliciter prolatum fuit, sed unà cum illis, A dextris meis, sive, ut in hebræo codice legitur, Ad dexteram meam. quod profecto non quietem, sed supremam post illum, qui sic locutus est, auctoritatem, & potestatem declarat. Apertissima enim translatio est ab eo, quod reges terræ facere consueverunt. qui eum, quem post se primum gradum auctoritatis, & potestatis habere volunt, ad dexteram sibi asidere iubent. nam solent alioqui reges imperium suum sedendo exercere. Itaq; tantum abest, ut ex verbis istis quies a Deo patre Christo mandata colligi possit, ut iis omnino, summæ secundum ipsum Deum auctoritatis, & potestatis exercendæ munus illi a Deo mandatum fuisse, significetur. Quòd si quis intelligere velit, quid sit Sedere a dextris, sive ad dexteram alicuius, quidve significet, Christum a Dei dextris, sive ad Dei dexteram sedere, hos locos præcipuè inspiciat, Eccl: 12. v. 12. Mat: 20. v. 21, & cap: 26. v. 64. Luc: 23. v. 69. Act: 2. v. 34. Ephes: 1. v. 20. Heb: 1. v. 3, & cap: 8. v. 1. 1. Pet: 3. 22. Ex his enim,

& similibus locis sine dubio intelliget, ea locutione
 nullo modo Christi quietem, sed summam eius prae-
 sentemq; auctoritatem, ac potestatem significari. Nec
 verò aliquem movere debet, quòd Deus, cum sedere a
 dextris suis Christum iubet, ea verba adiungat, Do-
 nec ponam, &c. quasi Christus ipse nihil interea in
 subigendis inimicis suis agere debeat. Sic enim loqui-
 tur Deus, non ut Christum ab agendo excludat, sed
 ut ostendat auctoritatem, & potestatem, quam Chri-
 stus ipse in inimicis suis sibi subiiciendis exercere de-
 bet, a se profectam esse, seq; eum futurum, qui per i-
 psum Christum eius inimicos illi subiiciat. Huius rei,
 qui antecessit, typus, hanc ipsissimam veritatem esse,
 omnino declarat. David enim, dum sibi subiiceren-
 tur inimici sui, non modò interea otiosus non fuit,
 sed ipsemet omnia, Deo adiutore, peregit, perq; ipsum
 illi Deus omnes eius inimicos subiecit. Quemadmo-
 dum igitur David, postquam illi a Domino dictum
 fuit, Sede a dextris meis, donec, &c. a regno suo
 administrando non cessavit, immo ex eo tempore
 maximè illud administrare cœpit, sic intelligendum
 est, Christum, postquam idem ipsi a Deo patre dictum
 fuit, non solùm a suo regno administrando non ces-
 sasse, sed tunc maximè illud administrare cœpisse.
 Christum porrò, dum ipsi omnia subiiciuntur, non
 quiescere, sed ipsum esse, qui potestate sibi a Deo con-
 cessa id faciat, perspicuè docet Paulus, qui, ad Philip-
 penses scribens, ait, dominum Iesum corpora nostra
 vilia transfiguraturum, ut glorioso ipsius corpori cõ-
 formis

1 Reg: 3.

Philip: 3.
61.

formia reddantur, idq̄ ipsum facturum pro ea efficacitate, qua sibi omnia etiam subiicere potest.

7. Verum, quam ineptè, ac perperam, ex verbis illis, Sede a dextris meis, donec, &c. probare coneris, Christum quiescere, nec per se regnum suum administrare, vel id, teipso iudice, ostendere potest, quòd Christus, simul atq̄, hinc abiit, a dextris Dei sedit, sibiq̄ a patre verba ista dici audivit, ut Marcus, & Petrus non obscure testantur. Quamquam satis est, id ante Hierosolymorum excidium factum fuisse, ut divinorum scriptorum alia testimonia passim docent. Siquidem, ut dictum fuit, tu ipse ante illud tempus, postquam a mortuis resurrexit, Christo sui regni administrationem attribuis, aut certè nullo pacto, eum quievise, concedis. Ex quo apparet, te istorum verborum, Sede a dextris meis, &c. interpretatione tua tibi ipsi adversari, atq̄ id refellere, quod antea vehementer probaveras. Illud, quicquid tu hac de re sentias, certissimum esse debet, Christum post suum in calum ascensum, & sic postquam a dextris Dei ab ipso Deo sedere est iussus, donec ei omnes inimicos subiiciat, regnum suum per seipsum administrasse. quemadmodum non solum Apocalypsis liber, ut antea diximus, planissimum facit, sed historia quoq̄, actorum apostolicorum, maximè in iis, quæ ad Paulum apostolum pertinent, abunde ostendit. Ut nihil dicam de compluribus eiusdem Pauli & aliorum apostolorum in suis epistolis testimoniis, & ipsius Christi apud e-

Mar: 16. 19.
Act: 2. 34.

Palæolog⁹
seipsum
refellit.

vangelistas, pradictionibus, & pollicitationibus, quæ idem apertissimè confirmant.

Animus erat huius sententiæ tuæ, quòd Christus hodie quiescat, nec ipse regni sui curam habeat, ingentem impietatem, & simul maximam, quam secum affert, perniciem pluribus explicare. Sed iam modus huic responsioni nostræ adhibendus est. Itaq; satis erit, si pauca quedam hac de re dixerimus. Dico igitur, ideo maximè impiam sententiam istam tuam esse, sive, ut ante locutus sum, in Deum, Christumq; eius summè iniuriosam, quòd & Dei opus præstantissimum, in quo suprema eius erga humanum genus bonitas ac beneficentia elucet, planè tollit, & Christo honorem, & gloriam, quæ, ut præcipua, sic propria eius est, adimit. Nam in quo (obsecro) tantam erga homines benignitatem, ac liberalitatem ostendit Deus, quantam in eo, quòd homini illi Iesu Nazareno, qui Christus dicitur, quemq; aliorum hominum celesti quadam ratione in terris viventium, atq; eâ viâ ad immortalitatem contendentium ducem, ac principem ipse constituit, tantam potestatem dedit, ut eiusmodi homines perpetuò in hac mortali vita ab omnibus Satana, & mundi insidiis, atq; iniuriis tutos reddere, ac vindicare queat? Quid porro ipsi Christo vel convenientius, vel honorificentius, quam, in cælis manentem, ecclesiam suam, quæ in terris degit, regere, & gubernare, ab ipsaq; iugiter & adorari debere, & in suis necessitatibus confidenter invocari posse? Atqui hæc cessant omnia, si Christo hoc

tempore

tempore sui regni per seipsum administratio non conceditur, ipsumque quiescere statuitur. Quinimmo neque etiam Christus, seu Dei populi rex ipse est revera, si Dei populum non regit. Hinc perspicuum est, quam perniciofa sit sententia tua. Nam, si Christum non habemus, immo, si Iesus ille Nazarenus iam revera Christus non est, vana est fides nostra, & vana omnis religio nostra. qui ideo Christiani appellamur, quod Christum, seu regem habeamus, qui ex Dei voluntate nos iustissime, ac sapientissime regat, nostrique perpetuam curam gerat, donec tandem ipse opera plane felices evadamus. Atque hunc Iesum illum Nazarenum esse dicimus, a quo & vivendi precepta habemus, & immortalitatis spem hausimus. Sic enim cum ab ipso, tum ab eius apostolis edocti sumus. Quamobrem & ipse, & illi insignes impostores, & falsarii fuerunt, si id verum non est. & idcirco nulla prorsus eorum dictis fides adhiberi, nec potest, nec debet. Huc accedit, quod, etiamsi, quidquid ceteroquin Iesus, eiusque apostoli dixerunt, verissima esse credamus, nisi tamen credimus, Iesum ipsum Nazarenum, qui eadem mala expertus est, quibus nos obnoxii sumus, eiusque opem in necessitatibus nostris haud frustra a nobis implorari, summo ac precipuo infirmitatis nostrae fulcimento destituimur, quod Deus optimus & sapientissimus ad nos inter tot angustias, & calamitates consolandos, & roborandos excogitavit. ac proinde vix, aut ne vix quidem rectum evangelicæ pietatis cursum tenere possumus. sed de arcta illa sale-

*broſaq; via, quæ ad æternam ſalutem ducit, deſcenden-
tes, in alteram ſpaciolaſam & planam, quæ ducit ad
interitum, ſacillimè transgredimur.*

XLVI.

*Iam, Paleologe, crediderim, me inſignioribus
erratis tuis colligendis, & pateſaciendis, id effeciſſe,
quod potiſſimùm querebam, & te minimè eum eſſe
oſtendiſſe, cui de rebus ſacris aliquid affirmanti fides
temere adhiberi queat. Quare, eſſi multa adhuc ſu-
per ſunt inſignia errata, quibus librum tuum reſerſi-
ſti, tamen hîc ſinem te exagitan- di faciam, ſi modò
graviſſimum, eumq; multiplicem quendam errorem
tuum, qui paſſim in tuis hiſce ſcriptis deprehenditur,
priùs indicavero, & palam traduxero. Mirum eſt e-
nim, quomodo, cum tantopere in Chriſti præceptis in-
terpretandis a Racoviensibus diſſentias, & complu-
ra, quæ illi, homini chriſtiano facere, minimè licere
aiunt, tu eum & iurè facere poſſe, & debere conten-
das, ipſos tamen Racovienses Fratres appellare, &
tamquam cum iis, qui eiſdem eccleſiæ tecum ſint,
agere non dubites. Nam & alicubi diſertis verbis id
proſiteris. veluti cum in ipſo pag: 275. initio ſic aiſ,
Quare nos, ut ſciatis, à vobis quamvis in una
Dei Eccleſia ſumus, differimus, &c. 1. Numquid
(rogo) ii in una Dei eccleſia aut ſunt, aut eſſe dici
poſſunt, qui alii alios Dei mandata minimè tenere
arbitrantur, atq; ea vel facere, vel non facere affir-
mant, unde & Dei obedientia pereat, & proximi
charitas, ubi maximè oporteret, ibi minùs retinea-
atur? Quis autem erit, qui, cum audiat, te Racovien-
ſes pro*

ses pro fratribus, eiusdemq; tecum ecclesie Dei membris agnoscere, non arbitretur, eos in iis saltem, de quibus inter vos aperta disputatio non est, tecum sentire, praesertim si alicuius in religione momenti ea esse constet? Itaq; si scriptis tuis fides est adhibenda (ut caetera omittam) Racovienses, Christum hodie quiescere, nec regnum suum per se ipsum administrare, & propterea in precibus nostris eum frustra invocari, unà tecum statuere, credendum nobis est. Quod tamen falsissimum esse, ipsemet probè nosti. quippe qui nullos istius impietatis capitaliores hostes experiaris, quàm eos, qui ex eo cœtu sunt reliqui. Quoties igitur Racovienses Fratres vocas, & te eiusdem cum ipsis ecclesie esse præ te fers, toties eos gravissimè calumniaris, nec (ut levissimè dicam) quid loquaris, satis cogitas. Sed (quod turpius adhuc est) te ipsum interea nefariorum, proditorum, desertorum, insidorum, impiorum deniq; prorsus, & christiano nomine indignorum hominum fratrem, atq; consortem facis. Etenim hæc omnia, ut alibi diximus, prioris scripti tui pag: 32, & 46. iis tribuis, qui nulla ratione adversus hostes patriam invadentes arma capere, eiq; cum suorum licet salute, perniciem afferre volunt. Tales autem Racovienses esse, tu profectò ignorare non potes, qui nihil aliud agis, quàm ut eos ab isto proposito deterreas.

Agnosce igitur insignem saltem vel inconstantiam, vel simulationem tuam, cum Racovienses Fratres appellas, & in eadem tecum Dei ecclesia esse a-

is. Nemo

Palæologi
calumnia
cum inco-
gitancia
coniuncta.

Palæologo
aut simu-
lar, aut fi-
bi non cō-
stat.

is. Nemo certè erit præter te ipsum, qui, in alteru-
 trum ex istis vitiis, vel potius in utrumq; simul te tur-
 pissimè lapsum esse, non planè agnoscat, præsertim, si
 animadverterit, quot, quantasq; in ipsa quoq; re-
 spõsione, seu posteriore scripto tuo significationes de-
 deris animi tui a Racoviensibus alieni, tamquam ab
 iis, qui a veritatis, & salutis via longè absint. Potis-
 simum verò, si ea consideraverit, aut saltem legerit,
 quæ de ipsis scribis pag. 319, his verbis, ita & vos ri-
 dent homines, & tam stupida pondera terræ
 mirantur, vestris stultis, ineptis febricitanti-
 um somniis prætere Iesu Christi, sanctissi-
 mi viri, prudentissimi prophetæ, oculatissimi
 hominis, fortissimi civis, argutissimi oratoris,
 opulentissimi Regis decreta eo spreta à vobis,
 quod illa non quæritis intelligere, eo impii
 vos, quod quæ stultè & per socordiam disso-
 lutas concepistis animo opiniones, in gratiam
 Christi deponere non vultis, sed illarum Chri-
 stum facitis autorem, abs quibus opinionibus
 tantum abest Christus, quantum vos à verita-
 tis Evangelicæ via. Nec convicia hominum in
 ipsum Christum provolvuntur, sed in capite
 vestro resident, quoniam Christum pro capi-
 te habere non vultis, sed residere in vestra i-
 gnorantia cupitis, cum ipse sit veritatis Evan-
 gelicæ sapientia. *Hec scripta sunt a te non in ali-
 quo disputationis ardore, nec, cum Racoviensium
 mentem nondum satis exploratam haberes. sed se-
 datè*

datè, ac quietè, & cum iam, quid Racovienses senti-
rent, ex eorum ad tuum scriptum responso optimè
nosse posses, & porro, te nosse, planè crederes. Nec
solum, qua dictum est ratione, & tempore hæc a te
scripta sunt, sed etiam sponte edita, & antequam e-
derentur, in aliquot annos, ut apparet, pressa. ut
nulla penitus tam fœdi erroris tibi excusatio relin-
quatur. Quamquam satis est, ut omniprorsus venia
indignissimus videare, te in eo scripto hæc de Raco-
viensibus dixisse, eosq; stupida admodum terra pon-
dera esse, suaq; stulta & inepta somnia Christo as-
fingere, eius autem vera decreta ut intelligant, non
querere, impios esse, & a veritatis evangelicæ via
multum abesse, Christum deniq; pro capite habere
nolle, sed in sua ignorantia permanere velle, con-
stanter affirmasse, in quo eos ante aliquot paginas in
una tecum Dei ecclesia esse dixeras. Sed & ea quo-
q; hic describere operæ pretium fuerit, quæ ibidem de
iisdem in fine pag. 315, & seq. initio scripsisti ad hunc
modum, Dicitis nos Mosen introducere in or-
bem Christianum velle abiecto Christo, &
vos ignoratis quid & quis sit Moses, Christus,
Apostoli, Evangelium, Lex, Lux, tenebræ,
mandata Christi, patientia Christiana, sermo
crucis, carnis repagula, vindicta secundum
Christi mandatum. Hæc addiscetis si, &c. Quid
amplius de hominibus ethnicis, & Dei, Christiq; co-
gnitionis planè expertibus dicere potuisses? Hos tu
tamen homines sive una tecum, sive cum quovis alio
in una

in una Dei ecclesia esse dicere non dubitabis? Verum iam satis superq̄, multiplex iste gravissimusq̄, error tuus indicatus a nobis, palamq̄, traductus est. Quod eò potissimum feci, ne quis fortasse, tuis verbis inductus, Racovienses, eosve, qui cum illis sentiunt, ex eadem tecum ecclesia aut esse, aut fuisse suspicetur, illosq̄ impiarum, de quibus inter vos non controvertitur, quas toto libro tuo disseminasti, opinionum, & sententiarum tuarum participes esse censeat, sed te ipsum (id quod illis vehementer optandum fuerat) rem aliter omnino se habere, testimonium dedisse, intelligat. Nec sanè absq̄, Dei iusto iudicio factum est, ut tu, dum Racovienses, quanta maxima potes, iniuria afficere conari videris, summo, quo poteras, beneficio eos affeceris, invidiaq̄, ista, in quam apud pios omnes tuam culpam incurrisse poterant, quod eiusdem ecclesie tecum esse crederentur, tu ipse eos exolveris, ac liberaveris.

Quod superest, Paleologe, nihil dubito, quin meam te reprehendi, increpandiq̄, libertatem, qua in universa ipsa responsione, maxime verò in postrema hac eius parte perpetuò sum usus, egrè admendum laturus sis. Sed meminisse debes, nulla remedia (ut ille ait) que vulneribus adhibentur, tam facere dolorem, quam, que sunt salutaria. Si antiqua vulnera tua, quibus totus oppletus es, adhuc sanabilia sunt, nos profectò eiusmodi remedia iis adhibuimus, quibus sanari posse videantur. Tu modò medicamenta nostra

ta nostra ne spernito, neve abiicito. Cumq̄ nihil aliud (Deus est restis) mihi propositum fuerit, quam, ut non aliis tantum, sed tibi quoq̄, si fieri posset, aliqua ratione prodessem, hunc laborem meum, qualiscumq̄, is tandem sit, in meliorem partem accipe. meq̄ ad immortalitatem Dei beneficio per fidem, que est in Christum Iesum, assidue contendentem, si quo modo vicissim iuvare potes, iuva.

Responsionis ad Iacobum Palæologum
pro Racoviensibus finis.

Errata.

Pag: lin:	menda
7 23	lege, pro ac, atq̄.
11 5.	pro ac, atq̄.
86 11	ad magistratui, nec ne, resistendum.
238	penult: Mattheum.
520 26	pro ncidunt, incidunt.
570 17	pro portinent, pertinent.
571 12	pro διχόμεν, διχοόμεν.

Faint, illegible text at the top of the page, possibly bleed-through from the reverse side.

Handwritten text, possibly a title or section header, located in the upper middle section.

A horizontal line of text, possibly a separator or a specific entry, located in the middle section.

Handwritten text, possibly a date or a specific entry, located in the lower middle section.

Handwritten text at the bottom of the page, possibly a signature or a closing note.

LOGORVM SACRÆ SCRIPTVRÆ,
 quæ in hoc libro partim illustrantur,
 partim explicantur, INDEX.

Gen:			Dan:		
Cap:	ver:	pag:	Cap:	ver:	pag:
4	10	315	7	9	175
5	24	540		13	
<hr/>				22	
Exod:			Mat:		
23	4	135	2	23	73
<hr/>			5	22	324
		1 Reg:		25	451
17	1	356		26	436
<hr/>				37	216
		2 Reg:		47	326
1	10	356	6	19	} 519
<hr/>				24	
		Iob:		23	506
12	12	} 175	10	24	25
15	10		12	29	282
23	6		16	28	504
<hr/>			17	24	} 515
		Psal:		25	
110	1	580 & seqq.	18	17	335
<hr/>				18	470
		Prov.	19	8	199 & seqq.
25	20	136	22	7	489
<hr/>					

Cap:	ver:	pag:
23	7	178
24	4	570
	5	

Mar:

70	3	77
75	43	394

Luc:

3	74	385
6	30	124
		434
9	5	317
10	4	326
17	3	} 452
	4	
18	7	319
22	36	420
23	50	394

Ioh.

5	20	194
	39	562
	45	317
6	32	78
7	7	318
		437
	19	} 72
	22	

Cap:	ver:	pag:
9	27	35
10	16	500
15	20	25
17	3	560
18	23	450
	36	495
20	23	470

Act:

2	23	478
3	13	22
4	19	143
	29	320
5	29	143
6	2	523
7	38	77
13	10	330
17	30	527
23	4	330
25	10	444
26	15, &c.	527

Rom:

6	23	560
8	34	289
12	19	317
13	6	389

1 Cor:

BIBLIOTHECA



JAGELLONICAE

Cap:	ver:	pag:
1 Cor:		
5	4	335
		338
	10	367
6		459

2 Cor:		
1	17	263

Gal:		
1	4	368
3	24	293
5	6	10
6	14	368

Ephes:		
2	13	495
	14	549
4	20	10
6	12	139

Phil:		
2	6	282
	15	46

1 Tim:		
2		335
5	8	369
6	8	520

Tit:		
2	11	289

Cap:	Ver:	pag:
Hebr:		
2	17	579
4	15	} 579
	16	
7	19	556
	23	289
8	6	556
11	5	540


Iacob:		
5	12	216
		262


1 Pet:		
2	12	46
	23	315

1 Ioh:		
2	3	10
5	16	328
	11	560

2 Ioh:		
	11	526

Apoc:		
5	5	17
		283
6	10	315





Biblioteka Jagiellońska



stdr0010288

